


Boga New Testament Portion



Portions of the New Testament in the Boga language of
Nigeria

Boga New Testament Portion

Portions of the New Testament in the Boga language of Nigeria

copyright © 2023 The Seed Company in collaboration with Language Developpecs and Bible Translators Association

Language: (Boga)

Contributor: Language Developers and Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 10 Sep 2025 from source files dated 2 Jul 2025
7ff1e4ab-f55d-5b63-a0cb-c9c683f93166

Contents

Markus	1
ACTS	25
1 KORINTIYAWECHA	63

Kwascha Laulawadi Yarat Markus

Yohanna læ Sæt Baptima Tahsanda Banda Yæso di

¹ Leya kweshcha shundæ kæ dar Yæso kæræsti hweya Fara.

² Nda i yarandæ tapænæa Ishaya hi tæ ndatwa: "Ni thlæn læ thlænð mban le na tahsanda mbandeku di.

³ Burata nifæ le naka atfata hur loktara, le naka ndatwa tahsan mbanda læ Mwanda di kæ pupwenangnguni mbachikæn'en hi."

⁴ Bak Yohanna nakna basæ hur loktaræ tæ ndatwa: "Chikawuni kætæræhi kæ sangfichæ Baptisma kæ kalang fichæ bæbichitfechi'enhi."

⁵ Nat nofchi Yahudiya tæ Urshelima dæknda bæð'en tærkændæhi sæn baptisma kanda a suhwad Urdun.

⁶ Yohanna njela'en pom ngelupa kænæn mumi'en tæ poma, dæsæmtæ'en mbecha tæ dæcha.

⁷ Ndakænwa yuna bæta diffitæna le nak mwanchin mæ njang chika sahæt pahæmchi'en sækwi kæ koppihi kæ kwasayihwa.

⁸ Saayi Baptisma kuni tæ ama pad nakna sæt ikæn tæ Chidchid chit Shemeda.

Sa Fichæ Baptisma Yæso

⁹ Hanmunchiniyu bak Yæso thlata Nazarat a thlet hæmæt Galili. Yohanna sæn baptisma a suhwad Urdun.

¹⁰ Nak Yæso cheta kisha hur ama chatkichuyu nakæn in'afshi hi bak Shemeda Fara hai kæ dar indi'en nda ngungwidnga.

¹¹ Sækkæ nofchæ burata a afshi tæ ndatwa: "Sokæn naka hwe'engna le yahti pad lela sækti mbænkænfa."

Kækada Shedan Yæso

¹² Chatkichuyu pækkæ Shemeda Faræ ndæ kæ hur loktara.

¹³ Mundæ kumchit fwadæ Shedanna kækadanda a hur loktara. Mæla hur loktara tæ dæ hæmæmcha nak mala'ika Fara kæssandæsi.

Tirke Yæso Tora Galili

¹⁴ Diffitækæn kæsang fichæ Yohanna, bak Yæso kæ hachahai Galili nakna basæ kweshcha shunda Fara.

¹⁵ Ndakænwa: "Bæð hanmunchækæn nduk. Fara yehsæ chedanda kuni wa kutur nakæn. Chikawuni kæ tæræhi, færam kit kæ kwescha shunda Fara."

Ed Yæso Tærka Kimshechi'en

¹⁶ Nak Yæso bærtæhi tæ mi suhwad Galili, nakæn Siman tæ Andarawus hwanman Siman kanda muh langtanganga kæthlæm fa tumchæ naknda.

¹⁷ Ndag Yæso kandæwa: "Kuramnji ni sandækuni kæfa bæ tæ nofcha mbæðengna."

¹⁸ Chatkichuyu malangndæ tum tincha kurækændændæ.

¹⁹ Nak Yæso witæ kæ bæan, nakæn Yakubu hweeya Zabadi tæ Yohanna hwanmankæn a hur kommbawal, kanda tahsanda langtangchengnanda.

²⁰ Aæn kanda malkændæ shinnandæhi, Zabadi hur kommbawal tæ tahæt fa torcheng nanda kurækændændi.

Yæso Riktæ Bæbi Shemeda

²¹ Baknda Kafarnahum, bak faræ yipta Yahudawecha, yimkæ Yæso bæt humta Yahu-dawechihi, nakna sakanda kandæhar.

²² Shekda ng i'ndæ kandæ tæ witæ sakiniyu, nda nifæ sækkæsi, nga nda malndæmcha thlahbæt Musa wa.

²³ Nifæsa hur bæt humta Yahudawechikænhi tæ bæbi Shemeda fa hwakæn,

²⁴ ndakænwa: "Mæ kæmukæ tæ kani Yæso læ Nazarat ta? Baku kæ tækangnæ kanihiwa? A shini ndu wunnaku. Sokæn naku Chidchid le bæka mbæda Fara."

²⁵ "Bokang Yæso bæbi shemedkænhi ndaænwa ngasæ bæ, chukisha fat'en!"

²⁶ Bæbi shemedkæn nakna saktanda mæla hwata cheknakisha fat'en.

²⁷ Pæðang ænatkæn nofchækænfa sahangndæ ndani witæ mæ leya? Yuwa sakanda di tæ sæktsiwa? Ndagnga bæbi shemedchækænwa kæ chendakish pad sækkændændi.

²⁸ Kusheng i sæt Yæso yu sækkæficha a hachahai Galili nat.

Kænna Yæso Nofcha dæ oi

²⁹ Diffitə chendengnanda kisha bət humta Yahudawechihi, pəðang Yəso tə Yakubu tə Yohanna kə hura'a nda Siman tə Andarawus.

³⁰ Nak thlabər Siman hahchin hafat kakənnda, chatkichuyu bwa'angnda Yəso.

³¹ Dək Yəso bəsndi kəskən har'en thlaən, chat kənkəna dadi nakna sət tor dəsəmta.

³² Diffitə həmta farəhi ngomang ndə haacha tə fa bəbi luwurcha,

³³ Nofchi hur həmətkən ngomkənda kish kə mi hura'a,

³⁴ Kərang Yəso hachəkənadi tə fa bəbi luwurcha, pad malawutə fa bəbi luwurchəkən kə shuwundəwa kəthləm shinnəndi.

Pidet Yəso Hwanda Bədi Nguchit Nifəsi

³⁵ Thlaakəna bingtə tung, mwee bət shumma kə bət nguduk ka hwanda.

³⁶ Siman tə tahət nofchəkən naknda katndi.

³⁷ Mbəsangnda, ndangndəwa: "Chikawun məla kassa."

³⁸ Ndagang Yəso kandəwa: "Tama hwanhəmchi naka ban, kənni basa pənniyu pad ndəkən cheka bat tə nji."

³⁹ Wu'yaən hachahai Galili nak na basa bət humta Yahudawechihi nak na chandə bəbi luwurcha kish.

Kəna Yəso Nifə tə Tarkwinda fa

⁴⁰ Bak nifə tə tarkwinda fa, kopkənhi nakna hwanandə tə ndatwa: "Ma yehnəsi kənītəna dadi."

⁴¹ Hadaən Yəso fa, təkə'ən harfa, ndakənwa: "Yehisi kənu dadi."

⁴² Chat kichuyu yimkə tarkwiinkənhi kənkənadi.

⁴³ Ndagang Yəso wa pədu kə mbwa'ana nifəwa,

⁴⁴ "Mbwa'ana chikawunwa, pədu du chədan fadə ku Pərist kə fərnə i la fərtə ficha ma kənafichə nifa dadi nda ənnənə sakandə Musa kuni har yu, kə sokka ənnat səndəwa kinnadi."

⁴⁵ Pədakən nakna mbwa'anda nofcha nakna fanandə shuwunkənhi ka'ən, kəthləm ndəkən Yəso mbəla'utə kaləfathi a thlet hwanhəmchəkənwa. Pəndakən kə bət nguduk, pad nak nofcha bata mbəd'en chika tə teni.

2

Kəna Yəso Nifə le Saka di

¹ Diffitə hwanmunchəkən dīmek, ngərang Yəso in kə Kafarnahum, səkkə nofchəwa məlahuri.

² Bak nofchə oi, pad mwa'u bətsəwa taa kə mikənnda, məlan pad nakna basa pathla Fara kanda.

³ Ndəkən bat nofcha mbəd'en tə tərəd, nofchə fwada tərəkəndi.

⁴ Mbəsundə bət kə thləmatkən ndukwa, kəthləm yakat nofcha tərəkəndə tə dar kətənkən, pahangndəhi fərkəndənda hai kə mbanitə Yəso a dar bət hunat'en.

⁵ Nak Yəso fər kitchidəngnandəhi, ndangna le sakadiyuwa: "Hweya kalu ficha bəbifechekuhi."

⁶ Məldəmchi fərkə kit kə kussa Musa yu nak dədassa mbənniyu naknda yarandəhi hur hanndəkikecheng nanda.

⁷ "Kəthləm mi nat nifiya shundə kichuyu? Mbwitə i nguchik keeke kə bəda Fara, wunla kalang bəbichitfata nifəhi manga Faruwa?"

⁸ Tangtang nəd Yəso hi hur shemed'en i nannda yara, ndangna kandəwa: "Kəthləm mi natuni yarə kichuyu hur hanndəkikechengnuni?"

⁹ Len nak pə'pə i? kə ndangna le sakadiyuwa kalufichi bəbifandekuhiwa ndu kəndəngnəwa thla'u tərū bət hunadəku kə wii nə witekuwa?

¹⁰ Kəthləm kəsənuniwa alchita hweya nifəsi kə kalən bəbifathi a hur kishi'iya, ndangna le sakadə təkənwa:

¹¹ "Ndukiwa thla'u tərū dəngleku kə pədana dadi kə hure'eku."

¹² Thlaakən tukwas tərəkən ndənglə'en cheknakissha hur hurəkən, banitə chikawuni, shekndang ində kanda naknda mwanandə Fara, ndangndəwa: "Tamwuma nat ən kichəyawa."

Ed Yəso Lawi

¹³ Ngərkən chetakish pad kə mi hawurta, bak ngom nofcha bəd'en, pad sakangnakandə har.

¹⁴ Nakna mbərtəhi, nakən Lawi hweya Halfa dəs bət thlət chamta, ndaənwa: "Kurunji" thlaakən kurukənndi.

¹⁵ Nak Yəso səm'əna a hurhura'a Lawi tə fa thlət chamcha tə fa bəbichitfata, tə kimshechi'en kəthləm nofcha ka'en kurukəndi.

¹⁶ Kə nat maldəmcha fa sakandə ndelwercha Musa di fichile naka Farisiyawecha, Yəso mələ səm'ən tə fa bəbifecha, tə fa thlət chamcha, ndangnda kimshechi'enwa kəthləm mi natna səm'ən tə fa thlət chamcha pad tə fa bəbifecha?

¹⁷ Kə səktə Yəso kandə kichuyi, ndangna kandəwa: "Nofchi nak ngwalngwal hi, kəwawu ən kandə tə lə fər hanbəbaawa, fichile nak hahchin na kanndi. Buwi kəthləm kə i fichile fərka kitwa, baki kəthləm fa bəbichitfata".

Sahhami Yəso kə Dar Cherə Ama

¹⁸ Nakənya kimshecha Yohanna tə Farisiyawecha kanda cherə ama. Bak nofcha mbəda Yəso sahangndəwa: "Kəthləm mi nat kimshecha Yohanna tə i Farisiyawecha cherə ama pad ichiwa kanda cherə amwa?"

¹⁹ Ngəməng Yəso wa, təkənənət səmat pera nata thləmat shikechikən kənnda cherə ama? Ngu nat kichuwa, ma mwe səmat perəkən tə kandəwa.

²⁰ Hanmunchəkəna bata le nat fīcha tərəndə səmat perəkəna thləmannda farinəyu nanda cherə ama.

²¹ Nifəsi na bumandə yuwa njela'a tə dōhət njelaawa kəthləm ma shid kichu na dōhət njeləkəna thlahtadi ka'en.

²² Nifəsi na thlər yuwa am innabi kə hur dōhət kupat wa, kəthləm nan fəta di pad nu kuḃat i hurkənyu tə kupatkən nat. Kəthləm dəkən naku thlər yuwa am innabi kə hur yuwa kupata.

Yəso Ləmwanda Məlan na Farə Yipta

²³ Farəyipta nak Yəso bərtəhi tə hur hitə hwarma, nak kimshechi'ena bwerət hwarəm kənna mi.

²⁴ Ndag Farisiyawechəwa: "Nu, kəthləm mi nannda sət i ngəmwuchit kustəkən kə səfīcha farə yipta?"

²⁵ Ngəmaən kandəwa: "Tamwuni changngandəwowa, i sət Dauda yakhən dəsəmta kəthləm mitafi'en, kandaş tə nofchi'en fichile naka thləmatkənwa?"

²⁶ Yim kəna kəten mwanandə Fara a thlahbēdi nat Abiyata kə kapat Pərist, chiikən njohmi tahsandə fichihi kəthləm kapat Pərist le kamuchiksi kə chii nifə somənwa, kapat Pərist ndak kamkəsi kə chi'en. Pad fərangna fichile naka thləmatkən yu.

²⁷ "Ndag Yəso kandəwa, sək fīchə Farəyipta Yahudawecha kəthləm nifa, su fīchə nifa kəthləm Farəyiptəwa."

²⁸ Kəthləm ndəkən, Hweya Nifə məlan naka Ləmwanda nat tə i Farəyipta."

3

Nifa le Sat Har'ennadi a Kafarnahum

¹ Farə le yimkə Yəso bət humta Yahudawechihi, nakən nifa le sat har'enadi.

² Nak nofcha kələndə ndu na Yəso kənandafadi farə yipta kəthləm kə mbəsndə i nannda tərəmiyafa

³ Ndag Yəso le sat har'ennadiyuwa: "Thla'u thlaru mbanitə nofcha."

⁴ Sahang Yəso kanda: "Mə mbutə kustəkən kəsəfīcha Farə Yipta? kafatwa ndu bəbichitfatwa, kə həkang fīchə shishshintəwa ndu kə bəlang fīchəwa?" ngaskəndə shetəta.

⁵ Kəlang Yəso kandə tə səb hur ka'en kəthləm kwaakwaachit hanndəkikechengnanda. Ndaənwa: "pupwanan harekuhi." Pupwanaən hi kənkənadi.

⁶ Chek Farisiyawecha tə wesha kə bənda nofcha Hiridus kəthləm kə tahsangndə mbayihi nannda bələndə Yəso.

Nofchə oi Kurəkə Yəso

⁷ Thlaakə Yəso tə kimshechi'en kəmi hawurta, kurəkə nofchə ndə oi thlata Galili nat tə nofcha Yahudiya,

⁸ səkkəndə ichi nat nanna sətta, yakat nofchə ka'en bəknda mbəd'en, thlata Urshelima, Edom tə hachahai Urdun taa kə Taya tə Sidon.

⁹ Kəthləm rahanda njekthlə-njekthləchitta nofchihar, ndangna kimshechi'enwa dama kələm han kommbawal har ərta, kəthləm tərə nofcha məninda təkaharfa.

¹⁰ Kənənnə nofcha dadi oi, nat fa hafecha nangnda bahtə nduk kəthləm kə mbunangndəharfa.

¹¹ Chika kwat nat bəbi shemechikən ndi chat kopkəndəhi kanda kukwara ndangndəwa: "Sokən naka hweya Fara."

¹² Tiidaən thləmechengnanda kə mbwa'anda nifə ndu wunnakənwa.

Ted Yəso Kimshechi Kumngərənsə Chap

- ¹³ Tərkəna dargwiya akən fichile yahtən bəknda bəsndi
¹⁴ Tədkən nofchə kum ngərənsə chap akən kəndəwa kimshechi'en fichile na nat təndi, bəhnan la thlənkənda kə dənda basa.
¹⁵ Paɖ nuni mbəs alchit chandə bəbi luwurcha kish.
¹⁶ Fichile tadtən kum ngərənsə chap yu, Saminu (le dəfandənwa Bitrus),
¹⁷ Yakubu hweya Zabadi tə Yohanna hwanmankən (le dəfandən paɖwa Buwanarjis sakətkənwa hwecha bok era"),
¹⁸ Andarawus, tə Saminu, tə Filibus, tə Bartamalawus, tə Matiyu, tə Toma, tə Yakubu hweya Halfa, tə Taddawus, tə Saminu lə Kan'anata.
¹⁹ Tə Yahuda Iskariyoti le hi'yang Yəso di.

Yəso tə Ba'alzabul

- ²⁰ Chat pəɖak Yəso huri, ngərkə nofcha ngomtə oi, mələn tə kimshechi'en bəsundə har səm ndəsəmtəwa.
²¹ Kə səktə nofchi'en dəknda kəsanda kəthləm nofcha ndatwa: "Təraa luwurcha."
²² Məldəməchə fa sakandə dəlwercha Musa di, fichile baka a Urshelima ndangndəwa: "Kutur luwurchə naka fi'en paɖ tə alchita kutur luwurcha la rəktən luwurcha kish."
²³ Ak Yəso kanda, shuwunkən tə kanda hur sakətkən, ndakənwa təkəni nat shedanna bəla kətanə shedanna kish?
²⁴ Ma shek kuturichithi chap, kuturichitkən ngu soktəwa.
²⁵ Kichu paɖ ma shek huraahi chap hurəkən ngu thlarəwa.
²⁶ Shedən ma thla'ada fat'enfa kəssakənhi ngu bəla thlarəwa kəthləm ndukwat'en baka.
²⁷ Kitchitkən nifəsina bəla yimta hura'a lə alchit kə herka'ənwa, manga tə kənaən lə alchitkənhi kana mbəla herkanəwa.
²⁸ Kitchikən təni mbwa'anda kuni nat bəbifechi sət nofcha na ficha kalandakandəhi tə chika wun njirfat sətnda,
²⁹ Chika tə kichu le njirkə Chidchid tə Shemeda ngu ficha kalandəhiwa nakna nat kəla bəbichitfat kə pware.
³⁰ Mbukə Yəso kichu kəthləm lə ndangndəwa: "Bəbi shemed'ensi."

Man Yəso tə Hwanmanchikən

- ³¹ Bak mankən tə hwanmanchikən thlərkənda kish, thlənkəndəwa kəban.
³² Yakat nofchi tauranghiyu shuwunkəndə tə ndi ndangndəwa, yatu tə hwanmanchiwa kanda katsa kish yehndə sa natsa.
³³ Ngəmaən kəndəwa: "Wun yaa tə hwanmanchina?"
³⁴ Təbəkənhi tə bəda fichile das yu ndangnakandəwa: "Nam kəndəya fichileya naka nda yaa tə hwanmanchina"
³⁵ Nat le sək i yahtə Fara mələn na hwanyaa tə yaa.

4*Sakətkən tə la Həfta*

- ¹ Paɖ tərkaakə Yəso sakandəda mi kapat hawurta ngomkə nofchə ka'ən, tərkəna hur kommbawal sokkənhi kə hurkən, nofchə oi a mi chicheng hawurkən.
² Nakna sakandakandəhara a hur sakətkən tə ndatwa.
³ Səkama! chek lə hudata kish ka həfta
⁴ Nakna weshə witəkən, funə witəkən həmkənda hai kə hur mbanda, bak handishcha chathlanda.
⁵ Funə witəkən paɖ həhatkəndəda ɖar fufurta bəɖi nguchit furtəsə diichin, tifkənda kish ledled, kəthləm ngafurtəsə ɖarkən diichinwa,
⁶ Təkkə hwatfarəhi, lifirkəndədi kəthləm nga thlorə'ensə diichinwa, hwarkənədi.
⁷ Paɖ funə həhatkənda hur ndahcha, mwankənda paɖ njekthlang ndahchiyu bəla'utə sət hwechafuwa.
⁸ Funə paɖ həhatkəndəhai kə hachahai diichin mbulkən səkən hwechafa, funə kumchit məkkan, funə kumchit tehwheth, funə paɖ kumchit kum.
⁹ Ndak Yəso wa: "Le nat thləmat səktə'ensi kə səkkən."

I Sək Fərtən Sakətkən

- ¹⁰ Nak Yəso ichtkən, fichile nduk təndə tə kimshechi'en kumngərənsə chap, sahanndə sakət shuniniyu.
¹¹ Ndangnakandəwa: "kunang ngəmaficha kunisi kə sənnuni i naka buɖweeta hur mwanda Fara, fichile nguchika hurnuni, chikamə naki mbwa'anda kanda hur sakətkən."

¹² Nanda kəllathi kə kəllathi chika kichu ngunda natwa, kə kandə thləmathi kə kat thləmathi chika kichu ngunda səktəwa. Kəthləm ma shidndə kichu nanda təbətəhi bənda Fara kə kalang fichi bəbichitfechengnanda kandəhi.

¹³ Ndangnakandəwa, awi sənwuni sakət shuniniyuwa? Nakuni sən yakat sakchikənwa kənni?

¹⁴ Lə hudaḍiyu hiḥtə shunda Fara.

¹⁵ Fichile həhatkahai kə hur mbandəyu, kandang naka sakət fichile həḥtə fichə shuwunkəna hanndəkikechengnandəyu, kə səktənda chat kichuyu bək sheḍanna thlandə kandəhar.

¹⁶ Kichu paḍ hanwitə həḥtə ficha hur fufurtəyu, kandang naka fichile səkkə shuwunkən thləkndə tə mbənfata.

¹⁷ A nakən sutə thlora hanndəkikechengnanduwa, nga alchindengnandəsuwa, ma yimnda hur bahtə kəthləm shuniniyu chikndə hansarəhi.

¹⁸ Funə paḍ kandang naka sakət fichile həhatka hur ndahchiyu, kandang səkkə shuwunkən,

¹⁹ paḍ ənət kishita tə kənecha tə yah icha kishita, yimkəndəsi njaən shuwunkənna kanda suwa kweshchaənwa.

²⁰ Fichile həḥtə ficha hur furtə ḍiichinyu kandang naka sakət fichile səkkə shuwunkən thləknda, səkndə torsi mbəskəndə chekətkən, funə kumchit məkkan, funə kumchit tehhweth, funə kumchitkum.

Tikesha le Supwandə Fichə tə I'nafta

²¹ Dək Yəso mban tə ndanda kanduwa: "Mələpakaa la bək fichə tə tikesha huri kəthləm kə supwang fichə tə i'naftəwa, manga kichuwa kə ḍəffichəhi kəka bət hunatwa? le bəatunitəkən kəthləm kə ḍəffuni kə bəḍi la ḍəḥtəfichəwa?"

²² Ənsənaka buḥweetə nguchit ficha chandakishwa, ənsa supta nguchit ficha kwallan-dandəwa.

²³ Le nat thləmat səktənsi kə səkkən!"

²⁴ Paḍ ndangna kandəwa, ḍəffam i'ndəsi, kə ḍar ənənə səktuniyu, soməḍi kəkəḍtusi, tə ndəkən nat ficha kəkəḍutəsi.

²⁵ Kəthləm le natən'ensi, məlan nat ficha chekanda, le nguchitən'ensi paḍ chikale naka har'en na ficha thlandəhar kə chekang ficha le natənsə'en.

Sakət Tifta Wita

²⁶ Ndakən paḍwa: "Mwanda Fara nakən nda nifə weshkə witə'enna hachahaya.

²⁷ Kə hunanhi kə thlaən tifikə witəkənna kish, mwankən, sənūtə ndu səkən kəniwa.

²⁸ Furtə tə i'ndə'en la bəlaəkən mwanandə hwarma paḍ kə bələn, sən hwechafa.

²⁹ Ma nihidi hwasəən tə chelta, kəthləm shee thlahbət nəhata'en."

Sakətkən tə Hwan Musdad

³⁰ Ndakən paḍwa, nakma kəkəḍandə mwanda Farə tə mi? Manga kichuwa witə sakətni natma kəkəḍandəfa?

³¹ Nakən nda hwan musdad, le nak ngudeh a hur ichi la həḥtəficha hachahaya.

³² Chika tə kichu ma həḥtə ficha, nan mwanda kə mbəranka tahət afchihi hur hitəkənyu, njarkənhi ka'ən paḍ kana handishcha sokta kaaḥtə'en.

³³ Tə sakət shuwunchə ka'ən mbutə Yəso shunda Fara, kə sərət səndengnanda.

³⁴ Mbwa'autə shunda kanda nga tə sakətkənwowa, paḍ maməlan ichitkən, la mbwa'angna kimshechi'en chikami.

Yəso Bokada Kapat Rənnaahi

³⁵ Farəniyu sək farəhufuta, ndangna kimshechi'enwa: "Chamən hawurkən kə mi chicheng le taatəyu."

³⁶ Malkəndə ngomnofchikən diffi'in, pəḍakndə tənda hur kommbawal ichitkən, paḍ kurəkə tahchikən kanda.

³⁷ Ndəkən thlatə husomba tərənna ka'ən, nak rənnikəna həhrandə kommbawal təkən, nak ama hasa hur kommbawal təkən nda nan nəhata.

³⁸ Yəso paḍ mələ hur kommbawal təkən a ḍar bət sokta mələ sabweni, nahnang kimshechi'en ndangndəwa: "Maldəm, nəma təkətəhi, kəmmuwowa?"

³⁹ Nəhənkən, bəkannga rənnikənhi, ndangna rah amkənwa: "Thlarruhi! kə ngasənə kəmma!" Ndəkən thlartə rənnikənhi shəyyet.

⁴⁰ Ndangna kimshchi'enwa: "Kəthləm mə lechituni kakəchiuyu? Paa kənəkənya ngafərkit engnunisəwowa?"

⁴¹ Lechitndadə kaka'ən, ndangndandaniwa: "Witə nifəməkicheya, rənna'a tə ama kanda fəra mwanda?"

Kəna Yəso Nifadi, le Nak tə Hafat Bəbi Shemedə fa (Matt 8:28-44; Luk 8:26-39)

5

- ¹ Kə chandəndə suhwadə kə hachahai Garasinawechea.
- ² Kə tərətə Yəso haya hur kommbawal, thlaakə nifa le nak tə bəbi shemedə, mbət shok tən mbət thlohurcha bakna mbədə Yəso.
- ³ Nifəkən kwatmurcha naka mbət shoktən, nifəsi la mbəllakkə kənnanduwa chika tə chalalochiwa.
- ⁴ Kəthləm kurbafichə kənnandə harchi'en tə sarəchi'en tə chalalocha, nat təkichu dədahaən chalalo təkənnada sarə'en. Nga nifəsi tə alchitafa la mbəllakkə kəssandəhiwa
- ⁵ Nda fidikta tə fara la nakna kwat murchə tə dar shohlacha kənnə nata tit ka'en, pad kənnə bursa ndə fat'enadi tə ngwicha.
- ⁶ Kə natən Yəso langnga, paakənsi tə rahta dəkna həmta mbanitəkən.
- ⁷ Hwakən tə alchit tə kapat burata ndakənwa: "Mə natu sətə nji, Yəso hweya Fara le nak mwanchin? A humudi tə Fara, mə fərinə pwanchiuwa.
- ⁸ Mbukən kichu kəthləm nda Yəso wa: "Chukisshafata nifiya sokən bəbi shemedə."
- ⁹ Ndəkən sahandə Yəso wa: "Thləmmuwa kəni?" A ngəmmanwa: "Thləmnəwa terchin, kəthləm nakani oi."
- ¹⁰ A hwanəən Yəso tə ndatwa: "Mə rəkinə kanda mbənniyuwa."
- ¹¹ Kəthləm mbənniyu kapat chaba katuchisi naka hərimtə nduk tə shohlata.
- ¹² Bəbi shemechiyu hwanangnduwa: "Kə malaən kanda kə yimnda hur katuchiyu."
- ¹³ A ngəmmang na kandəsi. Thlaakə bəbi shemechiyu chekndakish, yimkənnada hur katuchiyu, katuchiyu shee ndə aru kumchit chap (2,000), a rah kənda ka həhhatta hur hawurta, təkəndəhi nat ahur ama.
- ¹⁴ Kə nat fa hərəm katuchiyu kichu, rah kənda ka mbuta həmta, tə han həmchikən chek nofchakish ka nat i səkka.
- ¹⁵ Kə batnda thləmmat Yəso, nak ndə nifi nak soh tə bəbi shemecha fəyu, das tə njelecha fa məlla hur idi'en thlaakənnada lechik nda.
- ¹⁶ Fichile sət fichi ənnat kənnə hwaniteng na ndəyu, ndəkən chekandəndə dwaachik kənnə kanda, i kəs kə lə bəbi shemediyu tə katuchiyu.
- ¹⁷ Thlaakə nofchikən hwanang ndə Yəso kə mallən thlet həmteng nandə hi.
- ¹⁸ Kə nat Yəso yimta kommbawal, nifi soh nak tə bəbi shemedi fiyu hwanəən Yəso wa nan dəkakən.
- ¹⁹ Nat tə kichu Yəso ngəmmawusuwa, ndaənwa dū huri kə mbədə fahchuwa, kə mbwa'angna kanda witə pəktat ichi sutə Ləmwanda tə hadi hadandufa.
- ²⁰ Thlaakə nifiyu pədakən dək na nata mbu i sandə ficha Dikafolis sakkəkən həmchə kum witə pəktat i chi sandə Yəso. Uf nofcha pəđang ənnatəkən kandə fa.

*Kənnə Yəso Hweya Yayirusa di
Tə Nuhnifa le Nak tə Hafat Thlərəwara fa
(Mt 9:18-26; Lk 8:40-56)*

- ²¹ Yim kə Yəso hur kommbawal chəən kə mi chicheng le, bak nofchi oiya kətwurangndəhi məllan pad məlla mi chicheng hawurkən.
- ²² Yünəsə ərta naka kapat nifa a mbət humta Yahudawechihi, thləmkən wa Yayirus. Kə natən Yəso himkənhi mbanitəkən,
- ²³ nakna hwanandə ka'en tə ndatwa: "Hwe'engna le nak ngudeh, kə nuhhweya məlla miya murta, nja hwanuta tama kə dənna təkaharfa kəthləm kə kənkadi."
- ²⁴ Pəđak Yəso təndi, kuwurkə nofchi kandə oi nangnda njekkathləndi.
- ²⁵ Nuhnifəssa mbənniyu hurak kum ngərənsə chap tə hafat thlərəwara fa.
- ²⁶ A sheetə pwanchə oi a hara fafər hambəbecha, tuhwadə i nak sə'en nat, chika tə kichu mbəsutə səmməchitwa hafatkən nakən kəmban kəmban.
- ²⁷ Kə səktən kussheng Yəso, dəkən tə dīfitəkən tə hur terə nofchiyu təkə'en hara njela'enfa.
- ²⁸ Nak na yarəwa: "Matəkadi hara njela'enfa ni kəndadi"
- ²⁹ Chatkichuyu thlərkə thlərəwarkən hi, səkkənsa fat'enwa kinadi.
- ³⁰ Chatkichuyu səkkə Yəso chef alchəta kishsha fat'en, təbbərkən hi hur terə nofcha ndakənwa: "Wun təkang hara njele'engnə fa?"
- ³¹ Ngəməng kimshechi'en wa: "Sa nat nofchə njekthlənjekthla, kanna ndatwa, wun təkukə harfa?"
- ³² Kəlak Yəso hi kəthləm kə nan ndu wun təkang harfa.

³³ Nuhiyu kə səntən i səka fat'en lechikən, bakna mbəsndi kopkənhi mbwaən nat kitchit i'səka.

³⁴ Ndaənwa: "Hwe'engna, fərkitchideku kənudadi. Pədu ngwalngwal, kinhafadekudi."

³⁵ Məlla dar shunda chat bak funa mbəda Yayirus kapat nifa ndangnduwa: "Hwe'eku teppa miri! mə sək natu bahandə Maldəm padī?"

³⁶ Nattə kicchu Yəso dufutə i'nda i nannda mbutuwa, ndangna kapat nifəkənwa: "Məlechinuwa, so kən fəru kit ndak."

³⁷ Malaütə, chikka wun kə kurən ndəwa tərəkən Bitrus tə Yakubu tə Yohanna hwamman Yakubu.

³⁸ Kə saatənda hura'a Yayirus kapat nifa, nak Yəso nofcha kanda tita funa hwata.

³⁹ Yimkənna hurikən, ndangnakandəwa: "Kəthləm mə natuni tita kə nuni nata hwata? Nuhhwaniya məruwa, tənakasəweni."

⁴⁰ Nangnda masanda masə njirfata. Chaən nofchi kisha hurikən nat, akən shin hwankən tə mankən, tə kimshechi'en fichile naka thləmmatkən, yimkənnda mbədi nat nuhhwaniyu.

⁴¹ Kəskən har'en ndaənwa: "Talita kumi." (sakətkənwa: "Hannuhhweya, ndakiwa thla'u").

⁴² Chat kichuyu thlaakə nuhhwaniyu nakna witahi. (hurat'en kumngərənsə chap). Nofchi naka mbənniyu pədag ənatəkəndəfa.

⁴³ Kahang Yəso thləmmachengnandə tə ndatwa mə səni nifə isəkyawa, fəramən dəsəmtə kə səməən.

6

Cherfichə Yəso a Nazarat

(Matt 13:53-58, Lk 4:16-30)

¹ Malkə Yəso mbənnihiyu ngərəən inna həmtə'en, kimshechi'en pad kuwurkəndəndi.

² Kə saatə fərə yipta, tərkaakən sakandəda mbət humta Yahudawechihi. Nofchə oi naka kathləmmata, pad pədag ənatkən kəndəfa nakndandatwa: "A'ai mbəstə nifiya witə ichiya? witə sənmə fəra ndə fichə kicheya? batna nata sət ənat sheka i'nniya?"

³ Leya nga məllan naka lə kukwat ichiyuwa, hweya Maryamu hwamman nda Yakubu, tə Yusufu, tə Yahuda, tə Siman? Hwamman chikən kə nishcha nga kəndang ni thləmmat nəm yawowa?" Cherkəndəndəfa.

⁴ Ndag Yəso kəndəwa: "Tapəna'a bahutə mwanduwa manga himtə'en tə hur hwammanchikən, tə hur hura'enwa."

⁵ Yəso mbəla'u tə sət tər ənnat fər sheka i'nda mbənniyuwa, kənaəfunadi dīmek hur fichile nak hahchin tə dəffa hara kanda in.

⁶ Pədag ənatkənfa tə bah fər kitchədegnanda. A wu'yaən han həməcha, nakna sakanda kəndə har.

Thlin Yəso Kimshechi'en Kumngərənsə Chap

(Mt 10:5-15; Lk 9:1-16)

⁷ Akən kimshechi'en kumngərənsə chap, thlinkən kanndə chap chap, a fəraən alchita kanda i rək bəbi shemecha.

⁸ Bokang na kəndəwa makunna pədata mətəriduni ən inwa, chika dəsəmta, chika yokta, chika dəngla, chika handəbəltə kə hur kwandangchengnuniwa, səssəl ndak natuni tərta.

⁹ Tə pad kə puni pahamcha, mə hummaduni njelaa chapwa.

¹⁰ Ndagna kəndə padwa: "Uf huri'i yimtunisi, kə sokkuni mbənniyu kə farinatuni thlata.

¹¹ Uf mbədi cher tə ndə kuni pad kawundə thləmmata kuniwa, manuni pədata, kə təppanguni tənayida sarəchengnuni kəthləm kə sokka ənnat sinnda dar inndengnanda."

¹² Pədagda natabasanda nofchisi tə ndatwa kətərndəhi kə malangndə bəbichitfechengnanda.

¹³ A chang ndə bəbi shemechakish oi, pa'angndə fiddeafichile nak hahchin oi kəkəndədi.

Mərtə Yohanna ləsət Baptisma

(Mt 14:1-12; Lk 9:7-9)

¹⁴ Hiridus kutura səkkən kusheng shuwun Yəso kəthləm fen thləmkənhi chika tətəni funa ndatwa: "Yohanna ləsət Baptisma thla'a ndə fichə hur məmətəcha, ndəkən sək natən tə alchit sət ənnat fər sheka i'nda."

¹⁵ Ndakfunuwa: "Iliya tapəna'a" funə pad ndakndəwa, "Nda ərtə hur tapənechi sohyu."

¹⁶ Kə səkta Hiridus shuwunkən, ndakənwa, Yohanna nəyu, le thləndi i'ndə ennadī thlaaka hur məmətəcha."

¹⁷ Kəthləm Hiridus tə i'ndə'en mbukə tə ndatwa kə kəssang fichə Yohanna, kə kənnang fichə kə dəndə tənda pursuna. Sək Hiridus kichu kəthləm Hirudiya, Nuh Filibus hwanmankən kahandən.

¹⁸ Kəthləm Yohanna lənəkna mbwa'anda Hiridus wa, "Ngəmwu kus kə kahangnə nuh hwanayatuwa".

¹⁹ Awi Hirudiya məlla kəs kommbəl Yohanna a hur handəkiketə'en, a yəhkən kə bəllaən. Nat təkichu mbəsutə mbandəwa,

²⁰ Kəthləm Hiridus lechadə Yohanna, A shinwa məllan ka nifənəkən, a shin tə ndatwa nakən chidchid, lə dwachit pad, ndəkən sək Hiridus kəstən Yohanna har ndiichin, lə shekdang i'nda ma məlla sək Yohanna məlla shundə təndi, nat təkichu lə nakna mbəbandəfa ma məlla sək shundə'en.

²¹ A mweshitkən bək Hirudiya mbəs mbanda. A farə mbənfat thlahmbət ngəttə Hiridus, akən pəkətat nofcha, funa ngomnati, funa hurfathlərwata, tə pəkətat nofchi Galili.

²² Kə yimətə hweya Hirudiyasi kə nuhhweya, rəmkən mbənanang na Hiridus fa tə təhət romchi naksi. Ndang kutura nuhhwaniyuwa: "Hwanitən i yahtu, ni furuta."

²³ Akən ichimi tə ndatwa, hwanitin i yahtu nifuruta chika mbuth kuturichidəngna.

²⁴ Thlaakə nuhhwaniyu cheknakish kambəs mankən mbwa'en tə ndatwa: "Mənati hwanada" Ngəmmang mankənwa i'nda Yohanna lə sət Baptisma.

²⁵ Chatkichuyu ngəraən inna mbənda kutura tə wesha hwanan tə ndatwa, yəhkəsi nakən nakənəy kə fərikənnə i'nda Yohanna lə sət Baptisma a hur təpbi.

²⁶ Səbkə hanndəkiketa kuturadə ka'en. Pad ngu mbəlla chərəfuwa kəthləm teppa edtə ichimi mbanitə nofcha, kəthləm ngu mbəlla talandə i mbutənwa.

²⁷ Chatkichuyu thlənkən yuna hur fəpundə har ndaənwa, kə dā battə i'nda Yohanna, pədak nifiyu kə pursunatkən dəkna thlandə i'nda Yohanna,

²⁸ bəkən tə inkənna hur təpbi fərangna nuhhwaniyu, thlək nuhhwaniyu fərangna mankən.

²⁹ Kə səkətə kimshecha Yohanna kichuyu, pədaknda tər fatkən dəknda thlohanda.

Yəso Səmmadə'an Nofchə Aru Kumchitkum 'Durman (5,000)

(Mt 14:13-21; Lk 9:10-17; Yh 6:1-14)

³⁰ Kə bat fathləncha Yəso di ngomkəndəhi mbwa'ang ndə i sətndə uf, tə i sakəndəndəfi.

³¹ Nak nofchə oiya bəta funa pədata, Yəso tə fathlənchi'en mbəsundə har səmdəsəmtuwa. Ndəkən ndandənnə kanndəwa tama katmbət har nguɖuk, kəthləm kə yipuni.

³² Pədaknda hur kommbawal kə mbət nguɖuk ichitnanda.

³³ Awi neɖ nofchə kandə oi kanda pədata, pad shinndə kanda, rahkənda tə sarəcha a hur thlət həmchikən laknda mbədi natnda dəta.

³⁴ Cheta Yəso kissha hur kommbawaltəkən, nakən nofchə oi hədangndəfa, kəthləm nakndə nda shohrecha le nguɖit lə hərəmtəsi. A tərkaakən saka ichakəndəhar oi.

³⁵ Nak mbəta hulta bək kimshechi'ena mbəsndi, ndangndəwa: "Mbədi natəmya nguɖuk nifəsəwa, təpad mbəta hulta.

³⁶ Ndandəna nofchiyawa kəpəɖanda kə kahəmcha təthlət həmchi ndukndukya kəɖənda hi i nanndəsəmta."

³⁷ Pad ngəmmang Yəso tə ndatwa: "Kunang fəramən dəsəmta kanndə kə səmnda." Ndəkən ndandəndəwa, kə dani hi njohma i dinari aruchap kə fərangani kandə kə chiindəwa?

³⁸ Ndangna kandəwa, njohmə kurmi naksəngnuni? dāma kəllamən dəknda kəllanda ndangndəwa, njohmə dərman tə tinchə chap.

³⁹ Ndang Yəso kimshechi'enwa kə ndangnda nofchiyawa kə sokndəhi təngləng-təngləng kə dər nduhwelecha.

⁴⁰ A sokkəndəhi təngləng-təngləng, funə kumchit kum, funə pad kumchit dərman.

⁴¹ Tərkən njohəmchi dərmanyu tə tinchī chap yu, kəlangna afshi səən usoko Fara, saka'ənhi fərang na kimsechi'en, kə sakangnda nofcha. Səkən kichu tə tinchikən pad.

⁴² Uf nda səmkənnə ngalkənnə.

⁴³ Ngomang kimshechi'en fishirchikən nihəd inafətə kumngərensə chap,

⁴⁴ Tərə nofchi səmkə dəsəmkən, hishchə, sheendə aru kumchit kum dərman (5,000).

Wii Yəso Dar Ama

(Mt 14:22-33; Yh 6:16-21)

⁴⁵ Chatkichuyu ndang Yəso kimsechi'en wa, kə yimnda hur kommbawal, kə landə cheta kə Betsaida, məlan pad kalkən terə nofchihiyu.

⁴⁶ Diffitə kalə nofchihi tərəkəna dər shohlata kəthləm kə hwanən.

⁴⁷ Sək farə hufta, kommbawal tiyu a hur diffiti hawurta, Yəso pad məlla hachahai i'chitkən.

⁴⁸ Kə natin kimshechi'ena bahtəhi tə koharəkən, kəthləm rənna'a bahandə kanda, keeke tə kukwara dəkta katətbəta, məlla bəta mbəskandə tə wita dər hawurkən. Yarkənwa na lata mban.

⁴⁹ Kə natndəndi məlla wita dər ama, naknda muh hanhara naən kandəhiwa dəhanifa.

⁵⁰ Kəthləm ufnda nəcndəndi, lechiknda, chatkichuyu "Shunaən kanda tə ndatwa ənsuwa, njeta, mə lechiduniwa."

⁵¹ Mbənniyu yimkəna kommbawal tə kanda, chatkichuyu thlarkə rənnikənhi. Shekdang i'ndəkandə ka'ən.

⁵² Kəthləm sunundə sakət səma'ən nofchi aru kumchit dərmanyu tə njohməwa, kəthləm kwaakwaachit handəkikechengnanda.

Kəna Yəso Fichiledə Nak Haachin a Janisarat

(Mt 14:34-36)

⁵³ Kə chandəndə hawurkən kə kishitəle, tərəkənda haya a thlet həmət Janisarat, kənağndə kommbawal təkənhi kəmi chichəngkən.

⁵⁴ Kəchet nda kisha hur kommbawal mbəssang nofchuwa məllan.

⁵⁵ Rahkənda hur həmchikən, naknda bat tə fichile nak haachin a dər mbət hunechengnanda kə mbədi səktəndəwa məlla mbənniyu.

⁵⁶ Nat mbədi yimtən, thlet hwan həmchə tə həmcha, la naknda dət tə haachə kəmbəd'en pad təmi lumocha, a lanaknda hwananda kəthləm kə təkəngndə hara chika mi njela'enfa, nat le təkang harfa kənkənadi.

Sakandadəfi kə Dər Chidchidchita

7

(Mt 15:1-9)

¹ Farisawecha tə maldəmcha fichile la sakang kussa dī baka Urshelima, ngomkənda thləmat Yəso.

² A mbəssangndə tə ndatwa kimshechi'en kanda səmdəsəmtə tə təkəmharcha sapawundəwa.

³ (Kəthləm Farisawecha tə tahət Yahudawecha səmundə dəsəmtə kichu sapundə harwa, kəthləm tor murta pəktechəngnanda nakən kichu.

⁴ Ma bənnda dā lumō, manga tə fəndə nda i mbutə tor murtəngnandəwa ngunda səmdəsəmtəwa. Tor murtəngnandəsi pad ləla kuwur tənda, nda sap təpsat 'amcha, tə bicha, tə kuppecha tə kətən səm'əna.)

⁵ Kəthləm ndəkən sahang Farisawecha tə pəktat maldəmcha fasakandə shuwun kussa Musadi: "Kəthləm mi kimsecheku yahundə kuwur tor murcha pəktechəngnaniwa, mashid kənnanda səmdəsəmtə tə təkəmharcha?"

⁶ A ngəməng Yəso tə ndatwa: "Kohat nofcha keekesi fərtə Ishaya sakətkən kə dərni, nda i yarandə fichə.

Nofchiya a mi dēng nannda mwanita,

pad handəkikechengnanda nakən langga tə nji.

⁷ Poffən lənannda mwanandə thləmna,

kussi ti la natnda sakandəfi, i nofchə dēng,

dər ndatwa shunda Fara.

⁸ Lamallanguni i ndat Faruwa kə suni, nakuni kuwur tor murta nofcha."

⁹ Ndangnakandəwa: "Awī nuni mbəllamaləndə kussi Fara kəthləm kə kuruni tor murchəng-nuni!

¹⁰ Kəthləm ndak Musa wa, 'fəran mwanda suka tə yatu pad le erkə shinkən tə mankən keekesi kə bəllang fichə.'

¹¹ Pad landakuniwa: "Nat i nat shinchinuni tə manchinuni bəsta mbəda nifə soh sokkən nda korban" (sakətkənwa fərradi Fara).

¹² Kəthləm ndəkən mwawuni mallandə kə kəssaən tora shinkənsi tə mankən wa.

¹³ Təkichu la natuni, chərə pathla Fara, tə pathlə kuwur tormurchəngnuni, pad la nakuni dāhhanda witə ichiniyu in.

Ichi la Təkmang Nifəhi

(Mt 15:10-20)

¹⁴ Ngərkə Yəso at nofcha mbəd'en, ndangnakandəwa kami thləmmat uffuni, pad kəsununi ndiichin.

¹⁵ Nga i lasəmtə nifa hur na təkmandəhiwa, i la cheka hur handəkiketə la təkəmg nifəhi.

¹⁶ [Uf le nat thləmmatsəktə'ensi kə səkkən.]

¹⁷ Kə saktənhi tə nofchi oiyyu yimkənna huri, sahang kimsechi'en sakət i sakandənəfiyu.

¹⁸ Ndangnakandəwa: "Awi kunang pad sənwuni sakətkən tə ndatwa i səmtə nifa hur, bahwa təkmandəhiwa.

¹⁹ Kəthləm nga la yimkənna hur handəkiketəwa la yimkənna hur kəhapangkadi. A hurra shuniya chedkə Yəso wa i səka dəsəmta təkəmtəsa fi'enwa.

²⁰ Ngər kənna ndatwa i lachekakissha hur handəkiketa nifa ndəkən na təkmanghi.

²¹ Kəthləm a hur handəkiketa nifa la chetbəbi'ichakish, ndanda bəbiyara, fəllawichita, herketə, tə bəlfata,

²² Katnishcha nofcha, səbfata, lekta, sərəhta, mwa'inda, bokta, tə bomchita.

²³ Uf bəbi'ichiniyu lə chekna handəkiketa, ndəkən la təkmanğ nifəhi.

Nuhnifə lə Helinawata Fərkə Kit kə Mbəda Yəso

(Mt 15:21-28)

²⁴ Mbənniyu malkə Yəso Galilihi pədakna thlet həmmət Taya tə Sidon. yimkənna hura'a yuna, a yahu kə sənfichiwa. Nat tə kichu buḅwe'iuwa.

²⁵ Chatkichuyu nuhnifəsi, tə hwe'ensi kə nuhhweya naktə bəbi shemedafa, kə sətkən kusheng Yəso, bakna həmtəhi mbanitəkən.

²⁶ Nuhhiyu witə Helinaweḅə nakən, a thlet həmət Finikiya ngəttəfichəndi, a hachahai Suriya. A hwanaən Yəso wa kə kətaən bəbi luwurchada fa hwe'en.

²⁷ Ndang Yəso wa: "Suku kə ngal hweḅə kwadən, kəthləm kamusi kə tər fichə dəsəmta hweḅə kə fərang ficha hədechuwə."

²⁸ A ngəməng nuhiyu tə ndatwa: "Ə, kichuyu maldəm, chikatə kichu hədechə la səmkəndə fishirchikənti ka tebər ləla həhatka haya miya hweḅə.

²⁹ Ndəkən ndandə Yəso wa: "Kəthləm shundeku, dufadfi, bəḅilura shekhi tə 'hwe'eku."

³⁰ Ngərang nuhnifəkən inna di dəkna mbəssandə hwe'en duk a mbəthunata bəbi luriyu tepa keltəndəhi.

Kənna Yəso Bommadi

³¹ Malkə Yəso thlet həmət Tayahi, kuwurkən tə Sidon dəkna hawur Galili. A mbanda kwirtə thlet Həməḅə shee Kum.

³² A mbənniyu ḅang ndə bomma, le lakweekə shunda, a hwanangnda kəthləm kə dəfaən hara in.

³³ Kaḅkə Yəso bəmmiyu kəkəllar, mbahkəndada thləmat nofchiyu kə mbədi nguchit nifəsi. Pakən hanharchi'enna hur thləmməcha nifiyu, chahkən yahta hanhar'en, təkə'en hara hanshunda nifəkən fa.

³⁴ Kələk na afshi kahkən yiptə langnga, ndakənwa: "Iffata!" sakətkənwa: "Innuhi!"

³⁵ Kə mbutən kichu inkə thləmməcha nifəkənhi, i kənnang hanshundə'en pad kwaskənhi, tər kaakən shundə ndiichin.

³⁶ Bokang Yəso kandəwa mə mbwa'anda chika wunwa, nattə boki bokandənnakanda nak mbukənna chekta.

³⁷ Shekdang i'ndə kandə ka'en, ndakndəwa shiitə ichindiichin oi! Sokkən bomchasəkmbəta, tippengcha kanda shunda".

8

Yəso Səmandə ən Nifə Aru Kumchit Fwadda (4,000)

(Mt 15:32-39)

¹ A hur hanmunchiniyu, nofḅə oi pad baka mbəs Yəso. A nakən ənsə nannda səmtəwa, ak Yəso kimshechi'en ndangna kandəwa:

² "Nofchiya hədiḅəfa, kəthləm munkəndə məkkən nakənya kanda thləmatna mwa'u ndəsəmtəngnandəsəwa,

³ Ma dēdi nakənyawa kə pəfandafadi tə mita, na funa həhattəhi mbacha. Kəthləm funə bakndə langnga."

⁴ Ndəkən ngəmməndə kimshechi'enwa: "Nakma mbəs njohma aiya hurhweli'ya na səmma ən nofchi natya?"

⁵ Sahang Yəso kimshechiken'enwa: "njohmə kurmə naksengnuni?" Ngəməngndəwa: "Mud."

⁶ Ndangna nofchiyuwa kə sokndəhi kə hachahaya. Ndəkən hartən njohhomchi mud yu, saən usoko Fara, chichaənhi, fərangna kimshechi'en kə sakangnda nofchiyu, sək kimshechi'en kichuyu.

⁷ Tə pad tinchisə dīmek. Yəso saən usoko Fara, ndangna kimshechi'enwa leya pad sakamna kanda.

⁸ Səmkənda ngalkəndə nda i yahtənda. Diffitəkən ngomang kimshechi'en fishirchikən inafə mud.

⁹ A farəkən shee nifə aru kumchit fwadda (4,000). Paɗ ndang Yəso kandəwa pədama.

¹⁰ Chatkichuyu thlaakə Yəso tə kimshechi'en yimkənda hur kommbawal pəɗaknda thlet hāmət Dalmanuta.

Sheh Farisaweche Sakətkən

(Mt 12:38-42; 16:1-4; Lk 12:54-56)

¹¹ Bak Farisaweche tərkaakəndə sahāmi Yəso. Kəthlēm yahndəssa kəkadanda, sahangndə kə chedaən sakətkəna kanda a hur afshi.

¹² Kətkən yiptə langga hur shemed'en ndakənwa: "Kəthlēm mə nat nofchi kishi'i nakənya katsakətkən? Kitchitkən ni mbwa'anda kuni sakətkənsi nat fīcha fəranda kishi'i nakənya."

¹³ Thlaakən malkənkandəhi, yimkənda hur kommbawal pəɗakən kə chicheng le.

Mehnda Farisiyaweche tə i Hiridus

(Mt 16:5-12)

¹⁴ A nakən mbutandə kimsheche Yəso kə tərndi njohmə in, njohmə ərtə ndak naka harengnanda hur kommbawal təkən.

¹⁵ Ndang Yəso kimshechəkən'enwa: "Ndəfam əndisə ndiichin kə ndəsəcha Farisaweche tə i Hiridus nda mehnda."

¹⁶ Tərkaakəndə shundə təndani tə ndatwa: "Mbukən i'ya kəthlēm njohməsa harengnəmwā."

¹⁷ Shin Yəso i nat kimshechəkəna shunda ɗarkən, ndəkən sahandən mə kandəwa: "Kəthlēm mə natu nā ndandandaniwa njohmə nguchiksa harengnuni?" Awi paaya a sənwniwowa? Təpadda paaya a mbəsawuniwowa? Paaya mwaakə hanndəkikechengnuni kwaakwaawa?

¹⁸ Hwanichengnuni, nuwuni mbətwowa? Thləmmechengnuni, səkwuni mbətwowa? Kudukwunniharwowa?

¹⁹ Fari chichandi njohmihi ɗurman chiitə nofchə aru kumchit ɗurman yu, inaftə kurmi ngomanduni fishirchikən tiyu?" Ngəməng kimshechəkən wa: "T'naftə kumngəṛənsə chap."

²⁰ Ngərkən ndanda kandəwa njohmi muɗ chichandəhi chiitə nofchə aru kumchit fwadda yu i'naftə kurmi ngomanduni fishirchikən?" Ngəməngndəwa "i'naftə muɗ."

²¹ Paɗ sahaənmi kandəwa: "Kananat paaya a mbəsawuniwowa?"

Yəso Kənnandə Nifadi kə Kukomta a Betsaida

²² Yəso tə kimshechi'en ɓaknda Betsaida, ɓak nofchə tə nifə kə kukomta, hwanang nofchiyu kə təkə'ən harfa.

²³ Kəskən haara kukoməyu, chekəntənda kish a hur thlet hāmətkən. Chahkə Yəso yahta hwanicha kukoməyu səkkən harchi'enna hwanicha kukoməyu, sahang Yəso wa: "Sa nat mbət wa?"

²⁴ Kəllakna afshi a ndakənwa: "Nja nat nofcha nakndə nda afchə naka wiita."

²⁵ Ngərkə Yəso sət harchi'enna hwanicha kukoməyu, nakənya kəllak nifiyu ndiichin, ənkə hwanichi'en hi nakna nat chikaməhi chidchid.

²⁶ Ndəkən ndandə Yəso wa: "Dudadi kə huri, mə ngərina thlet hāmədiniyuwa."

Bitrus Mbwiiti Kitchit kə Dar Yəso Mallan na Kərəsti

(Mt 16:13-20; Lk 9:18-21)

²⁷ Thlaakə Yəso tə kimshechi'en kə thlet hāmcha hachahai Kaisariya Filibi. Nak nda wita ndəkən sahandən kimshechi'enwa: "La tərka nofchuwa wunnaki?"

²⁸ Ngəməng funə la ndakndəwa: "Sokən Yohanna lə sət Baptisma, funə la ndakndəwa Iliya tapəna'a, funə paɗ la ndakndəwa naku əta hur tapənecha."

²⁹ Ndəkən sahandə Yəso kimshechi'enwa kunang kəni: "La ndakuniwa wun naki?" Bitrus Ngəmanwa sokən naka Kərəsti."

³⁰ Bokang Yəso kandə ndatwa: "Mə mbwa'anda yunə ndu wun nakənwa."

Mbwi Yəso Witə Məri Natna Məta tə Thlatə'enna Kwata

(Mt 16:21-28; Lk 9:22-27)

³¹ Tərkaakə Yəso sakandakandəhar tə ndatwa: "Hweya nifə nan ɓahtəhi tə ichi somsomən, paɗ kə cher pəktechəndi tə pəktat pəristochicha, təfa sakandə ɗalwer tə kussa Musa ɗi. Nanda ɓəllanda, ɗiffitə mundə məkkan nan thlata.

³² Mbwa'ən ichiniyu kimshechi'en a ɗwachitkən. Bak Bitrusa kahndi kə kəlar ɓoka'ən kə ɗar mbuwitə'ichiniyu.

³³ Təbərəkə Yəso hi nakna kəllandə kimshechi'en, ɓokangna Bitrus hi tə ndatwa: "Mbahhu thləmatna Shedan, yareku nga i Farəwa i nifa."

³⁴ Akən nofchə tə kimshechi'en, ndangna kandəwa: "Nifi yakhəssa kuwurnji kə cherən i'ndə'en, kə tərən palitə'en kə kuran nji."

³⁵ Kəthləm chikawun yakhəssa həkəndə shisshingtə'en nan shekdanda, pad chəkawun shekdang shisshingtə'en kəthləm njang tə kushengshundə mbənchin, nan həkəndi shisshingtə'en.

³⁶ Mə naka mbəs ənhara nifa ma mbəssandə kisshita kə bəhhən shisshingta.

³⁷ Mənat nifa fəta kəthləm shisshingtə'en?

³⁸ Chəkawun la harandəfat kəthləm njang tə shundengna a kishi bəhkitchidiya tə bəbichit fadi nakənya, hweya nifa nan sək harəfat'en pad ma bəda hur mwanda Shinkən tə mala'ikachə chidchid.

9

¹ Ndəkən ngərtə Yəso ndanda kandəwa: "kittəkən nja mbwa'anda kuni, funəsa a hurnuni mbədyə ngunda mətəwa sema nedndə kuturichita Fara bəd tə alchita."

Mbumbweta Fata Yəso hi

² Diffitə mundə tehheh, harkə Yəso nda Bitrus tə Yakubu tə Yohanna, dəkən tə kanda shohlatə lenak njang, nakndə ichitnanda mbənniyu. Naknda nata kəllathi chat mbumbwedkə fata Yəso hi a mbanitənanda,

³ sək njelechi'en hendəda nakna kəstəfə nda hwatfara, nguchit nifa mbəlla sapandə njelechi'en tə pachau kichuyu a hur kishi'iya.

⁴ Chatkichuyu bək nda Iliya tə Musa, chedkəndə fadengnanda pad kanda shundə tə Yəso.

⁵ Ndang Bitrusa Yəso wa: "Maldəm bədengnəma mbədyə ndiichinsi, tahsam kətənchə məkkan, ərte iyuwa, ərte i Musa, ərte i Iliya."

⁶ Mbukən iniyu kəthləm sənuta'inatna mbutəwa, kəthləm a lechidnda.

⁷ Bak husomba'a haya kə dar inchengnanda ngəlaən kanda, chek mburata kissha hur husombikən tə ndatwa: "Ka hweengnənya leyahti kamən thləmmata."

⁸ Chat kəllakndəhi chika tətəni nundə nifə somənwa, se Yəso ndak naka thləmat nanda.

⁹ Naknda tərtaħaya a shohlayiyu, ndang Yəso kandəwa: "Mə mbwa'anduni nifə i'nattuniyawa, se fari thlaatə hweya nifa hur məmatcha."

¹⁰ Kəskəndə I'har mbwa'andənna kanda, pad naknda sahəndə ndanichə tə ndatwa: "Mə naka sakət thlata a hur məmatcha."

¹¹ Sahang ndə mi tə ndatwa: "Kəthləm mə ndat maldəmchə fa sakəndə kus təkənnadi, Iliya na tərka thlata?"

¹² Ngərkə Yəso səwa: "Kittəkən Iliya na tərka thlata kəthləm kə tahsaən chikaməhi. Chika tə kichu, kəthləmmə ndat laulawatkənwa hweya nifa nan sat pwəanchə ka'en tə pad kə njirndəndi?"

¹³ Pad nja mbwa'anda kuni ndatwa, Iliya tepi bəd sa nofchə i'ngəmtə hurengnanda nda i'natna a hur laulawatkən kə dar i'ndi'en.

Kəna Yəso Hweya di tə Bəbi Shemecha fa

¹⁴ Kənatnda ngərtə mbəda tahət kimshechi'en, nakndə nofchə oi, a taurangndə kəndəhi, pad funə maldəmcha fa sakəndə kus tə tərbənda Fara di kanda halə'i'ndə tə kanda.

¹⁵ Kənat nofchiyu Yəso, pədag ən kəndəfa, rahkənda thləmatkən ndangndə əna.

¹⁶ Ndəkən sahəndə Yəso kandəwa: "Mənatuni halə'i'ndə tə kəndə kə darkən?"

¹⁷ Yuna hur nofchiyu shuwunkən tə ndatwa: "Maldəm budi hwe'engna kəthləm kə kəngəndi bəbi shemedda fat'en njandə shunda.

¹⁸ Ma bəd bəbi shemedkənna fi'en la muhkəndəhi kə hachahaya. Mi'enna hupta kəna chi hanthlanchi'en, chat mbəsku titidhi. Ndadī kimshecheku wa kə rəkəngndə bəbishemechikənna kish mbəlla'undəwa."

¹⁹ Ngəmang Yəso kandəwa: "Kunang nofchə fa bəhfərkit! Kəkwat natmanata bət ərte tə kuni? Kə kwat natinata kərəstə təkuni? Bəmitən hwankən."

²⁰ Bəngndə hwaniyu. Kənat bəbi shemediyu Yəso, təkən hwanihiyu hachahaya mələ takarəhi mi'enna hupta.

²¹ "Ndəkən sahəndə Yəso mi shin hwanniyuwa?" Bət kənni kəstə'i'ndiya?" Ngəmanwa: "Thlata hwanchit'en.

²² Kurbəndə nata muhnda hur am tə hwata tənə mbəlanda. Pad manu mbəllata kəsanna kanisi kə handukanifa."

²³ "Ndəkən ndandə Yəso wa kəthləm mənatu ndatwa mani mbəllata?" Chikamə nan sətta kə mbəda le fərka kit."

²⁴ Chatkichuyu shin hwanniyuwa təkən ndakənwa, a firi kit, pad kəsitənsi tə bəh fər kitchidengna."

²⁵ Kə nat Yəso nofchəkəna chektə oi, kanda bat tə rahta, bokangna bəbi shemedkənhi tə ndatwa: "Sokən bəbi shemeddi njang səkbət tə shunda hwanija nja ndutuwa chukisha fat'en mə tamina ngər yimta fat'enwa."

²⁶ Bəbi shemeddiyu hwakən, təkən hwaniiyu fat'enna saktatfa chekna kish. Nak hwaniiyu duk nda tə mærrən, nak nofcha hurrumta pad terchin ndangwa tə mærrən.

²⁷ Kəskə Yəso hara hwaniiyu kəsaaŋsi thlarkənhi kit.

²⁸ Diffitə ndəkən, Yəso tə kimshechi'en i'chitnanda a huri, sahang kimshechi'en miya a buḅweeta: "kəthləmmi mbəla'uchitani kətanda bəbi shemeddiyu?"

²⁹ Ngəmang Yəso wa: "Witəkən ngu chetakish kichuwa se tə hwanda."

A Ngər Yəso Mbu Witə Məri Natna Mərtadi

³⁰ Malkəndə mbənniiyu cheknda kish tə hurhuri Galili. kəthləm yahu Yəso kə sən nifə mbəndi natənwa,

³¹ nakna sakanda kimshechi'en har tə ndatwa: "Na fīcha fər hweya nifa kə harra attikrechikən, nanda mbəllanda pad diffitə mundə məkkan nan thlata hur məmatcha."

³² Nakən mbəsawundə i'mbutənwa tə pad kanda lechit kə sahangndə i'natna yara.

Wun Nak Mwanchin

³³ Bak nda Kafarnahum sokkəndəhi a huri sahang Yəso kimshechi'enwa: "Mənātuni shunda dərkəna mbandiyu?"

³⁴ Mbəla'undə fəra ngəmkənwa, kəthləm a mbanda helndə i'ndə tə ndani ndatwa wun nak mwanchinna hurnanda.

³⁵ Sokkənhi, akən kimshechi'en kumngərsə chap yu, ndangnakəndəwa: "Chikawun yakhəsa nata mban kə naka diffi pad kə saən fat'en kə mafata nofchə nat."

³⁶ Tərkən hwe har, thlaraanhi hurdifitənanda təkəndə, ndangna kandəwa:

³⁷ "Chikawun thlək hwe kichəya a hur thləmna thlətənji, pad chikawun thləknji, thlutənji dəngwa thləkən tə Papati thlənkənji."

Nat le Nguchika Atikrechit Təkəm Malanna'i'nəm

³⁸ Ndag Yohanna Yəso wa: "Maldəm nədani nifa rək bəbi luwurcha a hur thləmwa, ndangnganiwa kə malaən kəthləm nga nakne hurnaniwa"

³⁹ Ndəkən ndat Yəso wa: "Mə njaduniwa, nifəsi na sət witə torəniyu a hur thləmna mashid kə təbrənhi kə mbuən bəbi'icha i'ndengniwa."

⁴⁰ Chikawun nguchika atikrechit tə kəm mələn i'nəm.

⁴¹ Kittəkən nati mbwa'anda kuni, nat nifi fərang amsata kuni kəthləm kunang 'i Kərəsti nan thlət kənīkən.

I'chi na Dəf Nifa Sət Bəbichitfata

⁴² Chikawun dəfkə ərta hur hwanchi fərkə kit kə bəḅəngniya kə sən bəbichitfata, kweshada nifiniyu kə wokang fīchə fənhata bur kə muh fīchənda hur hawurta.

⁴³ Ma hareku la dəfkəsa sət bəbichitfata thlandinadadi. Kweskən kə yimna pwan nga harsə ərta wa mənī muhsa hwata tə harchə hwaa.

⁴⁴ Hwadi la ləfuchik kə pwaree.

⁴⁵ Ma sareku la dəfkəsa sət bəbichitfata, thlandənadi kweshkən kə yimna pwan nga sarəsə ərta wa mənī muhsa hwat tə sarəchi hwaa.

⁴⁶ Hwadi la ləfuchik kə pwaree.

⁴⁷ Ma hwaniteku la dəfkəsa sət bəbichitfata, kəṭandənadi kweshkən kə yimna mwanda Farə tə hwanitə ərta mənī muhsa hur hwat tə hwanichə hwaa.

⁴⁸ Mbədi la məruchit hweecha, pad hwatkən tamwa liftəwa.

⁴⁹ "Kəthləm chikawun nakne kikedandə tə hwata.

⁵⁰ "Mannda ndiichin, pad ma tər mbəndə'ennadi, naku mbəlla ngəranda kwarkən kə manndawa kəni? Kənuni mbinchin tə ndani nda i nat mannda, pad kə sokuni yuyur tə ndani."

10

Sakandadi kə Dər Sak Reta

¹ Yəso malkən thlet həməḁkenhi pəḁakna thlet həməḁ Yahudiya chaən suhwaḁ Yodan. Humkə nofchə oi kə thləmatkən, nakne nata sakanda nofchiharyu nda i la sətən kənding.

² Bak Farisawecha mbəsndi kəthləm kə kikedangnda, sahangndə mi wa: "Keekesi kə kal hishnifə nuhkənhiwa?"

³ Ngəmang Yəso kandə tə sahmi pad ndatwa: "Mə mbutə Musa a hur kus təkən kə ḁar sak reta?"

⁴ Ngəmang "Musa fərandən mbanda hishnifa kə yaraən ḁelwera nuhkənsə kə fəraən kə rəkəndə."

⁵ Ndəkən ndandə Yəso kandəwa: "Yarangna kunisə kichuyu kəthlēm kwaakwaachit hanndəkikechengnuni.

⁶ Paɗ thlata tərəkəkən tinkə Farə kandə, nuhnifa tə hishnifa.

⁷ Kəthlēm ndəkən hishnifə nan malə shinkəhi tə mankən kə nandə ərte tə nuhkən.

⁸ Chapndəyu hwimndəhi kə ənərta. Nga nakndə chap paɗwa nakndə ərta.

⁹ Kəthlēm ndəkən i'humandə Fara mə saka nifəhiwa.

¹⁰ Kənatən i'chitkən tə kimshechi'enna huri sahangndə mi kə ɗar shuniniyu paɗ.

¹¹ Nɗangnakandəwa: "Chikawun cherkə nuhkən kakhən somən shidftə fəlawichit tə ndi

¹² Paɗ ma cher nuhnifə səmaha kakhən yunə somən, shidftə fəlawichita."

Yəso Fərandə Mbəsənhara Hwecha.

¹³ Farə le ɓang parchə hwechengnanda Yəso kəthlēm kə təkə'ən harra kandəfa kə fəraən mbəsənhara kanda. Nak kimshechi'enna njanda parchiyuwa mə ɓində tə hwanchiyu mbanitəkənwa.

¹⁴ Kənat Yəso kichuyu, səbkə hur'ennadi, ndangna kandəwa: "Malamən hwecha kə ɓanda mbəndengna, mə njanduni kandəwa, kəthlēm kuturichita Fara i'witə fichile nak nda kandanɡ.

¹⁵ Kitchitkən nati mbwa'anda kuni chikawun thluchik mwanda Farə nda hweya, ngu yimtəsəwa."

¹⁶ Mbənniyu harkən hwanchiyu səkən harcha inchengnanda fəraən mbəs'əna kandahar.

Kimshaa lə Kəna'a

¹⁷ Yəso tahəskənfə na ɓəɗata Urshelima, ɓak kimsha'a lə kənaa tə rahta, səkən kurumchihi ɓanitəkən sahaənwa: "Ka Məldəm, mə natisəta kani ɓəs shishshingtə le kə pware?"

¹⁸ Sahang Yəso wa: "Kəthlēm mə atunjiwa ka maldəm?" "Nifəsə naka katkənwa se Farə ndak.

¹⁹ Kə ngəmayi sahmiyeku a shinnə kuschikkənwa! Mə mbələnifatwa, mə səni fəlawichitwa, mə herkinəwa, mə thlerna ɗar yuna a ɗar lektəwa, mə ndathlana nifafuwa, kə fərrangnə mwanda nda suk tə yatu."

²⁰ Ndəkən ndandənwa: "Məldəm, a hərmi i'chiniharyu nat thlata hwanchidengna."

²¹ Kəlang Yəso kimshi'iyu tə hwanitə mbənfata ndaənwa: "Ən ərte tahhuka, ɗu hi'yan i'chidə nakseku nat kə sakangnə hanndəbələkəna fa ɓahcha, nu mbəs hurmichita hur afshi, kanna ɓata kuwurnji."

²² Kə səktən shuninuyu, ɓəɗakən tə səbhura, kəthlēm lə kənaa nakən ka'ən.

²³ Kəlak Yəso hi ndangna kimshechi'enwa: "'Yang'yangnga fa hurumta kə yimka kuturichita Fara!"

²⁴ Pəndang əna kimshechifiyu tə shuwunkən. Ndəkən ngərtə Yəso ndanda kandə paɗwa: "Hwecha, yimta kuturichita Farə 'yang'yang.

²⁵ Nannat paapa'a fa ngelupa kə 'yimən tə kwat lipir mənə hurumta kə yimka kuturichita Fara."

²⁶ Kə səktə kimshechəkən'en shuniniyu, pəndang ən kandəfə ka'ən sahkəndəwa: "Ma nakən kichu wunhacha na hərəkta hurkishiyə?"

²⁷ Kəthlēm Yəso kandə ndakənwa: "Mbəɗa nifa ngu nat paapaawa, mbəɗa Fara chikamə nan nat paapaa."

²⁸ Tərkaakə Bitrus ndandəwa: "Kəlang melani i'chi hi nat kana kuwursa."

²⁹ Ndəkən ndat Yesowa: "Kittəkən nja mbwa'anda kuni, chəkawun malkə huraahi, ndu hwanmanchəkən kə hishcha tə nishcha, ndu shinkən ndu mankən, ndu hwechi'en, ndu pwatarcha kəthlēm njang tə ka kusheng shunda,

³⁰ nan mbəs ən arucha a kishi'i nakənya, hurecha, hwanmancha, parcha, hwecha tə pwatarcha tə pwenecha nan mbəs shishshingta a hurrechi na ɓatyu,

³¹ Kəthlēm ndəkən, tərchin fichile naka mban nakənya naknda nata diffi, fichile naka diffi paɗ naknda nata mban."

Məkkatə Shunda Yəso kə ɗar Mərtə'enadi

³² Kanda pəɗata Urshelima, Yəso lak na mbanitənanda. Pəɗang ənnatkən kimshechi'enfa, nofchi naka kuwur kanda diffi paɗ lechiknda. Thlarkə Yəso hi akən kimshechi'en kumngərənsə chapyu kə kəlar, mbwa'angna kandə nat i' na mbəsndi.

³³ Ndəkənwa: "Səkama, nakənya nəma ndəta Urshelima, kə mbəndə nat fīcha fər hweya nifa, kə harra pəktat pəristcha tə maldəmcha fa sakandə kus təkənnadi. Nanda thla kitasə i'mərtadi kə fərdəndi kə harra punofcha.

³⁴ Nanda sa weləm, chahangndə yahta fa, təppangnda, kə mbəllangnda. Hur mundə məkkən nan thlata."

Hwanda Nda Yakubu tē Yohanna

³⁵ Nda Yakubu tē Yohanna hweecha Zabadi baknda bəsndi ndangndəwa: "Maldəm, ənsə yahtanisa hwanuta kə sangnə kani."

³⁶ Sahaən kandəwa: "Mə yahtuni kə sayi kuni?"

³⁷ Nđangndəwa: "Fari natu yimta kuturichideku hur afshi kə sokəm rəmma, ərta harsəmtəku ərte pad a hishingteku."

³⁸ Nđang Yəso kandəwa: "Sənwuni i natuni hwandəwa. Nuni mbəla sat bahhi nati satyawa? Nuni mbəla thlət baptisma ti nati thlətyawa?"

³⁹ Ngəməngndəwa: "Aa nani mbələta." Nđang Yəso kandəwa: "Nuni mbəla sat bahi nati sata, kə thluni baptisma ti nati thləta."

⁴⁰ Pad alchidengnəsə nati ndatwa leya na sokta a harsəmtengna ndu həshingtengnəwa. Farə tahsaən bichiniyu kə i' fichile tadtənhar."

⁴¹ Kə səktə tahət kimshechi'en kumyu shuniniyu səbkə hurchengnandadi kə dər Yakubu tē Yohanna.

⁴² Ak Yəso kandə nat, ndangna kandəwa: "Shinuniwa, fichile naka kuturcha a kishi'iya la səkndə tor tē alchidengnanda kə dər nofchengnanda, pad pəktechəkən la səkndə tor tē mwadengnanda kə dər nofchengnanda."

⁴³ Ngu nat kichu a hurnuniwa. Pad le yəhkəsə nat mwanchin a hurnuni, kə səka mafata tahchəkən.

⁴⁴ Tə pad le yəhkəsə nata mban, kə naka mafata nofchə nat.

⁴⁵ Kəthləm chika hweya nifa a bu kə sang fichə torwa, bəkən kə saən tora nofcha, pad kə fəron shishshingtə'en kə thlən nofchandə oi."

Bartimawus Kukomta Kəna Yəso di

⁴⁶ Yəso tē kimshechi'en saakənda Yeriko. Naknda malə Yerikohi tē nofchə oi, lə hwandəsə pad kukomta thləmkənwa Bartimawus, hweya Timawus, dəs a mi mbanda,

⁴⁷ Kə səktə Bartimawus wa Yəso Lənazarat naka mbərtəhi, ndəkən thlə'andən mburata ndatwa: "Yəso hweya Dauda, kə handukəfa."

⁴⁸ Bokang nofchihə oi ndangndəwa kə ngasən bə. Thlat təkichu i'naən mburathi ka'en: "Hweya Dauda kə handukifa!"

⁴⁹ Səkkə Yəso ndi thlarkən hi ndakənwa: "Ndamənwa kə baka mbədyə." Nofchiyu ndangnda kukomiyuwa: "Kwallu hacha," "Abu mələ atsa."

⁵⁰ Chatkichuyu thləkə kukomiyu muhaən ndə suptə'enadi, ndəkna mbəs Yəso.

⁵¹ Ndəkən sahandə Yəso miya: "Məyahtusə kə sukə?" Ndəkən ngəmandə kukomiyuwa: "Maldəm, Yəhkəsi kə mbəsi natmbəta."

⁵² Nđang Yəso wa: "Ndu, fərkitchindeku kənudadi." Chatkichuyu inkə hwanichi'enhi kuwurkən Yəso pədaknda.

11

Yim Yəso kə Urshelima

¹ Kənatnda satə nduk kə Urshelima, a Betafaji, tē Betani, tē shohla Zaitun, thlinkə Yesu kimshechi'en chap,

² Nđangna kanduwa, yimmama thlət həməđini taata mbanitənuniyu, nda yimtengnuni nuni nat hwan kware kənda, le tamuchit fichə pərtəsi. Kə kwasuni bunitəkən.

³ Chika wun sahanə mi kuni wa kəthləm mi, natuni sət kichu? Nđangguniwa shinnəm naka yahta, pad nan battəkən nakənya.

⁴ Ndəkən pəndat kimshechi'en ndəknda bəssandə hwan kware təkənnə mibanga a kələrə mbanda, kwassang ndə hi.

⁵ Nofchi nak kitkita mbənniyu, ndangnda kanduwa: "Kəthləm mi natuni kwasə hwan kware ti ya?"

⁶ Mbwa'angnda kandə I ndandə Yəso kandəwa kə mbunda, malang nofchikənkanda pəndakndətəkən.

⁷ Bangndə hwan kware təkəna Yəso supkəndə njelənjəngnanda dər hwan kware təkən pərkənsi.

⁸ Nofchə oi supkəndə ndə supcheng nanda mbanda, funə pad thlithlahkəndə swikan-grechi har somkəndəhi.

⁹ Fichile bən tē fichile naka diffi naknda whata, funa kukwara tē ndatwa, Hosanna! bəs'ənnə har shok kə ndukwatəkən kəbədə ləbatta hur thləm Ləmwanda.

¹⁰ Bəs'ichisə har a dər bəta kuturichita kakatnəm Dauda! Mwanamən Fara le naka afshi

¹¹ Yim kənnə Urshelima, kə kapat hura'a Fara, kəlləən chikami, Sək farəhufta, chekna kish pədak na Betani tē kimshechi'en kum ngərrənsə chap.

Yəso Səbandi Affət Shubwata di tə Shunda.

¹² Bingətkən naknda malə Betanihi, nak mita fa Yəso.

¹³ Anakən affət shubwat tə swa'en kundummə kudkuɗ langnga, ndəkən ndəten ka nata naanhiwa nan mbəs hwecha bəratkən. Swechə ndaknaksi, kəthləm sa'u farə ngəttə'enwa.

¹⁴ Ndang Yəso affətkənwa: "Mə ngəri nifa chi hwecheku padwa." A shik kimshechi'en i mbutən.

Yəso Rəkadə fa Hita tə Hi'yandadi a Kapat Hura'a Fara

¹⁵ Bakndadi kə Urshelima, yim kə Yəso kə kapat hura'a Fara, rəkkən fa hita tə fa hi'yandə ichadə hur kapat hurikənna Fara, pad wuwelaən hanafcha fa hi'yandə Tattabaracha ndə tə fa mbumbwe hanndibəcha.

¹⁶ Pad thlaraən chika wunhi naka sət tortə kapat huri kənna Fara nda mbət hi'yandə ichadi.

¹⁷ Ndangna kandəwa: "Ndak yaratkənwa, 'Hure'engna nak fīcha atwa mbət hwanda a həməchənət, bakuni təbrandəhi kə mbət sokta harcha."

¹⁸ Kə səkətə pəktat pərischə tə maldəmcha i laulawatkən i sət Yəso, kakndə mbayi natnda mbəllanda. Sokkən lechanda kəthləm nofchi humkəyu padə'ənkandəfə tə saktə'en.

¹⁹ A Farəhuffədiniyu chek Yəso kisha həmətkən tə kimshechi'en.

Ənat Sakta A dar Shubwadi Hwarkadiyu

²⁰ Kanda mbərtəhi a bingətkən tə thləmat affədi mbutən ən kə dərkənyu, mbəssang kimshechi'en affət shubwatken hwerandə kə thlorəkən.

²¹ Kudukka Bitrus i mbutə Yəso kə dar shubwadiyu a farələ ndakənwa: "Maldəm, kəllu shubwandə səbandundə tə hanngalə shunda hweradi pad miradi."

²² Ngəməng Yəso kimshechi'en wa: "Nam tə fərkitta mbənda Fara.

²³ Ni mbwa'a kittəkəna kuni, chikawun ndannga shohlayiya wa, 'thla'u həmu hur hawuriyu, nan həmtəsi. Pad waat kə fərnəkit kəna sətichu, məninə tə handəkiketa chap chap wa.

²⁴ Kəthləm ndəkən nja mbwa'anda kuni, chika mə katuni hur hwanda, ma firuni kitsi tēpa mbishuni, nan sokta innuni.

²⁵ Pad ma thleruni hi kuna hwanda, ma yunə si natuni tənda a hurhandəkiketa, kə kaluni ndəhi, kə thləm shinnuni ti naka hur afshi nan kala bəbichitfechengnuni kunəhi.

²⁶ Pad ma kalawuni bəbichitfechengnanda kandəhiwa, shinnuni hur afshi ngu kala bəbichitfechengnuni kunihwa.

Sahtə kə Dar Alchita Yəso.

²⁷ Ngərkə nda yimta Urshelima. Nak Yəso wi'yandə kapat hura'a Farəhi, pəktat Pərischə tə pəktat maldəmcha fīchile la sakang kus tə tərmbəndadi, tə fa bənita baknda bəf'en.

²⁸ Ndangndəwa: "Mbəsku alchit sət ichinatya ayi? Wun fərukə mbənda kə səni kanda?"

²⁹ Ngəməng Yəso kandəwa: "Ni sahami kuni ərta, ma fərinduni ngəmkən kani bwa'anda kuni ndu wun fərikə alchit ichi nati səya.

³⁰ Bwa'ami bəskə Yohanna alchit sa Baptisma nofcha ayi mbənda Farə wa, ndu bəfə nifa?"

³¹ Tərkaakəndə haləi'nda tinnanda mənat ma ndata? Ma ngəməndəm wa bənda Fara, nan ndatwa mə sək fərchituni kitta Yohanna?

³² Pad ma dəndəm wa bənda nifa kanda lechanda nofcha kəthləm tərəkə nofchuwa, Yohanna tapənaa nakən.

³³ Ndəkən ndandənda Yəso wa: "Sənwaniwa. "Ndang Yəso kandəwa: "Njang pad ngi mbwa'andakuni ndi tə witə alchit mə la sittə pəktat torchiyawa."

12

Fər Sakət Shunda Dar fa Thlət Hita kə Hurata

¹ Tərkaakə Yəso shunandə kandə tə sakət shundə ndakənwa: "Nifəsə nat hitə inabi ensi, taurəən hi tə thlara, rəkən mbət yimmandə hwanchi inabi təkənsi, a tinkən kətən pu hitəkənhər. Fərang na funə fa hudatkən, kana pədəta hachahai somən.

² Saakə farə dəmhwanchi inabi təkən, thlənkən mafat'en har ərta kə mbəfə fīchile tər kə hitiyu, kəthləm kə thlangndə hwanchi inabi chiyu a hitəkən.

³ Fa tər hitəkən kəsəgnə mafadiyu tēpangnda, kalkəndəndəhi pədəkən har chaa.

⁴ Ngərkə lə hitiyu thlənna mafata kandə somən, erkəndəndi tēpangnda in, sangndə ənnat harə fata.

⁵ Ngərkəna thlən yuna, leya pad mbəllangnda. Nakən kichu tə yakat fīchile thləntən, funə tə tēpangnda kanda funə tə mbəllangndə kanda.

⁶ A tahkən nifə ərta, hwan lelə mbəntən fatkən ka'ən. A mweshitkən lə hitiyu thlənəkən ndi kə mbəfengnanda tə yarəwa kittəkən nanda fəra mwanda hwe'engna.

⁷ Fichile tərəkə hitiyu ndangndandaniwa, Ale na sokta lə hitəkənya a bama bəma bəllanda, kə sok hitəkəna i'nəm.

⁸ Kəssangnda a bəllangnda, muhangndi murrut kənədi kə diffitə hitəkən."

⁹ Sahang Yəso kandəwa: "Sənkunifəwa mənat lə hitiyu səta? Ni mbwa'anda kuni-nan mbəlandə fa hundechiniyu kə fəraən hitikəna funə somən.

¹⁰ Tamwuni changngandə iya hur yarat shiwuncha Farəwowa? Ngwiyi chertə fatinda sokka kukuwun tinda.

¹¹ Ndəsəta Ləmwandəniyu, pad ənat pədandə kəmfa hwanichengnəm.

¹² Pəktat fatər mbanda yəhkəndəsa kəsandə Yəso kəthləm mbəssəndəwa fərkən sakət bədi fa hundechiniyu kə dər inchengnanda. Anakən kanda lechanda nofchi oiyu, kəthləm ndəkən mallangnda pədəknda.

Kwa Chamta Mbəda Kaisar:

¹³ Farəle, thlənəkə pəktechə funa hur Farisiyawecha tə nofcha Hiridus, kəthləm kə mbəsangndə chit'hansara Yəso hi, a hur shiwunchi nat na mbuta bah nanda kəsanda.

¹⁴ Satengnanda, ndangndəwa: "Maldəm, shinani wa sokən ləkitchita. Nofchə uf ərta mbədeku yah i'ndekusəwa. Lasakawu mbanda Fara di a dər kitchita. Nakənya mbwa'ana kani keekesi kə kwanani chamta bəda Kaisar kapat kutura Romacha ndu nga keekesuwə?

¹⁵ Anakən a mbəssa Yəso sakta kohat nofchəkən, ndangnakandəwa: "Kəthləmmə natuni ndəfi kantara mban? Bəmitən hanndəmbəltə Romawecha kə ni."

¹⁶ Ndəkən bəndəndə ərta, sahəkəwa, mirshingngiya tə thləmmə dərəkənya i wuni?" Ntangndəwa: "I Kaisar."

¹⁷ Ntang Yəso kandəwa: "Fəramna Fara i naka i Fara pad fəranguni Kaisar i naka i Kaisar." Pədag ənatkən kandəfə ka'ən tə ngəmtə'en.

Sahmi kə Dar Thlata Məmatcha

¹⁸ Bək Sadukiyawecha mbəs Yəso, pəktat fa tərmbanda fichile ndakwa thlatəsa diffitə mətadəwa. Sahangndəmi tə ndatwa:

¹⁹ "Maldəm, yarang Musa kus tiya kanisi ndatwa, ma mir hwanman nifə kə hishnifa, mēltə nuhnifihi nga hwechi'ensuwə, hwanmankən kə hishnifa nan kəna reta kə ngalaən hwecha hwanmankəntisə məkəyu, kəthləm kəda thləm hwanmankəna mban.

²⁰ Hwanmanchisi mud kə hishcha, hwalat'hwankən thləkən perra, məkən malutə hwehiwa,

²¹ Chapatəkən tərəkən nuhmurufiyu kə nuhkən, məlan pad məkən malutə hwehiwa. Sokkən kichu tə məkkatəkən.

²² Nakna mban kichuyu tūbwaən hwanmanchi mudyu malundə hwehiwa. A mweshit-mikən bək nuhiyu mərta.

²³ Kəthləm ndəkən mbwa'ana kani, a thlata məmatcha nakna nat kə nuh wuni? Kəthləm ufndə mud rēfndə tēndi."

²⁴ Ntang Yəso kandəwa: "Ndəkən sək la suchituni keeke kəthləm sənwuni yarat shunda Faruwa, Pad sənwuni alchita Farəwa.

²⁵ Thlahmbədi nat məmatcha thlata, mwa'u hishcha ret nishchəwa, nishchi pad mwa'u fīcha fərkanda kanwa. Naknda soktə nda fathləncha Fara hur'afshi.

²⁶ Dər pathlə thlata məmatcha, awi tamwuni changnganda a hur dəlwercha Musa wowa, a hur kusheng shiwun hurhwelii kəskə hwatyu? Ndatwa njang naka Fara Ibrahim, Ishaku tə pad i' Yakubu."

²⁷ Məlan nga Fara məmatchəwa, i' fa shishshingcha. Shidduni i'nguchik Keeke."

Kus le Nak Mwanchin

²⁸ Ərta hur maldəmcha fa sakandə kussa Musa di, thlarkənhi mbənniyu nakna səkkanda halə'i'ndə tə ndani. Mbəssaən təndatwa Yəso firtə ngəmtə ndiichin, sahəkəwa: "Yen kus tənī cheka nat mwanchina hur kuschi ufya?"

²⁹ Ngəməng Yəso wa: "Le nak mwanchin ndəkən naka, Səkama, Kunang Israilawecha, Ləmwanda Fərengnəm məlan ərta na Ləmwandə ndak.

³⁰ Waat kə mbənnəfat Ləmwanda Fəreku tə hanndəkiketəku uf, tə shishshingteku uf, tə yareku uf tə pad alchideku uf."

³¹ Chapatəkən pad ndəkən naka, 'Kə yahnə le nattuni nduknduk nda i'yahtu i'ndeku.' Nga kussi si mbərangnga fichilehiya tə mwandəwa."

³² Ndəkən ngərandə maldəmti la sakangnga dəwa: "Keeke mbuutu maldəm. Mbwi nə kittəkən ndatwa Farə ərta yunəsə padwa.

³³ Paɗ ashini ndiichinsi kə yah fichində tə handəkiketə uf tə mbəssandengnə uf, tə alchit uf, tə paɗ kə yahnə fichile natuni nduknduk nda i yahtu i'ndeke. Ndəkən nak ndiichin oi sherada fər us'i'chi tə fər pofənti yahtə ficha hur kustəkən."

³⁴ Kə mbəsandə Yəso wa nifiniyu a mbəssadə ngəmtə'en tə ɗathla, ndaənwa: "Nganaku lanngə tə kuturichitta Farəwa. "Diffitə ndəkən yunəsə sək alchit hanndəkiketə kə ngərən sahhami paɗwa.

Hweya Wun Kərəsti Tiya?

³⁵ Nak Yəso sakandada hur kapat hura'a Fara, sahkənwa: "Təkəni lanat maldəmcha fa sakandə kus Musadi ndatwa, "kərəsti hweya Dauda nakən?"

³⁶ Kəthləm Dauda tə i'ndi'en a hur Shemeɗ Chidchid, ndakənwa: "Ləmwanda ndangna Ləmwandengnəwa, sokuhi tə harsəmtengna, kə fari nati ndəf atikrechəuwa ka sarəcheku."

³⁷ Dauda tə i'ndi'en edtəndəwa Ləmwanda, tə kənə natna sokta hwe'en?" Kapat humtəhi kəthləmat tə mbəndəfa.

Mbəramsa Maldəmcha fa Sakadə Kus Təkənadi.

³⁸ A sakandə'enadi ndakənwa: "Mbəramsa maldəmcha fa sakadə kus tə tərbandadi, la yakhənda witə tə pəktat njelecha, kəthləm kə ndang fichi ənna kandə təmwanda lumocha.

³⁹ Paɗ la mbərangfata kanda kə mbəsndi mbətsokchi ndiichin a mbət humta Yahudawechihi, tə mbət rəbcha.

⁴⁰ Kandang harəfatsəwa la naknda səmandə i'cha ndəlat nishchi mərətə hishchengnanda, tə hwandə toltol a hur nofcha nda ka fa tərmbanda. Kəthləm ndəkən nanda sat bahtə ka'en."

Fər Poffənna Ndəlat Nuhnifə Mərətə Səmahha.

⁴¹ Sokkə Yəso nduktə yokət ngom hanndəmbəltə a kapat hura'a Fara, nakna nata kələndə nofchi naka muh hanndəmbəltəngnanda hur yokət fər poffən təkən. Hurrumchi oi muhkə hanndəmbəltə chə ka'en.

⁴² A bək nuhnifə lə bahta le mərətə səmahha, somkən mbuthl kopo chap kə hurkən, le sokka pene ərta.

⁴³ Ak Yəso kimshechi'en kə thləmatkən, ndangna kandəwa: "Kitchitkən nati mbwa'anda kuni, i'fərtə ndəlat nuhhi mərətə səmahya, mbəranda i'chika wunhi uf.

⁴⁴ Kandang ufya fərəkənda hur kənechengnanda, məllan paɗ a hur bahtə'en fərtən uf i'tahangsa nat'en."

13

Mbwi Yəso Witə i na Kəs Kapat Hura'a Fara

¹ Nak Yəso malə kapat hura'a Farəhi, ərta hur kimshechi'en ndakənwa: "Maldəm, nu witə pəktat ngwichiya tə pəktat tinchiya."

² Ndag Yəso wa: "Nga nednə pəktat tinchiyawa? Nga yunəsə natficha mala mbənniyu chika ərtəwa paɗ ngwisə nat ficha mala ɗar shekkən nguchitficha wuwellandəhiwa."

Tərka Bahtəhi.

³ Paɗ sokkənna ɗar shohla Zaitun le naka kəllarə kapat hura'a Fara. Bitrus, Yakubu, Yohanna tə Andarawus bəknə i'chitnanda buɓweeta sahangndəwa:

⁴ "Mbwa'andəna kani, kwat nat i'chiya sətə? Mənaka sakətkən na chetəwa a shee farə sətə i'chiniya?"

⁵ Ngərəkə Yəso səwa, "Ndəffam i'ndəsi mə shekɗa yunə kuniwa.

⁶ Kəthləm nofchə oi na ɓata hur thləmnə tə ndatwa, 'njang naka kərəsti.' Nanda ləm nofchə oi.

⁷ Paɗ ma shikunə pathlə mbecha tə kusheng mbecha, mə lechiduniwa. Waat i'chiniyu nat kəsən kichu, paɗ mweshitkən sa'u kwandənwa.

⁸ Həmtə nan thla'anda həmtə fa, kuturichit paɗ nan thla'anda kuturichita fa. Na ficha sək həhərtə hachahaifa mbechə somsomən a kisshita, tə paɗ na mita natsi. I'chininatyu tərka pwanchə kwadən, mwee funa ɓata.

⁹ "Kə sokuni tə tahhasəfa ma i'chiniyu tərka thlata. Nanda ndəttəkuni kə mbət sakmicha, paɗ nanda təppanda kuni a mbət humta Yahudawechahi, paɗ nuni thlara ɓanitə pəktat nofcha tə kuturcha kəthləm thləmnə, paɗ nuni mbəs mba mbwa'a kusheng shunda kandə kə ɗar i'ndengna.

¹⁰ Kəthləm kusheng shundə mbinchin nat ficha tərka ɓassanda həmchə nat.

¹¹ Ma harandə kuni ɗəndə tə kuni mbət shunda, mə thla'i hur in'chengnuni kə ɗar i'natuni mbutəwa. Mbwa'am i'mbwa'andə Fara kuni a mbənniyu, kəthləm nga kunang na shundəwa Chidchid tə Shemeɗ ndak na shunda.

¹² Pad hwanmanda nan fər hwanmankən kə bəlang fīcha, Shində pad nan fər hwe'en, pad hwecha nanda thla'anda parchinandə fa, kə dəfndə kə təkang fīchə kandəhi.

¹³ Pad chikawun nan cherə kuni kəthləm thləmna. Pad le kərəskə kə ndukwatken nan hərəkta.

Sat Pwancha.

¹⁴ "Farəkənaḅata ma mbishuni ənət təkəmta le na ḅat tə pwancha a thlerhi mbəḁi kamuchiksi, (Lə changngatkən kə sənən): "Fichile naka Yahudiya kə rahnda shohlacha.

¹⁵ Le naka afshi a ḁar kəndə mə tərīdahi kə yimka huriwa nan tər ənwa.

¹⁶ Le naka hi mə ngərīda huri wa nan tər ənət suptə'enwa.

¹⁷ Ai kəmbəda nishcha fīchile tə hwechahur tə fīchile tə hwecha həsər a hur munchiniyu.

¹⁸ Hwanama mə si ichiniyu a hur mbitəuwa.

¹⁹ A thlah mbəḁiniyu, na pwancha natsi le tamu chit fīcha nata kə sət Farə kishita kə bukwəya, pad ngu fīcha ngərəndəwa kə ndukwatken.

²⁰ Manga i'nakən tahha Ləmwandə hanmunchikənhiwa nifəsi na hərəktəwa, Pad kəthləm tachikənharti taatən, ndəkən sək tahandən hanmunchikənhi.

²¹ Mənda yuna kuniwa, "Nama, a Kərəstiya, ndu 'məlan taatiyu' mə fərīduni kitsəwa.

²² Kəthləm fa lekchisi na chetakish wa kandang naka kərəsti, tə tapənecha i'lekta, pad kənanda sət ənət pəḁandə nifəfa kəthləm kə shekḁangndə nofcha, manan səta chika tachikənbara Fara.

²³ Kə ndəfuni i'ndəsi, mbwa'adi chikama kuni ledya.

²⁴ 'Diffitə Pwanchini hanmunchiniyu, hwatfarə nan yimta hulta, ndərra'a ngu fər ḁwachitwa,

²⁵ Handərəchə pad nanda nata həḁatta haya afshi, alchita afshi nan həḁərtəfa.

²⁶ 'Dif fitəkən chikawun nannat hweya nifa ḁata hur hussomḁa tə kapat alchit tə mwanda.

²⁷ Kana thlən fathlənchi'en kə ngommangndə tachikən'en chika aya hurkishita, thlata ndukwat kukunchi fwaḁa a kishita thlata ndukwat kishitə kə le.

Ənət Sakta Dar Affət Shubwata

²⁸ Nakənya sakam əna ḁar affət shubwata. Ma mbisshuni tirkeetə njarəhi mələ titita, kə sənunisəwa fektə ndukhi.

²⁹ Kichu pad, ma nēḁnduni ichiya səta kə sənunisəwa ḁat'en ndukhi mələ mi kəndə.

³⁰ Kitchitkən nati ḁwa'anda kuni, nadihi nakənya ngu mbərtəhiwa, sema shid i'chinatyu.

³¹ Afshi tə kishita nanda thlərəttadi, pad shundengnə ngu tamta thlərəttadəwa.

Nifəsə Sənkə Farəkən ndu Hanthlikchəkənwa.

³² Pad nifəsə sənəkə farəkən ndu hanthlikən kurmi fari nat i'chiniyu səta, chika fathlənchikəna hur afshi ndu hwankən tə'i'ndə'en. Shində sənəkə ndak.

³³ Nakən sənwuni fari nat farəkəna ḁatwa, sokam tə tahhasəfa.

³⁴ "Bata hweya nifa naknanat nda nifə na sət witə langnga, ma meltə huraahi, saka'en tora mafechi'en, chika wun tə tor'en, ndangna lə pu mimbangkənharwa, kə ndəfən i'ndəsi kə fari natna ngərəndə'in.

³⁵ Chika kunang kə ndəfuni i'ndəsi, kəthləm sənwuni fari nat lə hura'a ḁatadəwa, ndu farəhufta, hurḁiffitə findəkta, katət ḁəta, mbahya bingta.

³⁶ Ma ḁəd kurukchuk mə ḁida mbəsəndə kuni sabweniwa.

³⁷ I la ḁwa'adi kuni, la ḁwa'ayi chikawuni kə sokuni tə tahhasəfa."

14

Kəd Pəktechə Mbənda kə Bəlangndə Yəso

(Mt 26:1-5; Lk 22:1-2; Yh 11:45-53)

¹ Tahkə mündə chap kə safichə chohhəmtala tə i'chi njohma le nguchit mehdəsafi'en. Le nak mwanchina hur pərischa tə maldəmcha fa sakandə kussa di, naknda kat mba kəsəndə Yəso buḁweeta kəthlən kə bəlangnda.

² Kəthləm lə ndakndəwa: "Ngəma sət iya hur njohhəmiyawa, mənə nofcha thla'andəhur'i'nda."

Pa'afichə Kwescha Fideta Yəso a Betani

³ Yəso mələ Betani hura'a Siman le nat tarkwindafi'en soh. Mələ ḁar səm'əna, yimkə nuhnifəsi tə kwescha kupat tahəstəfichi tə pundala, tə fideta hurkən le nat sətə'en mbinchinfa la atfichuwa nardi, la hiikəfichə tə handəbəlta oi, chaən kupadihiyu thləraən fidetkəna Yəso in.

⁴ Nofchi naka mbənniyu səbkə handəkikecheng nandadi tə i sət nuhiyu, ndangndan-daniwa: "Kəthlemmə natna səbandə fidefidə lahiitəfichə tə handəbeltə oi kicheya?"

⁵ Matə hi'yangfichadiya manaficha mbəs handəbeltə i sherangna aru kumchit kum məkkan, kə fərangficha fa bəhcha." Bəkannda nuhihiyu ka'ən.

⁶ Ndak Yəso wa: "Malamən nuhhiiniyu! Kəthlemmə natuni dəhandə'in? Shidə'tə'n ndiichin.

⁷ Fəbahcha pware a hurnuni, nuni mbəlla kəsandakandəsi chikakwat yahtuni. Pad nga njang tə kuni pwareewa.

⁸ Nuhhiya shidə'tə i natna mbəla sita. Thləridə fidetafa a tah'sadə fadəngnə kə fari natficha thlohita.

⁹ Kitchitkən mbwa'andi kuni, uf mbədi nat nofcha bəsə kusheng kashunda hur kishitə nat, nanda mbu i sət nuhiya, kəthlem kə kudufichəndi."

Ngəma Yahuda wa Nan Fər Yəso kə Kəsangnda

(Mt 26:14-16; Lk 22:3-6)

¹⁰ Yahuda Iskaryoti ərta hur kimshecha Yəso kumkəngərənsə chap, dəkna mbəda Pəktat Pəristchəkən kəthləm kə hi'yangka fi.

¹¹ Səkkəndə i yahtəna sətə naknda kwala, ndəkən tahsədəfəhiwa nani fərru handəbəlta. Mbənniyu ngagtə Yahuda kat mbayi natna hi'ya Yəso kanda.

Yəso tə Kimshechi'en Chiində Njohmə Nga Mehndəfəwa

(Mt 26:17-25; Lk 22:7-14, 21-23; Yh 13:21-30)

¹² Saakə tərka fərə chi njohəm chohhəmtala le nguchit mehndəsa fi'en, le lə thlet fichə burat hansohrata, ndang kimshechi'enwa: "A ai yahtusi kə tahsukani mbət chi njohəm chohhəm taləkənsi?"

¹³ A thlənkən kimshechi'en chap ndagnna kadəwa: "Dama hur həmta, nuni kəmtə tə nifə mələ rəf bət ama, kurunindi,

¹⁴ uf huri'i yimtən, ndangnguni lə hurikən wa: "Ndak maldəm wa a ai kətən rəmchi natti chi njohhəm chohhəmtala kanang tə kimshechengna?"

¹⁵ Nan cheda kapat kəndə kuni afshi le taptəficha kə tahsangficha. Mbənniyu natuni tahsə njohəmkəna kəmsi."

¹⁶ Kimshechiyu malkədə mbənnihiyu pədaknda hur həmta, dəknda mbisandə uf ichi səka nda i mbutə Yəso. Tahsangndə chohhəmtaləkənhi.

¹⁷ Diffitə həmta fara Yəso tə kimshechi'en kum kəngirənsə chap bəknda hurikən.

¹⁸ Kanda dəfər səm'əna, ndak Yəso wa: "Kitchitkən nati mbwa'anda kuni, ərta hurnuni nan hi'itadi, le natani səm'ən təndi."

¹⁹ Kə səkə kimshechi'en kichu səbkə handəkiketeng nandadi, tərkaakəndə sahəndə ərta ərta tə ndatwa: "Njang wa?"

²⁰ Ngərkənsuwa, ərta hurnuni kumkəngərənsi chap le natani səm'ta hur təbi ərta.

²¹ Andiya hweya nifə nan bədətə, nda i yarandəfichə kushəngkənhi nattə kichu, ai kə mbəda nifi yəhkəsə fər hweya nifa! Kwəshkəna ngəufichəndəwa."

Səm Jibi i Ləmwanda

(Mt 26:26-30; Lk 22:14-20; 1 Kr 11:23-25)

²² Naknda dəfər səm'əna, tərəkən njohma saən usoko Fara, chichaənhi fərangna kimshechi'en, ndagna kəndəwa: "Thləma; leya fadəgna."

²³ Diffitəkən tərəkən təpsat ama, a səkən usoko, a fərangna kanda sakndə ufnda

²⁴ "Ləya fwarengna le thlərandidi kəthləm nofchə oi."

²⁵ "Təni mbwa'a kitchitkəna kuni thlatə nakənya kə mban mwaaui sat ənwə magnə fari natisat yuwakəna hur mwanda Fərə wa."

²⁶ In'kəndə imsha, pədaknda kish kə shohla Zaitun.

Mbwi Yəso Halə'ni Nat Bitrusa Hala

(Mt 26:31-35; Lk 22:31-35; Yh 13:36-38)

²⁷ Kanda dəfər wita ndang Yəso kəndəwa: "Uffuni nuni rahta maluni nji i'chitna. Nda i yarandə fichə ndatwa,

'Ni bələndə la hərəmta, shohrechikən nanda wuweləhi.'

²⁸ Dək na mban təndəndə wa diffitə thlatengna tə shishshingta ni lata Galili mə kunang".

²⁹ Ndag Bitrusa Yəso wa: "Njang ngi maləsəhiwa chika rahkə tahchikən nat."

³⁰ Ndag Yəso Bitrusa wa: "Kitchitkən nati mbu'uta fidəkiya kə kukwara dəktə chap nu kurbədə halə ində məkkan tə ndat wa sənunə njiwa."

³¹ Chika tə kichu nak Bitrusa kurbəndə mbuta tə alchita ndatwa, chika tənə ficha təkəndəkəmhi hwaa ngi tamta halə i'ndəwa sənwisəwowa!" Natnda ndakndə kichu.

*Hwana Yəso Fara hur Getsemani**(Mt 26:36-46; Lk 22:39-46)*

³² Ndəkən saatənda mbiḏə la atfəchiwa Getsemani. Ndangna kimshechi'en wa: "Sokamhi mbiḏya, kə di hwanda."

³³ Tərkən Bitrus, Yakubu tə Yohanna, tərkaakən sək bahtə ka'en, mirfat'ennadi.

³⁴ Ndangnakandəwa: "Shisshingtengna mēlla nat pwanchə ka'en. Thlaramhi mbiḏya kə nuni kəlati."

³⁵ Dəkna mban ngudeh həkənhi hachaya nakna hwandə tə ndatwa: "Ma mbandəsi mə nidi pwene ti naka batyuwa."

³⁶ Ndakənwa: "Papa, Papa, ənsə nak 'yang'yang nga mbəḏekuwa. Tərran pwene tiḏadi fi'engnəya. Chika tə kichu nga i yahti natu sətwa iu'wa."

³⁷ Ndəkən ngərandən ina thlema kimshechi'en dəkna mbəsandə kanda sa bweni. Ndangna Bitrus wa: "Bitrus, nanna sa bweni? Awi nguna mbəlla soktə tolla a kəlat chika i hanthliktə ərtəwa?"

³⁸ Sokam tə tahasəfa kə nuni hwanda kəthləm məhəmiḏuni hur yah'ichəwa. Paḏ tir sheməḏa nat təkichu fatkən tərūwa."

³⁹ Ngərkənna ngərrandə'in kəthləm kə hwanin, nakna ngərrandə shuni shuwuntən soh.

⁴⁰ Ngərkənna bəta thlema nanda bakna mbəsandə kanda sabweni, kəthləm uf nda nəhəd bweni hwanichengnandə ka'en, bəhkəndə i nan nda mbwa'anda.

⁴¹ Ngərkənna thləmatnanda i məkkatəkən, ndangna kandəwa: "Paaya mwakuni sabweni kənuni yipta? Shik kichu, shee farəkən. A fir fichi hweeya nifa kə hara fa bəbichitfata."

⁴² Thla'ama, tama. nama, nifina hiyyandadaḏi mələnya!"

*Kəsafichə Yəso**(Mt 26:47-56; Lk 22:47-53; Yh 18:3-12)*

⁴³ Chatkichuyu, kə nanna ngələndə mi'en, bək Yahuda ərtə hur kumngərənsə chap təkən tə nofchə oi tə thlohcha tə səssalcha, pəktat pəristcha tə maldəmcha fa sakandə kusadi, tə pəktechi thlenkə kanda.

⁴⁴ Kəthləm nifi hi'yangngadiyu teppa mweshandə tə ndatwa: "Le natti mbənfatkənyu mələn naka nifəkən. Kə kəsangnguni kə pəḏuni tənda har."

⁴⁵ Kə saatən dəkna mbəs Yəso ndaənwa: "Lə hura'a." Nakna mbənfatkən tə kəmmya.

⁴⁶ Chatkichuyu njo'angnda kəsangnda.

⁴⁷ Ərtə hurnandə le nak kit, kətkən thlohtə'en chathlaən thlemata mafata kapat Pərist təkənnadi.

⁴⁸ Ndang Yəso kandəwa, bəkuni tə thlohcha tə səssalcha kəthləm kə kəsikuni nda tənə hara?

⁴⁹ Hanmunchikən kəm nang tə kuni nja sakandəfa hur kapat hura'a Fara, nattə kichu kəsiwuniwa. Sək fichə kichuyu kəthləm kə nəhəng fichə i mbutə laulawatkən.

⁵⁰ Mbənniyu bək kimshechi'ena cherəndəfa, rahkənda.

Kimshi'i Rahka

⁵¹ Han kimshasi tə də supta fa, kuwurkən ndi. Njo'angnda,

⁵² məllan mallaən də supkəna kanda, rahkən tamkwəl.

*Yəso Mbanitə fa Yarakən hi**(Mt 26:57-68; Lk 22:54-55, 63-71; Yh 18:13-14, 19-24)*

⁵³ Mbənniyu Pəḏak ndə tə Yəso kə mbəḏa kapat pərist. Nat pəktat pəristcha tə fəmbanicha tə maldəmcha fa sakandə kussa di ngomkənda thləmmatkən.

⁵⁴ Bitrus nakan langnga nattəkichu kuwurkənndi, kə hura'a kapat pərist təkən sokkənnə thlema fa pu hurikənar nakna tək hwata.

⁵⁵ Mbənniyu pəktat pəristcha tə pəktat fəsakmichə uf nda naknda kat sakət shuni nannda dəftə kə ḏar Yəso, kəthləm kə mbəsndə kə bəlangnda, nattəkichu mbəsundə mbandəwa.

⁵⁶ Paḏ nofchə oi shuwunkə lekta ḏar i'ndi'en paḏ bu miyengnandə ərtəwa.

⁵⁷ Diffitəkən paḏ thlaakə funə tə lektə kə ḏar i'ndi'en ndatwa:

⁵⁸ "Shikanindi ndatwa, 'ni hokkəndə kapat hura'a Farəhi le tintə fichə tə harcha, paḏ hur mundə məkkən ni tinnanda kwarkən nga tə harchəwa."

⁵⁹ Chika tə kichu shundengnandə bu ərtəwa.

⁶⁰ A mbənniyu thlaakə kapat pərist thlərkənhi kit kə hurḏifitəndə sahaən mi Yəso tə ndatwa: "Nga ngəmtəkusəwowa? A ḏar witə i'chi mbutə fichə i'ndekuyawowa?"

⁶¹ Ngaskən bə ngərawusəwa. Ngərkə kapat pərist təkənnə sahandə paḏ: "Sokən naka Kəḗsti, hweya Farəwa?"

⁶² Ndak Yəso wa: "Njang." "Təpaḏ nuni nat hweya nifa dassa harsəmta le nak mwanchin mələ batəhaya hur afshi hur husomba'a."

⁶³ Ndakən thləthlahandə kapat pərist təkən njela'enadi, ndakənwa mənātma ngərkata mbəð'en padī.

⁶⁴ "Səkam witə njir fadi sətən: "Mə nattuni?" Uf nda thlangndə kitahi tə ndatwa keekesi kə məkadi.

⁶⁵ Chatkichuyu tərkaakə funa chaha yahtafa, kənanɡndə hwanichi'en, tətəpangndəfa, ndangndəwa: "Mbwa'ana kani wun təkəsa." Fa pu kapat hurikənar mbwaltakənndi.

Bitrus Heltə I'ndə tə Ndatwa Sənu tə Yəso wa

(Mt 26:69-75; Lk 18:15-18, 25-27)

⁶⁶ Bitrus məllan ndassa hachahaya fəlhura'a, bak nuhhwee ərta hur mafecha kapat pərist.

⁶⁷ Nakkən Bitrusa tək hwata, nakna kəllandə ndakənwa: "Sokənma, kunang nak tə Yəso Lənazaratadiyu."

"Ndaənwa kunang nak tə Yəso Lənazaratadiya.

⁶⁸ Pad' halkən i'ndə ndakənwa: "Njang sənwi i natu shunda dərəkənwa. Pad' mbəssawīwa!" Cheknakish kə mi mbanga. Chatkichuyu kukwarkə dəkta.

⁶⁹ Mafat nuhhwanīyu nakənndi, ngərkən ndanda fichile kitkitta mbənnīyuwa: "Nifiya məlla hur nanda."

⁷⁰ Ngərkəna halə i'nda.

Toppə kicha pad' fichile kitkityu ndangndə Bitruswa: "Kitchitkən sokən pad' naku ərta hurnanda, kəthləm sokən lə Galiliyawata."

⁷¹ Nakna cherə i'ndi'en kənna nata at'i'chimi tə ndatwa: "Sənwi nifi natuni shunda dərəkənwa."

⁷² Chatkichuyu kukwarkə dəkta i chapatəkən. Kudukkə Bitrus tə shuni mbwa'andə Yəso ndatwa: "Kə kukwara dəkta chap nu kurbəndə halə i'ndə məkkan ndatwa sununə njiwa." Kə kudəkən shuwunkən chat nakna tita.

15

Yəso Məla Mbanitə Bilatus

(Mt 27:1-2, 11-14; Lk 23:1-5; Yh 18:28-38)

¹ Kənat bəta wənda mbingtə tung, pəktat pəristchikən tə pəktat fambanicha tə maldəmchə fa sakandə kussa Musa dī, tə pəktat fasakmicha tahsangndə hi. Dəkən kənanndə Yəso pədakndə tənda mbaniti Bilatus.

² Sahang Bilatus mi Yəso tə ndatwa: "Sokən naka kutur Yahundawecheəwa?" Ngəmaən'en tə ndatwa: "A mbwinə keeke."

³ Nak pəktat pəristchikənna nata muh hanharkən kə dər i'chə oi.

⁴ Ngərkə Bilatus sahami tə ndatwa: "Nga ngəmtəsi natu ngərtəsəwowa? Nu yakat kohat shuwunchi nannda mbutə kə dər i'ndekuyu."

⁵ Yəso paaya ngərausəwa, pəđang ənnatkən Bilatus fa.

Thla Fichə Kiita Yəso i Mərtadi

(Mt 27:15-26; Lk 23:13-25; Yh 18:39-19:16)

⁶ Ma shee farə chohhəmtala Bilatus lakalkən nifəhi ərta hur pursunacha le sahtənda.

⁷ Hur fa thlahur in'chi pursunayu yunəsə mbəlkəfata le la atfichəwa Barnabas.

⁸ Bak ngom nofchə oi tərkaakəndə hwanandə Bilatus kə saən kandə nda i'səntənhi tə sandə kanda.

⁹ Ndəkən ngəmməndən engnanda: "Yahkunisi kə kallayi kutur Yahundawechea kuni hiwa?"

¹⁰ Kəthləm mbəssadiwa tə nan'nda sərəhndi, ndəkən nat pəktat pəristchikəna fərndi.

¹¹ Pəktat pəristchikən chikangndə nofchikən, kweshkən kəkalaən Barnabassa kandə hi.

¹² Ngərkə Bilatusa ndanda kandəwa: "Mənati sandə nifi lə atuniwa kutur Yahundachiya?"

¹³ Ngərkəndə hwata tə ndatwa: "Kukanhi!"

¹⁴ Nđang Bilatusa kandəwa: "Kəthləm mi? witə bəbifat mə sətən?"

Chika tə kichu thla'angndə mburat uf ndə tə alchita ndakndəwa: "Kukamən hi!"

¹⁵ Bilatus yahkənsa tərta hur ngom nofchihīyu kalaən Barnabassa kandə hi. Difiətə təppi təpəndə fəthlərhwechea Yəso fərangna kanda kə kukwangndəhi.

Njir Fəthlərhwecheə Yəso

(Mt 27:27-31; Yh 19:2-3)

¹⁶ Pəđak fəthlərhwecheə təndi kə huri kuturichita, kə hur huri kuturichita, akndə tahət fəthlərhwatəkən nat.

¹⁷ Pangndə njeli kuturichit ngah nda am fi mbillehsheta, tahəskəndə fwa'in ndahha pangndə in.

¹⁸ Tærkaakəndə nda ənnə: "Mbwarə shishshingta kə mbəðeku kutur Yahundawechea!"

¹⁹ Naknda rərro'a ndəffa'in tə səssala, naknda chahha yahta fa, təpađ naknda kopandəhi wa tənnda fəra mwanda.

²⁰ Kə mweshandəndə njirndi, kətangndə njeli'ih i fi'en ngah nda am fi mbillehshetyu pangndə ikən. Pəđakndə təndə kəthlem kə dənda kukwandəhi dər palita.

Kukwa Fichə Yəso hi

(Mt 27:32-44; Lk 23:26-43; Yh 19:17-27)

²¹ Kanda dər mbərtəhi tə Yəso məlla rəf palitə'en, chat a nifiya lenat thlemkən wa Siman lə Sayirinta, shinnda Alekzanda tə Rufus, məla bata thlet həmta dəfkəndəndi waat kətərən palita Yəso.

²² Pəđakndə tə ndi kə mbədi lə atfichəwa Golgota (sakatkən wa mbət təb i'nda").

²³ A mbənniyu fərrangndə am'innabi le kurtandəndəhi tə mur, cherkən sata.

²⁴ Kukangndəhi dər palita, sakangndə njela'en hi thlərənanda, naknda tata kəthlem kə sənnə i'nat chikawuna mbəsta.

²⁵ Kukangndəhi tə hanthləktə hanherta i'bingta.

²⁶ A yarandə ənat sənəkən kə dərəkən: "Kutur Yahudawechea."

²⁷ Mbənniyu kukangndə hi tə harchə chap, ərta harsəmtə'en ərta hishingta'en.

²⁸ Leya ndəkən na nəhata laulawathi, ndakwa a thləkfichənda hur fa chərə thlən i mbutə kus."

²⁹ Nat nofchi naka mbərtəhi tə mbənniyu, naknda həhrəndə i'nda kənnə shuwun bəbi icha dər Yəso tə ndatwa: "Yu! sokən ti ndakwa, nu hokandə kappat hura'a Farəhi pađ kə tinangna hur munchə məkkən,

³⁰ hərkəndən i'ndeku hacha, kə tərnahaya dər pali'iya!"

³¹ Kichu pađ pəktat pəristcha tə maldəmcha fa sakandə kussa di, lə naknda shuwun njirndi a thlərənanda, lə naknda ndatwa: "Hərkədəfuna: "Ngu hərkəndə i'ndi'enwa.

³² Kə tər Kərəsti haya kutur Isra'ilawechea, kə tərakahaya dər palikən chetchetya, təkichu natma nata kə fərmkita dərəkən." Fichile kukandə fichikandə təndi i'erandəfa.

Mərta Yəso

(Mt 27:45-56; Lk 23:44-49; Yh 19:28-30)

³³ Hanthləktə kumkəngərənsi chap i hur fara, ngəlang hultə hachahaikən nat, kə hanthləktə məkən i farəhufta.

³⁴ Kə saatə hanthliktə məkən, tik Yəso tə kapat mburata, ndakənwa: "Eloi, Eloi, lama sabatani?" sakətkən wa: "Ai Fara, Ai Fara, məsək chertunji?"

³⁵ Fichile thlarkə nduk təndi kəsəktəndə kichu ndakndəwa: "Səkama məla at Iliya."

³⁶ Rahkə yuna hurnanda dəkna tənəndə ən nda hussunnjela'a, tə am tamnda fakkəna səssala, fərangna Yəso kə san, ndakndəwa, "Pwa'ama, kənəm ma na Iliya bata tərəndahaya dər pali'ya."

³⁷ Chatkichu shuwunkə Yəso tə kapat mburata, kanna kalə shishshingta'enhi.

³⁸ Kuwuri kəntə fichə kapat hura'a Fara thlahkən hi chap, thlata dərəkən kə kakən.

³⁹ Kapat fathləhwechəkən le nak kitta mbəniyu a kələnda nakən məri'mərtən* ndakənwa: "Kitchitkən nifiya hweya Farə nakən!"

⁴⁰ Nishchəsi thlarkə langnga naka nat kanda nishchəkən nda Maryamu le baka a Magdala, Maryamu man Yakubu le nak nguddəh mə Yusufu†, tə Salomi.

⁴¹ Kandang kuwurkəndə, nadi natnda hachahai Galili, kwirndəndə təpađ fərəndə mwanda, tə yakat nishchi oiyyu dəfkəndə kə Urshelimayyu kanda mbənniyu.

Thloh Yəso

(Mt 27:57-61; Lk 23:50-56; Yh 19:38-42)

⁴² Sək farə hufta, bəkna soktə kə farə tahasəfa kəthləm ishkichitkən farə yipta Yahudawechea,

⁴³ Nifəsi lə atfichəwa Yusufu bəkna həmət Armatiya, nakən ərta hur fichile lə fərəndə fichə mwanda, lenaka pu mwanda Fara, səkən alchit handəkiketa ndəkna mbənda Bilatus, sahaən murət Yəso.

⁴⁴ Pəđang ənatkən Bilatus fa ndu a teppa mirri, thlənkən kə angfichile nak mwachina hur fəthərhwechəkən, sahaən miya: "Təkit Yəso teppa mirwa?"

⁴⁵ Kə səkən kichu miya kapat fəthlərhwechəkən tə ndatwa teppa mirri, fəraən murət fatkəna Yusufu.

⁴⁶ Hiikə Yusufu njeli thlohmurta, tərəən fata Yəso haya, fwadaən tə njeli thlohmu-rundəyu, dəfkəna hur kwata le retficha fa ngwiya. Pwatəkən paplata ngəlaən mi kwatkənsi.

* 15:39 15:39 Funə yarechikən ndakndəwa tidi kəna mərta † 15:40 15:40 Greek cha yaru ndəwa Josephwa yarak nduwa Josēs

⁴⁷ Maryamu le baka a Magdala tē Maryamu man Yusufu neɗnɗe mbædi hunandē fīcha.

16

Thlata Yəso kwata

(Mt 28:1-8; Lk 24:1-12; Yh 20:1-10)

¹ Kē mbærkē farē yipta Yahundawechē hi, Maryamu le baka a Magdala, tē Maryamu man Yakubu, tē Salomi, hiikēndi fīdēdi nat satē'en mbinchinfa kēthlēm kē dēnda pa'anda Yəso fa.

² A farē Lati bīngtē tung, kēnat fara cheta pēdaknda mi kwatkēn.

³ Nangnda ndandandani chiwua: "Wun na pwatandē paplatkēn engnēmaɗa mi kwatkēn?"

⁴ Kē thla'andēndē i'nda nak ndē paplatkēn a teppa pwatafichadi nakēn mwanchin.

⁵ Kēnannda yimta hur kwatkēn, nakndē hwankimsha'a ɗas tē harsēmta, tē heddi njela'a pēɗang ēnatkēn kandēfa.

⁶ Ndangna kandēwa mē pēɗa ēnkunifēwa nuni kat Yəso Lēnazaratta, le kukkwandēfichēhi. A thle'i, mēlansa mbēnniyuwa, kēlama mbædi hunandēficha.

⁷ ɗama mbwa'amna kimshechi'en tē Bitrus, tēndatwa nan lata Galili mē kandang, mbēnniyu nuni nanndi nda i mbwa'a'ndēnakuni."

⁸ Nishchakēn paɗ shekɗa'indē kanda kandē saktatfa Cheknda kish tē rahta, a hurkwatkēn fechengnanda rēptēfa shekɗa'indē kandē ka'en. Mbwa'aundē ēna nifuwa kēthlēm kanda lechita.

Yəso Chedadē Fat'enna Maryamu Magdaliya

(Yh 20:11-18)

⁹ * [Kē thlattin tē shishshingta fa bīngtē tung a farē Lati, tērkaakēn ɓata mbēs Maryamu le baka a Magdala, nuhi rēktē Yəso lēwurchē muda fet'en.

¹⁰ Mēlan paɗ ɗakna mbwa'anda fichile natndē tē Yəso soh kana mērtā ɗakna mbēssandēkanda sēb hura tē paɗ kanda tita.

¹¹ Kē sēktēndēwa Yəso mēllan tē shishshingta fa, tēpaɗ neɗtēndi, cherkēnda fērkiti.

¹² Diffitē ndākēn cheɗkēn fat'enna mbēnda funē chap hurnandē tē witē natsomēn, kanda ɗar pēɗata thlethēmta.

¹³ Nofchi chapyu ngarangndē'in ɓaknda mbwa'anda tahchikēn, chika tēkichu fērundē kitsi kē ɗar i mbutēndēwa.

Chedda Yəso Fat'enna Kimshechi'en Kumngārēnsē ɗrta

(Mt 28:16-20; Lk 24:36-40; Yh 20:19-23; Tf 1:6-8)

¹⁴ Diffitē ndākēn ɓak Yəso mbēs kimshechi'en kumkēngārēnsē ɗrta shokndēhi kanda sēm ɗēsēmta, ɓokkangna kandēhi kē ɗar ɓah fērkitichidēng nanda, tē kwaakwaachit hanɗēkiketa, kēthlēm cherndē fērkitta ɗar fichile naknda a diffitē thla'i'thlattēn.

¹⁵ Ndangna kandēwa ɗama hur kishitē nat kē bassuni kwescha shunda kē mbēɗa nofchē nat.

¹⁶ Uf nifi fērkekīti sangfichē baptisma nan hērēkta, paɗ le cherkē fērkit na fīcha fēra pwancha.

¹⁷ Na fīcha nat sakēt i'chiyya tē mbēɗa fichile fērkekīti: nanda chandē ɓēbi lēwurchakishsha hur thlēmna, nanda shuwun yuwamichē somsomēn,

¹⁸ Nanda harē huthlēnchahar tē paɗ chika witē ɓēbi i'natma sandē ngu tamta sa ēnkanduwa; nanda sa harcha nofcha in fichile nak hahchin nanda kēndadi."

Tēra Fichē Yəso kē Afchi

(Lk 24:50-53; Tf 1:9-11)

¹⁹ Diffitē shuni shunandē Lēmwandē Yəso kanda, tērrang fīcha afshi, sokkēnna har sēmta Fara.

²⁰ Pēɗak kimshechikēnna nata ɓasē kwashchē shunda Fara chika ayi, Lēmwanda nakna kēsanda kandēsi. Tē mbēɗa ēnnat sheka inchi nannda sētyu chedkēnwa kwescha shuni nannda ɓassēyu ɓakna mbēɗa Fara.]

* 16:9 16:9 A hura yerechi yararfichē soh ngusuwa chekangficha

TORCHƏKƏNA FATHLƏNCHA

Dəfshuwun Bata Shemed Chidchid

¹ Hur tərka delwer engna, le yarutisi sokən Tiyofoalus, yaradi ichihi nat tərkaatə Yəso sətə tə fichile tərkaatən sakandadi,

² kə fari tərət fichinda afshi, dīfitə fəra kussa fathlənchi'en tadtənhar təmbəda Shemed Chidchid.

³ Hur mundə kumchit fwada, dīfitə bahtə'enhi tə mərta'en, kurbadə cheda fat'enna kanda a mbachə somsomən ndatwa təkita a thlee tə shishshingtafa, pad mbwa'adə pathlə mwanda Fara kanda.

⁴ Nadi natən tə kandəyu, ndangna kandəwa: "Mə malində Urshelima hiwa, kə pundə kə nəhhəd dəfshuni dəftə shinkən hiiyu, nda i mbwa'andəna kanda,

⁵ Kəthləm Yohanna səkən baptisma tə ama, a hanmunchə dīmek nakficha sa baptisma kuni tə Shemed Chidchid."

Təra Fichə Almasihu Kə Afshi

(Mk 16:19-20; Lk 24:50-53)

⁶ Kənət Yəso humtəhi tə fathləncha, sahangndəwa: "Ləmwanda, nakənya natu ngər fəra kuturichit'ena Israila dəwa?"

⁷ Ndangna kandəwa: "Nga innuni kə sənuni thlet hanmunchə tə hanthləkchəkənwa, papa ndak nak tə alchitkən.

⁸ Nuni mbəs alchita ma bəd Shemed kə dər inchengnuni. Nakuni nat kə shetachengna, kə nuni mbwa'a pathlengna nofcha a hur Urshelima tə hachahai Yahudiya nat tə Samariya tə sərət kishitə nat."

⁹ Kə mbuutən kichu, kanda dər kələnda, tərangficha afshi kə hur husomba'a, bəkna shekata hwanichengnanda mwa'unda ngər nanndəwa.

¹⁰ Kanda dər kələta afshi, məlan pad mələ pədəta, bək nofchi chappa thlara thləmatnanda, tə njelechə hədədə.

¹¹ Ndangnda kandəwa: "Hishcha Galilicha, kəthləmmə natuni kikit kənuni kələta afshi? Yəso ti tərəndə fichə hurnuni kə afshiya, farəyuna nan ngər bata nda i natuni pədət'ena hur afshi."

Təd Fichə Matiyas kə Ngərka Kwar Mwanda Yahuda

¹² Thlaakənda malkəndə shohla Zaitunhi ngərangndə'ina Urshelima nakən nga langngəwa, witə nduk ka mel ərta.

¹³ Kə nannda sata həmətkən, tərəkənda huri afshi kə mbədi nanndə dəndas. nda: Bitrus, Yohanna, Yakubu, Andarawus, Filibus, Toma, Bartalamawus tə Matiyu, Yakubu hweya Halfa tə Saminu lə mbat thlət inda punofcha dī tə Yahuza hweya Yakubu.

¹⁴ Humkəndəhi natyu tə yarə ərta, naknda nata hwandə kənding, tə Maryamu man Yəso tə nischə terchin tə hwanmanchə Yəso.

¹⁵ A hanmunchiniyu, ngəmkə fəfərkihi aru tə kumchitchap kə mbət ərta, thlaakə Bitrus kit a hurnanda, ndakənwa:

¹⁶ "Hwanmanchina, sokkən waat kə nəhdəngfichi ihi mbuutə shunda Farə soh tə mbədə Shemed Chidchid bək tə miya Dauda kə dər Yahuda le həmkə mbanna hur fichile kəsang Yəso.

¹⁷ Kəthləm nakna hurnəm soh, pad fəra fichi i natna sətə hur toriya.

¹⁸ (Yahuda, təkəni bəbi tor'en hiitən mbətsi, həmkənhi tə inda, dathlkə hur'en bək hanhədəchi'ena haiya.

¹⁹ Kusheng shiwwun mərta Yahuda səkkə nofcha Urshelima nat, ak fichi mbətəkənwa Akaldama tə miyengnanda, səkətəkənwa mbət fwara.)

²⁰ Dək Bitrusa mban tə ndatwa:

Nakna hur yaratkən kichuyu a hur Zabura, ndatwa:

"Nak huraa'ena nata kətən kuffi,

mə soki nifa hurkənwa:

pad mbət soktə'en a hur torkən kə tər yuna."

²¹ Kəthləm ndəkən sokkən waat kə tādīm yuniyara a hur nofchi natəm tə kandə nat farə natma witə tə Ləmwandə Yəso yu.

²² Thlata fari sandə Yohanna baptisma kə fari tərətəndədi a hurnəm kə afshi. Chikawun tərətə fichə, nan sokta sheta təkəm kə dər thlata Yəso a hur məmātcha.

²³ Harkəndə nofchi chap: Yusufu lela atfichəwa Barsabas, lela atndə padwa Yustus tə Matiyas.

²⁴ Hwankənda tə ndatwa: "Ai Ləmwanda, lə sən hanndəkiketa chika wuni, cheɖɖu le taɖtuhara hur nofchi chapya.

²⁵ Kə səkka lə thlənda hur torkən, kə tərən mbətsokta Yahuda le lengkəhi pədaka mbədi batən yu.

²⁶ Yimkənda tata, səmkə Matiyas dəfkəfichinda hur fathləncha, humang fichi tə fichile kumngərənsə ertəyu.

2

Bata Shemed Chidchid

¹ Kə saatə farə pentekos, uf fa fərkit hwimndəhi mbət ərta.

² Sutolluwa, səkkə fichi tit əna hur afshi nda kapat rənna'a nəhɖaɖə huri'i nannda hurkən ɖəɖas.

³ Cheɖkə ichi fechengnanda nda hanshuwun hwata, kanda saktəhi, kanda ɖəta ɖar inchengnanda.

⁴ Nəhdang fichi kənda nat tə Shemed Chidchid, tərkaakəndə shundə tə michə somsomən, ɖa i fərəndə Shemed shunda kanda.

⁵ A thlahmbəchiniyu, Yahudawechisi fa mwanandə Farə kaən, ɖaka a hachahaicha somsomən a hur kishita nak tə sokta a Urshelima.

⁶ Kə səktəndə iniyu, humkəndəhi ngomkənda mbət ərta kəthləm a kwehər sokkənadi, chikawun mələ səktə kanda shundə tə miyengnanda.

⁷ Pəɖang ən kəndəfa pad shekdang'ində kanda, ndakndəwa: "Awi fa shuni natya nga Galilawechiwowa?"

⁸ Sək ənəkəni natna sək kanda shundə tə miya chikawuni?

⁹ kəmnangya, Fartiyawechea tə Madiyawecha, tə Elamawechea tə nofcha hachahai Mesofotamiya tə Yahudiya tə Kafadokiya tə i Fantus tə Asiya,

¹⁰ tə Firijiya tə Bamfiliya tə Masar tə fichile nak nduknduk tə Sayirin a hachahai Libiya tə romchi ɖaka Roma. Yahudawechea tə fichile yimka tərmbandengnəm.

¹¹ Pad kəmnang Kiritawechea tə Larabawechea, nat kəmna sək kanda shundə tə miyengnəm kə dar pəktat ichi sət Fara."

¹² Pəɖang ən kəndəfə natnda kohərkə inchengnandadi, ɖakndəwa: "Mənaka sakət iya?"

¹³ Chang funə mi kandəhi ndatwa: "Tə sandə am inabi ngalkənda bəng."

Bassa Bitrus A Farə Pentekos

¹⁴ Thlaakə Bitrus kit tə tahət fathlənchi kumngərənsə'ərtəyu, i'nəən ɖurathi ɖassangna kandəsi, ndakənwa: "Hwanmanchina Yahudawechea tə fichile naktə sokta Urshelima nat səkamnji, pad kə ɖəfuni i'nda i nati mbwa'anda kuni.

¹⁵ Nofchiya nga tə tərang əna kəndə nda i tərtuniwa, nakən mwee mbəta bingtəyawa: hanthlikkən hanhertə ndak.

¹⁶ I natuniya ndəkən mbutə tapənaa Yowel ndatwa:

¹⁷ "Ndak Farə wa,

a mweshit hanmunchikən ni thlər Shemedəngna ɖar inda nofchi nat.

Hwechengnuni kə nishchi tə hishcha nanda mbu icha le mbwa'andə Fara kanda.

Kimshechengnuni nanda nat'ichi tamuchitnda nata, tuburnofchengnuni nanda sənnata.

¹⁸ A hanmunchiniyu ni thlər shemedəngna kə ɖar inda mafəchengna hishchi tə nishchi nat,

pad nanda mbu icha le mbwa'andə Fara kanda.

¹⁹ Ni che ənat pəɖandə nifəfa a hur afshi,

tə i na che sakət ənat pəɖandə nofchəfa a kishita,

naknanat fwara tə hwata tə ənnda husomba'a.

²⁰ Hwatfarə nan yimta hulta,

ndərə'a nan təbətəhi ngah nda fwara,

kana fari Ləmwandiyu ɖata,

kapat fari nak mwanchin.

²¹ Farini hachiyu,

chikawun hwanka hur thləm Ləmwanda nan hərəkta.

²² Hwanmanchina, Israilawechea, səkam shuniya. Yəso lə Nazaratta, nifi cheɖandə Fara kuni tə pəktat torcha tə ənat pəɖandə nifəfa tə che ichi somsomən a hurnuni tə mbəɖ'en, nda i səntuni tə indəngnuni.

²³ Yəso tiya, fərkə fichindi tepi tehishhi paɖ tə sənda Fara, kunang kukwang kə ɓəllangnda tə mbəda ɓəbi nofcha.

²⁴ Bak Fara thla'anda ɗifitə bohandə hanmurtəda i'ndi'en, kəthləm ngu sətta hanmurta kə kəsəndəharwa.

²⁵ Dauda kutura mbwitə ən kəɗarkən ndatwa: "A neɗi Ləmwandə mələ thləmmatnə kənding. Ngi həhərtəfuwa, kəthləm mələ harsəmtengna.

²⁶ Kəthləm ndəkən, hanndəkiketengna sək mbəndəfa, hanshundengna in immish mbənfata. Tə paɖ thlarkə fadengna ɗar ɗəf'inda mbəda Fara.

²⁷ Kəthləm nguna malə fadengna hur məmatchiwa, ndu kə mallangnə iuti nak Chidchid kə yirakada kwatwa.

²⁸ Chedinə mba shishshingta. Nu nəhɗitə tə mbənfata naku tənji kənding.

²⁹ "Hwanamanchina, ni mbəlla mbwa'anda kuni tə kitchitwa kakannəm Dauda, ndatwa miri a thlohaficha, kwat'en mwakəna thləmmatnəm kə bukwəya.

³⁰ Nakən kə tapənaa, paɖ a shinwa ɗəffa Farə shundəhi tə at'ichimi ndatwa kachit Dauda na sokta mbət sok kuturichit'en.

³¹ Bak Dauda nathi kichuyu, paɖ a shuwun kə ɗar thlata Almasihu a hur məmatcha. Nakna ndatwa Farə ngu malənda hur məmatchuwa ndu kəmalən fat'en kə yirakada kwatwa.

³² Thlaa Farə Yəso a hur məmatcha, kanang natani shetachə nakani.

³³ Nakən mwanaficha nakna harsəmta Fara, Paɖ shinkən nda i ɗəftən shundəhi, fəraən Shemed Chidchid kə thləka ɗar inchengnəm nda i səktuni paɖ natuni bukwəya.

³⁴ Nga Dauda tərka hur afshiwa, chika mələn ndakənwa:

"Ləmwandə ndangnga Ləmwandengnəwa, soku harsəmtengna,

³⁵ Kani ɗəf atikrechiwa ishangnəkanda ka sarəcheku."

³⁶ "Kəthləmndəkən chikawuna hur Isra'ila kəsənən təkita Fara ti kukwandunihiyu, ngəra Fara Ləmwanda tə Almasihu."

³⁷ Kə səktəndə shuniniyu, thləhərkən kanda hanɗəkiketa, ndangnda Bitrus tə tahət fathlənchikənwa: "Hwanmancha, mənatani sətə?"

³⁸ Ndəkən ndandə Bitrusa kandəwa: "Kə tərūnihi kə sangfichə baptisma kuni a hur thləm Yəso kərəsti kəthləm kə kallangfichi ɓəbichitfəchengnuni kunihi, kanuni thlət Shemed Chidchid.

³⁹ Kəthləm ɗəfshunihiya innuni tə hwechengnuni, tə fichile nak langngə paɖ, chikawun at Ləmwanda, Farengnəm."

⁴⁰ ɗək Bitrusa mban tə ɓassanda kandə kə toltə, nakna ndanda kandəwa: "Hərkamən fəchengnuni hura səb kishi'iya."

⁴¹ Fichile fərkəkit kə ɗar shunda Bitrus, sangfichə baptisma kanda. A farəniyu chekkə nofchə kə ɗar fafərkəkit nduk aru kumchit məkkan.

⁴² Baknda ɗəf inchengnanda sakini fathlənchiyu, lə humkəndəhi kənnda chi johma, paɖ kənnda hswana.

Witə Soki Nat fa Təmbanda Hurkən

⁴³ Kəsang lechit chikawuni, sək fathlənchikən ənət pəɗandə nofchifə tə sakchikən kaən.

⁴⁴ Nat fafərkəkit kanda mbət'ərtə, chikamengnanda paɖ ərta.

⁴⁵ Hi'yangndə ichidə naksengnandə nat, sakangndə handəbələkəna chikawuni, nda i yahtən.

⁴⁶ I səkka wembəta kanda ɗəta kapat hura'a Farə tə ndani rəmma, kənnda chi njohma a hurechengnanda, kənnda səm'əna mbət ərta tə mbəndəfa tə hanɗəkiketə yuyur.

⁴⁷ Kanda mwanandə Fara, nangnda mbəs hamta mbəda nofchinat. I səka wembəta Ləmwanda cheka fichile hərkəndəfich kanda.

3

Kəna Fichi Təradɗadi Mikəttən Hwanda

¹ Farələ nda Bitrus tə Yohanna pəɗata kapat hura'a Fara ka hswana a farəhuftə, hanthləkkən məkkan.

² Bakndə tə nifə le ngəttə fichə kə tərɗ kənding la baknda ɗəfndəhi nduk kə mi ɓang kapat hura'a Fara lela atndəwa chamare tə mimbangnga, kəthləm kə hwanən fər poffənna harra fa yimta kapat hura'a Fara.

³ Kənətən nda Bitrus tə Yohanna yimta kapat hura'a Fara, hwanən fər poffən kanda

⁴ Nda Bitrus tə Yohanna nak nda kəllanda, ndak Bitrus wa: "Kəllan kani."

⁵ Ngərkə hur'ində'en nat kəɗadengnanda, nənhiwa nan mbəs'əna harengnanda.

⁶ Ndak Bitrus wa: "Handəbəltengnəsəwa, i'naksengna ndəkən nati fərruta. A hur thləm Yəso Almasihu Lənazartta, thla'u wi'iu."

⁷ Kæskə Bitrus harsəmtə'en thla'a'en. Chatkichuyu sarrəchi'en tə sanglamchi'en səkdə alchita.

⁸ Thlaakən pərkəna afshi thlarkənhi tərkaakən wita, yimkəna kapat hura'a Farə tə kanda, mēla wita mēla pərtə afshi, mēla mwanandə Fara.

⁹ Nat nofcha nakndəndi mēla wita mēla mwanandə Fara.

¹⁰ Mbəssangndəwa məlanni lə sokka a chamare tə mimbang kapat hura'a Fara kənna hwaferpoffənyu. Pədag ən kəndəfə kə dar i'ndi'en.

Bassa Bitrus a Kəttən Para Sulemanu

¹¹ Kəskən Bitrus tə Yohanna har, ngomkə nofchə nat kə thləmatnandə tə rahta a hur kəttən para Sulemanu, kəthləm a pəda'ənkandəfa pəf kwehər hur'inchennandəfi.

¹² Kənat Bitrus kichu, kahaan hur'inda nofchə tə ndatwa: "Israilawecha, məsək pədadə'ənkunifə kə dar iya? Kəthləmmə natuni kələndə kani nda tə alchid'indengnani wiitə nifiya ndu kuwur Farengnani sək wiitə nifiya?"

¹³ Fara Ibrahim tə Ishaku tə Yakubu, Fara kakechinəm nat, mēlan mwanang mafat'en Yəso, lə chertuni pəf fərtunindi a mbanitə Bilatus yu, chikama sokkənwa tirwa nan kələndəhi.

¹⁴ Cherkuni lə nak chidchid lə kafata, hwankuni kə kallangfichi lə bəlfata kunihi.

¹⁵ Bəlangnguni lə nak tə mba shishingta har, thla'ang Fara hur məmatcha, kanang shetacha dar kitchitkən.

¹⁶ "Tə mbəda fərkit hur thləm Yəso, kəntə nifidiya, səntuni sohwa tərad. Kittəkən fərkitchid təmbəda thləm Yəso kənan nifidiya a hwanitengnuni nat.

¹⁷ Nakənya hwanmancha, mbəssadiwa i sanduni Yəso səkuni hur bəhsənda, nda i sət fa həmbanichengnuni.

¹⁸ Təkichu nəhdəndə Farə dəfshundə'enhi tə miya tapənechə nat, ndatwa Kərəsti nan sat bahta.

¹⁹ Kəthləm ndəkən kə tərunihi kə təbrunihi bəda Fara, kəthləm kə sapang fichə bəbichitfəchengnuni di, Ləmwanda nannata cheka alchit həndəkiketa kuni.

²⁰ Pəf nan thlən Kərəsti ti tadəndənakunisi soh, mēlan naka Yəso.

²¹ Waat kə sokka hur afshi kə fari natficha mbumbwəfəndə ichihi nat kə yuwachikən, nda i dəftə Farə shiwunkənhi kəsoh tə mbəda tapənechi'en chidchid.

²² Ndak Musawa: "Farə Ləmwanda nan thla'a tapəna'a kunisi a hur nofchengnuni, nda i thla'itən. Waat kə dəffuni inda i nat mbwa'andəna kuni nat."

²³ Nakna sokta chikawun kawuchik thləmmata tapəni'iniyu na ficha səbandəfa hur nofcha.

²⁴ Tapənechi mbukə ichi nat, thlata Samaila ka kəs fichilesi baka difi, mbwində ichi naka sət nat a hanmunchi nakənya.

²⁵ Kunang naka hwecha tapənechiniyu pəf kuna hur dəf shunini dəfəndə Fara kakechənəhiyu. Kəthləm ndang Fara Ibrahim wa: "Tə mbəda kachitwa na nofcha kishita natta mbəs ənar.

²⁶ Kə thla'andə Farə mafat'en Yəso, tərkaakən thlənddi kə mbəfəngnuni Israilawecha, kəthləm kə fəraən mbəs ənhara kuni tə mbəda təbrandə chikawuna hurnuni kə malaən bəbi dəsəchi'en."

4

Bitrus tə Yohanna Mbanitə fa Yarandə Ichihi

¹ Pərischa tə la həmmbanita fa pu kappat hura'a Farə har tə Sadukiyawecha, bəknda mbəsənda Bitrus tə Yohanna kanda hur shunandə nofcha.

² Shibhurchengnandəfi kəthləm kanda sakanda nofchihar tə sənanda kəndəsəwa məmatcha nanda thlatə tə shishingchafa nda i thlaatə Yəso.

³ Kəsəngndə kanda, dəkndə tə kanda kəttən pursuna kə ishki, nakən tēpa shid farəhufta.

⁴ Yakat fichile səkkə bəssikən, fərəkəndəkitsi. Nofchi fərəkəttəkən sheəndə aru kum-chitdurman.

⁵ Bingətkən, fa yarandə ichihi a kuturchitkən uf tə fa həmmbanita tə maldəmcha fa sakandə kussadi, ngomkəndəhi a Urshelima.

⁶ Tə Hanana kapat pərist tə Kayafa tə Yohanna tə Alekzanda, nat fa fichile naka hur ngitika kapat pərist.

⁷ Bəkdə tə Bitrus tə Yohanna, thlarəngndə kəndəhi kə hur diffi, sahangndə kəndəwa: "Tə alchitmi ndu tə thləm wuni sətuni ichiya?"

⁸ Bitrus, nəhədkadə tə Sheməd Chidchid, ndangnakəndəwa: "Kuturcha tə pəktat nofcha,

⁹ Sahangnguni mi kani bukweya kəthləm kachidfi sandani tərədtiyawa tə mbayi kəntəna diyawa?"

¹⁰Yahkisi kə sənuni nattuni tə Israilawecha, ndatwa tə thləm Yəso Almasihu Lənazaratə, le kukwandunihi thla'andə Fara hur məmatcha, kəntə nifidi ngwalngwal kita mban-itənuniya.

¹¹Məlan naka:

"Ngwiyi chertuni kunang fa tincha, ndəkən sokka kukuwun tinda."

¹²Nifəsi na mbəssa kabi nifa chika ərəwa, kəthləm thləmsa hur kishi'inatya fərandə fīcha nifa le na mbəssakabikəmwə."

¹³Kə natndə alchit shunda nda Bitrus tə Yohanna, pad mbəssangndəwa nga fa sən'ənwa, pad fa bahcha, pəfang ən kəndəfa. Bəndə mbəssandə padwa kəsəh nakndə tə Yəso.

¹⁴Kənannda nat nifi kənanəndədadadi kita hurnanda, bəhkəndə i nannda mbuta.

¹⁵Ndangnda nda Bitrus tə Yohanna wa kə chendakisha kəttən yarangndə ichihi, kə yarangndə ichihi kə ndani.

¹⁶Ndakndəwa: "Nakma sandə nofchiya kəni? Mbəndəsə namma ndatwa sundə ənat pədandə nifəfuwəwa, kəthləm chikawuni a Urshelima shinwa shid fīchə ən kichu.

¹⁷Kəthləm kə njaam dətəkəna kanda mban, bokamna kanda, mə ngərinda shunandə nifa hur thləmmiyawa."

¹⁸Akndə fəthlənchikən, bokangnda kanda mə ngərinda shunandə nifə ndu kə sakangnda nifəhar hur thləm Yəso wa.

¹⁹Ngərang nda Bitrus tə Yohanna kəndəsəwa: "Keekesa mbanitə Fara kə səkani innuni kə cherani i Fəwəwa, Kəlamən kənuni.

²⁰Kəthləm kanang ngani maləndə mbu i natani tə i səkəniwa."

²¹Ngərkəndə chəkəndə bokanda kanda kalkəndə kəndəhi, kəthləm sənundə mbayi nannda fəra bwenne kəndəwa kəthləm nofcha. Kəthləm chikawun mələ mwanandə Fara kə dər i səkə.

²²Nifi mbəskə kəndədadadi tə mbanda ənat pədandə nifəfa, shəradə hurat kumchit fwadə tə ngəttə.

Hwanda Fəfərkət ti Shuwunkə Nga tə Lechitfuwa

²³Kə kaltəndə kəndəhi, nda Bitrus tə Yohanna pədaknda mbəs fəhchinanda, mbwa'angndə i kəndə mbutə pəktat pəristcha tə pəktechə.

²⁴Kandang pad kə səkəndə kichu, thla'angndə bərechəngnanda mbəda Fara hurhwanda, ndakndəwa: "Ləmwandə lə alchitnat, səkən sək hur afshi tə kishita tə hawurta tə ichi naka hurkən nat.

²⁵Tə mbəda Sheməd Chidchid, tə miya kakannani Dauda, mafadəku ndatuwa:

"Kəthləmmə səbbəndə punofcha huradi?

Kəthləmmə nat nofcha kike kohat i'cha?

²⁶Kuturcha kishita tehishndəfa mbata, fa həmmbanita humandə inda kə dər Ləmwanda tə Kərsti pad."

²⁷"Kittəkən a hur həmədiya Hiridus tə Buntus Bilatus humandə inda tə punofcha tə nofcha Isra'ilawecha kə sangndə bəbichitfatfa nat kə dər mafadəku Yəso le tadtuhar.

²⁸Humangndə inda kəthləm kə səndə ichi taptu kə tahsangnəhi tə alchideku tə yahtekuwa nan sətə.

²⁹Nakənya Ləmwanda, kəlandən kah thlemmadəngnanda kə Fərangnə mbabəs shundəku mafəcheku tə alchita.

³⁰Kəlla tiddəngnə harekuhi i kəndadi, kə sani ənat pədandə nifəfa tə sakchikən tə mbəda thləm mafadəku chidchid, Yəso."

³¹Difitə hwandəngnanda, mbədi humtəndəhi həhərkənfə, nəhdəng fichi kəndə tə Sheməd Chidchid. Bəskəndə pathla Fərə nga leggitfuwa.

Chikama Fəfərkət Ərtə

³²Sərət fīchile fərkəkit, humkəndəhi handəkiketə ərtə tə yarə ərtə. Ngusə ndakwa i naksə'ənwa ikənwa, chikamə naksəngnanda innandə nat.

³³Fəthlənchəkən fərkəndə sheta tə thlata Yəso Ləmwanda hur məmatcha tə alchita, pad Kachita Fərə kəən a dər nandə nat nda.

³⁴Ngusa hurnandə bəhkə ənwa, kəthləm nat fa hurecha tə hīcha hiyandadi bəknə tə handəbələn.

³⁵Bəknə tə hanndəbələn, fərangnda fəthlənchəkən, sakang fīcha nofchinat chikawun keeke a i yahtən.

³⁶Nifəsi thləmkənwa Yusufu, lə Lawita kachitkən lə Kubrustə nakən, la at fəthlənchəkənwa Barnabas (sakitkənwa: "Hwan cheka alchita handəkiketə")

³⁷Hiyaən hitə'ənadi, bəkən tə hanndəbələnna banitə fəthlənchikən.

5

Hananiya tə Safiratu

¹ Nifəsə thləmkənwa Hananiya tə nuhkən Safiratu, hi'yaən mbət enadı.

² Būbweekən handəbəlken har tə sənda nuhkənsi, bəkən tə tahlətkən dəfkənhi mbanitə fathləncha.

³ Ndəkən ndat Bitrus wa: "Sokən Hananiya, məsək malandu Shedan kə nəhdaən handəkiketeku kə lekangna Shemedsa Chidchid, bəbweetu handəbəltə harra hur handəbəltə hiti hi'yandufi?"

⁴ Thlateku kə dənə hi'yandafadi, nga iuwowa? Difiṭə hi'yadekudi, handəbəlken nga iuwowa? Məsək dəftu lekta hanndəkiketeku? Nga nifə lekandusəwa, Fara."

⁵ Kə səkta Hananiya shuniniyu, həmkənhi mərkən. Nat fichile səkkə kəsang lechit kanda kaən.

⁶ Bak kimshecha təranda kish, fwaḍangndə tə njeli thlohmurta pəḍaknda thlohlanda.

⁷ Difiṭə nda hanthləkkən məkkan, yimkə nuhkənsi, sənutə i səkwa.

⁸ Ndəkən sahəndə Bitrus wa: "Bū'i'tən, hi'yangnguni hitidiyu kichawa?" Ngəmanwa: "Aa, kichuyu."

⁹ Ndəkən ndandə Bitrus wa: "Məsək humanduni mi kə kikeḍangnguni Shemeda Ləmwandə kicheya? Suku kwarsara fichile pəḍaka thlohlanda səmatu, kanda mikənnda, nanda təruta kish paḍ."

¹⁰ Chatkichuyu, həmkənhi mərkən. Kə yimṭə kimshechikənsi, mbəssangndə kə murətkən, tərəkəndi kitangnda kish pəḍangnda thlohlanda thləmat səmaha.

¹¹ Kəsang lechit kəttən hwakən kaən nat ta fichile səkkə ichiniyu.

Shid Fathlənchi Ənat Pəḍandə Nofchəfə oi

¹² Shid fichi ənat pəḍandə nifəfə tə sakchikən kaən a hur nofcha tə bəḍa fathləncha. Nat fafərkit la ngomkəndəhi kəttən para Sulemanu tə yarə ərta.

¹³ A hur tahlət nofcha, ngusə cheḍkə nda nan yimṭa hurnandəwa, chika kichu la fərang nofchə mwanda kanda.

¹⁴ Nak fafərkitta chektə kaən kə bəḍa Ləmwanda, sherada le soh, hishchə tə nishchə nat.

¹⁵ Ala bəkndə tə hacha mimbacha, funa mbəthunecha funa dəngəlcha, kəthləm ma Bitrusa mbərtəhi, chika mirshingṭə'en kəḍən tə ḍar funa.

¹⁶ Nofcha a thlet mbichi somsomən taurang Urshelima hiyu naknda ngomṭa, kanda bat tə hacha tə fichile nat bəbīləwurcha bəhandə kanda, kənanḡ fichi kandaḍə natnda.

Bahha Fichi Fathləncha Kəthləm Fərkit'engnanda

¹⁷ Thlaakə kapat pərist tə fichile naka thləmatkən, fa tərmbanda Sadukiyawecha, nakndə tə sərəhtaḍə kaən.

¹⁸ Kəsangndə fathlənchikən, ḍəkndə tə kanda pursuna.

¹⁹ Sokkən a fidḍikṭa, bək Mala'ika Ləmwanda i'nandə mikəttən pursunechikənhi, chaən kanda kish ndangna kandaḍə:

²⁰ "Dama kapat hura'a Fara ḍuni thlarəhi hurkən kə mbwa'angnguni nofcha pathlə yuwa shishshingṭa kanda."

²¹ Kə səkəndə kichu yimkənda kapat hura'a Fara ḡingṭa naknda sakandadi. Kapat pərist tə fichile naka thləmatkən chekndakish, akndə fa sakandə ichiḡi tə fa həmmbanita Isra'ilawecha, thlənkənda pursuna kə bəfichi tə kanda.

²² Kə ḍət fa pu pursuna təkən, mbəsawundə kandəsəwa, bəknda ḍadi ndakndəwa:

²³ "Ḍəkkani mbəssandi pursuna təkəna kubultə ndiichin, fa putəhar kandəsi a mikəttənchikən, kə i'nandaniḡi mbəssawani nifa hurkən chika ərtəwa."

²⁴ Kə səkta kapat lə pu kapat hura'a Farə har kichu tə pəkətat pəristchikən, kohərəkə inchenḡnandadi, naknda sakandəhi mənə kuwurdifitəkən.

²⁵ Bakyuna ndanda kandaḍə: "Nofchi somṭuni pursunayu kanda hur kapat hura'a Fara kanda sakanda nofchiḡar."

²⁶ Fa pu kəttən hwakən har tə kapat nanda pəḍaknda bat tə fathlənchikən, paḍ ngatəalwa, kəthləm pəktechikən kanda lechita məməmuhanda kandaḍə tə ngwichəwa.

²⁷ Kə batnda təkanda, thlarangndə kandaḡi a mbanitə fa sakandə ichiḡi. Nak kapat pəristsa sahami kanda.

²⁸ Ndakənwa: "Bokandəmakuni, mə ngərḡḡuni sakanda nifiḡar a hur thləm nifiyawa, chika kichu nəhḍafuni Urshelima ḡi tə saktengnuni kə ḍarkən, a yahkunisə nakənya kə tərənə hakke tə fwara nifiya kə bə ḍar inchenḡnani."

²⁹ Bitrus tə tahət fathlənchikən ngəmanḡndəwa: "Sokkən waat kə sani i mbutə Fara nga i mbutə nifuwa."

³⁰ Fara kakechinəm thla'ang Yəso hur məmatcha, le mbəlanduni tē mbanda kukwandəhi dər palita.

³¹ Məlan mwanandə Fara dəfkəndə tē harsəmtə'en, sangna lə həmmbanita pad lə thlət nofchadi. Səkan iniyu kəthləm Isra'ilawecha kə mbəsndə mba tərətəhi kə kalangfichə bəbichitfechengnanda kandəhi.

³² Kanang shetacha kə dər ichini natyu, kichu pad tē Shemed Chidchid, fərandə Fara fichile la kuwurkə ichi la mbutən."

³³ Kə səktəndə kichu, səbkə hurchengnandadi kaən, yahkəndəsə bəllandə kanda.

³⁴ Yunəsə mbənniyu lə Farisiyawata nat thləmkənwa Gamaliyel, lə bəssə kus, le la fərandə nofchinat mwanda, thlaakən kit a hur fa sak'michikən ndakənwa chamən nofchikishya kwandən.

³⁵ Kanna ndanda kandəwa: "Hwanmanchina Isra'ilawecha, mbərəmsa i yahtunisa sandə nofchiya.

³⁶ Hurechi mbərkəhiyu, bək yunə kichu wa məlan Tudəs, tərəkən ində'en nda ənnakən, nifə aru fwadə dək kakən, bək fīcha bəllandə, fichile dək kakən nat wuwelkəndəhi.

³⁷ Diftə məlan pad, fari nat fīcha thlikandə nofcha, bək yuna wa məlan Yahuda lə Galilita, chikaən funa kuwurkəndəndə, məlan pad thlərəkənadi. Fa kuwurndə təkən wuwelkəndəhi.

³⁸ Chikale nakənya, ni mbwa'andakuni, chamakisha mbanda nofchiya, ma i natnda sakta i nifa, ngu ndəta mbahwa:

³⁹ Ma i Fara, nguni mbəla sa'ənkəndəwa. Na fīcha mbəssandə kuni kuna mbat tē Fara."

⁴⁰ Ngəməngndə shundə'en, akndə fathlənchikənnə hurkən, təppangndə kanda. Ndangndə kandəwa mə ngərənda shundə tē thləm Yəso wa, kannda kalə kandəhi.

⁴¹ Fathlənchikən malkəndə mbanitə fa sakandə ichihi, kanda sət mbənfata a dər ndatwa shkəndəsi kə sandə bahta kəthləm thləm Yəso.

⁴² Chikayen wembəta, ndu hur kapat hura'a Fara ndu huri, malaundə sakandadi tē fər kusheng shundə mbinchin kə dər Yəso wa məlan naka Kərəstiwa.

6

Ted Fichi fa Torchihar Mud

¹ A hanmunchiniyu nak fa fərkitta chektə oi, nak hurumtəsə kaən. Yahudawecha fa shuwun Helenanchi naknda hurmanda Ibraniyawechəfa, fa shundə tē mi Helenanchi, wa kəlundəsə nishchengnandə fichile mərətə hishchengnanda ka sak ichi kənding wa.

² Fichile kumngərənsə chapyu akndə fa fərkit ndakndəwa: "Kamusə kimnang kə malaam bəssə pathla Farə kə yimma pathlə ndəsəmtə wa.

³ Kəthləm ndəkən, hwanmanchina, tadəm nofchihar mud a hurnuni, fichile la fərandə fīcha mwanda kanda, pad nihidnadī tē Shemedə tē sənda, kə səmkanda dər toriya.

⁴ Kəmnang nakma nata dər hwanda tē sakandə shuwunkənadi."

⁵ I mbutənda mbənangna nofchifə nat. Ndəkən tadətəndə Istifanus, nifi nəhidkə tē fərkit tē Shemed Chidchid tē Filibus tē Burokoras tē Nikanor tē Tīman tē Barminas tē Nikolas lə Antakiyata le yimka tərmbanda Yahudawecha.

⁶ Fichileya bənnədə tē kanda mbəda fathləncha, hwankənda dəffaən harra kanda in.

⁷ Nak pathla Fara nata dətə mban. Fa fərkit naknda chekta a Urshelima kaən, pərīstchə terchin fərəkkit.

Kəsə Fichi Istifanus

⁸ Istifanus, nifi nəhədkadə tē kafata tē alchita, shidətə pəktat icha tē ənət sakchikən kaən a hur nofcha.

⁹ Funəsi a mbət humta Yahudawechihi lela atfichiwa kəttən hwanda fichile kaltəfichihi, thla'angndə Istifanus fa tē halə'inda, Yahudaweche bəka Sayirin tē Alekzandariya tē funa hachahai Kilikiya tē Asiya.

¹⁰ Nakən tē sənənafə fərandə Shemed i shunda, ngusə mbəlaakə thlarəhi kə halən'ində təndəwa.

¹¹ Shipangndə yipta funa hur a bubwēeta kə mbundə lektə kə dər Istifanus ndatwa: "Shikanindi mēla erə Musa tē Fara."

¹² I'nəyu thla'andə hur'inda nofcha, tē fa həmmbanita, tē maldəmcha fa sakandə kussadi. Kəsəngndə Istifanus bəkndə tənda mbanitə fa sakandə ichihi.

¹³ Bəkndə tē fa fər sheta tē lekta, ndakndəwa: "Nifiya kənding la nakna mbu səb'icha kə dər mbədi chidchidya tē kuscha Musa,

¹⁴ Kəthləm shikanindi mēla ndatwa Yəso Lənazareta nan fəffalandə mbəndidīya, kə mbumbwədəən dəsəchengnəmhi le malandə Musa kəmhi."

¹⁵ Kə səkətə nofchi nat sokkəhi bət humkənhi, thlərangndə hwanichafa, nakndə chumwandə'en nda i Mala'ika

7

Fər Ngəmta Istifanus

¹ Kapat pəristəkən, sahaən mi Istifanus wa: "Ichi natnda chitsəhi dərkənya kitwa?"

² Ngəməng Istifanus wa: "Hwanmanchina tə shinchina, səkamnji. Fərə ləmwanda chedəng fat'ena kakatnəm Ibrahim a Mesofotamiya, kana ndəta sokta a Haran.

³ Ndaənwa: "Chukisha hachahaiyeku tə parchəwa kə yimna hachahaiyi nati chedəta.

⁴ Thlaakən malkən hachahaiya Kaldiyawechə hi kə hachahai Haran kə fərə mərta shinkən. Kana Fara bəttənda bədi natunisə nakənya.

⁵ Fərawu Fərə mbəta mbənniyu kə ikən chika ishtə ərətəwa, ndəffaən shundəhi tə ndatwa, kəmban hachahaikən nat nan sokta'ikən tə kachitkən chika nguchik hwe'ensiyu.

⁶ Ngərkə Fərə shunandə ndatwa, na kachitwa dətə sokta a hachahai somən kə mafecha, nanda sat bəhtə kaən kə hurat aru fwadə.

⁷ Nifəra bəhta hachahaiyi sang nofcheku kə mafechiyu, ndak Fərəwa, 'a mweshikən nanda chetakish kə banda mwanita a mbədyə.'

⁸ A hanmunchiniyu dəffang Fara shunda Ibrahim hi i hesha. Ngərkə Ibrahim Ishaku, heshaən a mündə fodfoda. Nəknəmban kichuyu, Ishaku heshaən Yakubu, Yakubu heshaən hwanchi'en kumngərsənsi chap kakechinəm.

⁹ "Kakechənəm təkən naknda sərəh Yusufu, hi'yang ndandə kə Masar anakən Fərə təndi.

¹⁰ Thləkkənnəda hur bəhta, fərang Fərə mbəs'ənhər tə sənda a mbanitə Fir'auna kutur Masarcha, fərang kuturkən mwanda a hachahai Masar uf pad fəraən huraa'ena har.

¹¹ 'Bak mita yimta hachahai Masar tə Kan'ana, tə bəhtə kaən sokkən kakechinəm dəsəmtengnandəsəwa.

¹² Səkkə Yakubu wa dəsəmtəsə Masar, thlənkən hwechi'en kakechinəm kə Masar kəthləm kə dənda hi ndəsəmta pad tərka dədəngnanda.

¹³ Chapatə dədəngnanda, chedəng Yusufu fata hwanmanchikən, pad chedəng Yusufu hwanmanchikəna Fir'auna.

¹⁴ Thlənkə Yusufu wa shinkən tə tahhət witənandə nat, nifə kumchitmuđ ngərsənsə dərman, kə banda hai kə Masar.

¹⁵ Pədək Yakubu kə Masar, məkəna mbənniyu nda i mərta kakechinəm.

¹⁶ Kəhkə fīchə məmatchinanda kə Shekem dəkfīchə thlohəndə kanda a hur kwadī hiitə Ibrahim tə han dəbəlta a hara hwecha Hamor a Shekem təkən.

¹⁷ Nak fərə dəf shunda Fərə hi tə Ibrahim sətə nduk, Yahudawechikəna a Masar chekkəndə kaən.

¹⁸ Tərkə kutursə somən a Masar təkən le sənuchik ən kədar Yusufu

¹⁹ Kuturəniyu a pupwiktə nofchəngnəmhi oi pad a fəradə bəhta parchinəm, la dəfkən kəndə kə soməngndə hanngwa'yarchəngnandadi kəthləm kə məmatnda.

²⁰ A thlahbəchiniyu ngəttəfīchə Musa, hwee ndiichin a mbanitə Fara. Kəskə parchikən ndəhar ndəraa məkkan a hurhura'a shinkən.

²¹ Kə muhandəndadi dək hweya Fira'una tərta saən nda hwe'en mwanaən.

²² Sakəngfīchə sənda Musahar i Masarawechi nat, pad alchit'ensi a hur torchə tə shunda.

²³ "Saakən hurat kumchit fwadə, ndakənwa kəmsə kəda nat fahchikən Israilawecha.

²⁴ A fərəle nakən lə Masarta bəhandə hwanmankən, thlənkən hwanmankən bəlaən hwan lə Masartiyyu.

²⁵ Naən Musa hiwa hwanmanchikən Israilawecha mbəsəndəwa Fərə naka sət tor təndi kə chaən kanda kissha hur bəhta, a nakən bəssawundəwa.

²⁶ Wənkəbətə ngərkən chetakish, nakən hwanmanchikən Israilawechi chap kanda mbata, 'yahkənsa mbənandə kanda, ndakənwa: 'Hishcha' nakuni hwanmani məsək natuni mbata?"

²⁷ Lenaka fəra bəhta shekkənyu njingtaən Musa dī ndakənwa, 'Wun dəfkəsə kutura tə lə sakmi kə dərnanī?"

²⁸ 'Yahnəsə bəlītə nda i bəlandu lə Masarti bəraa'yūwa?

²⁹ Kəsəktə Musa kichu, rahkən malkən hachahaikənhi pədəkna hachahaya Midiyanacha sokkən kə romma bənniyu pad ngəəlŋən hweechi chap kə hishcha.

³⁰ Dīfītə hurat kumchitfwadə, chedəng mala'ika fat'ena Musa tə mbənda hanshuwun hwata, naka kəsta dər hanafatə a loktara nduk tə shohla Sina'i.

³¹ Kənat Musa i'niyu pədəngənfə mbənniyu. 'Bəhkən nduk kəthləm kənanhi ndiichin, səkkən bərata Ləmwanda:

³² 'Njang naka Fara kakechuwa, Fara Ibrahim, Ishaku tē Yakubu.' Lechik Musa, nakna saktatfa tēraen hwanitadi.

³³ Ndakēn ndandē Lēmwandēwa, 'Mbasan pahēmchekuhi, kēthlēm mbēdi thlartusiyu chidchid tē mbēta.

³⁴ A nēdi bahta nofchengnēhi a Masar. Shiki tidengnanda, 'Bakihaiya kēthlēm kēthlē kandadi. Nakēnya dū ni thlēnsa kē ngērangnēinna Masar

³⁵ "Musati chertēnda ndatwa: 'Wun dēfkēsa kutura tē lē sakmiya?' Mēlan thlētē Fārē nakēnya kē naka kutura tē lē thlēt kandadi tē mbēda mala'ika chedang fat'en tē mbanda hwata dar hanafata.

³⁶ Nifiniyu chang kanda kish a Masar, dīfitē sēt ichi pēdang nofchifē kaen, pad tē i sētna a fi hawurta tē loktara, tērkē ndē hurat kumchit fwada.

³⁷ Musa tēkēn ndangna Israilawechē wa, 'Na Fara thla'a'ndē yuna hurnuni kē tapēna'a nda njang.'

³⁸ Nifikēn nakna hurnuni fari ngomtunihi a loktarē tē kakechinēm tē mala'ika baka shunanda a shohla Sinaiyu tē shinchinēm. Mbēnniyu thlēt Musa shuwun nathi kana bāta fāranda kēm.

³⁹ Kakechinēm tēkēn cherkēnda fēra mwanda, kawundē thlēmatawa. Cherkēndēndi a 'yahkēndēsa ngērandēinna Masar.

⁴⁰ Ndangnda Haruna wa kē tahsēn dēhhacha kēndēsi, fichile na nata mban. Kēthlēm sēnwum i kēskē Musa ti chang kēma kishsha Masar wa.

⁴¹ Tinkēndē dēhhata nda hwalata, thlangndē burat dēhērēmcha dēhhakēn i mbēnfata kē dar i tahēstēndē tē harchengnanda.

⁴² Tēbrang Fārē hēsēra kēndēfa malkēn kēndēhi kēnnēda mwanandē handērecha afshi nda farennganda, nda i natna hur yaratkēna tapēnecha, kunang Israilawecha, njang thlanduni burat dēhērēmcha mwananduni dēhhacha a loktarē hurat kumchitfwada wa?

⁴³ Harkuni kēttēn dēhhachengnuni Molek tē dēhha handēra'a Refan, nakuni witē tē kanda, dēhhachi tahēstuni tē harcha kēthlēm kē mwanangnguni kanda, njang pad ni harandē kuni kē dīfitē Babila.

⁴⁴ Soh kakechinēm tēnti engnandēsi a loktara, lē chedkēwa lanak Fara mbēnniyu. Ndakēn na tēnti tē ndandē Fara Musa wa kē tahsēn, tahēskēndē nda i ndandē Fara kanda.

⁴⁵ 'Dīfitē hurecha, kakechinēm ti thlōk iniyu, bāknē tēkēna hachahayi fārēndē Fara kanda, dīfitē rēki rēktē Fārē nofchi naka hachahaikēn, fari nat Joshua kē lē hēm mbanita. Tēnti tiniyu nakna mbēnniyu kē thlahmbēdi sēt Dauda kuturichita.

⁴⁶ Dauda tēkēn mbishtē dēwachita mbēda Fara a hwankēnwa nan tina hura'a Fara Yakubu si.

⁴⁷ Sokkēn Sulemanu tinang hurikēnsi.

⁴⁸ A nakēn Kapat Lēmwanda sokwa hurē'i tēntē nifē tē harwa, nda i ndat tapēna'a, ⁴⁹ "Hur afshi mbēt soktengna, hachahaya mbēt sēt sarēchengna, witē hurēmē natuni tinitēsi? Padaa witē mbēt yipmi natuni tinitēsi?"

⁵⁰ Nga harchengnē tingkē ichi natyawowa?

⁵¹ Kunang fa kwaakwachit hur i'ncha, tē fa kwaakwachit handēkikecha, tē fa kwaakwachit thlēmēcha, kē nding kuna cherami Chidchid tē Shemēd fa. Sēk kakechinuni kichuyu a nakuni sētkichu kunang pad

⁵² A hur tapēnecha, wun fērawuchit kakechinuni bahta? 'Bēlandē fichile mbukē bāta lē kafatchidchid. kunang pad fērkunindē a bēllangnguni.

⁵³ Thlōkuni kusha Fara cherkuni hērēmthar keeke.

A Bēlandē Istifanus tē Muhta

⁵⁴ Kē sēktēndē kichu sēbkē hurchengnandēndi, nangnda cha'andē hanthlanchengnandē kē dārkan.

⁵⁵ A nakēn Istifanus a nihidadi tē Shemēd Chidchid, kēlakna hur afshi a nakēn mwanda Fara, pad Yēsō kita harsēmta Fara.

⁵⁶ Ndakēn ndat Istifanus wa: "Nama, a nēdi afshi inhi pad hwēya nifa kita harsēmta Fara."

⁵⁷ Thlaakēndē tē kapat kukwara, ngēlangndē thlēmēchengnandē tē harchengnanda ngomangndafa.

⁵⁸ Changnda kish kē hēsēr hura'a ndakēnda mumuhwandafa. Fichile mumuhwangfiyu malkēndē ichengnanda mbēnniyu hara kimshaa lela atfichiwa Shawulu.

⁵⁹ Naknda mumuhwanda Istifanusafa, hwankēn ndatwa: "Lēmwandē Yēsō, thlu shemēdengna."

⁶⁰ Hēmkanē dar wēdchi'en, i'nāen būrathi kaen, ndakēnwa: "Lēmwanda, mē thlikani bēdichifechiya a dar inchengnandēwa." Mbukēn i'niyu, mārkan.

8

¹ Huned Shawulu dar bəl Istifanus.

Shawulu Fərandə Bahta Bət Ngəlhwanicha

A farəniyu thlaakə kapat bahtə kə dar fa tərbəbayi naka Urshelima. Wuwelkandəhi kə thlet hēmət Yahudiya tə Samariya, fa thlənchə ndak maltəndəsi.

² Funə nofchisi fa mwandə Fara ndəknda thlohəndə Istifanus, tikndə kaən kə merti'en.

³ A nakən Shawulu ndəkna mban tə fəra bahta fa tərbəbanda nda hishchə tə nishcha, la yimkən huraahura'a, mələ somkanda pursuna.

Besh Filibus Pathla Fara A Hur Samariya

⁴ Fichile wuweləndə fichi kandəhiyu, pədaknda thlet mbichə somsomən naknda bəssə pathla Fara.

⁵ Pədak Filibus kə hurhuri Samariya dəkna nata bəssanda nofchisi kə dar Kərəsti.

⁶ Nofchi oi tə handəkiketə ərta səkkənda, nakndə ənat pədədəfədifə natna sətə, naknda kəthləmata i nat Filibussa mbuta.

⁷ Bəbi shemechi naka chetakisshyu naknda kukwara. Təradcha tə fichile sakkadi kanda kədadfi.

⁸ Nak mbənfətsə kaən a hēmədiniyu.

⁹ Nifəsa mbənniyu thləmkənwa Saminu, lə sət tor kullata, lafəraən ənat pədəndə Samariyawechəfa, la tərəkənwa kapat nifə nakən.

¹⁰ Chikawuni, hanhwe tə kapatnifa nat a fərandə hur'inda tə ndatwa: "Nifiya alchita Fara la atfichəwa kapat Mwanda."

¹¹ A fərangndə hur'ində kaən, kəthləm a mwini tirəb mələ sət ənat pədəndə nofchifa tə ənat kullechi'en.

¹² Pađ kə bət nofchiyu fərkitta bəssa Filibus kə dar kusheng shundə bīnchin kə pathlə kuturichita Fara tə thləm Yəso Kərəsti, sangndə baptisma kanda, hischi tə nishchi nat.

¹³ Chika Saminu tə i'ndə'en a firtəkit, səən baptisma nakna witə tə Filibus kalutəndəhiwa. Saminu nakna nat ichi natna sətə i pədəndə nofchifa, mələn pađ pədəng ənfa.

¹⁴ Kə səktə fəthlənchi Urshelimayüwa, Samariyawecha a thləndə pathla Fara, thlənangndə nda Bitrus tə Yohanna kanda.

¹⁵ Satəngnanda, hwanangnda kadəsi kəthləm kə thləndə Sheməd Chidchid.

¹⁶ Kəthləm Chidchid tə Shemədkən tərwhai kə dar inda yunə kwandənwa, tə sang fichi baptisma kanda ndak a hur thləm Ləmwandə Yəso.

¹⁷ Ndəkən sandə Bitrus tə Yohanna harcha kanda in thləkndə Chidchid tə Shemədə.

¹⁸ Kənat Saminuwa tə bəda ndəfhara'inna fəthlənchə la mbəstə fichi Chidchid tə Shemədə, fəraən hanndəbəlta kanda.

¹⁹ Ndəkənwa: "Njang pađ fəramitən alchidiya, kəthləm chikawun ndəfandi hara'in kə thləm Chidchid tə Shemədə."

²⁰ Ndəkən ndandə Bitrus wa: "Sokən tə hanndibəltekü kə thlərtunindfi, mbah sukənfəwa nu mbəs fərta Farə tə hanndibəlta.

²¹ Səssa hur torchiyawa, kəthləm hanndəkiketeku nga keeke kə mbəda Farə wa.

²² Tərruhi hur bəbi ndəsəcheku kə hwanangnə Ləmwanda ma mbandəsi kə kallukən bəbi yarekuhi.

²³ Kəthləm kəlayi sokən cheku nat dəhdəh, pađ naku chingching hur bəbifata."

²⁴ Ngəməng Saminuwa: "Hwanamitənsi kə mbəda Ləmwanda kəthləm ichi mbutuni natya, mə bida dar indəngəwa."

²⁵ Kə mbwa'andə Bitrus tə Yohanna kanda i natnda, bəssangndə pathla Ləmwanda kadəsi le nak bīnchin, naknda ngərangndə'ina Urshelima, ndəkndə tə bəssa a thlet hēmchə somsomən, a hachahai Samariya oi.

Filibus tələ Itiyofiyata.

²⁶ Ndəng malə'ika Ləmwanda Filibuswa: "Thla'u dū tə kukuwun hishingteku kə tərənə mbayi thlaaka Urshelima kə Gaza yu, naka mba loktariyu."

²⁷ Thlaakən pədakən, kəmkən tələ Itiyofiyata mbanda, kullafta, kapat nifa a hur kuturichita Kandis, kutur nishcha a Itiyofiyata, mələn na lə kəs ndəbəlthəhar. Bəkna Urshelima kəthləm kə mwanaən.

²⁸ Nakna ngərandə i'nadfi dassa hur ənat sokta a Pirish keeke'en, mələ changngat dəlwerra Ishaya tapəna'a.

²⁹ Ndəng Shemədə Filibuswa: "Duduk tə Pirish keeketiyu."

³⁰ Rəhkə Filibus kə thləmmətkən, nakna sək i nat nifiyu changngata a hur dəlwerra Ishaya tapəna'a. Sahang Filibus wa: "Shinnə sakət i natu changngatayawa?"

³¹ Ngəməng nifiyuwa, "Naki səndəwa kəni manga nifi tausang engnəwa?" Ndəkən ndandəna Filibus wa kə tərənsi kə də mbəssndi kə sokndə rəmma.

³² I natna changngata a hur dəlwertəkən ndatwa: "Kahkə fichindi nda shohrata kə mbət thletburata. Nda i lanat hwan Shohrat ba a hara lə həsta, nakən kichu chika miya i' nawuhiwa.

³³ Njirkəndəndi pad njangndə kitchitkən. Wunna mbəla mbu kachitkən? Kəthləm thla fichə shishshingtəni hur kishita."

³⁴ Ndəkən ndandə kullaḃiyu Filibuswa: "Wunnat tapəni'iya shunda dərkən, kə dər'i'ndi'enwa ndu kə dər yunə somən?"

³⁵ Tərkaakə Filibus shunda tərta mbədi changngat nifiyu, nakna mbwa'a kweshcha kusheng shundə kə dər Yəso.

³⁶ Naknda dər wita hur mbanda saakənda mbədi nat amsi, ndak nifiyuwa: "A amya mənə njat kə sikə fichi baptisma?"

³⁷ Ndak Filibus wa, "Ma firnakit tə handəkiketə ərta sukə ficha: "Ngəməng nifiyuwa Firikit Yəso Almasihu hweya Farə nakən."

³⁸ Chatkichuyu ndak nifiyuwa kə thlarang fichi Pirish keeketihiyu. Nda Filibus tə kullaḃiyu tərəkənda haya, yimkənda hur ammiyu, sang Filibus baptisma.

³⁹ Kə natnda cheta hur amkən, tərang Shemeda Ləmwanda Filibus. Kullaḃiyu ngərutə natndə padwa, kəskən mbandə'en pədakən tə mbənfata.

⁴⁰ A nak fichi Filibus a Azotus. Nakna bərtəhi bəsskən kusheng shundə mbinchinna thlet həmchini natta mbənniyu saakənna Kaisariya.

9

Təbərta Shawulu Hi

¹ Dək Shawulu mban tə fəraa lechita fa tərmbanda Ləmwandə kaən, ndatwa nan bəlləndə kanda, dəkna bəda kapat pərist.

² Hwanaən kə yaraən dəlwərchisi kə mbət humta Yahudawechihi a Dimaska, kəthləm kə mbəssən mba kəsəndə nofcha fa tərmbakən, hishchə tə nishchə nat kədən təkənda Urshelima a kənda.

³ Məla pədata, shee nduk tə Dimaska təkən chat kichuyu bək dʷachita haya afshi taurəən Shawulu təkənhi.

⁴ Həmkənhi hachahaiya səkkən burata ndatwa: "Shawulu, Shawulu, kəthləmə natu bəhita?"

⁵ Məlan pad ndakənwa: "Wunnaku Ləmwanda?" Ndəkən dandənwa: "Njang Yəso le natu fəra bəhtiyu.

⁶ Thla'u kə yimna hurhura'a, mbənniyu nanda mbu'u i natu səta."

⁷ Nofchi nannda witə rəmməyu, thlarkəndəhi kəmma kanda shundəsuwa, kanda sək buratkən nakən kanda nat nifəwa.

⁸ Thlaakə Shawulu a hachahaiya, i'naən hwanichi'enhi mbəla'utə nat ənwa. Nofchi nannda witəyu kəskəndə har'en, ndəkndə tənda hurhuri Dimaska.

⁹ Mundə məkkan məla natmbətwa, pad səmutə'ənwa sutə amwa.

¹⁰ Lə tərbandəsə Dimaska lə atfichiwa Hananiya, ndang Ləmwanda a hur ən nda sənnatəwa: "Hananiya." Ngəmanwa: "A njangya Ləmwanda."

¹¹ Ndəkən ndandə Ləmwandəwa: "Thla'u kə dənna mbayi la atfichiwa Ndellengna, kə sahnə hura'a Yahuda nifi baka Tarsus la atfichiwa Shawuluyu. Nakən kicheya məla hur hwanda.

¹² A neddə hur ən nda sənnatəwa nifa bata la atfichiwa Hananiya, ma shee nansa harcha in kəthləm kə ngərən nat mbəta."

¹³ Ngəməng Hananiya wa: "Ləmwanda, a shiki nofchi oiya mbu bəbi icha dər nifinəyu le sandən fa tərmbanda a Urshelima:

¹⁴ Pad pəkat pəristchiyu fərandə alchita kə kəssəən chikawun naka at thləmwə."

¹⁵ Ndəkən dandə Ləmwandəwa. "Du, kəthləm tēdindi kə sokka ənat torrengna, kə dən tə thləmna mbəda punofcha tə kuturcha, pad tə Isra'ilawecha.

¹⁶ Ni cheda witə bəhhi natna satta kəthləm thləmna."

¹⁷ Pədak Hananiya, ndəkna mbəssandə Shawulu. Saən harcha in, ndakənwa: "Hwan'yaa Shawulu, Ləmwandə Yəso chedukə fat'ena mbandəyu thlinkənji kəthləm kə ngərənə natmbəta pad kə nəhədnə tə Sheməd Chidchid."

¹⁸ Chat kichuyu ichi nda bwar tinda həhatkənda haya a hwanichi'en, ngərkəna natta natmbəta. Thlaakən sangfichi baptisma.

¹⁹ Səmkən əna bək alchit'enadi.

Shawulu Beshə Pathla Fara a Dimaska

Sokkə Shawulu hi a Dimaska, i hanmunchi dæmek tə fa tərmbanda.

²⁰ Chatkichuyu tərkaakən nata basə Yəso, a mbət humta Yahudawechihi ndatwa, məlan naka hweya Fara.

²¹ Nat fichile səkkəndi, pəðang ən kandəfa, dəkndəwa, "Awi nga nifiya wuwelang fa tərmbanda Yəso da a Urshelima wa? Bakna mbəɖya kəthləm kə kəssaən kanda kə dən tə kanda kə mbəda kapat pəristchikən?"

²² Bassa Shawulu nakən kə chektə kə chektə tə alchita, pad shiwunchi'en kə dər Yəso nakən təbradə hur'i'nda Yahudawechihi naka Dimaska.

Hirək Shawulu A Haara Yahudawecha

²³ Diftə hanmunchi kaən, humang Yahudawechi miwa nanda mbəllanda.

²⁴ Kanda ngungudndi fidiktə tə farə nat, a mimbangnga kəthləm kə bəllangnda, a nakən kusheng shiwunkən himma thləmata Shawulu.

²⁵ A fidikta kimshechi'en həkangndə tə tinkubata hur changlangta.

Shawulu A Urshelima

²⁶ Kə saatə Shawulu Urshelima, səkən i natna sətə kəthləm kə kəmnə tə fa tərmbanda, a nakən natnda kanda lechanda. Fərundə kitsuwa shida lə tərmbandiwa.

²⁷ Ndəkən kəstə Barnabas har'en, bəkən tənda mbəda fathləncha, pad mbəwa'angna kandə kəmmi kəmtə Shawulu tə Ləmwanda, a mba Dimaska tə witə shuni shunandə Ləmwanda. Ngərkən ndanda kandə padwa besh Shawulu tə alchitafa a hur thləm Yəso a Dimaska.

²⁸ Sokkə Shawulu tə kanda, wu'yaən kandə nat nda hurkən tə difitəkən a Urshelima, nakna basə tə alchitafa a hur thləm Ləmwanda.

²⁹ A lanakna shundə tə Yahudawecha fa sək Helenanchi kəna sət thlangətmi tə kanda, yəhkəndəsi kə bəsdə mbanda mbah nanda bəllangnda.

³⁰ Kəbat fahchikənna mbəssandə kichu, təkəndəndi kə Kaisariya, pad thlingkəndəndi kə Tarsus.

³¹ Sokkən fa tərmbayi a Yahudiya tə Galili tə Samariya yu, bəndə mbəs yuyurchita, naknda dətə mban tə torchengnanda tə alchitafa, kəthləm fa tərmbakən naknda wita hur lechanda Ləmwanda. Pad tə Shemed Chidchidda kəssanda kandəsi naknda chekta.

Kənnafichi Iniyassa dī

³² Nak Bitrusa nata wiyandə mbichi somsomən a hurnanda, bəkna mbəs hwecha Fara a Lidda.

³³ Mbənniyu batna mbəssandə nifi la atndəwa Iniyas, ndukka mbəthunat hurat fodffoda shed sarəchi'enadi.

³⁴ Ndəkən ndandə Bitrus wa: "Iniyas, kənnu Yəso Kərəsti dī, thla'u tərnu mbəthunadeku." Chatkichuyu thlaakən.

³⁵ Uf nofchi naktə sokta a Lidda, tə Sharon nakndə Iniyas mələ witəhi təbəkəndəhi kə mbəda Ləmwanda.

Thla'a Bitrus Murət Tabita tə Shisshingtafa

³⁶ Lə tərmbandəsa Yoffa thləmkənwa Tabita le nat sakətkənwa Dokas. Kafat'ensi pad fərchin'əna.

³⁷ A hanmunchiniyu hadkən, məkən, fanang fīcha ndəknda ndəfnda kəttən afshi, kəthləm kə thlohahnda.

³⁸ Lidda nakən nduk tə Yoffa. Səkkə fəfərkit wa Bitrusa mbənniyu. Thlingkəndə nofchi chap kə mbəf'en ndatwa: "Komkom weshu bana mbəs kani nga tə kəfatichifuwa."

³⁹ Thlaakə Bitrus pəðakndə tə fichile thlintənda. Kə saatən, dəkndətənda hurə afshitəkən. Kəttəkən nihidadi tə ndələt nishchi fichile mətə hishchengnanda, kanda tita pad chedangndə njelechi tə tahhət ichi 'yahmandə Dokas təkəna kandəsi, thlahbəndə natən tə kanda.

⁴⁰ Chang Bitrus nofchakissha kəttəkən uf, səkkən kurumchihhi, hwankən. Kə tubwandən hwakən, təbəkənhi fa murutkən ndakənwa: "Tabita, thla'u." Chatkichuyu inaən hwanichihhi, kə natən Bitrus, thlaakən dəs.

⁴¹ Kəskə Bitrus har'en thla'aən. Ndəkən atən ndələt nishchi mətə hishchengnandəyu, nat tə fəfərkit, fəraən Tabita təkənna kanda tə shisshingtafa.

⁴² Kusheng shiwunkən fankənhi a Yoffa nat, pad nofchə terchin fərkəkit kə mbəda Ləmwanda.

⁴³ Sokkə Bitrus hi a Yoffa təkən hanmunchi kaən, hura'a Saminu lə tahhasə pomcha.

Bitrus Tə Karniliyus

¹ Nifəsa a Kaisariya thləmkənwa Karneliyus. Kapat nifa a mbət thlərhwata Italiyacha la atfichiwa: "Hum'i'nda fa thlərhwacha Italiya."

² Məlan lə tərmbanda Fara, pad ləlechəngna Fara, məlan tə nofchi'enna huraa'en. La fəraən icha nofcha tə har chaa, pad la nakna hwananda Farə noknok.

³ Farəle tə farəhufta hanthləkkən məkkən, nakən mala'ika Fara ndaa hursənnata məla bəta mbəsndi, ndaənwa: "Karneliyus."

⁴ Kəlləng Karneliyus tə lechitafa, ndakənwa: "Mi, Ləmwanda?" Ndəkən ndandə mala'ikawa: "Hwande ku tə fə'ənnəku shee'a mbəda Fara, ənat ku duktəhar a mbanitə Fara."

⁵ Nakənya, thlənu nofchə kə Yoffa kə andə Saminu lələ atfichiwa Bitrus.

⁶ Nakna sokta mbəda Saminu lə tahhasə pomcha, le nat huraa'ena mi hawurta."

⁷ Kə pədat mala'ika ti shunangyu, ak Karneliyus nofchihar chap a hur mafəchi'en, fa sa tora huraa'en, tələ thlərhwata ləla lechangnga Fara, hur fichile lə sang tor kənding.

⁸ Mbwa'aən chikama kanda, thlənkən kanda Yoffa.

⁹ Bīngətkən, nofchi thləntə Karneliyusu ndukndəhi kə hurhura'a, pədak Bitrusa hurə afshi, dəkna nata hwanda a hurfara.

¹⁰ Nak mita fi'en, pad yəhkənsa səm'əna, fīcha nəha'əna chat yimkənnə hur ən nda sənnata.

¹¹ Nakən afshi inhi, əna bəatahai nda kapat də supta, firfīcha hai tə kukuwunchi'en fwadfa.

¹² I səka dəhərəmta neesa hurkən, fa sarəchəsə fwadfa, tə fa kah hurcha hachahaya tə dīshcha.

¹³ Səkkən bərata ndanduwa: "Thla'u, Bitrus: thliu bərata kə chiina."

¹⁴ Ndəkən ndat Bitruswa: "Auwa Ləmwanda, kəthləm tamwi chi i nguchik chidchid ndu ndəduwowa."

¹⁵ Ngərkən sək bəradīyu i chapatəkən ndatwa: "I tahsəndə Farəhi tamina ndatwa nga chidchidwa."

¹⁶ Kurbaŋ iniyu sət məkkən. Chat kichuyu kahang fīchi ənatkənadi kə afshi.

¹⁷ Nak Bitrusa hur bweechitfat kaən, kə dər i'ni nda sənnatiyuwa nakna sokta mi? Chat nofchi thləntə Karneliyusu sheenda hurə'a Saminu, thlərkəndəhi kikkita mimbəngnga.

¹⁸ Akndəfata sahəkənda, nifi la atfichiwa Saminu Bitrusyu, ndu tərəkəna haya mbənniyu.

¹⁹ Kənat Bitrusa yarəndə i'nihi nda sənnatiyu, ndang Shemədwa: "Səku, bəd nofchə məkkən kanda katsa.

²⁰ Thla'u, tərūhaya, kə pəduni tə kanda, mə ndərminəwa kəthləm njang thləngkə kanda."

²¹ Ndəkən tərte Bitrusa hai kə mbəda nofchiyu, ndakənwa: "Njangya njang natuni kata. Kəthləm mə bəatuni?"

²² Ndəkən ndatndəwa: "Karneliyus kapat nifa a Romacha thləngkəkəni. Kanifə nakən, pad lə mwana'ən Farə noknok, Yahudawechə nat la fərangndə mwanda. Chidchid tə Mala'ikachə ndangwa, kə thlənukən fata kə dīna huraa'en kəthləm kə səkən i natu mbuta."

²³ Sang Bitrus marapa kanda, ndangna kəndəwa kə hunandəhi kə wenmbəta. Bīngətkən, thlaakən pədakndə tə nochiyu, funə hwanmanchisa Yoffa ndəfkəndəndi.

²⁴ Saakənda Kaisariya bīngətkən. Karneliyus məla pukanda, pad ngomandə hwanmanchikən tə shikechikən.

²⁵ Kənat Bitrusa yimta hurəkən, sang Karneliyus marapa, himkəna mbanitəkən nakna mwananda.

²⁶ Thla'ang Bitrus, ndaənwa: "Thla'u, njangma nifənaki nda səkən."

²⁷ Bitrusa dər shundə təndi yimkənda huri, dəkənda mbəstə hwim nofchə oi.

²⁸ Ndagnga kəndəwa: "Kunang tə incheŋnuni shinuniwa, keekesuwə lə Yahudawat kə sən shikechit ndu kə humndəhi tə punofchəwa. Farə chedikəwa mə tərəndi chikawun wa nga chidchidwowa.

²⁹ Ndəkən sək bəti kadi katfichinji a cherwifəwa. Mbwa'amitən i sək thlənitunifata:

³⁰ Ndəkən ngərtə Karneliyus səwa: "Munə fwadfa mbərkəhiyu nja hwandə hure'engna, hanthləkkən məkkən i farəhufta a hure'engna, bək nifa mbəsni tə furnjelechafa ləla tərang hwanita, thlərkənhi mbanitina.

³¹ Ndəkənwa, Karneliyus, ngəmma Farə hwadeku tə fə'ənnəku, shokka ənat ku dukta mbəda Fara.

³² Kəthləm ndəkən, thlənu nifi nakənya kə Yoffa kə afichi Saminu lə atfichiwa Bitrusyu, tərəkəna haya a hurə'a Saminu lə tahhasə pomcha, nduk tə mi hawurta."

³³ Chat kə thlənuti fata, a ndərminəwa bəku. Nakənya kanang naka mbədyə, nakani mbanitə Fara, kə səkəni i fərrutə Ləmwanda kə mbwa'angna kani."

Shik Punofchə Kusheng Kwescha Shunda

³⁴ Ndəkən tərkaatə Biturssa shunandə kandə tə ndatwa: "Nakənya bəsədi tə ndatwa Farə taduharwa.

³⁵ La thləkən fichile lalechanga, tə fichile la sək i nak keeke kə bəda nofcha.

³⁶ Shinuniwa shuniya thlənkə Fara mbəda Isra'ilawecha, ficha bassa kashuwun yuyur-chita kandəsi tə mbəda Yəso kərəsti. Le naka Ləmwandə nat.

³⁷ Shikuni i sək a hachahai Yahudiya nat, tərkata a hachahai Galili, dɛfitə bassa baptismati sət Yohanna.

³⁸ Pad shinuni kusheng Yəso Lənazaratta, witə i sət Farə kə darkən fərəndən Shemed Chidchid tə alchita. Dək Yəso mban tə ka torcha, mələ kənədə nofchandə nat fichile kəsti Shefan har, kəthləm Farə təndi.

³⁹ Kanang na shetacha, kəthləm nədani ichi sətən nat a Yahudiya tə Urshelima. Bəllangnda tə mba kukwandəhi dar palita.

⁴⁰ Thla'ang Farə tə shishshingtafa a farə mun məkkatəkən. Malaən pad kə chedən fat'en.

⁴¹ Chedutə fat'en kə mbəda nofchi natwa, pad kə mbəda fichile tadətə Farə har kə soh, kanang hacha, səmkə'ən tə sat'ən təndi diffitə thlatə'ena kwata.

⁴² Fəraən tora kani kə basangani nofchisi chika tətəni, pad kə chədani tə kitwa, Yəso mələn tadətə Fara lə thlakita chikawunsa hur fa shishshingtə tə məmatcha.

⁴³ Mələn shiwuntə tapənecha inkən ndatwa: "Chikawun fərkəkit kə mbəd'en, na ficha kala bəbifechi'enhi hur thləmkən."

Fəraa Fichə Shemed Chidchidda Punofcha

⁴⁴ Nak Bitrusa hur shiwunchiniyu, bək Chidchid tə Shemedə dar chikawun naka sək shiwunchi'en.

⁴⁵ Yahudawechə fa tərmbandə baka Yoffa ndəfkə Bitrus yu, pədaŋ ən kandəfa, kəthləm a thlər Farə Chidchid tə Shemed hi chika kə dar punofcha.

⁴⁶ Kəthləm shikndə kandə kanda shundə tə miche somsomən, kanda mwanandə Fara. Ndəkən sahtə Bitrus wa:

⁴⁷ "Yunisi na njat kə sangfichi baptisma nofchiyawa, tabkən kə thləndə Shemed Chidchid nda i thlətani?"

⁴⁸ Ndəkən ndatənwa kə sangfichi baptisma kanda a hur thləm Yəso kərəsti. Diffitəkən ndəkən ndandənda Bitruswa kə chekaən munchi dimek kicha a thləmatnanda.

11*Bwa'a Bitrusa Fa Tərmbanda Urshelima Nat I Səka*

¹ Fathləncha tə fa fərkitti naka Yahudiya, səkkəndəwa thləd punofchə pathla Fara.

² Kə dət Bitrusa Urshelima, thla'ang pəktat Yahudawachəfa, fichile fərkəkit kə dar hesha, ndatwa:

³ "Yimku hura'a punofcha fichile heshuchika səmku ən tə kanda"

⁴ Mbwa'ang Bitrusa kandə keeke nat i sək.

⁵ "Nja həmət Yoffa nja hwanda, naki'ən ndaa hur'sənnata, naki əna bata haya hur'afshi nda kapat ənat supta, firficha haya hur'afshi tə kukuwunchi'en fwada, saakən nduk tənji.

⁶ Kə kələndi nduk a naki dəhəramcha, tə hanthlucha hurhwela'a tə fa kah hura hachahaya tə dīshcha.

⁷ Səkki burata nditəwa: "Thla'u, Bitrus: bəllu kə chiina."

⁸ Ndakiwa auwa Ləmwanda, tamu kohat ənkichu ndu i nguchik ndiichina yimta hurmiyengnuwa.

⁹ Ngəməng burata hur'afshi, shuwunkən i chapatəkən, ndatwa: "I sət Farə chidchid kə ndənuwa ndəduwowa."

¹⁰ Kurbəng iniyu sət məkkan, kana ficha ngər kahanda hur'afshi.

¹¹ Chatkichuyu bək nofchə məkkan kə huri'i natanisi, thləntə fichə kanda a Kaisariya kə mbədəngna.

¹² Ndak Shemed Chidchidwa, kədi tə kanda mətədiɛharwa. Dəfkə hwanmanchə nji tehhethl, yimkani hura'a nifikən.

¹³ Mbwa'angna kani nadi natən mala'ika kitta hura'en ndakənwa, 'Thlənu nofchə kə Yoffa kə afichi Saminu nat thləmkən padwa Bitrus:

¹⁴ Mələn na mbu shuni na fəru hərəkta, səkən tə nofchi hure'eku nat.

¹⁵ Kə tərkaati ka shunda, bək Chidchid tə Shemedə hai kə dar inchenɡnandə nat nda i batna hai kə dar inchenɡnani a tərakəkən.

¹⁶ Kudukki shunda Ləmwanda nda i ndatənwa, 'Sək Yohanna baptisma tə ama, kunang nak ficha sa baptisma kuni tə Shemed Chidchid.'

¹⁷ Sokkən fərfa Fara kanda keeke tē le sandən kəm, fari fərtəm kit kə mbəda Ləmwandə Yəso Kərəsti, wun njang na ndanda Farə wa nga kichuwa?"

¹⁸ Kə səktəndə kichu bəhkəndə i natnda mbuta, mwanangndə Fara ndatwa: "Awi chika punofchima i'na Farə mba tərthi kandəsi tē mbəs shishshingta."

Fa Tərmbanda a Antakiya a Hur Suriya

¹⁹ Fichile wuwelkəhi kəthlēm pwanchi thlaakə kə ɗar Istifanusyu, pəɗakndə kə hachahai Finikiya tē Sayifurus tē hēmət Antakiya, naknda bəssa shuwunkəna Yahudawechisə ɗeng nga chika wunwa.

²⁰ Funəsa hurnanda Sayifuruscha, tē Sayirinha, kə saatənda Antakiya bəssangnda punofchisi, naknda mbwa'a kweshcha kusheng shunda kanda kə ɗar Ləmwandə Yəso.

²¹ Hara Ləmwandə təkanda, nofchə oi fərkə kit təbəkəndəhi mbəda Ləmwanda.

²² Kusheng shuwun i səka, saakəna thləmata fa tərmbanda a Urshelima, thləngkəndə Barnabas kə Antakiya təkən.

²³ Kə saatən pad a neftə kafadi sandə Farə kanda, səkən mbənfat kaən pad chekaən alchita kanda tē ndatwa, kə thlarndə tē alchitafa hur fərkət kə mbəda Ləmwanda tē hanndəkikechengnandə nat.

²⁴ Kəthlēm Barnabas kanifə nakən, nihəɗadi tē Sheməd Chidchid pad təfərkət. Chekkə nofchə oi kə mbəda Ləmwanda.

²⁵ Pəɗak Barnabassa Tarsus kakat Shawulu.

²⁶ Kə mbəssandən, bəkən tənda Antakiya. Hurata, nda Barnabas tē Shawulu kanda kəmtə kə mbət ngəlhwanita, kanda sakanda nofchihiar oi. A Antakiya tərkaatə fīcha at fa tərmbachəwa Kərəstacha.

²⁷ A hanmunchiniyu funə tapənechəsi baka Antakiya thlata Urshelima.

²⁸ Ərta hurnanda thləmkənwə Agabus, thlaakən kit shuwunkən tē alchit Shemədə fa ndatwa, na mita natsə kaən hur kishitə nat, sək mitəkəna thlahmbət kuturichita Kalaudiyus.

²⁹ Ndəkən tərta fa tərmbandəhurwa, chikawun nan fər əna keeke a alchit'en kəthlēm kə thlənang fīcha hwanmanchi naka hachahai Yahudiya.

³⁰ Səknə kichu, thlənangnda pəktechi mbənniyu tē hara Barnabas tē Shawulu.

12

A Bəllandə Yakubu Pad Kublandə Bitrus

¹ Nda mbət kicheeya, Hiridus kutura tərkaatən fərfa bahta funə fəfərkət a mbət ngəlhwanita.

² Bəllaən Yakubu hwanman Yohanna tē thlohta

³ Kə natən ənatkən mbənada Yahudawechə fa, thlaakən kəssaən Bitrus pad, sək i'niyu a thlahmbət chohhəm səmɗəsəmta le nguchit mehdəsə fi'en.

⁴ Kə kəsəndən muhkənnəda pursuna, fərangna fathlərhwēcha har, fathlərhwēchə fwada fwada sakkən fwada, tē yarəwa ma mbir chohhəmkənhi kana battənda mbanitə nofcha.

⁵ Kublang fīchə Bitrus kə hur pursuna, nak fangəlhwanicha hwananəndə Farə təkīt kə ɗarkən.

Kəta Fichi Bitrusa Kissha Pursuna

⁶ A fidikiniyu manat Hiridussa chandə Bitrusa kish, mələ səbweni a thlərə fa thlərhwēchə chap. A kənandə tē chalaluchə chap. Fa thlərhwatən kanda ɗar tor kiikit a mimbang pursuna.

⁷ Chatkichuyu, bək mala'ika Ləmwanda thlarə nduktəndi, yimkə ɗwachita hurkəttənkən. Təkaṅ mala'ika təkən harra Bitrus fa mumi thla'a'ən, ndaənwa: "Thla'u ledfed." Chalaluchi har'enyu kwaskəndəhi chuthla.

⁸ Ndəkən ndandə mala'ika tiyuwa: "Kənan ɗə kəndeku kan ndiichin, kə panə pahəmcheku." Səkən kichuyu. Ndanṅ mala'ikawa: "Suppu ndə supteku fa kə kuwurnənji."

⁹ Chekna kissha pursuna təkən nakna kuwur mala'ika təkən. Ichini natyu sənuwa kitwa, naənhiwa ənnda sənnata natna hurkən.

¹⁰ Kə pəɗandənda fa pumbətkənhar i tərəkən tə'i chapatəkən saakənda mimbangngi sətfichi tē tēpassa lela chetfichi chat kə hurhura'a, inangna kandəsə ichitkən. Chekndakish naknda wita hurmbakən, chatkichuyu mala'ika təkən malkənnəndəhi.

¹¹ Kə bat Bitrusa ndə kə hur'indi'en, ndakənwa: "Nakənya səntiwa tē kit Ləmwandə thləngkə mala'ika'en, kə ɗa həkəta a hara Hiridus tē bəbi sakta Yahudawecha."

¹² Kə mbəsəndən kichu, pəɗakna hura'a Maryamu, man Yohanna la atfichiwa Markus, mbədi humtə nofchəhi oi kanda hwanda.

¹³ Kə fudandə Bitrus mimbangkən, bak hwanhura'a kish kə nuhhweya nat thləmkənwa Roda, kəthləm kə nan ndu wuni.

¹⁴ Kə mbəssandən kə burata Bitrus, ngəraən'in kə huri inawutə mimbangkənhiwa, kəthləm mbənfata, ndangna nofchihiyuwa: "Bitrus kita mimbangnga."

¹⁵ Ndagndəwa: "Tərru luwurcha!" Məlan pad nakna nata dahanda kandə'in wa məlan. Ndəkən ndatndəwa: "Nakna nat kə mala'ika'en."

¹⁶ Bitrus pad nakna nata fudandə mimbangngiyu. Kə inaandəndə mimbangkənhi nakndə kə məlan, pədag ən kandəfa.

¹⁷ Məlan pad thla'aən hara kanda kə ngasndəba, mbwa'angna kandə chayi chandə Ləmwanda kissha pərsuna. Ndakənwa: "Kə mbwa'anguni Yakubu tə tahhət hwanmancha ichini sək natyu." Pədakna mbət somən.

¹⁸ Wendambəta, nga hwan thlahur'indi thlaaka hurdfitə fa thlərhwəchiyuwa kə dər i kəskə Bitrus.

¹⁹ Kə kat Hiridus ndi mbəssawuwa, nakna tawasə kitchitkənna mbəda fa pukənhar. Fərkən mi tə ndatwa kə mbəllangfichi kanda. Diffitəkən thlaakə Hiridus a Yahudiya pədakna Kaisariya, sokkənna mbənniyu kə farəyuna.

Marta Hiridus

²⁰ Nakənya shibhura Hiridussa dī tə nofcha Taya tə Sidon. Nak nofchini kichuyu baknda mbədfən, diffitə kahhandə hur'inda Bilastus le nak mwanchina hura'a kutura, kəthləm kə mbəsəndə sok yuyurchita pad la mbəskəndə ndəsəmta a furta Hiridus təkən.

²¹ A farəle fari tahsandə fichihi kəmtə tə kutura, pak Hiridus njeli kuturichit'en, sokkəna mbət sok kuturichita shunaən nofcha.

²² Nofchi humkəyu hwaknda ndatwa: "Leya nga burata nifəwa, burata lura."

²³ Chatkichuyu təkə mala'ika Ləmwandə Hiridus hi, kəthləm fərautə mwanda Farə wa. Mbənniyu cha'ang hwacha Hiridus məkən.

²⁴ A nak shunda Fara nata fandəhi chika tətəni, nakna ndəta mban nak fa fərkitta chekta.

²⁵ Kə təbwandə nda Barnabas tə Shawulu i natnda sətə a Urshelima, ngərangndə'in kə Antakiya, tahkəndə Yohanna in la atfichiwa Markus.

13

Tedfichə Barnabas tə Shawulu Thlənfichə Kanda

¹ A kətən whayi a Antakiyayu Tapənechəsi tə maldəmcha, Barnabas, Samiyon la atfichawa pukən, Lushiyus le baka Sayirin, tə Manayen, le mwantənda mbət ərte tə Hiridus kutura tə Shawulu.

² Naknda mwanandə Ləmwanda tə kərkushimta, Ndak Sheməf Chidchid wa: "Dəffaam Barnabas hi tə Shawulu kəllər kəthləm tori ati kanda."

³ Diffitə kərkushimta tə hwanda sangndə harcha kanda in ndangnda kandəwa pədama.

Barnabas tə Shawulu a Sayifurus

⁴ Kandang pad kə thləntə Sheməf Chidchid kanda, pədaknda hai kə Salukiya, thlaakəndə kə Sayifurus hur kommbawal.

⁵ Kə saatənda Salamis, bəskəndə pathla Fara hur kətən humta Yahudawechəhi. Yohanna məlan təkanda nakna kəsanda kandəsi.

⁶ Kə wiyangndən hachahaikən nat baknda Bafos, kəmkəndə tələ Yahudawata lə kulata, tapəna'a lə lekta, thləmkənwa Bar Yoshuwa.

⁷ Le humandəndə i'ndə tələ kəskə hachahaikən har, Sarjiyus Bulus, məlan ti naka lə sən'əna. Ngomna təkən akən nda Barnabas tə Shawulu, kəthləm yahsa sək pathla Fara.

⁸ Pad Alimas lə kulata (kəthləm sakət thləmkən kichu tə miya Heliniyawecha), fərautə hum'inda kandəwa, nakna katkə təpraən hur inda ngomnatəkənhi a hur fərkitchidiniyu.

⁹ Nakən Shawulu la atfichə padwa Bulus, nihid tə Sheməf Chidchid, kəlaən Alimas ndongnga kə hur hwanita.

¹⁰ Ndakənwa: "Sokən hweya shəfan, atikretə ichi nak ndiichin nat. Lə lektə naku pad lə shəkəfadə nofcha. Nguna malandə təbrandə kitchit mbanda Ləmwandəhiwowa?"

¹¹ Nakənya haraa Ləmwanda sət atikrechit təssa, pad nukukomta nguna mbəlla nat hwatfarəwa, kə hanthlikchi dēmek: "Chatkichuyu hussoba tə hulta ngəlangndə hwan-itə'en. Nakna tapta kəna kat le na kəsəndəsi.

¹² Kə nat ngomna təkən i səka fərkən kit, kəthləm pəda'ənatkənfə oi kə dər sakta Ləmwanda.

Nda Bulus tə Barnabas a Antakiya Hur Bisidiya

¹³ Nakənya Bulus tə shikechə witə'en, thlaakənda Bafos a hur kommbawal, pədaknda Ferga chaa tə hachahai Familiya. Yohanna malkənkandəhi ngəraən inna Urshelima.

¹⁴ Bærkæðehi kə ɓan thlata Ferga, pəðaknda Antakiya tə hachahai Bisindiya. Farə yipta Yahudawecha yimkənda kətən humta Yahudawechihi sokkəndəhi.

¹⁵ Diffitə changngata hur kus tə ɔelwercha tapənecha, fambanichikənnə hur kətən humta Yahudawechikən, thlənangnda kanda ndatwa: "Hwanmancha ma shundengnuni lena kəssanda nofchəsi mbwa'ama."

¹⁶ Thlaakə Bulus kit thla'a'en haraa kə ngas nofchə ɓa, ndakənwa: "Kunang hwanmanchənə Isra'ilawecha, tə kunang ti lalechangnga Fara, kam thləmathi.

¹⁷ Fara nofcha Isra'ila, tadkə kakechengnəm teraən kəndə oi. A thlahmbədi natnda soktə nda romcha a hachahai Masar, paɗ tə kapat alchita chandən kandakish a hachahaikən.

¹⁸ Kərəskən* kəndə hurat kumchit fwaɗa a hur loktara.

¹⁹ Diffitə thlərtandə hachahaichadə muɗ hur Kan'ana, fəraən hachahaikənnə Isra'ilawecha kə sokka innanda.

²⁰ Sək i'ya a hur hurat aru fwaɗa tə kumchit ɗurman. Diffitə ndəkən fəraən fa sak miya kanda kə thlahbət tapənaa Samaila.

²¹ Hwankəndə kə fwaɗangfichə kutura kəndəsi, fərang Farə Shawulu kanda. Hweya Kish, kachit nda Bilyaminu, le sokkə kuturichit hurat kumchit fwaɗa.

²² Kə kətəndə Farə Shawuluhi, tha'a'en Dauda kə sokka kuturreng nanda. Le fərtə Farə sheta kədərken ndatwa: "A mbəshi Dauda hweya Yessi, nifə ləwitə handəketengna, le na sət i yahti nat."

²³ "Hur kachit nifəniyu, ɓat Farə tə lena Thlət Isra'ilawechadi, Yəso, nda i ɗəftən shuwunkəhi.

²⁴ Bassa Yohanna nofchəsə nat a Isra'ila kətərdəhi, kə sangfichə baptisma kanda, kanna Yəso ɓata.

²⁵ Kə nat Yohanna nduk tubandə tor'en, ndakənwa, lanaən kunihwa wunnaki? Njang nga məllanwa. Auwa, yunabata ɗiftinə, le sukuchitisi kə kwassayi sahətpahəmchi'enhi."

²⁶ "Hwanmancha, kachit Ibrahim, tə fichile hurnuni lalechangnga Fara, kə mbəɗəngnəm thləntafichə kusheng shuwun hərəkiya.

²⁷ Nofchi nak tə sokta hur Urshelima tə fambanichengnanda, mbəssaundəwa məllanwa, paɗ sunundəwa məllan shuwuntə tapənecha ɗərəkən, la changkandəfichə pwaree a farə yipta Yahudawecha, nəhɗangndə shuwunkəhi tə kiitati thləndəndəsi.

²⁸ Chika mbəssauchikndə tə chithansarəhiyu, le kamkəsi kə mərren, chika təkichu hwanangndə Bilatus kə ɓəllangficha.

²⁹ Kə nəhɗandəndə ichihi yarətfichə kə ɗərəkən nat, tərangndahaya ɗar palita hunangnda hur kwata.

³⁰ Thla'ang Fara hur məmatcha.

³¹ Munchə terchin mələ chəɗafat'ena fichile ɓatndətəndi, thlata Galili kə Urshelima, kandang naka shetachi'en nakənya kə mbəɗa nofcha.

³² Paɗ kanang ɓangngani kweshcha shuniya kuni təndatwa, ɗəfshuni ɗəffandə Fara shinchinəmhi.

³³ Nəhɗadəngnəm hi, kəmnangti naka hwechengnanda, tə mbəɗa thla'andə Yəso a hur məmatcha.

Nda i natna hur yarətkən, a hur chapatə Zabura ndatwa:

"Sokən naka hwe'engna,

ɓukweya sokkə kə sukka."

³⁴ Pathlə thla'ai thla'andəna hur məmatcha, ndatwa: "Ngu ngər mərtadi ndu kə ngərən yirata hurkwatwa." A i mbutənya, ni fərru chidchidchita tə kitchit mbəs'ənharra Dauda.

³⁵ Kəthlem ndəkən ngərəkən ndat paɗa hur Zabura təllewa:

"Ngu malandə le nak chidchid kə yiraka hur kwatwa."

³⁶ Kə mweshandə Dauda tori fərandə Fara, a thlahmbət tor'en mərəkən, thlohhangficha, mbədi thlohhandəfichə shinchikən, yiraknada hur kwata.

³⁷ Le thla'andə Fara a yirruwa.

³⁸ Kə sənnunisi hwanmancha, ndatwa tə mbəɗa Yəso natficha kalla ɓəbichitfechengnuni kunih.

³⁹ Chikawun fərkəkit tə mbəɗ'en mbishtə hərəkta. Hur chikamənat le nguchittu hərəkta tə kussa Musa.

⁴⁰ Kəthlem ndəkən ɗəffam'indəsi, məbi i mbutə Fara hur ɔelwercha tapənecha kə mbəssənkuniwa ndatwa:

⁴¹ "Namma, kunang fa njirfata,

kə pəɗang'ənkunifa, kə mərruni

kəthlem ni sət tora hanmunchengnuni,

* 13:18 13:18 Funə yarechikən kileɗsa

tori nguchittuni fərkitchitsi, chika mbwa'ang yuna kuni."

⁴² Kə chetnda Bulus tə Barnabassa kish, hwanang nofchəkən kandə ndatwa, kə ngərnda bata mbwa'a ichiniyu kanda, a farə yipta Yahudawechi na batyu.

⁴³ Diffita wuwela nofchə hi, Yahudawechə oi tə fichile fərkə inndə kaən, kətər mbanda yahudawecha, kuwurkəndə Bulus tə Barnabas, shunang ndə kanda. Pad ndangnda kandəwa, kə dəndamban tə nata hur kafata Fara.

⁴⁴ Ngərəkə farə yipta Yahudawecha sata, sokkən chikawuna hur həmətkən, hwimndəhi kəthləm kə səkndə pathla Fara.

⁴⁵ Pad kə nat Yahudawechə nofchə oi, nəhədkə handəkikecheng nandadi tə sərəhta, naknda halə'inda kə dar i'mbuttə Bulus, pad naknda njirndi.

⁴⁶ Bulus tə Barnabas shuwunkəndə tə alchita, ndatwa: "Kunang kamkəsi kə tərkaafichə bəssa pathla Fara kunisi. Sokkən a cheruni, chedkuniwa, kamusi kə mbəssuni shishshingte lekə pwareewa, nakənya nani təbətəhi kə mbəda punofcha.

⁴⁷ Kəthləm Ləmwanda tepa dəftəkanisi ndakənwa:

"Difikuni kənuni dwachita punofcha,

kəthləm kə sokənwa tə mbədengnuni nat kishita hərəkta."

⁴⁸ Kə səktə punofchəkən kichu, səkndə mbənfat kaən, təpad mwanangndə shunda Fara, fichile baka soktəwa nanda mbəs shishshingta. Le kəpwaree fərkəndəkit.

⁴⁹ Fankə shunda Ləmwandəhi chikatəteni a sərət hachahaikən nat.

⁵⁰ Yahudawecha dəknda chikandə nischa, fa lechanda Fara, pad fichile la nat ficha fəraa mwanda kanda, tə pəktat nofcha həmətkən. Tərkaakəndə fəraa pwancha nda Bulus tə Barnabas, təpad rəkkəndə kanda a sərət thlet həmtengnanda.

⁵¹ Təpangndə tənnyaida sarəchengnanda, kə sokka sheta dar inchəngnanda, pədaknda həmət Ikoniya.

⁵² Sokkən fafərkit, nəhhədkəndə tə mbənfat oi, pad nəhhədkəndədi tə Shemed Chidchid.

14

Bulus tə Barnabas a Ikoniya

¹ A Ikoniya, Bulus tə Barnabas yimkənda mbət humta Yahudawechəhi, bəskəndə pathla Farə tə alchitafa, tərəkə nofchəhi oi, Yahudawechə tə punofchə nat fərkəndəkit.

² Yahudawechi fəruchikkit, kurtangndə hur i'nda punofchəhi, səbangndə hurdifitənadafi kə dar hwanmanchinandə fafərkit.

³ Bulus tə Barnabas tərəkəndə hanmunchə oi a mbənniyu. Kanda bəssə lechitfuwa kədər Ləmwanda, lefərkə sheta tə shuwun kafat'en, tə mba sət ənnat pədandə nofchəfa, tə sakchikən tə mbədengnanda.

⁴ Nofchi naka həmətkən sakkəndəhi, funa mbəda Yahudawecha, nak funa mbəda fathlənchəkən.

⁵ Punofchə tə Yahudawechəkən, tə fahəm mbanichengnanda, tahsangndəhi wa nanda fəraa pwancha kanda, pad kə mumuhhwangnda kandəfa.

⁶ Kə səkkəndə i naka səta, rahkənda thlet həmət Listira tə Darbe, a hachahai Ikoniya, tə tahhət həməchə nak nduknduk,

⁷ a mbənniyu dəknda mban tə bəssə kweshcha shiwunkən.

Bulus tə Barnabas a Listira

⁸ A Listira nifəsi nak dəs kə tərəd, tamwa sət tor tə sarəchə'enwa, nakən kichuyu kə ngəttə'en tamwa witaüwa.

⁹ Nakna sək bəssa Bulus, nak Bulussa kələndə ndongnga, kənəten fərkit'en kəmsi kə kənanfichadi.

¹⁰ I'naən burathi kaən ndakənwa: "Thla'u thlarnəhi kit kə dar sarəcheku. "Thlaakən tərkaakən wita.

¹¹ Kə nat nofchi oiyu i sət Bulus i'ngandə bərechəhi, ndakndə tə mi Likoniyachitwa: "Bəd luwurchahai kə mbədengnəm nda nofcha!"

¹² Dəffangndə Barnabas wa Zeyus, Bulus pad wa Hermes, kəthləm mələn naka kapat lə shuwunkən.

¹³ Pərissa Zeyus dəhhayu, le nak kapat kəten dəhhakənna difiti həmta, bəkən tə lecha tə fitə icha, kə mimbəng həmətkən, yahhənsa fər poffən'en bweet tə nofcha.

¹⁴ Kə səktə fathlənchikən nda Barnabas tə Bulus i naka səta, thləthlahhangndə njelechəngnandadi, rahkənda hur nofchiyu, thla'angndə burata ndatwa:

¹⁵ "Nofcha mə sək natuni sət iya?" Kanang nofchə nda kunang! Tə bangngani kweshcha kushəng shunda kuni, kəthləm kə təbrunihi, hurwitə bəbifəsəchiya kə mbənda Fara, le nak tə shishshingta, le sək afshi tə kishita, hawurta tə ichi nat naka hurchikən.

¹⁶ Hursoh ti mbərkəhi, maladə nofchə nat kə wii nda mbachi yahtənda.

¹⁷ Chikka tē kichu malutē fat'en nga ə'nat sheta səwowa. Kəthləm shid'tə əndiichin, tē mba fərra ercha kuni afshi tē fekhə ndiichin, ngalaən kuni tē dəsəmta, pad məlla fərra mbənfata kuni.

¹⁸ Nat tē shuwunchiniyu bəhndəhi, kan'nda njat fər poffənti yahtə nofchiyu fərtə, kəthləm kəndang.

Mumuhaficha Bulus fa a Listira

¹⁹ Ndəkən bat Yahudawecha a Antakiya tē Ikoniya, ləmkəndə nofchi ngomkəhiyu, mumuhangnda Bulus fa, pad kahangnda kishsha hur həmətkən, nəən kəndəhiwa miri.

²⁰ Kə bat fa fərkitta taurandəhi, thlaakən pad ngəraən i'nnə hurhura'a. A bingətkən məlan tē Barnabas pədaknda Darbe.

²¹ Diffitə bəssə kwescha kusheng shiwunkən kə həmətkən, mbəskəndə fichile fərkəkit oi, ngərangndə'ina Listira tē Ikoniya pad tē Antakiya,

²² Mbənniyu sakəndəndə nofchəhar təndatwa, kə sokndə tē alchitafa hur fərkit. Chekangnda kəndə tē ndatwa, tē sat bahtə kəən natma mbəs yimta kuturichita Fara.

²³ Bulus tē Barnabas tadəngndə pəktechə kəndəsi, a hur chikayen kətən hwanda, təmbədə hwanandə Fara tē kərkushimta, fərkəndə kanda hara Ləmwanda, le fərtəndə kitchitta mbəf'en.

Nda Bulus tē Barnabas Ngərrandə'ina Antakiya tē Suriya

²⁴ Bərkəndəhi tē hur Bisidiya bəknda hur Fəmfiliya.

²⁵ Kə bəstəndə shiwunkən hur həmət Ferga, pədaknda hai kə Ataliya.

²⁶ Mbənniyu yimkəndə hur kommbawal ngərangndə'ina Antakiya, mbədi soh hwanandə fichə kafata Fara kəndəsi, kəthləm kə hərmən kəndəhar hur tori tūbəndəndə nakənya.

²⁷ Kə saatəndə Antakiya, ngəməngndə fa tər mbəndakish, kə mbət ərta, nbwa'angnda kəndə nat i sət Farə tē mbədəngnanda, pad tē mbayi i'nəndən mikətkən fərkitchithi kə mbədə punofcha.

²⁸ Sokkəndə mbənniyu hammunchə oi tē fatərməbānda.

15

Yarandə'ichəhi a Urshelima

¹ Bək funə nofcha a Yahudiya tē Antakiya, naknda sakanda fa tərmbəndə har, ndatwa: "Manga tē heshangfichəkuni nda i mbutə dəssəta Musa wa, nguni mbəs hərəktəwa."

² Nga hwan halə'ində yimka thlərə nda Bulus tē Barnabas tē nofchiyuwa, harkə fichə nda Bulus tē Barnabas tē funə fa tərmbəndə kə dənda Urshelima kə bədə fathləncha tē pəktechə, kəthləm kə tausəngndə shuninihiyu.

³ Nofchə thləntəfichəyu, pədəngndə tē hurhuri Finikiya tē Samariya, naknda mbu təbərta punofchihī kə mbədə Fara, fərang ndə bənfata fa tərmbəndə kəən.

⁴ Kə sa'atənda Urshelima, fa tərmbəndə tē fathləncha, tē pəktechə sangndə marapa kanda, kəndang pad mbukəndə uf i sət Farə tē mbədəngnanda.

⁵ Funə fəfərkitsi naka hur mbənda Fərisiyawecha, thla'akənda ndənkndəwa: "Sokkən waat kə heshangfichə punofcha, pad kə dəffichə kanda kə kəsndə kussa Musa har."

⁶ Fathləncha tē pəktechə fa tərmbənda ngomkəndəhi, kəthləm kə tausəngndə shuninihiyu.

⁷ Diffitə shuni shiwuntənda dərəkən kəən, thlaakə Bitrus kit ndəngna kəndəwa: "Hwanmancha shinuniwa thlatə tərəkəkən, tēd Farə nja hurnuni ndatwa, təmbədəngnə nat punofcha bəs kusheng shunda kə fərdəkitsi.

⁸ Fara le sənəkə hanndəkiketa chedkəwa a thliid'tə kanda tē mba fərra Chidchid tē Shemədə kanda, nda i fərra ndənəkani.

⁹ Pad chedutə səmsəmchita thlərənanda tē kaniwa, kə sapadən hanđəkikechengnandədi təbədə fərkit.

¹⁰ Kəthləm ndəkən, məsək natuni kikedəndə Fara, təmbədə dəffa rəfta kimshechi'ena bur, le nguchit shinchinəm təkəmna mbəlla tərta?

¹¹ Pad firəm kitwa, nakma mbəs hərəktə tē mbədə kafata Ləmwandə Yəso, nda i mbəstənda."

¹² Uf nofchi ngomkəhi ngəskəndə bə, naknda kəthləmmata nda Barnabas tē Bulus, nak nda mbu alchidī fərandə Fara kanda, kə səndə ənat pədəndə nofchə fa, tē ənat sheka'inda a hur punofcha.

¹³ Diffitə mweshandə shundəngnanda, ngərkə Yakubu si tē ndəkənwa: "Hwanmancha səkam nji.

¹⁴ Mbwa'a Siman Bitrusa kəm ladī lat Fara bəta mbədə punofcha, pad hertə funəharra hurnanda kəthləm thləmkən.

¹⁵ Leya bəkna soktə keeke tē shunda tapənecha, nda i yarandə fichihī təndatwa,

¹⁶ "Diffitə ndəkən ni ngər bata
təpad ni ngər tinandə hura'a Dauda le həmkəhi.

Kə ngəri tinandə thlarə'enna kwarkən kənan kit.

¹⁷ Tahhət nofchi nat katnji, njang Ləmwanda,
nat tə punofchə la atfichə tə thlimna,
ndat Ləmwanda le sək i'chiya.

¹⁸ Səntə fichə kə soh.

¹⁹ "Kəthləm dəkən a kələndengna, kamusə kə thla'am hur'inda punofchi naka təbərtəhi
kə bəda Farəwa.

²⁰ Makə yarangma kandəsi ndatwa, kə malangndə dəsəmta dəhacha. Məsəmində
chadnguwa, məsində fəllawichitwa, pad mə səmində i bekrandəfichə mburat'enwa.

²¹ Kəthləm hur soh, a thlet həmcə somsomən fa bassəsi tə dəlwercha Musa, pad la
changngandə fichə kanda chika yen farə yipta Yahudawecha, a kətən hwacha bəshfichə
kussa Musa, a hur chikayen həmta i hurechə terchin, təpad la changangficha isəka farə
yipta Yahudawecha, a kətən humchengnanda.

Thlən fa Yarandə Ichəhi Yarata kə Bəda Punofchi Fərkəkit

²² Fathlənchəkən tə pəktechə, nat tə fa tərmbanda kəllangndəwa ndiichinsi, kə taddə
nofchihar a hurnanda, kə thləndə kanda Antakiya tə Bulus tə Barnabas, fichile tadtənda
nda Sila tə Yahuda lela atfichəndəwa Barsaba. Kandangti naka fəmbanicha fəfərkət.

²³ Fərangndə yarat dəlwera kanda, kə dāngnda kanda le naka ndatwa: "Kang
hwammanchənuni,

Fathlənchə tə fəmbanicha, kəmbəda hwammancha fichile naka punofcha, hur
Antakiya tə Suriya tə Kilikiya,
Ndat'ən kaən.

²⁴ A shikani wa nofchisi thlaaka hurnani, mbədyə thla'andə hur inchengnuni tə
shuwuncha. Chika sokkən thlənwani kandəwa,

²⁵ Hwimanihi yaradanihi ndidchinsi kə tadani nofchihara hurnani, kə thlənani kanda
mbədegnguni, tə kaa shikechənəm Barnabas tə Bulus.

²⁶ Nofchiya tēpa fərdə shishshingchengnanda, kəthləm thləm Ləmwandengnəm Yəso
Kərəsti.

²⁷ Kəthləm ndəkən thlinnani Yahuda tə Silas, kandang tə inchengnanda nanda mbwa'a
nda kuni tə miya, witə ən'ərtə tə i natani yarata.

²⁸ Keekesi mbəda Sheməd Chidchid, tə kang neddaniwa ndidchinsi, mə dəfadani
kapat ləkta kuni'inwa kə sherangka ichi sokkə waatwa:

²⁹ Kə lənganguni ichihi thlithlandəficha dəhacha, tə i'səka thluwa dəhərəmtə məkə
nga fwarsafəwa, tə i'səka thluwa dəhərəmi bekrandəfichə burat'en. Təpad mə siduni
fəllawichitwa. Ma hirmuni ichini haryu, nuni sət ichə ndiichin.

Kə sokuni ngwalngwal."

³⁰ Kə thləntəfichəkanda, pədak ndə hai kə Antakiya, ngommangndə fa tərmbanda,
fərangndə yarat dəlwer təkəna kanda.

³¹ Kə changngandəndə səkndə mbənfata, kəthləm alchidī chekandənda kanda.

³² Yahuda tə Silas kandangti naka tapənechə pad, shunangndə kandə ka'ən, pad
chekangndə alchita hwammancha, tə shiwunchə oi.

³³ Diffitə hangmuncha mbənniyu, malkəndə kandəhi ngwalngwal, ngərəndə'ina mbəda
fəchile thlənkə kanda.

³⁴ Kəllang Silaswa keekesi, məllan kə sokka mbənniyu.

³⁵ Bulus tə Barnabas tēngkənda hur Antakiya, naknda sakandadi tə bassə shunda
Ləmwanda, tə nofchəterchin pad.

Bulus tə Barnabas Shekndəhi

³⁶ Diffitə hanmuncha, Bulus ndangna Barnabas wa: "ngəramən'in dəmma kələndə
hwanmancha hur chikayen həmta mbichi bəstəm shunda Ləmwanda, təpad kənəm ndu
nakndə kəni."

³⁷ Barnabas yahkəsi kə pədandə bweet tə Yohanna, lə atfichəwa Markus.

³⁸ Bulus yarənhī kamusuwa kə pədandə tələ saktəndəhi a hur Fəmfiliya, təpad chertən
dəta mbet tortəkəndəyuwa.

³⁹ Mbənniyu thla'akə bəbi somsomənchitta handəkiketa thlərənanda, kəthləm ndəkən
sakkəndəhi tə ndani, Barnabas tərəkən Markus, yimkənda kombawal pədaknda Sayifurus.

⁴⁰ Bulus tadkən Silas, diffitə fəri fərtə hwanmanchə kanda, kə kafata Ləmwanda pədanda.

⁴¹ Pədak Bulus təhur hachahai Suriya tə Kilikiya, nakna cheka alchita kanda kətən
hwachikən.

16

Timoti kwiyrta Bulus tã Sila

¹ Bulus bakãn pað kã Darbe tã Listira. Lã fãrkitsa mbãnniyu, thlemkãnwã Timoti, hweya nuhnifa lã Yahudawata shinkãn lã Helenawata.

² Fafãrkitti naka Listira tã Ikoniya lanaknda hamndi.

³ Yahkã Bulus kã dãf Timoti ndi, tãrkãndi tã pað hesha'ãn, kãthlem Yahudaweche naka mbechiniyu nat nda shinndãwa shinkãn lã Helenawata.

⁴ Naknda ðar pãdata wiikãndã hãmtã hãmtã, naknda mbwa'anda nofcha ichi yarandã fathlenchikãnhi, tã pãktecha fichile naka Urshelima, ndangnda fafãrkitwa kã kuwurndã i yarandãndãhi.

⁵ Tãkichu nofchã fatãrmbanda, chekkãndã tã alchita hur fãrkit, chikayen para kanda tera.

Bulus Nedtã ẽn Ndaa Hur Sãnnata kã Dar Makidoniya

⁶ Bulus tã nofchi'en wiyangndã sãrãt hachahai Firijiya tã Galatiya, kãthlem Shemed Chidchid njanda kanda, mã basindã pathla Fara hur Asiya wa.

⁷ Kã batndã kã sãrãt hachahai Misiya, yahkãndã dãt tãhur hachahai Bitiniya, chikakichu pað Shemeda Yãso ngãmawa kandãsãwa.

⁸ Mbãrkãndãhi tã kãllari Misiya, pãðaknda hai kã Toruwas.

⁹ A fidikkãn bak ẽnã bæs Bulus ndaa hur sãnata, nakãn nifã lã Makidoniya, kit nakna hwananda tã ndatwa: "Afu Makidoniya kã kãsangnakanisi."

¹⁰ Kã nat Bulus i'ni nda sãnnatãyu, chatkichuyu kakkani mbanda Makidoniya, mwe-shangngani tãndatwa Farã nakka atkãm, kã bassaam kweshcha shunda kandãsi.

Lidiya Fãrti kit

¹¹ Pãðakani hur kombawal, thlata Toruwas kã Samotiras, wendambãt pað pãðakani Niyafofis.

¹² Thlata mbãnniyu pað ðakani Filibi, le naka kapat hãmtã Makidoniya, nat Romaweche sãt kutãrichitkãn. Shidani hanmunchã ðãmek a hur hãmãðiniyu:

¹³ Farã yiptã Yahudaweche, chekani kish kã mimbang hãmãtkãn, ðakani mi'ama, mbãðfi natani yarãwa na mbita natsi i hwanandã Fara, mbãnniyu sokkanihi shunangngani nishchi ngomkãhi.

¹⁴ Òrta hur nishchi naka sãkkani, thlemkãnwã Lidiya, bakna hãmãt Tayatira, lã hiiyandi fi njelechaði, lã mwanandã Farã naken. I'ngang Lãmwandã handãkiketã'ẽnhi, ðãfkãn hur i'nda i nat Bulussa mbuta.

¹⁵ Kã sandãfichã baptisma tã fichile naka huraa'en, hwanang Lidiya kani, tãndatwa: "Baknasoktãwa ngãmãduniwa njang lã fãrkit kãmbãnda Lãmwanda, bãm tama hure'engna kã sokkunihi." Tãkichu kahandãn hur i'ðangnani.

Bulus tã Silassa Pursuna

¹⁶ Farãle nakani pãdata mbãt hwanda, kãmkan i tã mafat nuhhweya, lenat shemed luwurchãsa fi'en, la kulakãn, tãpað la mbãskãn handãbãlta, kã fãrangka nofchi naka thlãmãtkãn, tã bãda kulat'ãn.

¹⁷ Nakna kuwur kani tã Bulus mella hwata, ndatwa: "Nofchiya mafecha Fara le sher kã tã mwanda, kanda bassa mba hãrãkta kunisi."

¹⁸ ðãknamban tã sãt i'niyu i mundã tãrchin. Tãkichu sãbkã hanndãkiketa Bulussa ðã kaãn, tãbãrkãnhi ndangna shemediwa: "Nja ðãfsã waat hur thlem Yãso Kãristi chukishsha fat'en." Chatkichuyu cheknakish.

¹⁹ Kãnat fa nuhwani natna hure'engnandãyu, resh mba mbæs ã'nengnandãfi, kãsangndã Bulus tã Sila, tãpað kahkãndã kanda milumo, ndãkndã tã kanda mbanitã fichile nak tã kuturichit hachahaikana har.

²⁰ Kã ðãtndã tã kanda mbanitã fa sakmicha, ndakndãwa: "Nofchiya Yahudaweche, naknda kanda shekda i'ndã hãmtegnani.

²¹ Kanda sakandã ðãssãchãfi kamuchãksi, le kamuchiksi kanang Romaweche kã thlani."

²² Bak terã nofcha humangndã miya kã ðar walakanda, fa sak michikãn thlethlahangndã njelecha nda Bulussa fi tã Sila, ndankndãwa kã tãpangficha kandã kaãn.

²³ Diffitã tãpanda kandã kaãn, somkãndã kanda pursuna, ndangficha lã pu pursunatãkãn harwa, kã kãlansakandã kaãn, mãninda hãrãkta.

²⁴ Kã thlãtãn shuwunkãn, ðãkãn tã kanda kakã hur kãtãn pursunatãkãn kãnaãn sãrãchengnanda thleri pãh'ãfta.

²⁵ A ðar fidikta, Bulus tã Sila kanda hwanda, tã in i'mish mwanandã Fara, tahãt pursunachikãn kanda kathlãmãmata kanda.

²⁶ Su tolləwa, səkkəfichə kapat həhərtə kisshitəfa, njun kətən pursuna təkən həhərkənfa. chatkichuyu mikətən pursuna təkən inkəndəhi nat, təpad uf challaluchi kənanəfichə pursunachikənsi həhətkəndəhaiya.

²⁷ Kə thlaətə ləpu pursuna təkənhar, anakən in mikətenchəkənhi nat. Yarkənwa reh pursunachikən, kətkən thlohtə'en, tənə bəllandəfat'en.

²⁸ Shuwunkə Bulus tə kapat bərat ndatwa: "Məsənə mboro i'ndekufuwa, kana mbədyə nattani."

²⁹ Ləpu pursunatakənhar ndakənwa, kəba fichə tə tikkəsha, təpad wəshkənə rahta hurkən, mələ saktatfa tə lechita dəkna həmtə mbanitə Bulus tə Sila.

³⁰ Mbənniyu chaən kanda kish ndangnakandəwa: "Fəmwanda, mənati sət kəthlem kə mbəsi hərəkta?"

³¹ Ndangndəwa: "Fəruk it kə bənda Lemwandə Yəso, nu mbəs hərəkta tə chikawuna hur hure'eku."

³² Shunangndə pathla Lemwanda, nat tə fichile naka hur huraa'en.

³³ Chika nakna fidikitiyu, ləpu pursunatakənhar kiledsa kanda təpad sapadə ndindicheng-nandadi. Chatkichuyu mələn tə fichile naka hur huraa'en sangfichə baptisma kanda.

³⁴ Bəkən tə kanda hur huraa'en, təpad saən də səmtə kanda mban, mələn tə fichile naka hur huraa'en, naknda sət mbenfata kəthlem firndəkit kəmbənda Fara.

³⁵ Wənda mbəta fa sak michikən thlənkəndə hansəsalchə ndatwa: "Kə kalndə nofchi-hiyu!"

³⁶ Ləpu pursunatakənhar ndangna Bulus wa: "Ndak fa sak michikənwa, kə kalfichə kunihi nakənya, chamakis pədām ngwalngwal."

³⁷ Ngərkə Bulussəwa: "Təpangndə kani a baniti nofchə talyar, sahəwundə mikaniwa, a nakən kanang Romawecha, pad pəkkəndəkani pursuna. Nakənnə yahkəndə kaləkanihi bubweta? Auwa! Kə bənda harandə kanikish tə i'ndengnanda."

³⁸ Kə dət hansəsalchiyu mbu i'niyu, nak fa samichikənna lechita, bəknda səndəwa Bulus tə Sila Romawecha.

³⁹ Baknda tərāndakandəhi. Kanda harandə kandakish, təpad hwanangndəkanda kəmalndə həmətkənhi.

⁴⁰ Diftitə cheta nda Bulus tə Sila kishsha pursuna, ngərangndə'ina huraa' Lidiya. Humkəndəhi mbənniyu tə fichile fərkəkit mbwa'angndə shuwuncha kanda, pad bəknda soktə tə alchit handəkiketa. Pədaknda.

17

Bulus tə Sila a Tassalonika

¹ Kuwurkəndə tə Amfibolis tə Afolloniya, saakəndə Tassalonika kə mbədi nat kətən humta Yahudawecha.

² Bulus yimkəna thləmmatnanda nda i səntənhi, mbərəd farə yiptəhi məkkan mələ halə'i'ndə tə kanda a hur dəlwercha Fara.

³ Nakna chekanda kanda, pad kəna sənanda kəndəsi tə ndatwa, keekesi kə saa Kərəsti pwene, pad kə thlaaka hur məmmatcha, ngərkən ndatwa. Yəso ti nati mbwa'andakunniya, mələn naka Kərəsti.

⁴ Pad funə Yahudawecha, kahhafichi hur'inchengnanda, hummangndə i'ndə tə Bulus tə Sila, kichupad sət Helinawechə oi fa lechanda Fara, tə kichupad sət pəktat nischə oi fa mbutə kə səkficha.

⁵ Nak Yahudawechikəna sərəhta, ngommang ndə hwanchə rənnecha a lumə. Kə ngomtəndə, tərkaakəndə thla'andə hur'i'nda a hur həmmətkən. Yimkəndə hurhura'a Yason nak nda kat Bulus tə Sila kəthləm kə bəndə tə kanda mbanitə nofcha.

⁶ Kə bəssawuchitndə kanda, kahkəndə Yason tə funə hwanmancha, dəkndə tə kanda mbanitə fa sak miya, nak nda hwatta kanda ndatwa: "Nofchiya naka thlahur'i'nda chika ayi hurkisshita, bəfndə mbədyə pad.

⁷ Yason thlidtə kanda, ufndə kəllundəssa kussa Kaisarwa, ndatwa yunə kutursi, thləmkənwa Yəso."

⁸ Thlaakə hur'i'nda Nofcha tə fa sakmicha kə səktəndə ichiniyu.

⁹ Kə thləd ndə handəbəl punofchəhar a harra Yason tə tahət nofcha kalkəndə kəndəhi kə pədanda.

Bulus tə Sila a Biriya

¹⁰ Chat kə sət fidikta, dəfkə hwanmancha ndə Bulus tə Sila kə pədanda Biriya. Kə saatənda mbənniyu yimkəndə kətən humta Yahudawechihi.

¹¹ Yahudawechi naka bəḍya pəḍanda fichilehi naka Tasalonika tə hur'i'nda, kəthləm thliḍndə shuwunkən tə harchə chap chap, lanaknda tausandə shunda Farə wembəta kə nandə ndu i mbutə Bulussyu kit.

¹² Oiya hur Yahudawechi fərkəkit, Paḍ tə funə nishchə Helinawecha fichile naktə mwanda tə hishchə paḍ.

¹³ Kə səktə Yahudawechi naka Tassalonikayu, tə ndatwa Bulussa bassə pathla Fara a Biritiya, dəknda nata chikandə kanda kənnəda thla'andə hur'i'nda nofcha.

¹⁴ Chatkichuyu dəfkə fafərkəkit Bulus kə pəḍaka mihawurta, nda Sila tə Timoti thlarkəndəhi mbənniyu.

¹⁵ Fichile dəfkə Bulussyu saakəndə təndi kə Atina. Naknda ngərandə'in thləkndə thlənda bəḍa Bulus ndatwa, yehsi nda Sila tə Timoti kə dənda mbəsəndə leḍleḍ, pəḍaknda.

Bulussa Atina

¹⁶ Kə nat Bulussa pu kanda a Atina, səbkə handəkiketa'enəḍi kaən, kə natən həmətkən nihidəḍi tə dəhhacha.

¹⁷ I səka para la nakna halə'i'nda kəten humta Yahudawechəhi kandang tə funə Helinawecha fa lechanda Fara. Chika bəḍi nat lumə fichile la bəlaakə nata bənniyu.

¹⁸ Funəsə paḍ Abikuriyawecha tə Sitokiyawecha fa mbə'əna halkəndə'i'ndə tə ndi. Funengnanda ndakndəwa: "Mə yahtə lə ḍaakiya mbuta?" Ndakfunəwa: "Nda ləbassə dəhhacha nofcha." "Mbukəndə kichu kəthləm Bulussa bassə Yəso tə thlata məmatcha.

¹⁹ Tərkəndəndi dəkndə tənda ḍar Arasa, ndakndəwa: "Ndu nu mbəlla mbwa'andakani witə yuwa sakayidi natu sakandəḍiya?"

²⁰ Kəthləm bənə yuwa icha thləmechengnani, yahkanisi kə sənnani i naka sakchikən."

²¹ Nakənya nat Atinawecha tə romchi naka mbəḍengnanda, ənsə lə sənnəndə kə sherangka mbu yuwa shuwuncha tə sək yuwa icha.

²² Thlaakə Bulus thlarkənhi hurḍifitə Arasacha, ndakənwə: "Kunang nofchi Atinacha, a mbəssəḍi wa kunang fa tər mbandə chika tə teni.

²³ Kəthləm manja mbərtəhi tə həmətkən, lanaki ichi natuni mwananda, a naki mbət fər pofən tə yarata ḍarkən ndatwa: "Kəthləm Fari sənuchit ficha. Lenatuni mwanandə sənuchituniyu, məllan nati mbwa'anda kuni.

²⁴ Fara letinkə kisshita tə ichinaka hurkən uf, məllan naka Ləmwanda afshi tə kisshita, shokwa kəten kapat hura'a Farə letintə nifəwa.

²⁵ Kichu paḍ bahwa kat nifə kə kəssaansə tə harchə'enwa, bahwa yah ənwə, kəthləm məllan tə i'ndi'en la fərang shishshingta nifa, tə yipta tə ichi natna yahtə nat.

²⁶ Məllan paḍ tinkə yakat tərə nofcha tə mbəḍa nifə ərta, kəthləm kə soknda hur kisshita nat, tahsaən sərət naḍengnandəhi, tə sərət həməchengnanda.

²⁷ Sək Farə kichuyu kəthləm kə kəndəndi, mbahya nanda taptə kə mbəssangnda, chika sokkən nga nakən langgə takəmwə.

²⁸ Kəthləm: "Tə mbəḍ'en natəmhi, lanatma yipta, paḍ tə mbəḍ'en mwaatəmhi. Nda i mbuta funengnuni fa at imshi ndatwa: "Kitchitkən, kəmnang ma witəkən nakəm."

²⁹ "Nakən kəmnang witə Fara, kamusi kə yarəm tə ndatwa Farə nakən nda zinariya ndu azurfə ndu ngwiya, le tahhəstə nifə tə ḍathlə'enwa.

³⁰ A hur soh tərta Farə chumwandə'enəḍi a ḍar tor bəmchita. Nakənya mbwa'ada nofchə nat, chika tə tee'ən kətərndəhi.

³¹ Kəthləm tahsaḍə farihi natna bəta sa kiita kisshitəsi, i kitchitkən tə mbəḍa nofchi tahsaḍəndi, kəthləm ndəkən firte kitchitkən kə mbəḍa chika wunni, tə thla'a nda hur məmatcha."

³² Kə səktəndə shuwun thlata məmatcha, funengnanda njirkəndəndi, ndak funə paḍwa: "Yahkani kə ngərani sək i natu mbuta kə ḍar shuniya paḍ."

³³ A mbənniyu saktə Bulushi tə kanda bəḍakən.

³⁴ Funengnanda ngərang ndə'ina mbəḍa Bulus, fərkəndə kit. A hurnanda Diyonisiyus, lə sakmicha, tə nuhnifa le nat thləmkənwa Damaris, tə funə paḍ fichile naka thləmatnanda.

18

Bulussa Korinti

¹ Diffitə ndəkən, malkə Bulus Atinahi pəḍakna Korinti.

² Kəmkəndə tə lə Yahudawata mbənniyu nat thləmkənwa Akila lə Fontusta. Le ḍak nakənya a Italiya, kandang tə nuhkən le nat thləmkənwa Biriskila, kəthləm Kalaudiyus firte kus ndatwa nat Yahudawecha kə malndə Romahi. Ḍək Bulussa mbəskanda.

³ Nakən tor harengnandə ərte tə nofchiyu, tor tahhasə tenti, sokkənnə thləmatnanda naknda sət torra.

⁴ I'səka farə yipta Yahudawechea, la yimkəna kətən humta Yahudawechea, a la nangna kahandə hur'inda Yahudawechea tə punofcha.

⁵ Kə baɕnda Sila tə Timoti a Makidoniya, ɓaknda mbəs Bulus firtə fat'enna ɓassa, mälla cheɗanda Yahudawechea tə kitwa, Yəso naka Kərəsti.

⁶ Halangndə'i'nda nak nda i'erandəfa, təppaən njelechi'ennadi ndangna kandəwa: "Hekke tə fwarchengnuni tə inchengnuni! njang cheɗikish. Thlata nakənya kə mban ɗəki mbəɗa punofcha."

⁷ Malkən mbənnihyu pəɗakna hura'a nifə lə atfichiwa Titiyus Yustus, ləmwanaɗə Fara, huraa'en nduk tə mikətən humta Yahudawechea.

⁸ Kirisbus, kappat nifa mbət humta Yahudawechea, fərkən kit kəmbəɗa Fara, kandang tə nofchi huraa'ennat. Korintiyawechei oi səkkə ɓassa Bulus, fərkəndəkit sanfichə baptisma kanda.

⁹ Farəle fidikta, chendang Ləmwanda Bulus hur'en nda sənnatawa: "Mələchinuwa, ɗumban tə ɓasseku paɗ məngasinə ɓaawa,

¹⁰ Kəthləm njangtəsa, paɗ nifəsə na waləsə kə sukən'enwa, kəthləm nofchengnəsi oi hur həmməɗiya."

¹¹ Sokkə Bulushi mbənniyu, hurat'ərta tə ndəraa tehetl, mälla sakandə pathla Fara ɗi a hurnanda.

¹² A fari nat Galiyo sət kuturichita furət Akaya, thla'ang Yahudawechea Bulussafa, ɓakndətənda mbanitə fasakmiya.

¹³ Ndakndəwa: "Nifiya mälla kahhandə hur'i'nda nofcha, kə mwanangndə Fari nguchik keeke tə kus."

¹⁴ Kə nat Bulus nduk kə shunən, ndəkən ndandə Galiyo Yahudawecheakənwa: "Makəthləm sət'en nduduwa ndu kapat ɓəɓi'əna, mani kəthləmmatakuni.

¹⁵ Nakən pathlə sahmi kə ɗar shuwuncha, tə thləmcha tə paɗ kus engnuni, kəllamən kunang tə inchengnuni. Njang ngi mbəlla thlandə shundəhi kə ɗar witə ichiyawa."

¹⁶ Rəkkən kanda kətən sakmikən.

¹⁷ Nat nda kəsangndə Sostanus ləhəm mbanita a mbət humta Yahudawechehi, təppangndə a mbanitə fa sakmikən. Kəmmawuchik'en Galiyo kə ɗar i'sənda

Ngəraa Bulus Ina Antakiya ɗəkən chaa tə Hur Suriya

¹⁸ Diffitə ndəkən sokkə Bulushi hanmunchə oi təfafərkit a mbənniyu, ndangna kandəwa nan maləkandəhi, a yimkəna kəmməbawal, ɓəɗakna Suriya kandang tə Biriskila tə Akila. Kə saatənda Kankiriya, həsaən hwasə ində'enadi, kəthləm kə nəhɗaən shunihi mbuɗtən.

¹⁹ Saakənda Afisa, malkən Biriskila tə Akila mbənniyu, məllan tə i'ndə'en yimkəna kətən humta Yahudawechehi, nakna tausandə shuwunkən tə Yahudawecheikən.

²⁰ Hwanangndəwa kə sokkə mbənniyu hanmunchə oi, cherkənfə.

²¹ Nakna pəɗata ndangnakanduwa: "Ni ngərandə'inna mbəɗengnuni ma ngəmma Fara." Yimkəna kəmməbawal pəɗakna Afisa.

²² Kə tərtaɗahaya a Kaisariya, pəɗaknashi ɗəkna nda'ənna fa tərmbanda, pəɗatahai kə Antakiya.

²³ ɗifitə munchi sətəna mbənniyu, thlaakən wiyaan furət Galatiya tə Firijiya nakna kuwur həmtə həmtə, kəna cheka alchita fa tərmbandə nat.

Besh Afolos tə Alchitafa a Afisa

²⁴ Lə Yahudawatsi thləmkənwa Afolos ɓaka Afisa. Məllan lə Iskandariyatə nakən. Lə mbər shunda shintə'ənkaən, nat tə yarət shunda Fara.

²⁵ Sakafəchə pathlə mbanda Ləmwandəhar, paɗ nakən tə alchita fa hur Sheməɗa, la mbukən paɗ kə sakaan'ichadi kə ɗar Yəso keeke, nat tə kichu baptisma Yohanna ndak səntən.

²⁶ Tərkaakən shundə tə alchitafa, a kətən humta Yahudawechea, kə səktə nda Biriskila tə Akila ndi, tərəkəndənda huri, chekangndə mbwa'a pathla Farə kaən.

²⁷ Kə yahtə Afollosa ɗəta Akaya, chekang hwanmanchə alchita, paɗ yarangndə ɗəlwera fa tər mbandəsi kəthləm kə thləndəndi tə harchəchap. Kə saatən, kəsangna fichilesi fərkəkit kaən, tə mbəɗa kafata.

²⁸ Kəthləm sheraɗa Yahudawechea tə alchit kaən, fəraan harəfata kanda mbanitə nofcha, la cheɗkənwa hur pathla Fara Yəso naka Kərəsti.

Bulus a Afisa

¹ A thlahmbəɗi nat Afollosa korinti, Bulus wuyaən hur thlet həmətkən saakəna Afisa, mbəɗi mbəsandən tahhət kimshechəkən.

² Ndagnga kandəwa: "A thlinduni Shemed Chidchid a thlahmbədi fərtuni kitwa?"

Ndagndəwa: "Auwa, bahwani tamta səktəwa Shemedsi Chidchidwa."

³ Ndakənwa: "Witə baptisama tēmə sandəfichəkuni?" Ndakndəwa baptisma Yohanna."

⁴ Ndak Buluswa: "Yohanna səkən baptisma kəchəndənwa tərniyəhi, nakna ndanda nofchuwa kə fərndə kit kə mbəda le na bəta dīffitəkən, naka Yəso."

⁵ Kə səktəndə kichu, sang fichə baptisma kanda a hur thləm Ləmwanda Yəso.

⁶ Kə dəffandə Bulus hara kanda in, bək Shemed Chidchid kə dārnanda, naknda shundə tə hanshuwunchə somsomən, pad naknda mbu'icha.

⁷ Ufnda nak ndə nifə kumngərənsi chap.

⁸ Yimkə Bulussa kəten humta Yahudawechihi nakna bəssa lechitfuwa shee ndəraa məkkan, mēlla halə'i'ndə tə kanda, nakna kahhandə hur'inchengnanda kə dər mwanda Fara.

⁹ Pad funəsa hurnanda tə kwaakwachit i'nda cherkənda fərkit, naknda njirandə mbanda Ləmwana də mbanitə nofcha, kəthləm kichu Bulus sakkənhi təkanda, pədakən tə fa fərkit, nakna sakandadi i səkka wembəta a makaranta Tiranus.

¹⁰ Hurat chap mēlla sət kichu, tə kichu nat nofchi naka hēmət Asiya shikndə pathla Ləmwanda, Yahudawecha tə punofcha.

Hwecha Sikeba

¹¹ A shid Farə ənət sheka i'ndə oi tə mbəda Bulus le tamuchit fichə nata.

¹² Chika mayani'en ndu njelaa'en, le təkanghara fat'enfa, la dāngficha hacha kə kənda hur hafadeng nanda, pad kə sakndəhi tə bəbīshemecha.

¹³ Funə Yahudawecha fichile la naka wiyandə hēmətkən, la naknda rək bəbīshemecha, la səkndə tor tə thləm Ləmwanda Yəso, a dər fichile nak tə bəbīshemechikənafa la ndangndəwa: "A hur thləm Yəso lela bəstə Bulussa dərəkən chamakish."

¹⁴ A hurnanda hwechasi muɖ kə hishcha, naka i kapat pərīst lə Yahudawata le nat thləmkənwa Sikeba, uf nda lasəkndə kichu.

¹⁵ Ngəməng bəbīshemed kən kandəwa: "A shini Yəso pad a shini Bulus, kunang pad kunang miicha?"

¹⁶ Nifi nak tə bəbīshemeddə fiyu pərəkənna dārnanda, shərangna kandə tə alchita, chəknda kissha hurikən tə wesha tamkwəl tamkwəl pad bəskəndə ndindicha.

¹⁷ Fichile nak tə sokta a Afisa, Yahudawecha tə punofcha, kə səktəndə i səkyu kəsang lechit kandə nat, mwanang ndə thləm Ləmwanda Yəso.

¹⁸ Oi a hur yuwa fəfərkit, bəknda nata mbu bəbī dəsacheng nanda tallara.

¹⁹ Nofchə oi fa kulecha bəkndə tə dəlwercheng nanda, 'yangndadadi a mbanitə nofchə uf, kə sakandəndə handəbəl dəlwerchi ikkadī, mbəssang ndəwa a shee azurfa aru kumchit kum dūrman (50,000).

²⁰ Shunda Ləmwanda nakna dəta mban tə alchitafə kaən.

Thla Hur'i'nda a Afisa

²¹ Diffitə ichini səknaty, Bulus yarkənna handəkiketi'enwa nidəttə Makidoniya, tə Akaya ka cheta Urshelima, ndakənwa ma didi mbənniyu waat kə di hēmət Roma."

²² Thlənkən funə chap hur fa kəssa torchəsi, nda Timoti tə Arastus, kə Makidoniya, mēllan thlarkənhi a hēmət Asiya tolla.

²³ A hanmunchiniyu thlakkə kapat thla hur'i'nda, kə dər pathlə fa tərmbanda Yəso.

²⁴ Thla hur'inkən bəkən tə mbəda lə bəla, le nat thləmkənwa Dimitiriyus, lələ sək tor tə hurita, kənna bəl kəten dəhhacha Artemis. Lanakna mbəssa handəbəla fa torharkənsə kaən.

²⁵ A ngomaən kandə nat tə fichile nat witə torhareng nandə ərta, ndakənwa: "Nofcha, ashinuniwa tə tori engnaniya mbəsti kənnecha.

²⁶ Kuna nata kuna səkta nga Afisa dēngwa nat tə Asiya, Bulus kahhadə hur'i'nda nofchə oi, pad tərbrandə nofchihi oi, tə ndatwa dəhachi lə tintuni tə harcha nga Farəwa.

²⁷ Mbərramsi mborro bəta naficha səbandə thləm torengnəmadi. Diffitə ndəkən pad tə kəttən nuhdahata kapat alliya a Artemis, nan soktə nga ənwa, pad nan saktəhi tə mwandə'en, mēllan ti lamwanandə hēmət Asiya tə kishitə nat."

²⁸ Kə səktəndəkichu səbkə hurcheng nandadi, naknda hwat tə ndatwa: "A shok kapat mwanda Artemis a Afisawecha!"

²⁹ Nəhədkə hēmətkənədə tə sheka i'nda, rahkəndə kə mbət tərəkən, kəsangndə Gayus tə Aristarkus, shikechə wita Bulus a Makidoniya.

³⁰ Yeh Bulus si kə yimka hur nofchəkən, ngəmauchik fa fərkit.

³¹ Kuturchəsa Asiya naka shikechəkən, thlənangndə shundə tə ndatwa, mə bahida yimta hur nofchi oi yuwa.

³² Yakat nofchi ngomkəhiyu, kanda hur sheka'i'nda, kəthləm shekndəhi, funə tə mbədyu funə pad tə mbədyu, sokkən terchin fichile sənuchik i humang kəndəhi.

³³ Funə Yahudawechəsi pəkkəndə Alekzanda mban. Məlan pad thla'a'en hara kəthləm kə ngasfichə ba, mbah nan mbwa'anda kəndə i səka.

³⁴ Kə mbəssandəndəwa lə Yahudawat nakən, hanthlikchə chap ufndə kanda hwata, tə kapat burata ndatwa: "Kapat mwanda Artemis a shoka Afisawecha!"

³⁵ A mweshitkən, lə yaratkənna həmətkən ngassaən nofchihiyu, ndakənwa: "Kunang Afisawecha, wun sənuchikwa həmmət Afisa naka hərəm kəttən dəhhacha kapat Artemis, tə kweshcha ngwiyi həmkə haya afshi?"

³⁶ Nda i natəm ichiniyu, kamusi kə haləm i'ndəwa, kamkənsi kə ngassuni ba mə wesshiduniwa.

³⁷ Bakuni tə nofchiya bədyu, chika sokkən herkunda kəttən dəhhachengnəm, ndu kə mbundə bəbi'en kə dar nuhdəhhachengnəmwa.

³⁸ Ma Dimitiriyu tə shikechəkən tə fa sət torchi'en, ma ənsə thlərənandə tə yuna, a i'nafichə kəttən sakmichəhi, pad fa sakmikənsi dəknda muh hanhara.

³⁹ Ma ənsə yahtunisa battəkən kə mban, dək ma mweshanda mbanitə pəktechə.

⁴⁰ Kittəkən kəmna hur lechit ngəm muhhanhar thlahur inni bukwəya, kəthləm ngəma mbəlla mbu i bəktə thlahuri'ndə kə dərəndəwa.

⁴¹ Kə mbutən ichiniyu kalkən nofchəkənhi.

20

Bulus Ngəradə i'na Makidoniya tə Hellas

¹ Kə tubwat thlahur'i'nda, Bulus akən fəfərkit, chekaən alchita kanda hur handəkiketa, dəkən ndandənəkəndəwa sefarəyuna, pədakna həmmət Makidoniya.

² Kə wiyandən thlet həmchikən, chekaən alchita fəfərkit kaən, bəkna həmmət Hellas.

³ Səkən ndəraa məkkana mbənniyu, nakna harəfa kə pədəka Suriya a hur kombawal, nak Yahudawecha yaraa bəbi'ichəfa. Ndəkən yartənwa nan ngərandə in tə Makidoniya.

⁴ Nofchi dəfkə Bulus nda: Sufata hwəya Farus lə Biriya, tə Aristarkus tə Sakundus, Nofcha Tassalonika, tə Gayus nangna Darbe, tə Timoti, nat tə Tikikus tə Tarofimus, nofcha Asiya.

⁵ Fichile lak pədata bən puukəndə kani a Toruwas.

⁶ Kanang pad malkani Filibihi yimkani kommabawal, diffitə chi njohmi nguchit mehdəsə fi'en, hur mundə dərman ndəkani mbəskanda a Toruwas sokkani bənniyu mundə mud.

Thla'a Fichə Murət Aftikos a Toruwas

⁷ Tərkə mundəmuđ ngomkani uf kəthləm kə chichangani njohməhi. Thlaakə Bulus bəssangna kəndəsi. Nakna harəfə kəthləm yehsa pədata bingətkən, nakna bəssə toltol taa kə dar fidikta.

⁸ A kəttən ngomtani a huri afshi tikkeshchisə oi.

⁹ Hwan kimshaasi thləmkənwa Aftikos sokkən dəsə tinkummbata, kəssang bweni kaən. Bulussa dar bəssə toltol yimkəna bweni kasat, həmkənnahaya məkkatə təkəttənən, təkə fichidə kə murətkən.

¹⁰ Tərkə Bulussa haya kə bədi nat hwaniyu, birkənhi dərəkən təkəndə kapahba ndakənwa: "Mə thla'i hur'i'dəngnuniwa mwe tə shishshingtafa.

¹¹ Ngərang Bulus inna huri afshi dəkna chichandə njohməhi chiikən. Nakna shundə təkanda kə wənda bəta kanapədata.

¹² Pədakndə tə kimshi'iyu tə shishshingtafa nangnda kwalə kaən.

Witə Thlata Toruwas kə Miletus

¹³ Kə natani sa'andə kommabawal, yimkanisi kə Asus kəthləm kə tərani Bulussa mbənniyu nda i təhsandəhi, məllan yarkənwa təsar natna dəta.

¹⁴ Kə batna mbəskani a Asus, tərənandə hur kommabawal dəkani kə Mitilin.

¹⁵ Thlaakani bənniyu bingətlə a hur kommabawal bəkani kəllari Kiyos. Iskichitkən changani kə Samas diffitə mundə ərtə pad saakani Miletus.

¹⁶ Tərkə Bulus hurwa ngu thlarəhi Afisa wa, kəthləm mə səbbadə han thlikchadə Asiya wa. Məlla weshi kə saaka Urshelima ma mbandəsi a farə Pentikos.

Shuna Bulus Pəktechə a Afisa

¹⁷ A Militus thləntə Bulus, kə Afisa kə ang fichə pəktechə, mbət hwanda kə banda mbəsndi.

¹⁸ Kə batnda mbəsndi ndangnakəndəwa: "Kunang tə inchengnuni a shinuni witə soki sokti təkuni, i'səka para njang tə kuni, thlata fari dəfti sarengnə kə Asiya.

¹⁹ Nja sa tor Ləmwanda tə amtita tə bəhmwa'i'nda tə bəhhi satti təmbəda bəbi yarəcha Yahudawecha.

²⁰ A malawi mbwa'a i'chakuni le na kəssanda kunisəwa, paɖ lanaki sakandakunihar a hur nofcha buɖwetəfəwa, tə paɖ la yimkə hura hura'a.

²¹ Kahhaɖi hur'i'nda Yahudawecha tə punofcha kə tərndəhi mbanitə Fara, paɖ kə fərndə kit kə mbəda Ləmwadengnəm Yəso Kərəsti.

²² Nakənya dəki Urshelima tə bəda alchita Shemeɖ Chidchid. Paɖ sinwi'i'na kəsɳja mbənniyuwa,

²³ A nakən chedfi Chidchid tə Shemeɖwa, i'səka həmta na pursunachita natsi, tə bahta le naka punji.

²⁴ Chika tə kichu tərwi shishshintengnə nda ən ndiichinwa, ndu kapat ənke fandengnəwa, mani mbəlla tubwandə tori fəritə Ləmwandə Yəso, le naka bəsə kweshcha kusheng shunda kə ɖar kafata Fara.

²⁵ Nakənya a shiniwa ngusa hurnuni na ngəratnjuwa, kunangti wiyaandi kuni kəni bəssa kuturichita Fara kunisi.

²⁶ Təpaɖ nja sənnanda kunisi bukwəya, mwa'u fwara yunengnunisa ɖar indengnuwa,

²⁷ Kəthləm a səkwi ləkləkchit mbwa'a yaara Farakuni natwa.

²⁸ Mbərəmsa inchengnuni, təpaɖ uf chabi dəftə Chidchidchita Shemeɖ kuni, kənuni fa putəhar kə ɖuni mban tə hərəm nofcha, fa kuwur mbanda Fara, fichile mbəssandəna i'ndi'en tə mbəda fwara hwe'en.

²⁹ A shini tə ndatwa ma pəɖedfi funə bəbi nofcha nanda yimta hurnuni, paɖ ngunda malandə chabəkənwa.

³⁰ Təpaɖ funa hurnuni nanda thlata kənnda shuwun lekta, kəthləm kə kahangndə fa kuwur mbanda Fara kə thləmmantnanda.

³¹ Kəthləm dəkən sokam tə tahhasəffa, kə kuɖkuni, hurat məkkan fidiktəsəwa farəsəwa, mallawi mbwa'anda kuni natuni tə amtitwa.

³² Nakənya njang firi kuni bəda Fara, paɖ tə shuwun kafat'en, le na mbəlla tinandəkuni, paɖ kə fərangka kuni i tahsandənhi nat tə fichile nakchidchid.

³³ A yahwi zinariya ndu azurfa ndu njelecha yunəwa.

³⁴ Kunang tə inchengnuni a shinuniwa a shidfi tor tə harchi'engnəya kəthləm kə kwanayi indengnə i'yahtən tə fichile naka thləmmatna.

³⁵ A hur ichi nat chedafdi sakətəkənakuni tə ndatwa, sokkən waat kəsuni tor kicheya kəthləm kə kəssangnguni fichilesi nguchik tə alchitafa, kənuni kuɖuk pathla Ləmwandə Yəso mallanti ndakwa: "Fərənna pəɖada thləthi tə mbəsta."

³⁶ Kə mweshandə Bulus mbutəkichu, kopkənhi hwakən nat tə kandang.

³⁷ Mərkəndəhi tit ufnda, həmmangndafa kəskəndəndəhar i saktəhi.

³⁸ Nakndə tə səbhura, kəthləm shuni ndandənəkandəwa ngundangəratndəwa, thlaakənda dəfkəndəndi kəmbət kommbawal.

21

Pəɖata Bulus kə Urshelima

¹ Kə maltanikəndəhi, yimkani hur kommbawaltəkən pəɖakani kə Kos, wendambət paɖ dəkani kə Rodes, thlaakani mbənniyu paɖ kə Fatara.

² Kə mbəstani kommbawalti na dətə furut Finikiya, yimkanisi pəɖakani.

³ Kə tərkaatani nat Sayifurus, malkanihi tə kukun hishingta, dəkaniɖan tə pəɖata həmmət Suriya. Tərkanihaya a Taya, kəthləm a mbənniyu nat kommbawaltəkənna harandə ichi'enna haya.

⁴ Kə mbəstani fəfərkit, sokkanihi mbənniyu mundəmuɖ. Tə mbəda shemeɖa ndangnda Buluswa məɖida Urshelimawa.

⁵ Tə kichu kə saatə munchi natani thlata, kənkanihursə tə wita. Thlaakəndə ufnda tə nishcha tə hwecha dəfkəndə kani kə dəffitə həmta, mbənniyu kopkanihi mi ama hwankani,

⁶ kanani saktəhi təkanda. Kanani yimta hur kommbawal, kandang paɖ ngərangndə'ina huri.

⁷ Kə tubwandani witengnani a Taya, saakani kə Tolemaysi, ndangani ənna fahchənani, səkani mundə ərta mbəɖengnanda.

⁸ Wəmbətle thlaakani dəkani kə Kaisariya, yimkani kə hura'a Filibus lə bəssa, le nak ərta a hur fichile muɖ taatə fichəharyu.

⁹ Hwechə'ensi fwada kə hantarcha ngwanauchit fichəkanda, lanaknda mbu'icha.

¹⁰ Diffitə sət hanmuncha mbənniyu, bək yunə lenaka tapəna'a nat thləmkənwa Agabus nakna Yahudiya.

¹¹ Kə bat Agabussa thlëmmatnani, tərken sahət kənhura Bulus. Ndəken kənanəndən harchi'en, tə sarəchi'en ndakənwa: "A i'ndat Chidchid tə Shemedkənya, 'kichu Yahundawecha Urshelima, nanda kənanəndə lə sahət kənhuriya, pad kə fərndəndi kə mbəda punofcha."

¹² Kə səktani kichu, kanang tə nofchi naka mbənniyu, hwanangani Bulus mə dīda Urshelimawa.

¹³ Ngəmmang Bulus ndakənwa, "Kəthlëmmi natuni sətichu? Kəthlëmmi natuni tita kənuni səbāndə handəkiketengnadi? A tehshifa nga kənitə dengwama, ndu kə bəllikəficha a Urshelima kəthləm thlēm Ləmwandə Yəso."

¹⁴ Mbəla'uchikani təbrandə yarə'enhiyu, ngaskani ba, ndakaniwa: "Suku sakta Ləmwanda kə nəhdənhi."

¹⁵ Diffitə munchəkən tahəskanifa pədakani Urshelima.

¹⁶ Funə fafərkitsa Kaisariya dəfkə kani, dəkndə tə kani mbəda Manason lenatani tərtaahaya mbət'en, nifəkən lə Sayifurustə nakən, nakən ərta a hur fafərkitti tərakənyu.

Bulus Didə Urshelima

¹⁷ Kə batani Urshelima, thlək fahchənanikani tə mbənfat kaən.

¹⁸ Wendəmbəta pədakani tə Bulus kə mbəda Yakubu, pəktecha fafərkitti kanda mbənniyu.

¹⁹ Diffitə nda ichakanda, ndəkən mbwa'andəna kəndə ərte ərte ichi sət Fara a hur punofcha, tə mbəda tori sət Bulus.

²⁰ Kə səktəndə kichu, mwanangndə Fara. Ndagndə Buluswa, "Nednəwa hwanmanani, terə nofchə oi a hur Yahudawecha firndə kit, ufnə fa sərəh kuwur kussa Musa naknda."

²¹ A mbwa'a fichə kushengwa kəndə ndatwa, sokən lasakagnga Yahudawechihar uf fichile naka hur punofcha wa muhang ndə kussa Musa dī. Pad la ndakuwa mə heshafichə hwechengnandəwa, pad mə kurində tormurteng nandəwa.

²² Nakmasəwa kəniya chu? Kəthlēm nanda sək kushsheng bəfeku.

²³ I naksi su i ndutani kə sənə. Nofchengnanisə fwada, fichile ak ichimi.

²⁴ Haru nofchiniyu kə dūni sapandə fadəngnunidī, kə kwanə i la kwantəficha, kəthlēm kə həssang ndə kanda. Tə kichu nat fīcha səndə tə ndatwa, i mbwa'andə fīcha kanda nga kitchitsuwa, pad nakndənat nda sokən naka kuwur i mbutə kustəkən.

²⁵ Pad punofchi fərkəkit, a thlinani dəlwer tepi thladanihi, mənəmidunifa kə səmmuni i'thləndəficha dəhhachiwa, tə fəllawichitta, tə chi i'bekrandəfichə bərat'en, pad tə chi thlu tə fwar'en.

²⁶ Bīngətkən Bulus tərken nofchəkən, sapangfichə kanda də ufnə. Yimkəndə kapat hura'a Fara, kəthlēm kə sənəən farə nəhata saptəngnandadi, a fari nat fīcha fər poffən kəthlēm chikawuni.

A Kəssafichə Bulus a Hur Kapat Hura'a Fara

²⁷ Kə nat mundə mudəda yah nəhata, Yahudawechi baka həmət Asiya nakndə Bulus a kapat hura'a Fara. Ndəkən chikəndəndə terə humkən ufnə, kəssangndə.

²⁸ Naknda hwata kannda ndatwa: "Nofcha Isra'ila, kəssamnakanisi! Le nifiya lasakəən bəbi'ichadi kə dər nofchengnəm chika ayi, kənəmbwa'andə chika wuni, kə njirndə kussa Yahundawecha. Lashuwungkən bəbi'icha dər kapat hura'a Fara, pad latəkmaən kweshcha mbədihi chidchidya tə mbəda battə punofcha hurkən.

²⁹ Kəthlēm soh ned ndə Tarofimus lə Afisawata, kanda mbət ərta a hur həmta, tərəkəndəwa Bulus yima kapat hura'a Fara tə ndi.

³⁰ Chatkichuyu shekdang in'ndə həmta, bəknofchə tə rahtə ufnə, kəssang ndə Bulus kəhkəndənda kish, a hur kapat hura'a Fara, chatkichuyu ngəllang fīchə mikətəncha.

³¹ Kanda dər yarə bəllənda, saakə kushəngkəna mbəda kapat ləthlərhwata, ndatwa kim Urshelimahi tə thla hur in'nda.

³² Chatkichuyu harkən fəthlərhwəcha tə pəktat fəthlərhwəcha Roma, rahkənda hai kə mbədi nat ngomnofchəkən. Pad kə natndə fəthlərhwəchəkən tə kapat nanda malang ndə təp Bulus.

³³ Bak kapatnandə nduk kəssaən, ndakənwa kə kənnang fīcha, tə chalalochə chap. Kanna sahtəwa ndu wunnakən, tə i pad sətən.

³⁴ Thlaakə terə nofchiyu naknda muh hanhara, ndakfunuwa kəcha, nak funəndatpadwa kəcha. Kəthlēm yakat thlahur in'nda hullada mbəssandə dərshuwunkən, ndakənwa kə dafichə tənda hura'a fəthlərhwəcha.

³⁵ Kə saatə Bulus kəmi tərta, tərəkə fəthlərhwəchəkəndi kəthlēm thlahur'inda terə nofcha,

³⁶ Yakat nofchə oi kuwurkəkanda, kanda hwata tə ndatwa: "Bəllaməni!"

Shuna Bulus Nofcha

³⁷ Kə natndə nduk yimtə tə Bulus kə hura'a fathlärhwechəkən, ndəkən ndandəna kapatnandəwa: "Ni mbəlla shunutəwa?"

Ngərkə kapatnandətəkənsuwa: "Awi la mbərku Helenanciwa?"

³⁸ Awi nga sokən naka Ləmasarawatwa, naka a hurechi mbərkəhi humang thlahur'ındəyuwa, kəhkə nofchə aru kumchit kum fwadə fa bəlfata kə loktarəyuwa?"

³⁹ Ndəkən ngəmmandə Buluswa: "Ə, njang Ləyahudawata naki a Tarsus, a hachahai Kilikiya. Njang baki həmədi sətəficha, nja hwanuta malitən kə shunayi nofcha."

⁴⁰ Kə fərandən mbanda, thlarkə Bulus kə mbət thlara, thla'anghara kəmbəda terə nofcha kəthləm kə ngasndə bə. Kə ngastə ndə bə, shunaən kəndə tə mi Aramayata, ndatwa:

22

¹ "Hanmanchina tə shinchina səkamnji, kə mbwa'ayikuni isəka kəthləm kə chedayikuniwa suwuni'ənwa."

² Kə səktəndəndə shunadəkəndə tə mi İbraniyanci, ngaskəndə bə.

Ndəkən ndatənwa:

³ "Njang lə Yahudawat naki, ngətkəfichinja Tarsus, a hachahai Kilikiya. Nat təkichu mwanki həmmədiya, pad sakikəfichə changkathar tə mbəda Gamaniel, le sakikə ichəhar uf kə dar sakta kakechengnəm. Lə sərəhki kuwur Fara, nda i uffuni lə sutuni a bukweya.

⁴ Bahhadi fa kuwur mbanda Yəso, pad lanaki bəllandəkanda, lanaki kəndə nofcha nda hishcha tə nishcha, la muhki kanda hur pursuna.

⁵ Kapat pərist tə pəktat fasakmicha, tə fa həmməbanicha, na sheta kə darna. Mbədegnandə thlitti dəlwer kə mbəda fahchinəm Yahudawecha, thlaaki pədakə kə Dimaska, kə thləm kə hari fichile naka mbənniyu, kə bitəkanda Urshelima a kənnəda, bəh nanda fəraa pwane kanda.

Bulus Mbwiṭə Tərtə'ənnhi

⁶ "Nja dar pədata, kə saati nduk tə Dimaska, kana hur fara sata, chatkichuyu bək dṽachita afshi, finikən.

⁷ Həmkənhi kə hachahaya səkki bərata dītəwa: 'Shawulu, Shawulu, i'mi natu fəri pwancha?'

⁸ Njang pad ngəmayiwa, sokən wuni, Ləmwanda?' Ndəkən dītənwa: "Njang Yəso Lənazəratta, le natu fəra pwancha.

⁹ Pad fichəle naka thləmmatna, neddi dṽaachikkən, nattəkichu sukundə bərata lenaka shundə tə njiuwa.

¹⁰ Ndakiwa, mənati sətta Ləmwanda?" Ndəkən dītə Ləmwanduwa, thla'u kə yimna Dimaska, a mbənniyu nat fīcha mbu'u i tahsəndə fīchəhi kə sənna.

¹¹ Kə hullandi nat mbəta kəthləm dṽaachit hwadīyu, thlaakə fichile natani mbət ərtəyu kəskəndə hərəngna, saaki kə Dimaska:

¹² "Yunəsi nat thləmkənwa Hananiya, la kuwur Farə nakən nda iyarəndə kus hi, lela shunang Yahudawecha nat kə səkndəndi fichile nak tə sokta mbənniyu.

¹³ Bakna mbəsni, thlarkən nduk tə nji ndikənwa: "Shawulu hwanya thlu natmbədəku." Chatkichuyu naki nat mbəta nakindi.

¹⁴ Ndakənwa: "Təd Fara kakechengnəmsa kəthləm kə sənna sakti'en, kə nana lə kachita kə səkə shunda mi'en.

¹⁵ Kəthləm kə sənna lə sheta'en kə mbəda nofchə nat kə dar i'natu, tə'i'səktu.

¹⁶ Nakənya mənətu puta? thla'u, kə sukə fichə baptisma kəthləm kə sapang fichə bəbifədəkudi, tə mbəda at thləmkən."

Ed Farə Bulus kə Mbəda Punofcha

¹⁷ "Kə ngərəndi'ina Urshelima, naki hwanda a kapat hura'a Fara, bək ən nda sənna mbəsni.

¹⁸ Naki Ləmwanda, nangna nditəwa: "Suledled kə chenakisha Urshelima, kəthləm ngunda thlət sheta e'ku kə dərənəwa."

¹⁹ Njang pad ndakiwa: "Ləmwanda, kəndəng tə inchengnanda a shinnda i səka kəten humta Yahudawechehi, a kənnadi fichile fərkəkit kəmbədəku, pad a təppadi kanda.

²⁰ Kə thlərandə fichə fwara İstifanusa dī, lə sheta ti e'kuyu, njang ma njang kitta mbənniyu, nja kuwur i sət fīcha, nja pu njelecha fichilehar bəlangyu."

²¹ Ndikənwa: "Thla'u pudu, ni thlənsa langna kə mbəda punofcha."

²² Terə nofchəkən naknda kəthləmata Bulus, bəkna mbu shuniniyu, məlla dar mbu'ichiniyu, thla'ang ndə hwata kanda ndatwa: "Bəllamən! Sakamən wiṭə nifihiya təkishita, kamusi kə nan tə shishshingtəwa!"

²³ Naknda hwata nak nda muhandə dəsəpchengnandadi, naknda thla'andə tənnaṭa,

²⁴ Kəthlēm ndəkən Ləmbanita fathlērhwata shuwunkən tē ndatwa, kə dā fichē tē Bulus kə mbədi la soktə fathlērhwata, kəthlēm kə tēpangnda kə səndə isək nat nofcha hwanđa kichēya.

²⁵ Kə kənnandənda kəthlēm kə tēppangnda, ndang Bulussa kapat ləthlērhwatkəna Roma lenak kit nduktəndi: "Awi, hur kus keekesi kə sangnə ən ndu kə tēpang fīcha nifi naka hanhura'a Romawecha nga tē sang fīchē kitasəwowa?"

²⁶ Kə səkətə kapat ləthlērhwata Roma kichu, dəkna mbəs ləmbanikən ndaənwa: "Mənatu yarəsəta? Nifiya hwan Roma nakən."

²⁷ Bək kapat nanda mbəs Bulus ndaənwa: "Mbu'i'tən kit, sokən hwan hachahai Roma wa?" Nđang Bulus, "Ə."

²⁸ Ngəmmang kapat ləthlērhwatkənwa: "njang tē handəbəl'tə oi mbəsti nata hwanhəmta. Nđang Buluswa: "Njang dəkən ngəttəfichē nji."

²⁹ Fichile naka yarə tawasəndi chatkichuyu mbahkəndə dīfī'in. Kapat ləthlērhwatkən kəsəntənwā Bulus lə hwan hachahai Roma nakən lechəkən, pad teppa kənnada.

Bulus Mbanitə fa Sakmicha

³⁰ Kə wəntə mbəttə, bək kapat ləthlērhwatakən yahkənsa sən kachit i sək bat Yahudawecha muhhanhar Bulus, bəkna kwasəndəhi, mbukən tē kapat burat ndatwa, i səkə pərischa tē fasakmicha kə ngomndəhi. Bəkən tē Bulus kə thlarnka mbanitənanda.

23

¹ Thlaakə Bulus nakna kələndə fa sakmichəkən, ndakənwa: "Kunang hwanmanchina, kə bukweeya a hur handəkiketengna mwa'u ən'sə ngwedechin ndu ənat thlahur'i'ndə kə dər nadəngnəhi a mbanitə Farawa."

² Kə səkətəndə kichu, thlaakə Hananiya kapat pərist, dəfkən fichile nak nduk tē Bulus, kə tēpndənda mi.

³ Nđak Buluswa: "Sokən kohat nifa! Sokən thlari pa'andə fichi fur kurrata, sokən ma na Fara təpsa! Sokkuhi kəna si kitasi kə dər sakandada Musa, a landəfu kə tēpfichi nji, i nguchik keeke a hur sakakənnadi."

⁴ Fichile nak kikit mbənniyu ndangnda Buluswa: "Kapat Pəristsa Farə natu era?"

⁵ Nđak Buluswa: "Hwanmanchina, a sənwiwa məllan naka kapat Pəristwa. Kəthlēm a yeradficha a hur shunda Farə, ndatwa: "Mə erinə ləhəm mbanita nofchəwa."

⁶ Kə səntə Buluswa, funə Sadukiya-wecha funə pad Farisaweche, thla'a'ən burata hur fasakmicha, ndakənwa: "Hwanmancha, njangma lə Farisiyawat naki, Hweya Farisiyawa. Andiya kəthlēm dīfī inndə kə dər thlata məmatcha ndəkən sək natuni sakimiya."

⁷ Kə mbudtən kichu, thlaakə halə'i'nda tinnda Farisiya-wecha tē Sadukiya-wecha, sakkə ngomnofchəkənhi kurutkən chap.

⁸ Nđak Sadukiya-wechuwa, thlata məmatchəsuwa, mala'ikachisəwa, ndu Shemədə. Farisiya-wecha kangang ngəmməndəwa neesi nat məkkanwa.

⁹ Thlaakə kapat sheka'inda naknda shundə kə afshi, funə malndəmchə fa sakandə kussa Musadi, Farisiya-wecha thlarkəndəhi kit, naknda halə'innda, ndakndəwa: "Kangang a mbəssawani bəbi i'sət nifiyawa. Mbahya yunə Shemədə ndu mala'ika shunangnga."

¹⁰ Kə thlaatə halə'inkən kaən, lechik kapat lə thlērhwatkən kəthlēm mənī nda thləthlahhandə Bulus hi. Fərkən mi təndatwa, fathlērhwatkən kə tərndahaya kə thləndə Bulussa də tē alchita, kə bəndə təndə kə mbət sokta fa thlērhwata.

¹¹ Sək fidikta thlarkə Ləmwəndə nduk tē Bulus, ndakənwa: "Du mban tē alchit handəkiketa, nda i fərtu sheta kə dərna a Urshelima, kichu pad kamkəsi kə fərnə sheta dərna a Roma."

Shid Fichə Bəbi Sakta kə Bəlang Fichə Bulus

¹² Wendəmbəta, Yahudaweche tahəskəndəfa kəthlēm kə bəllangndə Bulus. Akndə ichəmi tē ndatwa, ngunda səmtəwa ngunda satwa, se ma bəlləndə Bulus.

¹³ Fichile sək bəbi tahasinifiyu, pəđanda nifəhi kumchit fwađa.

¹⁴ Dəknda mbəda pəktat pəristcha tē fa həmbəbanita, ndakndəwa: "A edđani kapat ichimi tē ndatwa, ngani səm'ənwā ngani sat'ənwā semā bəllədani Bulus.

¹⁵ Kəthlēm kichu, nakənya kunang tē fasakmicha, hwanamən kapat lə thlērhwatkən, kə bəən Bulussa kuni, nda tē yahunisi kə ngəruni sahamihar kaən, kangang pad tehshanifa kə bəllangngani kana sata."

¹⁶ Kə səkətə hweya hwanman Bulus witə tahasifə nanda sita, dəkna yimta mbət sokta fathlērhwatkən mbwa'angna Bulus.

¹⁷ Bulus akən yuna hur kapat fathlērhwata Roma, ndakənwa: "Du tē hwankimshi'iyā mbanitə kapat fathlērhwata, shundəsə yahtənsa mbwa'anda."

¹⁸ Kapat ləthlərhwatəkəna Roma tərəkən hankimshikən, dəkən tənda mbəda kapatnanda. Kapat ləthlərhwatəkəna Roma, ndakənwa: "Bulus hwan pirsunatiyu, aknji, hwanikənwa kə bitə hwankimshi'iya mbədəku, kəthləm ənsə natna mbu'uta."

¹⁹ Kapat ləthlərhwatəkən kəskən hara kimshikən, kahkənda kəlar, sahaən miya bəbweeta: "Mənani yahtusa mbwi'itiyu?"

²⁰ Ndag kimshikənwa: "Pəktechə Yahudawecha tahsandəhi, nanda hwanuta kə dāngnə Bulussa kanda mbanitə fasakmichə ishki, nda yakhəndə kə ngərndə tausandə shuwunkən'enhi kaən.

²¹ Pad mə ngəmmana kandəsəwa, kəthləm pədada nifəhi kumchit fwada kanda duwetndi kanda kat kə bəllangnda, pad tēpa edndə i'chimi ndatwa, ngunda səmtəwa ngunda satwa serna bəllanda. Nakənya a tēhishndəfa, ngəmtəku ndak nannda puta."

²² Kahhang kapat Ləthlərhwatəkən thləmata hwankimshikən tə ndatwa: "Mə mbwa'ana yunuwa mbu'i'nə shuniyawa." Kalkəndəhi kə pədan.

Thlində Bulus kə Mbəda Ngomna Felis

²³ Kapat ləthlərhwatəkən akən pəkətat fa thlərhwechəkənna Roma chap, ndangnakandəwa: "Tahsamfa dukuni Kaisariya, hwanthlikən hanhertə i'fidikta tə fa thlərhwechə kumchitkum chap, tə kumchit mud fa pəpirishcha, tə fa thlərhwat kumchitkum chap fa mbat tə pela."

²⁴ Kə kuni pirshihar le nat Bulussa pərtəsi, kə dunitənda mbəda Ngomna Felis ngwalngwal.

²⁵ Yarakən delwer nda iya:

²⁶ "Thlata Kalaudiyas Lisiyas,

Kə mbəda lə mwandə Ngomna Felis. Ndat ən oi.

²⁷ Nifiya kəsəndə Yahudawecha, ndukndəhi kə bəllangnda, thlaaki lədləd tə fathlərhwecha thləkindadi, kəthləm a shikiwa məllan hwanhəmət Roma nakən.

²⁸ Yakhisə kə səki isətən nannda təramifa, dəkitənda mbanitə fasakmichəngnanda.

²⁹ Bəki mbəssandəwa naknda təramifa kədar shuwun sakandəngna nda dadi, kəthləm i'sətən saawa dəffandafə kə kəangnda ndu kə bəllangndəwa.

³⁰ Kə mbu'i'təfichiwa bəbi ənsə natficha yarandəfa, chatkichuyu thlənukindi. Ndəkən ndandə fichilə muhkə hanharkənwa, kə dənda mbuta mbanituwa i'nat ndə sətən ndəduwayu."

³¹ Kəthləm ndəkən fa thlərhwatəkən tərəkəndə Bulus, nda i mbwa'andə ficha kanda, dəkndə təndi kə Antifatisis a fidikta.

³² Binggitkən malkəndə fa thlərhwatəkən fichilə la pər kə pirishcha kə dənda mbantəndi, kandang pad ngərangndə'inna mbətsoktəngnanda.

³³ Kə bat fathlərhwatəkən, fichilə la pər kə pirihscha saakənnda Kaisariya, fərangndə dəlwerə ngomna, malkəndə Bulushi a hurhar'en.

³⁴ Kə changkəndə ngomna dəlwertəkən, sahaən mi Bulus ndu bəkna həmmət mi? səkənwa bəkna Kilikiya,

³⁵ ndakənwa: "Ni kathləmmata shundeku, a fari batfichilə muhkə hanharwa: "Ndəkən fərtə ngomna shunda kə ngəllangficha, a huri kuturichita Hiridus le tintən. Kə puu-fichindəhar.

24

Mwih Yahudawecha Hanhar Bulus

¹ Diffitə munndə ndurman kapat pərist Hananiya, bəd tə funə pəktechə, Pad tə yunə ləmbər shunda le nat thləmkənwa Tartulus. Kəthləm kə muhndə hanhar Bulus a banitə ngomna.

² A yimang fichi Bulussi, Tərkaakə Tartulus muh hanhar Bulussa banitə ngomna Felis, ndakənwa: "Nakən tə bəda səndeku sandə fichi kachit nofchəngnəm, Pad kəthləm lakəllaku langnga, ndəkən sək tahəstə fichi ichi oi fichilə sokka kachitta nofchəngnəm.

³ Nofchəngnəm chika ayi kanda su usokə nga sərtəfuwa.

⁴ Pad kəthləm mə səbadi hanthlik chikən eku'ndəwa, nja hwanuta hur kachideku Kə kangnə thləmmata i ngudəh nattani buta.

⁵ Mbəssadani ndatwa nifiya lə bat tə thlahur'inda, lanakna bat tə thlahur'inda thlərə Yahudawecha, chika tətəni a hur kishita, Pad məllan nalə mbanita i leki la atfichiwa Nazarawa.

⁶ Kəd kə təkmaən kapat hura'a Fara di, Pad a kəssangngani.

⁷ Pad Lisiyas lə banita, bəkna thləndadadi harengnani tə alchitta.

⁸ A diftə fa muhhanhar nifiya kə banda banituwa. Ma usanə mihar sokən tə i'ndeku, nu mbəlla sənda mbəd'en nat ichi nattani muh hanharkən.

⁹ Yahudawecha kwiyrində diffitəkən kichu. Ngəməngndəwa, nak ənnatkən kichu.

Hərka Bulus Fat'enna Mbanitə Felis

¹⁰ Fərang ngomna mba shunda Bulus, ndəkən ngəməndə Bulus ndakənwa: "Ni hərkandə indengna tə chidchidchit handəkiketa, kəthləm shiniwa shidnə hurechə oi, sassa kiita nofchiya.

¹¹ Ma tausanəhi nu mbəssandə wa, mbərawa munndəhi kumngərənsəchapwa, Kə pədati Urshelima ka hwanda.

¹² Fa muh hanharnətiya tamunda mbəssitə nja halə'i'ndə tə nifəwa, ndu nja thla'andə hur'i'nda nofcha kapat hura'a Fara ndu a mbət humta Yahudawecha, ndu a hur həmətkən.

¹³ Ichi nat'nda mbuta dar i'ndengnə nakənya ngunda mbəlla fəru səndəwa.

¹⁴ Ən ərte ngəmandi, ndəkən naka nja kuwur Fara kakechengnəm tə mbanda nofchi la kuwurkə Yəso, la atfichiwa Nazarawa, lənaki fərkitta dar ichi uf yarandə fichihi nda i lasakandə Musadi pad tə laulawecha Tapənecha.

¹⁵ Nja dəf handəkiketa mbəda Fara, nda i nat fichileya səta, ndatwa, naficha thla'andə məmatcha, fa kafata tə fa bəh kafat nat.

¹⁶ Ndəkən sək pware lanati kweetəhi a handəkiketengna, kə soki nga kweedechinna mbanitə Farə tə nofchəwa.

¹⁷ Pad diffitə hanhurechə ngudef, bəkidfi kə Urshelima kəthləm kə fəripoffən kə mbəda nofchengnəm, pad tə thlər icha.

¹⁸ Nja hur sət kichu, mbəssikənda shepidi a hur kapat hura'a Fara, nga tə ngomnofchəwa, ndu thla hur'i'ndəwa.

¹⁹ Funə Yahudawechəsi a hachahai Asiya fichile naka mbənniyu, kandang kamkəsi kə banda mbanituwa ka muh hanharna, ma shundengnandəsi kə fadengna.

²⁰ Mangakichuwa malamən nofchiya kə mbundə i mbəssitəndəsi a fari thlartih mbanitə fa sakmicha.

²¹ Manga kə dar i'ərte mbwa'andi kish tə alchita fari thlartih mbanitənandə ndatwa: "Lenaka dar thlaata məmatcha, sək nati mbanitənuni bukweya."

Kubla Fichi Bulus a Kaisariya

²² Felis pad nakən tə sakət sinnəda kə dar mbanda Yəso, thlaraən kandəhi, ndakənwa: "Sema bəd Lisiyas ləmbanitə kwadən kani thlandə kiita engnunihi.

²³ Ndəkən fərtə Felis shundə kə mbəda kapat ləthlərhwata Roma, kənnə pu Bulus har, Pad kə fəradə pwene oi wa, kə njada shikechəkən kə banda mbəd'enwa, ndu kə kəssangndəsəwa.

²⁴ Diffitə hanmunchikən bəknəda Felis tə nuhkən Durusila, lə Yahudawata, a thlənkən kə bə fichi tə Bulus, a kəən thləmmata kə dar shuwun kitchita Yəso Kərəsti.

²⁵ Tərkaakə Bulussa fər sakətkən kə dar kitchitta, tə pəda yah ənat alchitta fat hi, tə farə bəhhi naka batyu. Səkkən kichu kəsang lechit Felis, ndangna Buluswa: "Nakənya ngəran'in. Ma mbisshi mbanda ni atsa."

²⁶ Məlla dəf handəkiketəsəwa na Bulussa fəraa handəbəltə, ndəkən səkna Felissa nata atndə noknok kəna shundə təndi.

²⁷ Pad a diffitə hurat chap, sək Fokiyus Festus kə ngomna kə kwar Felis. kəthləm Felis məlla kat chidchidachita fwara mbanitə Yahudawecha, ndəkən sək maltən Bulussa pursuna.

25

Thla'a Bulus Muhhanhar'en kə Mbanitə Kaisar

¹ Diffiti munndə məkkan, saakə Festus kəthləm kə kəssən tor ngomnachita, thlaakəna Kaisariya pədakna Urshelima.

² Pəktat Pəristcha tə fa həmmbanita Yahudawecha, dəknə muh hanhar Bulussa mbəd'en.

³ Hwanangnda, kə ngərang fichi Bulus kə Urshelima, kəthləm a tahsandəhi wa nanda bəllənda mbanda.

⁴ Ngəməng Festus ndakənwa: Ndif fichi Bulus hi a Kaisariya, njang tə i'ndengna nja tərətəhurwa ni dətta mbənniyu hanmunchiya.

⁵ Dəkən ndatən padwa kəthləm kichu, pəktechengnuni kə bandə tənji, ma nifiya ənsə səttən nga keekewa, Kə banda muh hanharkən.

⁶ Mbərawa mundəhi fədfədə ndu kum a mbədengnandəwa, ndəkən ngərandən'ina Kaisariya. Bingngitkən səkənnə mbət soktə'en i'kiita, thlənkən kə bə fichi tə Bulussa mbanitəkən.

⁷ Kə bat Bulus, Yahudawechi baka Urshelima thlaakənda taurangndəhi, naknda battə muh hanharengnandə oi kədarkən, naknda cheka fəra pwanche kaən, ichi mbutənda ngunda mbəla mbu kakatitəkənwa.

⁸ Paɖ Bulus həkəən fat'en ndakənwa: "Njang sawi bəbi'en sakta Yahudawechuwa, tə paɖ sawi bəbi'en kapat hura'a Farəwa, paɖ sawi bəbi'en Kaisarwa chika ngudehwa.

⁹ Yəhka Festussa tərəandə handəkiketa Yahudawechəhi, sahaən mi Buluswa: "Nduu ngəmtəfa kə dəna Urshelima kə sukə fichi kiitasa mbanitəna kə ɖar ichiniyu.

¹⁰ Ndak Bulus wa: "Njang kitta mbanitə kiita Kaisar, a mbəɖya kamkəsi kə sikə fichi kiitasi. Sawi bəbi'en Yahudawechiwa, sokənma shinne kichu kaən.

¹¹ Ma njang la sək i kamuchiksi, paɖ mashidi bəbi'i saaka kə bəllikə ficha, ngi cherifa kə bəllikə fichəwa. Paɖ manga kitchitsə kə ɖar muhanhari nat nda muhta ɖərnəwa, Paɖ nga nifəsi na mbəlla fərja mbəndəngnandəwa. Nja hwanda kə thla'ang fichi muh hanharengna mbanitə Kaisar.

¹² Diffitə yarandə icha nda Festus hi tə fa sakmichi'en, ngəmkən ndakənwa: "Makichu hwanu kə thla'ang fichə hanhareku kə mbənitə Kaisar paɖ natu pəɖata."

Bulus a Mbanitə Agiriffa tə Banis

¹³ Diffitə hanmunchə ɖimek, Agiriffa kutura tə Banis baknda Kaisariya kəthləm kə sangndə marapa Festus.

¹⁴ Nakən nanda sət hanmunchə oi a mbənniyu, ndəkən bat Festus tə shuwun Bulus kə mbəɖa kutura. Festus ndakənwa: "Nifəsi malitə Felis hi a pursuna.

¹⁵ Thlahmbəɖi nati a Urshelima pəktat Pərischa tə fa mbanicha Yahudawecha bəkəndə muh hanhar nifiya, hwanikəndə kə thlang fichi kiitasi.

¹⁶ Paɖ ndayi kandəwa, kanang Romawecha sənwanihə tə sa kiita le sək bəbi'enwa, sema bəɖndətəndi kə mbəɖa fa muh hanharkən hwanitə tə hwanita, paɖ sema fəraa fichi mbanda kəthləm kə həkəən i'ndi'en kə ɖar muh hanhari sət ficha.

¹⁷ Kəthləm kichu, bak nda mbəɖya rəmmə tə ndi, a səbawə hanthlikənnadəwa, ɖingnetkən sokki mbət soksakmiya, ɖəfki ke ɖafichə tə nifəkən.

¹⁸ Kə thlaatə fa muh hanharkən, ɖundə tə muh hanharkən kə ɖar bəbi i nati yarə kə ɖarkənwa.

¹⁹ Nakən shuwunchəngnandəsi le fəruchit ndə kitsi kə ɖar Bulus, kə ɖar tər mbandəngnandə, tə yunə wa Yəso le mərka, Paɖ le thlartə Bulus tə alchitwa məllan tə shisshingtafa.

²⁰ Njang paɖ mbahki i nati tausandə ichihiya, sahayi Bulus ndu nan ngəmtəfa kə ɖəka Urshelima kəsang fichə kiitasi kə ɖar ichiniyu.

²¹ Paɖ kak Bulus kəthlarang fichə shundə'ənhi, Kaisar kapat kutura kə thlaən kiita enhi, fərəkən shunda kənna ficha pundəhar kə fari nati thləndə kə ndang ficha Kaisar.

²² Agiriffa kutura ndangna Festus wa: "Njang ma ni bəta kəthləmmata nifiya tə i'ndəngna." Festus ndakənwa: "Nu səkndə ishki.

²³ Wendəmbəta Agiriffa tə Banis yimkəndəsi tə mwanda witə i kuturcha, bak ndə tə pəktat fa mbecha tə pəktechə həmətkən. Fərkə Festus shundə təndatwa kə yimang fichə Bulus kə kəttən sakmiya.

²⁴ Ndəkən ndat Festuswa: "Agiriffa kutura, nattə nofchi natəm tə kandə rəmma, a nifi ɖitə nofcha Yahudawechə hanharkən kə Urshelima, tə mbəɖya paɖ, Kanda hwattə ndatwa Kammusə kə malfichi ndi tə shissingtəwa.

²⁵ Paɖ njang nuwi i səttən le saaka i bəllandəwa. Nakən paɖ məllan tə i'ndi'en keɖ tə ndatwa kə ngərang fichi kita'enna mbanitə lə mwandə Kaisar, ndakiwa ni thlində təndə mbəɖ'en.

²⁶ Paɖ nga kakati tə shundəsi nati yaranda kutura Roma lə mwandəsəwa. Kəthləm ndəkən baki tə ndi kə mbanitənuni, kapatkənna mbanitəwa sokən Agiriffa kutura, kəthləm diffitə usamiyar ndu ni mbəs i nati yarata ɖərkən.

²⁷ Kəthləm njang a na ndəngna, mbomchita kə thlən fichi hwan pursuna, nga tə ched fichi bəbi ichi sətənwa."

26

Həka Bulus I'ndə'en a Mbanitə Agiriffa

¹ Nɖang Agiriffa Bulus wa: "Fərrufichi mbanda ke həkəngnə i'ndeku." Thla'ang Bulus hara, tərkaakən shunda ndakənwa,

² A shidi sa'a, naki həkəndə i'ndəngnə bukweya a mbanitə Agiriffa kutura kə yakat shuwunchi mbutə Yahudawechə kə ɖarna.

³ Sokkən lə mbərtə naku sən ə'nat sətta Yahudawecha tə ichi lanatnda halə'i'nda ɖərkən. kəthləm kichu nja hwanuta kə kikənna thləmmata tə kərəsta.

⁴ Nat Yahudawecha shinnda wītə soki njang kə hwankimsha'a, thlata tərakəŋna həmtengna paḍ tə Urshelima taakə bukwēeya.

⁵ Shinnda nji kə soh, paḍ ma yehndaŋi nanda mbəlla fər sheta ndatwa, naki hur humihi sherka tə kuwur kus a hur tər mbandengnəm, sokki kələ Farisiyawata.

⁶ Nakənya njang kitta mbanitənuni kəthlēm kə sikə fichi kiitasi kəthlēm diffi handkiketengna kə ɗar nəhata dəf shuni fərandə Fara kakechinəm.

⁷ Dəfshuwunkən naka kachitnəm kumngərensə chap dəfəndaŋi mbah nanda nat nəhatə'en, paḍ nak nda kən hursi tə kuwur Fara nda fidiktə tə fara. Sokən kutura, kəthlēm diffi handəkiketa ɗar nəhata dəfshuniniyu, sək nat Yahudawecha tərifima!

⁸ Mə səka a nadengnuni bahwanatwa na Fara thla'andə məmatchəwa?

⁹ Njang tə i'ndengnə soh kəllayi nda keeke kə si ichə oi, kənji shunda Yəso lə Nazaratta kə ɗaka mban.

¹⁰ I səti hacha a Urshelima, a mbishi alchita mbəda pəktat pərist cha, kəthlēm kə kuḅlayi fa tər mbandə oi kə pursuna. Tə Paḍ fari nat fīcha bəlandə kanda nja kuwur diffitnanda.

¹¹ Lafərayi pwancha kanda mbət humta Yahudawechihi ləɗəfi kanda kə shuwunnda bəbishunda kə ɗar thlēm Yəso. Kəthlēm lanaki kəs komlə tə kanda kaən, lə naki kuwur kanda kə funə həmcə somsomən kəni sa pwanchə kanda.

Bulus Mbu'tə Kusheng Təbətə'enhi

¹² Fīcha hur səkichu, farəle nja pəɗata Dimaska, tə yahta pəktat pəristcha tə yarət ɗəlweri fəritənda.

¹³ A hur hwatfara mbanda, Sokən kutura kə nanəhi, nedi ɗwachita le sherangnga ɗwachita hwatfara, finkəŋna afshi taurikənhi njang tə shikechi witengna.

¹⁴ Uffani həkanihi hachahaya, Səkki buraata nditə tə mi Ibraniyanci, 'Shawulu, 'Shawulu, Kəthlēmni natu fəri pwancha? Nanna fəra pwene i'ndeku tə sət atikrechit tə nji.'

¹⁵ Ndakiwa, 'Wunnaku Ləmwanda? "Ndikə Ləmwandəwa, 'Njang Yəso le natu fərapwancha.

¹⁶ Paḍ thla'u kə thlarnəhi kit. Chedki fandengna mbəɗeku kə ɗəffisa kəllasi tora, paḍ kə fərnə sheta kə ichi natu kə ɗarna, paḍ tə ichi nati chedutə kə mban.

¹⁷ Ni həkuta mbənda nofcheku tə punochə paḍ. Ni thlinsa mbəda punofchəkən,

¹⁸ Kəthlēm kə i'ngangnə hwanichengnaɗəhi, Kə təbərndəhi a hulta kə ɗwachitta, paḍ tə thlata alchita shedan kə alchita Fara, tə kichu nannda mbəskabidi ɗar bəbichitfecha, tə mbəs'ənar nat tə fichile sokkə chidchid kəthlēm a firndə kit kə mbəɗengna.

¹⁹ Kəthlēm kichu, sokən Agiriffa kutura, a cherwi kə fərayi mwanda ənnda sənnatəwa ɓaka haiya afshi kə mbəɗengna.

²⁰ Tərkaaki ɓasanda nofchisa Dimaska, kani sanda nofchəsa Urshelima chika ayi a thlet həmmət Yahudawecha, səyi punofchəsə paḍ, ndatwa kə tərɗəhi kə təmərɗəhi kə mbəda Fara, kə səndə ichi nachetəwa tirdəhi.

²¹ Ndəkən sək kəssitə Yahudawecha a kapat hura'a Fara, naknda kat kə ɓəllikənnda.

²² Paḍ kəssikə Farəsi kə nakənya, ndəkən nati mbəɗya kəni fər sheta kə ɓəda pəktechə tə hwecha. Nga ənsomən nati mbutuwa, se i nat Tapənnəcha tə Musa ndatndəwa nan sətə,

²³ Keekesi Kərəsti kə san pwane, kə sokka tərka thlata məmatcha, Kəthlēm kə ɓan tə ɗwachitta mbada nofcha, Yahudawecha tə punofchə nat."

²⁴ Bulussa ɗar həkandə fat'en Festus thlaən buraat tə alchita ndakənwa: "Bulus, luwurchə naka tərutəwa! Yakat changngandeku təb'radə i'ndekuhi!"

²⁵ Ndak Bulus paḍwa: "Festus ləmwanda, nga luwurchətərikəwa. Kit nati mbuta a hur i'nda.

²⁶ Paḍ kutura shintə ichi natya, lə naki shunandə lechitfəwa. A shinisəwa kileesa ichini natyu, kəthlēm nga buḅweetə sət fichiwa.

²⁷ Agiriffa kutura, a firnə kit tə Tapənnəcha? A shiniwa firnə kit."

²⁸ Nɗang Agiriffa Bulus wa: "A hur hanthlikchi ɗimekya yahtusa ləmnji kəsi Kərəsta?"

²⁹ Bulus paḍ ndakənwa: "Chika hanthlikchə ɗimek, ndu njang ndu nga njangwa nja hwandə tə ndatwa kəɗaf Fara mənida sokən dengwa, nat tə fichile naka səknji bukwēya, kənanə nda i'nati, nga nat tə chalalotiyawa."

³⁰ Thlaakə kutura, kichu paḍ ngomna tə Banis tə fichile natndə ɗəndassa mbət ərta.

³¹ Cheknda kishsha mbət kiita ndangnda ndaniwa: "Nifiya sutə i'kamkəsi kəkuḅlang fichəwa, ndu kə ɓəlang fichəwa."

³² Nɗang Agiriffa Festus wa: "Ma nga i'nakən nifiya thla'a ɗə muh hanhar'enna ɓanitə Kaiser wa, ma kə kalfichəndəhi."

27

Bulus Yimma Kommbawal kə Roma

¹ Kə tahsande fichi kanihi hur kommbawal kə thlaani kə thlet həmmət Italiya, Ndekən fərtədə Bulus tə funə hwanchə pursunacha a hara kapat ləthləhwata Roma le nat thləmkənwa Yuliyus, ərta hurfa thlərhwatkena Kaisar Augustus.

² Yimkani kommbawal tə le i Adiramitiyum, le tahəskə thlaata kə thlet həmmət naka kəllarə Asiya, Tərkaakani wita. Aristarkus lə Tasalonikata i hachahai Makidoniya, məllan təkəm.

³ Bīngətkən kana Sidon. Yuliyus chendaən kafata Bulus, kə dəka nat shikechikən, kə kəssangndəsi.

⁴ Thlaakani mbədyə hur kommbawal nak rənna'a bəhhandə kani. Kəthləm ndəkən dəkani tə diffitə tingring Sayifurus mbədi nguchit rənnaa tə alchitsi.

⁵ Diffitə chedəngnanikishsha hawurkən le nak nduk tə hachahai Kilikiya tə Famfiliya, Saakani Mira hachahai Likiya.

⁶ A mbənniyu kapat lə thlərhwata Romawecha mbəskən kommbawalla Alekzandariya lə dəta hachahai Italiya, Sikənkani hurkən.

⁷ Səkani mundə tə muncha kweekani nata witə həbakka, tə kweetə saatani nduk kə həmət Kinidus. Kə njandə rəna'a kani dəta mban, Kuwurkani tə kəllar tə mbədi nguchit rənnaasi, tə diffitə tingring Kirit nduk tə Salmoni.

⁸ Nakani kwee mbərandəhi, kə mbədi lə atfichiwa Kwecha mbət thlara kammbawalcha, nduk tə həmət Lasiya.

⁹ Nakən səbəfichi hanthlikchadi oi, wikən pad sokkən tə mboro, kəthləm a hanthlik-chiniyu shid hurat langga har kə farə kər kwishshimta i farə bəbichitfata mbirhi. Tidəngang Bulus thləmmechengnanda.

¹⁰ Ndangna kəndəwa: "Shishshingchengnuni kə sən tolla, Kəlladi wiya nannat tə mboro pad tə kubat ichi oi, nga kubat icha kommbawal ndengwa nat tə Shishshingchengnəm."

¹¹ Kapat ləthərhwatəkən ngəməən tə i mbutə Buluswa, Kəthləm kichu kan thləmata shunda lə koharə kommbawaltəkən pad tələ kommbawal təkən.

¹² Nakən mbət ngomta kommbawalcha Lasiya su keeke kə sok kommbawalchi fekta mbədyəwa, nakən yakat funəngnani ngəmkəndəfa kə dəficha mban tə wita, Pad kə kweefichihi kə saa ficha Finiks manan sətta, kəthləm kə sokdə fekta mbənniyu. Finiks mbət humta kommbawalchihi a chicheng Kirit le naka kəlladə kukuwun hishingta tə mbət həmfara, pad tə kukuwun harsəmta tə mbət həmfara.

Kapat Rənna'a Hawurta

¹³ Tərkaakə rənnaa thlata tə kukkuwun harsəmtə ngunngundeh, sən nofchifiyuwa nanda mbəlla sət i naka handəkikechengnanda, kahangndə təppasidə kəskə kommbawal təkən har, kuwurkəndə tə chicheng Kirit, nduk tə mi hawurta.

¹⁴ Su tolluwa bək kapat rənna'a tə kukuwun harsəmta tə mbət chet fara, thlaakə rənnəkəna tingringta.

¹⁵ Kətəptə rənnikən kommbawaltəkən, hulangna kəlladə rənnikən, ndəkən malandani nak rənnikəna pəkkani.

¹⁶ Kuwurkani tə diffitə hantringingta le nat thləmkənwa Kauda, mbədi tahtə alchita rənnahi, kweekani kahhandə kommbawal təkən ka dəfta mi chichengta.

¹⁷ Diffitə kahhandə hwan kommbawal təkən kə hur kapat kommbawaltəkən, dathlkənda kəhang ndəhi kəffa kapat kommbawaltəkən kəthləm məninda fəffathladi. Tərangndə kuwurta kommbawaltəkənna haya mbah na rənna'a njek nda kəllar kəthləm mbəlla'undə koharəkənwa, səkndə kichu kəthləm kanda lechita mənida muh kanda hansohhi Sirtis lela mēhdang ichi uf.

¹⁸ Kəthləm rənnikəna bəhandəkəndə kaən, bīngətkən tərkaakəndə harandə ichihaya hur kommbawaltəkən, somkəndə hur ama.

¹⁹ A farə məkkatəkən kəndang tə harchengnanda sommangndə ənat tor kommbawalchikənnadi.

²⁰ Kə sətani munchə oi nuwani farə tə hanndərechuwa, pad kapat dəf er tə rənna'a nakna təppandakani, kətangani handəkiketakhish tə ndatwa ngani hərəktəwa.

²¹ Nakən mwinnəndəhi səmundə dəsəmtəwa, thlaakə Bulus kit a hurnanda, ndakənwa: "Nofcha, mamashikuni shundengna, təndatwa mə thla'iduni a tingring Kiritwa, ma həmwuni hur mboro tə kubat'ichiyawa.

²² Nakənya nja kahhandə thləmadəngnuni sam alchit fata, kəthləm nga yunəsə nasət mboro tə shishshingta'əna hurnuniwa, kommbawaltəkən natficha sət mboro təkən ndak.

²³ Kəthləm a fidiki bəraayu mala'ika Fara le nati kə'ikən nati mwananda, thlarkən nduk tə nji,

²⁴ ndakənwa: "Buluswa, mələchinuwa. Sokən waat kəthlarna mbanitə kaisar. Andiya pad təmbənda kafata Fara nan həkəndə shikechə witeku."

²⁵ Kəthləm ndəkən sam alchitafa kunang nofcha, kəthləm firikit kə mbənda Farə təndatwa i'mbwi'itəfichəyu, nakna nat kichu.

²⁶ Sokkən waat kə muhang rənnaa kəmmađi kə ɗar hansohi tingring le."

²⁷ A fidik kumgərənsə fwada təkən, nak nda njekkani a hawur Meditereniya. A ɗarfidiƙta fa koharə kummbawaltəkən tərəkəndəwa nakani nduk tə hachahaya.

²⁸ Kikədangndə hwengngəchitta amkən, mbəssangndə a shee ishtə sarə aru tə kumchitchap. Ɗəkkani mban kudeh ngərkənda kikədanda, mbəskəndə ishtə sarə kumchit hanherta.

²⁹ Kəthləm rahlechita məđi kommbawal egnani kuk ngwichəwa, kalkəndə ənnat thlarəndə kommbawaltəkən hi fichile nak ləklək fwada, tə ɗəffitə kommbawaltəkən kəthləm kə njaənwita. Hwankəndə Fara kəthləm kə wenmbət ledled.

³⁰ Pad fa koharə kommbawaltəkən kakndə mba hərəkta. Tərangndə hwan kummbawaltəkənna haya naknda sət ɗathla nda nanda tərəndə təppasi hai ləkləkyu kə mbanitə kapat kommbawaltəkən.

³¹ Ndəkən ndandə Bulussa kapat ləthlərhwatəkəna Roma tə fathlərhwechəkənwa: "Ma thlaru nofchihiya hur kommbawaltiyawa, nga mbəndəsə natuni hərəktəwa."

³² Thlithlang fa thlərhwatəkən sahət hwan kommbawal təkənəđi kalkəndəhi kə pəɗaka ɗar ama.

³³ Kə nat mbət nduk wenda, hwanang Bulus kandəwa kə səmndə ɗəsəmta ndakənwa: "Bukweya munda kumgərənsə fwada kuna puta, səmwuni ənwa.

³⁴ Kəthləm ndəkən nja hwanandəkuni kə səmmuni ɗəsəmta kəthləm ngwalngwalchit ɗəfəngnuni pad yunəsa hurnuni na mbəh hwasə'en chika ərətəwa."

³⁵ Kə mbutən kichu, tərəkən njohma saən usoko Fara a mbanitənanda chichaənhi tərkaakən chiita.

³⁶ Natnda mbəskəndə alchit səmɗəsəmta.

³⁷ Uffani hur kommbawaltəkən nakani niɗə aru kumkum chap tə kumchit muɗ ngərənsə tehethl (276).

³⁸ Kə səmtənda ngelnda, tahhandə ləkta kommbawaltəkənhi, naknda som alkama hur ama.

Fəathla Rahhaa Kommawaladi

³⁹ Kə wentəmbəta, fa koharə kommbawaltəkən mbəsaundə furuđi nanndəwa, mbətsi nguduk tə hansohitəsi. Tahaskəndəfa kə ɗəndə tə kommbawaltəkənna ɗar hansohikən manansəta.

⁴⁰ Thlithlang ndə sahət təppaskənəɗə malkənda hur ama. Chatkichu pəɗyu nangnda kwasəndə sahchəkənhi a fa i latəprang kommbawaltəkənhi. Thla'angndə kuwurchi naka kommbawaltəkən keeke tə mbayi natrənnaa njekanda mban ɗəffanndə innda kələrə hawurkən.

⁴¹ Kə saatani mbətkəmta ama, təpkə kommbawaltəkən hansohita yimkə'innda kommbawaltəkəna hur hansohikən mbəlla'utə həhərtəfuwa. Tərkaakə kommbawaltəkən fəfathləđi tə ɗiɗi kəthləm rahha'a.

Fəfethl Kommawalladi

⁴² Tahəskə fathlərhwatəkənfa kəthləm kə bəllangndə pursunəchəkən, məni yunəng nanda kun'ngoftə kə həkən.

⁴³ Nakən kapat ləthlərhwatəkənna Roma yehsa həkəndə Bulus, njangnakanda. Fərkən shundə tə alchita ndatwa: "Nat fichile mbərkə ama kə pəparnda hurkən kə chang ndə kə mi chicheng le."

⁴⁴ Tahhət pursunəchəkən kə tərnda ɗar chichet afchəkən ndu hur chichet kommbawaltəkən. Təkichu chetndakish kə mi chichengkən ngwalngwal.

28

Bulus a Tingring Malta

¹ Ɗiɗitə hərəktəngnani, səkaniwa, awi thləm tingringəyuwa Malta.

² Nofchi mbənniyu chedəngdəkafata kani kaən. Thləkndə kani natani, njihangndə hwatakani kəthləm ersi pad mbitəsi.

³ Ngomkə Bulus afcha nakna sətta hwadiyu, chek hwithlnda kissa hur hwadiyu lenat yethaftə'en thlerthler, njo'aən hara Bulus.

⁴ Kə nat nofchi naka mbənniyu hwithlinkənna həhhərtəfa hara Bulus wangarra, ndangnda ndaniwa: "Kitchitkən nifiya ləbəlfatanakən! Andiya, chikanakən hirikka hurhawurta, nattəkichu alhaki enna kuwurndi nan mərta.

⁵ Bulus pad saktəən har'en muhaən hwithinkənna hur hwata, mbəsutə ndinditwa.

⁶ Naən kandəhiwa nan həthlta ndu kə həmənhī chat kə mərren, səkndə tolla nunda saənwa, ngərkəndə yarətə ndatwa məllan witə farə mə nakən.

⁷ A mbədə ndukya mbichisi i lə mbani tingringkən lə at fichiwa, Fubiliyus. Məllan thlək kani, fəraən mbət munda kani ndiichin, kəllakndəsa kani, i'mundə məkkən.

⁸ Shin Fubiliyus nduk tə hafat kakəndə tə i dələhta. Yimkə Bulussa thləmatkən hwanənsi, dəffaən hara in, kənkə nifəkənadi.

⁹ Pad kə səkən kichu, nat təhət haacha fichile naka thlet tingringəniyu naknda bəta nak ficha kənanəda kandađi.

¹⁰ Fərangndə poffaəna kani oi. Nakani thlata kommawal təkən, ngomangndə icha kani lenatani yahta.

Shee Bulus kə Həmət Roma

¹¹ Diffitə ndəraa məkkən, thlaakani a tingring Malta hur kommawal Alekzandiriya le tumbang fekta tingringkən. Tahsa fichi mirshing məhədat hwanmanchisi nda farəcha.

¹² Bakani Sirakus munkani məkkənna mbənniyu.

¹³ A mbədya pad pəđakani kə Rikiyum. Diffitə mundə ərtə, thlaakə rənnə kukuwun harsəmtə, Wendambət pad saakani Futiyoli.

¹⁴ A mbənniyu kəmkani tə hwanmancha fa fərkit, hwanangndə kani kə sani mundə muđ tə kanda. Tə kichu saatani Roma.

¹⁵ Kə səktə fa tərmbanda Roma kusengnani, bəknda sa marapa kani a lumə Affiyus, tə pad mbəndi la ndat fichiwa mbət tərtəhai Məkkən. Nak Bulus kanda saən usokə Fara, ngərkən mbəs alchitafa.

¹⁶ Kə yimtani Roma ngəməng ficha Bulus si kəda sokta a huri haiya rəmmə tə lə thlərhədi naka pundəhar.

Basa Bulus a Roma

¹⁷ Diffitə mundə məkkən, Bulus akən pəktat Yahudawecha ngomkəndəhi ndəkən ndandəna kandəwa: "Kunang hwanmancha, chika nakən sawi bəbi'ən nofchengnəmwə, ndu bəbi'ən i tərmbanda kakechengnəm, nat tə kichu a kəssi ficha a Urshelima fərkəfichi nji kə Roma kəkənnikənda.

¹⁸ Kandang pad kə usitəndəmihar, Yahkəndəsi kə kalndə njihi, kəthləm mbəsiwundə tə bəbi'ən le saaka bəllitəwa.

¹⁹ Pad cherkə Yahudawechi ngəmtəfa, bəkna soktə waat kə tərəyi muh hanharengna mbanitə Kaisar, chikanakən ngatəni muh hanhar nofchengnəmwə.

²⁰ Ndəkən sək kati kə nikuni, pad kə yaraam ichihi tə kuni, kəthləm le ndəftə Isra'ilawechə hanndəkiketa natnda pu'bat'en sək kənitificha tə chalalocha."

²¹ Ndəkən ndadədəwa: "Kənanəg mbəswani yarət ndelwer a thlet həmət Yahudiya kə dərwuwa, nga yunə hwanmananisi bək tə kushengwuwa ndu kə mbu'un bəbi shunda dərwuwa.

²² Pad yahkanisi kə səkani yareku amiyeku, kəthləm i səntani, yuwa huməhi i lekiyu chikawuni mələ shuwun bəbi icha dərəkən.

²³ Dəfkəndə fari natnda humtəhi tə Bulus, ndəkən batnda mbət tərət'enahaya, bəkndə kaən. Thlata bingta kə farəhufta məlla mwə'anda kanda tə sənə kuturichita Fara kəndəsi, nakna kweetəhi kə kahən kanda bəda Yəso tə mba sakanda Musadi tə dəlwercha Tapənecha.

²⁴ Funa ngəmmangndə i mbutən, funa pad cherkəndə fərkiti.

²⁵ Kəthləm kichu halə'indəsa thlərənanda. Naknda malə mbənnihyu shunang Bulus kəndə ərtə ndatwa: "Awi Sheməd Chidchid mbwitə kit, Shunandən kakechinuni tə miya tapənaa Ishaya ndatwa:

²⁶ "Du mbənda nofchiya, kə ndangna kandəwa,

Səktə, nuni nata səktə, Pad nguni səndəwa,

Nat pad nuninatanata, nguni mbəssəndəwa.

²⁷ Kəthləm hanndəkiketa nofchiya shid kwaakwaa,

resh thləmechengnandədi, ngələngndə hwanichengnanda,

kəthləm mə ninda tə hwanichengnandəwa kə səkndə pad tə thləmechengnanda,

kə mbəsangndə tə hanndəkikechengnanda,

kə təbərndəhi mbədengna kə kənəyi kanda dī.

²⁸ Pad, kə sənuniwa, Fara a thlintə kuseng hərəktə kə mbənda punofcha. Kandang pad nanda kat thləmatsi.

²⁹ Kə mbukən kichu, thlaakə Yahudawecha mbənniyu tə halə'ində kaən a hurdiffitənanda.

³⁰ Bulus sokəna huriini natna kwandəyu hurat chap məlla thlət fichile baka mbəɖ'en.

³¹ Nakən njawundə basəwa, nakna basə kuturichita Fara, nakna sakandadi kə ɖar Ləmwandə Yəso Kərəsti nga lechitsuwa.

TƏRKA THLIN YARAT DƏLWERA BULUS KƏ MBƏDA KORINTIYAWECHA

Ndat Ənna

¹ Yarət dəlwertiya bəknə mbədənə njang Bulus, at Fara tə ngəmtə'en kə naka ləthləndə Yəso Kərəsti. Pad yaraki dəlwertiya tə hwanmanəm Sastanis.

² Nakani yarət dəlwertiya kə bəda fa təmbanda Fara hur Korinti, tə mbəda fihile tadtə fihihar a hur Yəso Kərəsti, atfichə kəndə kənəndə chidchid, nat tə fihile chika ayi la ak thləm Ləmwadengnəm Yəso kərəsti, Ləmwadengnanda tə inəm:

³ Kafata tə yuyurchita mbəda Shinnəm Fara tə Ləmwadengnəm, Yəso Kərəsti kə mbədenəni.

Sət Usoko

⁴ Kənding la naki sandə Farə usoko kəthləm kunang, kəthləm kafadı Farə fərandəna kuni tə mbəda Kərəsti Yəso.

⁵ Chika tə mba yenı fəradə hurmichita kuni a fat'en, hur shuwunchengnuni tə sən'an pad nat,

⁶ kəthləm bəd fihə mbəsəndə sheta engnani kə dar Kərəsti a hurnuni.

⁷ Kəthləm ndəkən bahwuni chika witə fər shemed muwa, nda i natuni dəf hwanita bəta Ləmwadengnəm Yəso Kərəsti;

⁸ Le na kəskunihar tə alchita kə mweshitkən, kəthləm kə sokuni nga fa chithansarəhiwa a farə bəta Ləmwadengnəm Yəso Kərəsti.

⁹ Fara, lə nəhdəndə dəfshundəhi məlan ak kuni kənuni bweet tə hwe'en Yəso Kərəsti Ləmwadengnəm.

Sakchəhi a Hur fa Təmbanda

¹⁰ Hwanadı kuni, hwanmancha, a hur thləm Ləmwadengnəm Yəso Kərəsti ndatwa: "Natuni kə ngəmuni tə ndani məni saktəhi sa hurnuniwa, kə humangnguni inda kəna yarengnuni ərtə, hanndəkikechengnuni pad ərtə."

¹¹ Hwanmanchina mbu'i nofchi hura'a Kuluwi yu, ndatwa mbatsa thlerənuni.

¹² I nati yarə ndatwa, chika wuna hurnuni məla mbu ən somən, ndatwa: "Njang i Bulus, "Yuna ndatwa, "Njang i Afolos, "Yunə padwa, "Njang i Kefas, "Yunəwa" Njang i Kərəsti."

¹³ Awi a shek Kərəsti hiwa? Ndu Bulus kukwandəfichihi kəthləm kunang? Ndu sang fichi baptisma kuni hur thləm Bulus?

¹⁴ Sadı Farə usoko sawi baptisma yuna hurnuniwa, nda Kirisbus tə Gayus ndak sandi kanda,

¹⁵ Kəthləm ndəkən yunəsə na ndatwa sangfichi baptisma hur Thləmnəwa.

¹⁶ Kit a sadı baptisma nofchi hura'a İstifanus. Difiətə ndəkən kuđukwi ndu sadı baptisma yunə padwa.

¹⁷ Thlənu Kərəsti njiwa kə si baptisma wa, pad kə bəssi laulawata nga tə mbər sən'əna nifəwa, kəthləm mə səba fichi alchit palita Kərəsti dəwa.

Kərəsti Alchita Fara tə Sən'an'en

¹⁸ Pathla palita bomchita mbəda fihile naka mba thlərəttadı, pad kə mbədenəni kanang ti hərəkə alchita Fara.

¹⁹ Kəthləm yara fihəhi ndatwa:

"Ni wuwelandə sən'əna lə sənda dı,

kə sayi dathla lə dathladı kə'ən pofən."

²⁰ A ai fa dathla? A ai fa sən'icha? A ai fa halə'inda kisshi'iya? A chawu Fara kishwa dathla kisshi'iya bomchitwowa?

²¹ Sokkən a hur dathla Fara, sənü kisshitə Farə tə mbəda dathlə'nəwa, mbənanəna Farə fa kə hərəkən fihile fərəkət, tə mbəda bomchit bəssə laulawatkən.

²² Kəd Yahudawechə kə nandə sakətkən, Helenawecha naknda kat dathla,

²³ kanang kana bəssə Kərəsti kukwandə fihəhi, i sokka ənət chithansarəhi mbəda Yahudawecha, bomchit padđaa mbəda punofcha,

²⁴ A nakən mbəda fihile at Fara, ndu Yahudawecha ndu Helenawecha nat hwaa, Kərəsti alchita Fara tə dathla Fara.

²⁵ Kəthləm i tərətə fihəwa shid Farə bomchita, sheradə dathla nifa, pad bah alchita Fara, sheradə alchita nifa.

²⁶ Hwanmancha yaramən nədenənihi fari at fichi kuni. Nga terchənuni nak tə sən'an witə i nifəwa; nga terchin nak tə mwandəwa, pad nga terchin ngəttə fihə nda kuturchəwa.

²⁷ Farə tadkən i har naka bomchita kish, kəthləm kə harangfat fa dathla, tadkə Farə i nak bukɔbukka hur kisshita kə harangfat fa alchita.

²⁸ Tadkə Farə ənət kuɓanda fata tə i njirtə kisshita nat tə ichi nguchəksi kəthləm i la nat nofcha tərtaɓa ndiichin kə saən nga'ənwa.

²⁹ Nat ichiniyu, səkən kəthləm mə təri nifə tə hwasa'inwa ən nakən a mbanitə Farə wa.

³⁰ Farə səkə natuni hur Yəso Kərəsti, le sokka dathlengnəmmba mbəda Fara, məllan sokka fərkit engnəm, chidchidchita tə hərəktengnəm.

³¹ Kəthləm ndəkən nda i natna hur yaratkən: "Chikawun na thla'a'ndə inda kə thla'angka hur Ləmwanda."

2

Bassə Pathla Kərəsti le Kukwandəficha

¹ Hwanmancha, ma bədi mbədengnuni, buwi kəthləm kə mbwa'aikuni i naka buɓweeta Fara, tə mbər shunda ndu tə sən'ənwa.

² Kəthləm tepi tirihur yahwisa sən'ən somən naki tə kuniwa, Yəso Kərəsti ndak, le kukwandəfichəhi.

³ Baki mbədengnuni hur bah alchita tə lechita, pad tə saktatfə kaən.

⁴ Ləmfatsi ndu dathla hur shudəngnə tə bassəngnəwa, tə chedndə alchita Shemeda,

⁵ Kəthləm fərkitchidengnuni mənida ɗar sən'əna nofchəwa, kə naka ɗar alchita Fara.

Sən'əna Mbəda Shemeda

⁶ Chika tə kichu, la shuwunkani sən'əna kə mbəda fichile mwanka hur fərkit, nga sən'əna kisshi'i nakənya ndu i kuturchi nakənya, fichile naka thlərəttadəwa.

⁷ La nakani shuwun sən'əna Fara hur buɓweetə yu, le naka hur buɓweetə soh, sən'əni fərtə Farə soh kə tərka nathi kəthləm mwadəngnəm.

⁸ Hur kuturchi nakənya ngusə mbəsang sən'əniyawa, mamuwa mbəsanda, ma kukwawundə Ləmwandə le nak mwanchinwa.

⁹ Nda i nat yaratkəna hur laulawatkən:

"I tahsəndə Fara fichilesə la mbənkəfatkən, tamu hwanita natwa, thləmatsə tamka səktəwa, hanndəkiketa nifəsə tamka yarandəhiwa."

¹⁰ Kanang chedəndə Fara kani tə mbəda Shemed'en. Shemed la kaən chikamənat, chikamə naka hwengngəchit icha Fara.

¹¹ Wuna hurnofcha sənkə yara nifa, manga Shemedi nifəkən ti naka fi'enwa? Kichu pad nifəsə sənkə yara Farə wa Shemeda Farə ndak.

¹² Thluwani shemeda kisshitəwa, Shemedi baka mbəda Fara thlətani, kəthləm kə sənani ichi fərandə Fara kani pofən.

¹³ La mbwa'angani ichiya kuni, nga tə shuwunchə le sakəndə fichadi tə mbəda sən'əna nifəwa tə shuwunchi sakəndə fichadi tə Shemeda, tə mbu i naka kitchita shemeda a hur shunda Shemeda.

¹⁴ Nifi nguchit Shemeda fi'en thlutə ichi baka mbəda Shemeda Farə wa, kəthləm nakən kə bomchita mbəd'en, pad ngu mbəlla sən kəndəwa, kəthləm tə mbəda Shemed la səntəfichə kanda.

¹⁵ Nifi nat Shemedsa fi'en la sənkə ichə nat, məllan tə indi'en nifəsə na kikedəndəwa.

¹⁶ "Wun sənkə yara Ləmwanda har natna sakəndəhar?"

Kanang yarengnani i Kərəsti.

3

Shikechə Tora Fara

¹ Hwanmancha, ngi mbəlla mbwa'a' əna kuni nda nofchi naktə shemeda fəwa, nda nofchi naka kisshita, pad nda hangwa'yarcha hur tərmbanda Kərəsti.

² Yah fərandə kuni nga ɗəsəmtə kwaakwaawa, kəthləm səkwunisa sən'ən kwaakwaa kwaɗənwa. Chika nakənya səkwunisəwa,

³ Kəthləm paaya mwakuni hur fata. Makuna sərəh ndani pad thlangətmisa thlərənuni, nga mwakuni hur fatwowa? ɗəsəchengnuni nga nda tə fatwa?

⁴ Kəthləm ma nded yunəwa, "Njang i Bulus", "Ndak yunəwa", "Njang i Afolos", Nga tor fat natuni sətyuwa?

⁵ Wun naka Afolos? Wun naka Bulus? Nga mafəchəwa fichile fərtuni kit tə mbədəngnanda, nda i fərandə Ləmwanda tora chikawun engnanda?

⁶ Njang həfkə hanwətakən, thlərkə Afolos amsə, pad Farə mwanangnga.

⁷ Kəthləm ndəkən, lə həfkən tə le thlərkə amsi nga naknda mi ənwa, Farə ndak məllanti la mwanangnga.

⁸ Lə həfkən tə lə thlər amkənsi nakndə ərta, chika wuna hurnanda nakficha kwanandə keeke tə tor'en.

⁹ Kəthləm kanang shikechə fa torcha Fara, kunang hita Fara, tinda Fara.

¹⁰ Tə mbəda kafadı fəritə Fara, a dəfi thlorə tindəhi kə lə mbər tinda, bakyuna nata chekanda tinkən kə darkən. Chikawuni kə sən həbaakə tə witə tində'en.

¹¹ Kəthləm nifəsə na dəf thlorə tinda kə pəđangka le hi dəftə fichəhiwa, le naka Yəso Kərəsti.

¹² Nakənya ma tin yunə kə dar thlorə tinkən tə zinariya, ndu tə azurfa, ndu tə ngwichə dīichin, ndu tə afcha, ndu tə hwelaa, ndu tə kofcha,

¹³ na tora chikawuna chetakish, kəthləm fariniyu nan chetakishsha dwaachitkən. Nak tora chikawuna chetakish tə hwata, hwatkən na kikedandə tora chikawuni.

¹⁴ Ma tini sətficha kə dar thlorə tinkən hiriki iwađəwa, le tinka nan thlət kənəkən.

¹⁵ Ma id torkəna dī, le tinka nan sat bahta, məllan tə ində'en nan hərəkta nda nifi kuwurkə tə hur hwata.

¹⁶ Awi sənwniwa kunang tə inchengnuni naka kapat hura'a Farəwa, pad nak Shemədə Farə tə sokta a hur hanndəkikechengnuniwowa?

¹⁷ Chikawun səbang kapat hura'a Fara dī, na Fara səbandadı; kəthləm kapat hura'a Fara la nakən chidchid, kunang naka kapat hura'a Farəkən.

¹⁸ Mə ləmidūni inchengnuniwa. Ma yunəsa hurnuni la yarkəwa dathlchin a hur kisshi'i nakənya, kə saən fat'en nda boma, kəthləm kə səka lə dathla.

¹⁹ Dathla kisshi'iya bəmchita mbəda Fara. Nda i natna hur yarat laulawatkən: "La kəsəən fichile nak dathlchin a hur dathlengnanda."

²⁰ Təpad: "A shin Ləmwandəwa yara fa dathlə nga ənwa."

²¹ Kəthləm ndəkən mə hupa nifə həsər tə nifəwa. Kəthləm chikamə nat innuni,

²² ndu Bulus, ndu Afolos, ndu Kefas, ndu kisshita, ndu shisshingta, ndu mərtadı, ndu ichi nakənya, ndu ichi naka mban, nat innuni.

²³ Kunang pad i Kərəsti, Kərəsti pad i Fara.

4

Fathləncha Kərəsti

¹ Təkichu kəmsi kə tərūni kaniwa mafəcha Kərəsti, tə fichile ngəmandə fichə kəndə tə ichi Farə naka buḃweeta.

² Sokkən waat nifi malandə fichə ichahar kəmsi kə mbəsang fichə tə kitchita fa.

³ A mbəđengna, hanhwan'əna kə nda fichəwa kunang na sakimiya ndu mbət sakmiya chikawun nifa. Kitchitkən, njang mangi sakamiya fəđengniwa.

⁴ A shini hur indəngniwa naki yalfar, chika kichu ngu soktəwa chiwi hansarəhiwa. Ləmwandə na kikedita.

⁵ Kəthləm ndəkən mə thladuni sakmihi kə dar yunə pofən sa'u hanmunchikən kwađənwə; pwa'ama kə farə nat Ləmwanda bəta. Məllan na chandə ichi kissha buḃweeta kə dḃachitkən, kə chədin yara hanḃəkikecha. A farəniyu chikawun nan thlət hamtə'əna mbəda Fara.

⁶ Nakənya hwanmanchina, fərki sakət ichi natya kə fəđəngnə tə Afolos kəthləm kunang, kə sakuni ən tə mbəđəngnani kə dar shuni ndatfichəwa: "Mə mbəraduni ihi yarandə fichihi hur laulawatkənwa." Mə thla'a yunə inda hurnuni kə mbərangka lehi kə dar yunəwa.

⁷ Wun sukə somənhi tə tahhət nofcha, mənəkseku le thluchitu? Sokkənma tə thləna, məsək natu thla'a'ndə inda nda nga tə thlənəwa?

⁸ Tepi mbəshuni nat ichi yahtuni! Tepi shokuni kə hurrumcha! Tepi shokuni kuturcha nga tə kanangwa! Mayahtəngna kə sokuni ka kə kuturcha, kəthləm kanang ma kə sokani kuturichitkən tə kuni.

⁹ A nađəngna chəf Fara a dḃachitkənwa, kanang fathləncha njirandə fichə kanidī kə ndukwatən chika mi, nda nofchi thlandə fichə sakmi mərtadā kandəsi, sangfichi kani kə ənəta nata kisshita, tə mala'ika cha nat tə nofcha.

¹⁰ Shokani kə bəmcha Kərəsti, kunang nakuni kə fa dathla hur Kərəsti! Kanang fa kubanda fata, kunang nakuni kwaakwaa. Ficha natkuni tə kapatichita fa, kanang nga ənəkaniwa.

¹¹ Paa kə nakənya, nakani hur mita tə kusshimta, thləthlah njelecha naka fechengnani, ficha təpanda kani pad hurechengnaniyəwa.

¹² La sani tor kəən tə harchəngnani. Ma erndə kani, ndəfangani mbəs'ənhara kanda; ma fərandə pwancha kani, kərəskani.

¹³ Ma səbandə thləmchənanıdı, la shunangani kandə tə kachita. Paaya sokkani nda chirəfta kisshita, i nat chikawuna wudekta.

¹⁴ Nga yaraki iya kəthləm kə harangfat kuniwa, kə tahsayi kuni nda hwanchi yahti.

¹⁵ Chikama sokkən fasakchengnunişə aru kumchitkum (10,000) a hur Kərəsti, shinchənunişə terchinwa, kəthləm njang naka shinnuni a hur Yəso Kərəsti tə mbəda laulawata.

¹⁶ Kəthləm ndəkən nja hwanandə kuni kə sakuni nji.

¹⁷ Kəthləm ndəkən nja thləna Timoti kuni, hwe'engna le la mbəntifatkən, le nak tə kachita a hur Ləmwanda. Nan kudkanda kuni tə mbanda nadəngnəhi a hur Yəso Kərəsti, nda i soktən keeke tə i sakandi dadi chika ayi hur chika yen mbət tərmbanda.

¹⁸ Funa thla'a'ndə inda nda ngi bata mbədegnuniwa

¹⁹ Ma ngama Ləmwanda ni bata mbədegnuni chetchetya, kani tausandə alchidi mbəstə fa thla'a'ndə iniyu kish tə shuwunchengnanda.

²⁰ Kəthləm kuturichita Fara nga pathla shundəwa pathla alchita.

²¹ Mə yahtunisi? Kə bi mbədegnuni tə kubwerəwa, ndu hur mbənfata pad tə ngwalləchit shemeda?

5

Chamən Fəlau tə Hwanmanda Kish

¹ Shikiwa fəlawichitsa hurnuni, witə le tamuchit ficha sətə chika hur fa sət tor dəfhacha, yuna sok fəlawichit tə nuh shinkən.

² Nakuni thla'a'ndə inda! Nga kwesh sətuni səbhurwa? Chikawun sək iniyu kə chang ficha kissha hurnuni.

³ Chika sokkən njangşə tə idəngna mbənniyuwa, njang tə kuni hur handəkiketa. Tepi sakađi miya nifi sək witə iniyu, nda njangsa mbənniyu.

⁴ Ma hwimunihi a hur thləm Ləmwandə Yəso njang tə kuni mbənniyu hur handəkiketa, pad alchita Ləmwadəngnəm Yəso mbənniyu,

⁵ witə nifiniyu kə fəranguni Shedan kəthləm kə bəllang ficha hur fata, mbah na shemed'ena hərəkta farə bata Ləmwandə Yəso.

⁶ Thla'a'ndə inchengnuni ndəduwa. Sənwuniwa, mehdə ngudəhkicha la huppanq humbat tahasə njohmə wowa?

⁷ Pa'amən dohhət mehnidiyu fechengnuni, kə sokuni kə yuwa dokyeta le nguchit mehdəsa fi'en, kəthləm kittəkən nakuni kichu. Kəthləm teppa thlafichi burat hwan shohradəngnəm i chohhəm tala, mələn naka Kərəsti.

⁸ Kəthləm ndəkən kəsam chohhəmtəngnəmhar nga tə dohhət mehdəwa, mehən səbfata tə bəbifata. Kəla səm chohhəmtəngnəm tə njohmi nguchit mehdəsi, ndəkən naka njohəm kachita tə kitchita.

⁹ Yarađi kunisa hur thlən yarat dəlwer engna ndatwa məlla humidunihi tə fəlauchiwa.

¹⁰ Nga yarengnəwa nofchi kisshi'iya naka fəlauchiwa, tə fa yah'ichəwa, tə fa dathlanda nofchifəta, tə fa sət tor dəfhachəwa. Kəthləm ma nakən kichu sokkən waat kə chunikissha hur kisshita.

¹¹ Yarayi kunisi mə sokiduni tə chikawun la at fichiwa hwanmanda lə tərmbanda, ma la səkən fəlawichita, ndu lə yah'icha, ndu lə mwanandə dəfhacha, ndu lə erəfata, ndu lə sat icha, ndu hara. Chika səm'an mə səmiduni tə witə nofchiniyuwa.

¹² Mə kəmikə tə sakamiya fichile nguchika hur tərmbanda? Nga fichile naka hur tərmbandə natuni sakamiya kandəwa?

¹³ Farə na sakamiya fichile nguchika hur tərmbanda: "Chamən bəbi nifa hurnuni."

6

Mə di Fəfərkitta Muhhanhar Ndanıwa

¹ Ma yunəsa hurnuni naka thlangəmi tə shekkən, mə dıda muhhanharkəna mbəda fa bəh fərkita, nga kweshkən kə mbəda fa fərkitwowa?

² Awi sənwuniwa fa fərkita na sakamiya kisshitəwowa? Makunang na sakamiya kisshita, nguni mbəla sakmi ichi top-topyawowa?

³ A sənwuniwa kəmnang na sakamiya Mala'ika chiwowa? Kana cheta ichi natma soktəsa kisshi'iya!

⁴ Ma witə muhhanhar chini engnunişiyu, məsək la dətuni təkəna mbanitə fichile nguchika miya əna mbanitə fa tərmbanda?

⁵ Mbuki iniyu kəthləm kə harangfat kuni. Sokkənyawa yunəsa hurnuni ərtə nak dathlchin na tahsandə thlərə fa fərkitađəwa?

⁶ Pad məsəka hwanmanda la dətəna muhhanhar hwanmankən a mbanitə fa bəh fərkita?

⁷ Muhhanhar ndani ti la muhtuniyu kättähi mbædengnuni. Nga kweshkæn kæræstuni kænuni bômchæwowa? Mæsæk nguchituni kæræstæ kæn dathlang fitcha kuni fa?

⁸ Kunang tæ inchengnuni kuna dathlanda ndanifa kuna puppuk ndanihi, ta hwanmanchanuni la sanduni ichiniyu kanda.

⁹ Awi sænwuniwa fa bah færkæt ngunda mbæs yimta kutærichita Faræwowa? Mæ læmi fichi kuniwa, kæthlæm fa sæbtadædisi ndu fa sæt tordæhhacha, ndu fa sæt fælawichita, ndu hishchæ fa che fechengnanda, ndu hishchi fa mundæ tæ hishcha,

¹⁰ ndu harcha, ndu fa yahta, ndu fa sat'icha, ndu fa eræfata, ndu fa dathlanda nofchæfa na mbæs mbæta hur kuturichita Faræwa.

¹¹ Nak funengnuni kichuyu. Anakæn sapa fichæ kunidi, tahsafichæ kuni, chafichæ kuni kish a hur thlæm Læmwandæ Yæso Kæræsti, pad tæ mbæda Shemedæ Farengnæm.

Mwanamæn Fara tæ Fechengnuni

¹² "Chikamæ ngæmifichæsi", Pad nga chikamæ na kæsitisæwa. "Chikamæ ngæmifichæsi", Chika kichu ngi sokta nafata chikamæwa.

¹³ "Dæsæmta kæthlæm hura, hur pad kæthlæm dæsæmta" Faræ nan thlærtandæ kandaðæ hwaa. Sufichæ fata kæthlæm kæn i fælawichitwa, kæn naka i Læmwanda, Læmwandæ padðaa i fata.

¹⁴ Thla'ang Faræ Læmwanda hur mæmatcha tæ alchit'en, pad chika kæn nan thla'a'ndæ kæn.

¹⁵ Awi sænwuniwa fechengnuni njaræ fata Kæræsti tæ indæ'ænwoowa? Kemsæ hachiya kæn hari njaræ fata Kæræsti kæn humayi kanda tæ bæbimanda? Ngu tamtasætwa!

¹⁶ Awi sænwuniwa nifi humangfat tæ bæbimanda sokkandæ fat ærtæ tæ ndæwowa? Kæthlæm nda i nat yarat laulawatkæn: "Chapndæyu naknda soktæ kæn fat ærtæ."

¹⁷ Le humang fat'enhi tæ Læmwanda, sokkandæ ærtæ hur shemed tæ ndi.

¹⁸ Rahamna fælawichithar! Tahhæt bæbichitfechi nat la sæt nifa nakna kisshitæ fat'en, pad le sæk bæbichitfat tæ mbanda fælawichita sækæn bæbichitfat kæn fa fat'en.

¹⁹ Sænwuniwa fechengnuni kapat hura'a Fara le naktæ Shemed Chidchid, naka a hanndækichechengnuni, le thlætuni bæda Faræ wowa? Nga nakuni tæ alchit inchengnuniwa.

²⁰ Hikkæ fichæ kuni 'yang'yang. Kæthlæm ndækæn mwanamæn Faræ tæ fechengnuni.

7

Hafata Sok Reta

¹ Nakænya kæn ichi yaratumi dærkæn, ndiichinsi hishnifæ mæ kahindæ kanwa.

² Kæthlæm rahhanda fælawichit har, chikawun hishnifæ kænæn tæ nuhkænsi, pad chikawun nuhnifæ kænæn tæ sæmahsi.

³ Hishnifæ kæn færaæn i kamkæsa nuhkæn i reta, nuhnifæ pad kæn færaæn i kamkæsa sæmahha i reta.

⁴ Kæthlæm nuhnifæ alchit'ensæ kæn fa fat'en ichtikænwa, sæmah ndak. Kichu pad sæmah alchit'ensæ kæn fa fat'en ichtikænwa, nuhkæn ndak.

⁵ Mæ njaduni ndaniwa, kænæn tæ ngæmtengnuni hwaa, kæn fari dæftuni kæthlæm kænæ hur'inchengnuni hur hwanda kanuni ngær kæmta, kæthlæm mæ limi shedan kuni a dær bah kæræstæwa.

⁶ Mbuki iya i kamkæsi yarandæhi, nga waatwa.

⁷ Mamuwa nansætæ kænæ nofchæ nat nda njang. Nakæn chikawun hishnifa tæ i færandæ Fara, leya tæ witæ i færandæn leyu pad tæ witæ ikæn.

⁸ Kæn mbæda fichile kahuchikkan tæ ndællat nishcha fichile mærtæ hishchengnandæyu, a kælladengna keekesi kæn soknda kahundæ kanwa nda i nati.

⁹ Ma ngunda mbæla kæs fechengnandæ harwa, kæn kahndæ kan. Kweshkæn kæn kah nifæ kan mæn i ita di tæ yahta.

¹⁰ Kæn mbæda fichile kakhæ kan nja ndandakuniwa, nga njangwa Læmwanda, ndatwa: "Nuhnifæ mæ sakindæhi tæ sæmahwa."

¹¹ Ma bæda saktæhi tandi, kæn sokæn kichuyu kænretsæwa, manga kichuuwa kæn tahsangndæ thlærænandædi tæ sæmahha. Hishnifæ pad mæ sakidæhi tæ nuhkænwa.

¹² Kæn mbæda tahchikæn pad ndakiwa: "Nga Læmwandæ mbukæwa." Ma yunæ hwanmandæsi nat nuhkæn kæla bahfærkæt, ngim nuhnifækæn kæn sokæn tandi, mæ cheridændæwa.

¹³ Ma nuhnifæsæ nat sæmah kæn læ bahfærkæt, ngim hisnifækæn kæn sokæn tandi, mæ cheridændæwa.

¹⁴ Kæthlæm hishnifæ læ bahfærkæt, tahsafichæ chidchid tæ mbæda nuhkæn, pad nuhnifæ læ bahfærkæt, tahsafichædi chidchid tæ mbæda sæmahha. Manga kichuwa, hwechengnuni naknda nat tæ putafa, nda i natæn nakænya, naknda chidchid.

¹⁵ Ma læ bahfærkittiyu yahkæsa saktæhi tæ shetkæn kænän kichu. A witæ mbænnyu, hwanmandæ kæn nuhnifæ ndu kæn hishnifæ nga waatsa sokkænwa. Kæthlæm Faræ akæn kæm kæ sok yuyurchit tæ ndani.

¹⁶ Sokæn nuhnifa, shinnæ ndu mbahya sokæn na hærkandæ sæmatuuwa? Sokæn hishnifa, shinnæ ndu mbahya sokæn na hærkandæ nuhwuwa?

Witæ Soki Yahtæ Læmwandæsa Kæ Sokficha

¹⁷ Chika witæmæ natma hurkæn, chikawun kæ sokka mbædi dæftæ Læmwandændæsi a nat'enhi, kæ i at Faræ ndi. Ndækæn naka mbutengna kæ mbæda fæfærkit nat.

¹⁸ Wun taßkæ kæ heshang ficha kæ fari at fichændi? Mæ sokidæ kæ læ bæh heshiwa. Le heshuchika kæ fari at fichændi, mæ kidæ heshiwa.

¹⁹ Hesha tæ bæh hesha nga æn nakndæwa, kuwur kussa Faræ ndak naka ka'æna.

²⁰ Chikawun kæ nan nda i natæn kæ fari at Fara di.

²¹ Naku kæ mafat kana ficha atsæwa? Mæ kæmu ænwa. Manu bæs alchit idæku, sæku tor tæ mbayiniyu.

²² Chikawun naka mafata kana Læmwanda atndi nakæn kæ nifi bæske alchit idi'en a Læmwanda. Kichu pad le nguchika mafata kana ficha atndi nakæn kæ mafata Kæræsti.

²³ Hikkæ fichæ kuni 'yang'yang mæ niduni mafæcha nofchæwa.

²⁴ Kæthlæm ndækæn hwanmancha, chika hur witæ sokmæ atfichæ chikawuni, kæ sokæn kichu nda i at Farændi, kænän tæ Faræ'en.

Fichæle Kahuchikkan tæ Fichile Mærtæ Hishchengnanda

²⁵ Kæ dær nishchi tamuchika kan, færiwu Læmwandæ alchit shudæ kæ darkænwa, pad naki fær i naka yarengna kæ dær ndatwa njangti ngæmitæ fichæsi a dær shisshtefata Læmwanda.

²⁶ Ma yarengna, kæthlæm bæhhi natma hurkæn nakænna, keekesi kæ soknifæ ichitkæn nda i natæn.

²⁷ A kehnikanwa? Mæ kænæ saktæhiwa. Ma kahunikanwa, mæ kænæ nuhnifæwa.

²⁸ Ma kehnikan sunæ bæbichitfatwa, ma keh nuhhwekan sutæ bæbichitfatwa. Fichile kakhkækan nanda yimta bæhtæ somsomæn a nadhiya, njang tæ yahhisæ kænän paapa'a mbædengnuni.

²⁹ I yarti hwanmancha, ndatwa hanmunchikæn ngudæh. Thlata nakænna kæ mban fichile nat nishchengnandæsi kæ sokndæ nda ngusengnandæwa,

³⁰ Fa tita nda nga tændæ titwa, fichile naka mbænfata nda nga kanda mbænfatwa, fichile hikkæ'æna kæ nandæ nda nga ichengnandæ kæ kæsndæharwa.

³¹ Fichile naka sæt tor tæ ænat kisshita mæ dæfindæ fatsæwa. Kæthlæm kisshikæn a nadhi nakænna, tæ naka mbærtæhi.

³² Yakhisi kænuni cha'a hur thlahur i'nda. Nifi kakhuchikkan nak yaræ'ena dær torcha Læmwanda, i natna sæta kæ tæraæn hura Læmwandæhi.

³³ Le kakhkækan nak yaræ'ena nata dær ænat kisshita, mbayi natna sæt kæ tæraæn hura nuhkænhi.

³⁴ Pad shek hur'indæ'enhi. Nuhnifæ kakhuchikkan ndu nuhhweya nak yaræ'ena dær torcha Læmwanda, læ dæfkan indæ'en kaæn kæ mbæda Læmwanda a hur fat tæ shemæda. Nuhnifi kakhkækan yaræ'ena dær ænat kisshita, mbayi natna sæt kæ tæraæn hura sæmahhi.

³⁵ Naki mbu ichiya kæthlæm kæ kæsangka kunisi, ngauwa kæ bæweshikuniwa, kæthlæm soktengnuni kænaka mbandæ ndiichin mæ saki yarengnunihi hur mwanandæ Læmwandæwa.

³⁶ Ma yaraa yunæhiwa i natna sæt kæ dær nuhhwani ngwantæn nga keekewa, a nakæn hurrecha nuhhwankæna mbærtæhi pad a fat'en kemsæ kæ kakhænkan, kæ sæn kichu nda i yahtæn. Nga tæna sæt bæbichitfatwa, kæ kænangndæ reta.

³⁷ Nifi thlarkæ kit kæ dær yara hanndækiketæ'en ndatwa ænatkæn nga waatwa pad nan mbælla kæs indæ'enhar, pad tira hanndækiketæ'enwa ngu kakhandæ nuhhwaniyuwa, mælan ma shidæ i nak keeke.

³⁸ Nifi kahhang nuhhwani ngwantæn shidæ keeke, pad nifi kahhauchik nuhhwani ngwantæn shidæ i kamkæsæ kaæn.

³⁹ Nuhnifæ nakna kændæ kæ mbæda sæmahha ma tana mweehi tæ shishingta. Ma mir sæmahha, chæda kissha sahta kæ kakhæn chikawun yahtæn, sokkæn waat kæ na hishnifækæna i Læmwanda.

⁴⁰ A thlandæ shudængnæhi, nan nat tæ mbænfat kaæn manan soktæ ichitkæn nda i natæn. Pad læ sikænfæ Shemæda Færengnæsi.

¹ Nakanya pathlê dəsəmi fərandə fīcha dāhhacha: "Shinəmwa nattəm sədengnəmsi." Səndə la bakən tə thla'inda, mbənfata la tinaən.

² Ma tiryunəwa shinta'əna, paaya sənu nda i kamkəsi kə sənənwa.

³ Ma yuna mbənfat Fara, shin Farə ndi.

⁴ Pathlê səm dəsəmi fərandə fīcha dāhhacha: "A shinəmwa dāhhata nga ənnakəna kisshitəwa pad Farəsə somənwa əta."

⁵ Chika sokkənwa funisə la atfichəwa farəcha a Afshi ndu kisshita (nda i nat, "farəchəsə" ka'ən "shinchəsə" pad kaən),

⁶ Chika kichu a mbədfəngnəm Farə əta, le naka Shinda, ichi natya bakna mbədfən, nadəngnəmhi kəthləm məlan. Ləmwandəsi əta Yəso Kərəsti, tə mbədfən chet ichi kish natya, kəmnang pad nadəngnəmhi tə mbədfən.

⁷ Nga chikawun səkə iyawa. Funə paaya sədengnandəhi tə tor dāhhacha, la saən kandəfəwa dəsəmi la səmtanda nda i fərandəfīcha dāhhata. Kəthləm ndəkən nguchikndə kwaakwa'a hur hanndəkiketa la tərəkəndəwa shibndadadi.

⁸ Dəsəmtə dūtəkəm nduk tə Farəwa. Ma səmwumwa ngəma tahtəhiwa, ma shiməm ngəma chektəwa.

⁹ Kə dəfuni indəsi, mbəs thlət indəngnuni mə sokidə ənat chit hansarəhi mbədə fīchile nguchit alchidəngnandəsi.

¹⁰ Kəthləm ma nəd yunəsə le nguchik kwaakwa'a hur fərkit, sokən tə sənka sa səm'əna kəən mwanandə dāhhacha, fərauni alchit səm i tahsandə fīcha dāhhachəwowa?

¹¹ Kəthləm ndəkən hwanmani nguchik kwaakwa'a na səndeku sokta mba həmtə'enhi, le mətə Kərəsti di kəthləm məlan.

¹² Ma shidnə bəbichitfat kə mbədə hwanmanchiwa, tə mbənniyu pad dəfau ndindita kandə kə dər bəh kwaakwa chidəngnanda, tə sənə bəbichitfat kə mbədə Kərəsti.

¹³ Kəthləm ndəkən, ma səm'ən na dəf hwanyaa kə yimka hur bəbichitfata, mwawi tamta chi thlu padwa, kəthləm mə dəffidə ndə kə həməhiwa.

9

Ichi Kamkəsə tə Tora Ləthlənda

¹ Njang mbəs thlət indəngnəsəwowa? Njang nga ləthləndə nakiwowa? Anuwi Yəso Ləmwadəngnəmwowa? Kunang nga kəni torengnə nakuni a hur Ləmwandəwowa?

² Chika sokkənwa nga ləthləndə naki mbədə funiwa, kittəkən mbədfəngnuni njang ləthlənda, kəthləm kunang naka sheta tə tor ləthlədfəngna a hur Ləmwanda.

³ Tə ndəkən la chandə fədfəngna kish a mbədə fa tauwasənji.

⁴ Alchidəngnanişə kə fəranguni səm'əna kani tə satwowa?

⁵ Nga alchidəngnanişə kə tərani kan kə wi'yani tə nishchəngnani fəfərkit nda i la sət tahhət fəthləncha, tə hwanmancha Ləmwanda tə Kefas yuwowa?

⁶ Nga njang tə Barnabas ndak sokkə waat kə sani tor səmə'ən inchəngnani kə nanihiwa?

⁷ Wun la sək tor thlərhwata kana səmə'ən ində'en? Wun na pət affət inabi kə cherka chi hwanchikən? Wun na hərəm chaba kə cherka sat yəhkən?

⁸ Naki mbu ichiya dər yara nifəwa? Ndu kustəkən kichuwowa?

⁹ Yarang fīchəhi a hur kussa Musa ndatwa: "Mə panə hwan sokroka latami maməla sət tora hurhitəwa." Lat ndak la hərəmtə Farəwa?

¹⁰ Nga shuwunkən kəthləm kəmnangwowa? Aa kəthləm kəmnang yarandə fīcha. Kəthləm lə hudata, nakna hudat tə dəffatsə nan mbəs əna, le naka dəktə pad nakna dəktə tə yarə mbəs'əna hur dəsəmi hitəkən.

¹¹ Ma hifani hanwitə shemədə Fara hur handəkikechəng'nuni, kapat ənwa ma mbishani icha mbədfəngnuni?

¹² Mana funa mbəs mba sət kichu mbədfəngnuni, sherawani kandə tə mba sət kichuwowa?

Chika kichu suwani tor tə mbayiniyuwa, kəriskani tə chikamə kəthləm mə bīdani tə i na njat tor laulawata Kərəstiwa.

¹³ Sənwuniwa fīchile la sək tora kapat hura'a Fara, la mbəskəndə dəsəmtəngnanda kapat hura'a Farəkənwowa? Fa sət tora bagadi la mbəskəndə dəsəmtə hur ichi la fərtə fīchi i fər pofənwowa?

¹⁴ Kichuyu pad mbutə Ləmwanda ndatwa, fīchile naka bəssə laulawata kə thləndə ənat nathi engnandə tə mbədə laulawatkən.

¹⁵ Njang tamwi sah ən kuni hur ichiniyuwa, pad nga naki yarət'iya tə dəffatsəwa kə sīkə fīchə kichuwa. Kweshkən kə məri, məri yuna nji wilwirtəngna tə ndəkən.

¹⁶ Chika kichu ma bəsshi laulawatkən, ngi wilwirtəwa, kəthləm dəfkə fīchənji waat kə bassi. Ai engna ma bəsswi laulawatkənwa.

¹⁷ Mamuwa la basski a dar yahtengna mala kwanikə ficha. Sokkənwa nga dar yahtengnəwa, tənī sət i malitə fichəhi.

¹⁸ Mənaka kənīkən engna? Kənīkən engna ndəkən naka basse laulawatkən, kə basse pofən. Səwitor tə cheta mbədengnə nat a hur bassəkənwa.

¹⁹ Chikama sokkən naki kwedələng nga hara chikawunwa, sadī fadengna mafata nofchanat, kəthləm kə mbəsi nofchə oi.

²⁰ Kə mbədə Yahudawecha, naki nda lə Yahudawata, kəthləm kə mbəla'i kəhhandə hur'inha Yahudawecha. Kə mbədə fichile nat kussa alchidengnanda, naki nda le naka kakən pad (chikama sokkən njang tə indengna nga naki ka kustəkənwa) kəthləm kə kəhhayi hur'inha fichile naka ka kus təkən.

²¹ Fichile nguchika ka kus təkən sokki nda kandang (chika sokkən nga naki kisshitə kussa Farəwa naki ka kussa Kərəsti) kəthləm kə kəhhayi hur'inda fichile nguchika ka kus.

²² Kə mbədə fichile nguchit alchitsi njang ma naki alchitsəwa, kəthləm kə kəhhayi hur'inha fichile nguchit alchidengnandəsi. Sokki kə ichinat kə mbədə nofchə nat kəthləm chika tə kəni kə həkayi funa.

²³ Saki ichini natyu kəthləm kusheng shundə mbinchin, kəthləm kə mbəsi ənar hur mbəs'ichihar.

²⁴ Sənwuniwa hur fa teri rahta, nat fa teri rahkən la kweekəndəhi kə pədagndə ndanihi, ərtə ndak la thlək kənīkənəwə? Yimamma rahkən kəthləm kə mbəsuni kənīkən.

²⁵ Nat fa yimta terriyiniyu, la fərangndə bahta fechengnandə chika tətəni. La səkndə kichu kəthləm kə mbəsndə kənīkən lena səbtadi, kəmnang pad la səkəm inəm kə mbəsəm kənīkən le nguchika səbtadə kəpwaree.

²⁶ A rahwi pofən nda nga mbət dətəwəwa, a tokwi fat nda lela tokkə rənnawa.

²⁷ Tə fərayi bahta fadengna kə sayi mafata, kəthləm diffitə bassanda nofchəsi njang tə indengna mə nji fichə mbəs kənīkənwa.

10

Kah Thləmat kə Dar Dəsəta Isra'ilawecha

¹ Yahkəsi kə sənuni, hwanmancha, ndatwa kakechinəm nat wikənda ka husomba'a, pad natndə dəkndə tə hur hawurta.

² A ka husombi'iniyu tə hur hawurkən sandə fichə baptisma kandə uf kə kuwur Musa.

³ Natnda səmkəndə dəsəmta shemədə.

⁴ Natnda sakndə ama shemədə, kəthləm shəndə ama a ngwiya shemədə le wiikə tə kanda. Ngwikən Kərəsti nakən.

⁵ Chika tə kichu, səku Farə mbənfat tə funə oi a hurnandəwa, təkang fichə kandəhi a loktara.

⁶ Sək ichininatyu kə naka sakchikəna mbədengnəm, kəthləm mədi hanndəkikechengnəma dar bəbi ichə nda i sətndəwa.

⁷ Mə sokiduni kə fa sət tor dəhhachə nda i sət funengnandəwa, nda i natna hur yarət laulawatkən ndatwa: "Sokkə nofchikənhi kə səmndə kə sanda, thlaakənda naknda rəbta a hur səbtadə i fəlawichita."

⁸ Mə yimindəma fəlawichit nda i sət funengnandəwa, baka sət nifə aru kumchitkum chap tə aru kumchit məkkan (23,000) məkka farə ərtə.

⁹ Ngəma kikedəndə Ləmwandəwa nda i sət funengnandəwa, bək hwithlincha təkandə kandahi.

¹⁰ Mə hurmidəm nda i sət funengnandəwa, Mala'ika tə bəltə təkəən kandahi.

¹¹ Kəska ichini kandəyu kə naka sakətkən, yarang fichə kandəhi kəthləm kə səka ənət kah thləmadengnəm, kəmnang ti bat ndukwat kisshikəna mbəskəm.

¹² Kəthləm ndəkən chikawun yarkəwa nakən kit, kə mbərənsi mə həmidəhiwa.

¹³ Kiketəsi tamka mbəskuni le mbəsuchitən nifəwa. Farə lə kachita, ngu tamta ngəmtə kə kikedang fichə kuni tə i na sheranda allengnuniwa. Ma kikedə fichə kuni nan mbəssa mba chetakissha kuni, kəthləm kə mbəla'uni kərəskən.

¹⁴ Kəthləm ndəkən shikechina, rahamna tor dəhhachihar.

¹⁵ Shuwunki tə kuni kunang fa hur'inha, kə yarangunihī kunang tə idəngnuni i mbuti.

¹⁶ Kəp i mbəs'ihar le la sətəm usoko kə dərəkən, nga ndəkən la dəfkəkəm kənəm ərtə a hur fwara Kərəstiowə? Njohmi la chichadəmhi nga ndəkən la dəfkəkəm kənəm ərtə a hur fwara Kərəstiowə?

¹⁷ Kəthləm njohmiya ərtə, kəmnang ti nak terchin fat ərtə, kəthləm nattəm njohmə ərtə la chiitəm.

¹⁸ Kəlamən Isra'ilawecha: Fichile la səmka hur i fərtə ficha, nga la humndəhi tə ndani hur səm ichi fərandə ficha Fara a bagadi tə fər'ichəwəwa?

¹⁹ Mə nati yarə hachiyu? Dəsəmi fərandə fīcha dəhhacha naka ənwā, ndu dəhhakən naka ənā?

²⁰ Auwā, yarengnaa i la fərtə fa sət tor dəhhacha la fərangnda ləwurcha nga Farəwā. Yahwisə kə la nuni humtəhi tə ləwurchəwā.

²¹ Nguni sat tə kop a Ləmwandə kə suni pad tə i ləwurchəwā. Nguni səm'əna a mbət səmdəsəmta Ləmwanda kə səmuni pad a i ləwurchəwā.

²² Nəma dəf Ləmwandə kə sərəhtəwā? Sheradəm tə alchitwā?

Su Chikamə Kəthləm Kə Mwanangfichə Fara

²³ "Nat ichta ngəmafīcha kəmsi", Nga nat ichtə na kəsanda kəmsəwā. "Nat ichta ngəmafīcha kəmsi." Nga nat ichtə la tinangwā.

²⁴ Mə si nifə ən ndiichin kə dər ində'en dengwā, kəsən kə dər'inda funə pad.

²⁵ Chi'u chikawitə thlumi, la hi'yandə fīchadə mbət hi'yandə thluwadī, nga tə sahmi mbədi bat thlukənwa, kəthləm mənī yarengnuni nata mbədi chet thlukən.

²⁶ Kəthləm: "Kishhitə i Ləmwanda nat tə ichi naka hurkən."

²⁷ Ma ed lə bah fərkit sa səm dəsəmta, ngəmkufə dəkuni, səmu i bəndə fīcha kuni nga tə sahmiwā, kəthləm kəna hur'ində ngwalngwal.

²⁸ Ma ndu yunəwā: "Dəsəmiya i dəhhata", Mə səminəwā, kəthləm le mbukə pad kəna hanndəkiketə'en yuyur tə sokən.

²⁹ Nga yarkiwa hur'idəkuwā, ikən. Yunə nan ndatwā kəthləmmə nat fīcha nji i yahtə fadengna, kəthləm yuyurchit hanndəkiketa yuna?

³⁰ Ma sadi Farə usoko, kani səm dəsəmkən, kəthləmmə nat fīcha ishnji kə dər i sandə Farə usokosi?

³¹ Ndu tə səmna ndu tə sana, ndu chika witəmə natu sətə, su nat kəthləm mwanandə thləm Fara.

³² Mə siduni kə ənat chit hansarəhiwā, ndu Yahudawecha, ndu fīchile nguchika Yahudawecha ndu nofcha Fara.

³³ Naki kweetəhi kə tərāyi hura nofchihi nat chika tətəni. Nga tənī kat i na mbənanda fadengnəfəwā, pad i na mbənanda nofchəfə oi, kəthləm kə hərəknda.

11

¹ Sakamnji nda i nati sak Kərəsti.

I Kamkəsi kə sa Fīcha ka Mwanandə Fara

² Nja hamkuni kəthləm la kudukkuni nji chika hurmi, kishshuni ichi sakandə kuni har dīchin nda i fərāndi kuni.

³ Yah kisi kə sənuniwā le naka inn chikawun hishnifā Kərəsti, le naka inn chikawun nuhnifā, hishnifā, le naka inn Kərəsti Fara.

⁴ Chikawun hishnifə hwanka ndu tə mbu'ən ichta Fara ində'ena supta, njirtə Kərəsti le nak mwanchinna mbanitəkən.

⁵ Chikawun nuhnifə hwanka, ndu tə mbu'ən ichta Fara supwawutə i'ndəwā, njirtə səmahha le nak mwanchinna mbanitəkən, nakən keekə tə həsəndə i'ndə'enadi.

⁶ Ma cher nuhnifə supwandə i'ndə'en, kə həsəən hwasə'enadi. Manakən harəfatsi ma həsa nuhnifə hwasə'enadi ndu kə həsangkadə tukulmur, kə supwəən.

⁷ Kamusi hishnifə kə supwə'en i'ndə'enwā, nakən kə mirshingta pad mwanda Fara. Nuhnifā pad mwanda hishnifā.

⁸ Kəthləm a təkəkən hishnifā nga chekna fata nuhnifəwā, nuhnifə cheka fata hishnifā.

⁹ Su fīchə hishnifə kəthləm nuhnifəwā, nuhnifə sət fīchə kəthləm hishnifā.

¹⁰ Kəthləm ndəkən sokkən waat nuhnifə kə kənən dānkwalī i'ndə'en, che sakətkəna səmah nak mwanchin, pad kəthləm mala'ikacha.

¹¹ Chika təkichu, a hur Ləmwanda nuhnifə nga somənhi tə hishnifəwā, hishnifə pad nga somənhi tə nuhnifəwā.

¹² Nda i nat nuhnifə chekna fata hishnifā, kichu pad nuhnifə ngətkə hishnifā. Ichi nat pad bəknda mbəda Fara.

¹³ Yaramənhi tə inčengnuni, keekesi nuhnifə kə hwanaən Farə tə ində'en chaawa?

¹⁴ Sakkawu nathi kəmharwā ma mel hishnifə hwasə'en njang, nga ənat harəfata mbəd'enwowa?

¹⁵ Ma hwasə nuhnifə njang nga mwandə'enwā? Fərang fīchə hwasə njang kichuyu kəthləm kə ngələən i'ndə'ensi.

¹⁶ Ma yunəsə nat halə'ində'ensi kə dər iniyu, kanang sənwanī dəsəchə somənwa, nakən kichu mbəda tahhət nofcha Fara.

Njirandə Sat Jibi Ləmwandadi

¹⁷ Kə ichiya hamwi kuniwa, kəthləm ma hwimunihi nga i katkənwa i səbkən.

¹⁸ A tərəkən, səkkiwa ma hwimunihi humta fa tərmbanda, a lanak saktəhisa hurnuni. Bədi fərkitə dər shuwunkən ngədəh kicha.

¹⁹ Sokkən waat kə mbəs fīchə saktəhi hurnuni, kəthləm kə sənfīchə fa kachita hurnuni.

²⁰ Ma hwimunihi nga jibi Ləmwandə la səm tuniwa.

²¹ Kəthləm a chikən, chikawun la dəkna mban tə səm dəsəmtə'en pu'utə nifəwa. Yunə tə mita fa, yunə ngeli har tərada.

²² Nga hurechengnunisə kə səmuni kə suni hurkənwowə? Tə njiruni fa tərmbanda Fara, pad kənuni bahhandə fīchile nguchit ichengnandəsi? Mənati mbwa'anda kuni? Kə hamikuni kə iniyuwa? Auwa ngi hamkuniwa.

²³ I fərandi kuniya thləki mbəda Ləmwanda ndatwa: Ləmwandə Yəso, a fīdiki fərtə fīchəndi, tərəkən njohma,

²⁴ dīfītə sət usoko'en, chichaanhi ndakənwa: "Fədəngnəniya, fərtə fīchə kəthləm kunang. La sām kichu kəthləm kuduktə tənji."

²⁵ Mbandə ərətə pad, dīfītə jibi təkən tərəkən kop, ndakənwa: "Koptiya i yuwa dəf shundəhi a hur fwarengna. Sām kichu nat kə farə natuni sata kəthləm kuduktə tənji."

²⁶ Chika kwat natuni chi njohmiya, pad natuni sata a koptiya, nuni mbu mərtafa Ləmwanda kə fari natna bəta.

²⁷ Kəthləm ndəkən, nat le chiikə njohmiya, shēdā hur kop ti Ləmwandəya nga hur chidchidchitwa, shidə bəbichitfat kə fata tə fwara Ləmwanda.

²⁸ Chikawun kə kikedəan fat'en, kana chi njohhəmkən pad kana sata koptəkən.

²⁹ Kəthləm chikawun chiika a shēd pad ngatə mwanandə fatkəna Ləmwandəwa, pad sadə sakmiya fat'ensi, tə mbəda chi'ini tə sadini'enyu.

³⁰ Ndəkən səka nofchə oi a hurnuni alchidəngnandəsəwa, funə haachinnda, pad terchina hurnuni a mirnda.

³¹ Ma yaradəm inchengnəmhi poo, ngu fīcha sakamiya kəmwa.

³² Ma Ləmwandə sakang miyakəm, na fīcha eltandəkəm kəthləm mə thlandə kita kəmsə tə kisshitəwa.

³³ Kəthləm ndəkən hwanmanchina, ma hwimunihi kəthləm səm'əna, kə pu'uni ndani.

³⁴ Ma yunəsə tə mitafa, kə səmən'əna huri, kəthləm humtəngnuni mə bəndə thlet shunda kuniwa.

Kə dər tahhət icha, ni mbwa'a mbachəkəna kuni mə bədi.

12

Fər Chidchid tə Shemed Somsomən

¹ Nakənya pad hwanmancha, pathlə fər shemed somsomən, yahwisə kənuni tə bəhsəndəwa.

² Shinuniwa fari natuni nga fa tərmbandəwa, limfīchə kuni pad shekdəng fīchə kuni kə fa kuwur dəhhachi nguchit shishingchengnandəsi.

³ Kəthləm ndəkən yahkəsi kə sənuniwa nifəsə na shunda hur Shemedə Fara na ndatwa: "Yəso nga'en nakənwa" pad nifəsə na ndatwa: "Yəso Ləmwandə nakən." Manga nakna hur Shemed Chidchid wa.

⁴ Nakənya fərtəsə somən somən, Shemed ərətə la fərkə kanda.

⁵ Mbachəsi somən somən i sət torcha, chika kichu Ləmwandə ərta.

⁶ Torchəsi somən somən, chika kichu kəmka Farə ərətə la fərkə tori nat chikawuna sətə.

⁷ Chikawuni fəra Farə mba bəta Shemedə kəthləm kə kəsangka chikawunsi.

⁸ Yuna fərang fīchə Shemed mbər shunda, təpad yuna Shemed shuwun sən'əna, natyu tə mbəda Shemed ərta.

⁹ Yuna i fərkit tə mbəda Shemed ərta, yuna i kənandə nofcha dī tə mbəda Shemedini ərəyu.

¹⁰ Yuna fərangndə alchit sət ənat pədandə nifəfa, yunə i mbu icha Fara le na sət kəmban, yuna i mbəla sakandə shemedchəhi, yuna i sən hanshuwunchə somən somən, yunə pad mbəla sən i nat hanshuwunchi somsomənna mbuta.

¹¹ Ichini natyu tora Shemed ərətə la sək kanda, le la sakangnga chikawun nda i yahtən.

Fat Ərta Njarəchi Somsomən

¹² Nda i nat fat ərta njarəchi'en terchin, chikama sokkən njarəchi'en terchin, nakndə kə fat ərta, nak Kərəsti kichuyu.

¹³ Sangfichi baptisma kəm nattəm tə Shemed ərta kə hur fat ərta, ndu Yahudawecha, punofcha, ndu mafecha, ndu fīchile thlək inchengnandađi, nattəm dəfkə fīchəkəm kəsəma hur Shemed ərta.

¹⁴ Fatkən nga tahsang fīchə tə njarə ərətəwa, pad njarəchəkən terchin.

¹⁵ Mana sara ndatwa: "Njang nga har nakiwa, makichu nga naki fa fatwa." Mbutë kichu ngu dëfndë kë sakndëhi të njarëchikënnä fatkënwä.

¹⁶ Ma na thlëmata ndatwa: "Këthlëm njang nga hwanitëwä, makichu nga naki fa fatwa." Mbuta kichu ngu dëfndë kë sakndëhi të njarëchikënnä fatkënwä.

¹⁷ Ma fatkën nat kë hwanita, nakficha la sëkmbët të mi? Ma fatkën nat kë thlëmata, nakficha la sa mbët të mi?

¹⁸ Kittäkën Farë tahsang njarëcha hur fata, chikayeni nda i yahtën kë nandësi.

¹⁹ Ma nak fatkën nat kë njarëchë ërtä, nak fatkëna natwä këni?

²⁰ Nda i natën, njarëchë terchin chika kichu fat ërtä.

²¹ Hwanitë ngu ndanda harwä, "Këmiwu'ëntësëwä." Ndu inda kë ndangka harchëwä, "Këmiwu'ëntëkuniwä."

²² A mbandë somën, njarëchi fafat la këländë fichëwä nda nga kwaakwa'a ndëwä, kandang naka kechikën,

²³ Njarëchi fafat la këländë fichë nda nga ënnakndëwä, kandang la mwanandani kaën. Njarëchi kamuchiksi kë nafichiyu, la këlak fichasa kanda,

²⁴ njarëchi'engnëm nak ndiichinyu, nga ma safichë ën kandëwä. Humang Farë njarëcha fata, nda i ngërandën njarëchi farawuchit fichi mwanda, sokkën të mwanda fa.

²⁵ Sëkën iniyu këthlëm mëni saktëhisa hur fatwä, njarëchikën kë la tërndëwä nakndë nat keeke.

²⁶ Ma njarësë ërtë naka bëhta, nat ndë nanda nata hur bëhta, ma njarësë ërtë fërandë fichë mwanda, nat njarëchikën kë mbërndë fata.

²⁷ Nakënya kunang naka fata Kërësti, chikawun ërtä hurnuni nakën kë njarëchi'en.

²⁸ A këtën mwanandë Fara hertë nofchëhar, saën funa tärkakën kë Fathlëcha, chap-atäkën Tapënecha, mëkkatäkën fa sakaädädi, funë fa sët ënat pëdandë nifëfa, funë fa kënandë nofchädi, funë fa kësanda nofchësi, funë fa këländë tora nofcha pad funë fa shundë të hanshuwunchë somsomën.

²⁹ Nat fatërmbakën fathlëchëwä? Nat fatërmbakën tapënechëwä? Nat fatërmbakën fa sakandädädiwä? Nat fatërmbakën fa sët ënat pëdandë nofchëfëwä?

³⁰ Nat fatërmbakën fa mbës fër kënandë nofchandëwä? Nat fatërmbakën fa shundë të hanshuwunchë somsomënwä? Nat fatërmbakën fa mbu sakët i shuwuntë fichë të hanshuwunchë somsomënwä?

³¹ Pad kam fërtë somsomën të rahta fichile nak ka mwanchin.

Ni chedä mbanda kuni le sherkë nat të ndata.

13

Mba Mbënfata

¹ Chikama la mbërki shundë të hanshuwuncha nofcha të i Mala'ikacha, nakën mbënfatsa fadengniwä, sokki nda pupwandëra lë la tik kaën, manga kichuwä nda thlëmra.

² Chikama fërtengnësi i mbu'icha Fara pad la mbësayi ichi buëweeta të sëndë nat, ma fërkitchidengnësë kaën ni mbëla mbasandë shohlachädi nga mbënfatsa fadengniwä nga ën nakiwä.

³ Chikama ni fëra ichi naksengnë nata fa bahcha kë fëri fadengna kë 'yangfichädi manga mbënfatsa fadengniwä, ënsë nati mbëstisëwä.

⁴ Mbënfata kërästë'ensi, të kafata, sërëhtësä hur mbënfatwä, thla'andë'ënsëwä, mwa'indësëwä.

⁵ Mbënfata thla'indësëwä, yah'indësä hur mbënfatwä, sëbhursë paapawä, kës'ënsahurwä.

⁶ Mbënfata yahutë sëbfatwä, la mbënkënfat kë i sëficha dër kit.

⁷ Mbënfat la nakën të kërästafa këding chika hur witëmi, la nakën të fërkät hur chikamë nat, la dëfkën hanndëkiketa ichinat, la kërëskën të ichinat.

⁸ Tamu mbënfata tubwatwä këparee. Mbu'ichi Farë na sët këmban nan thlërättädi, shundë të hanshuwunchi somsomën nan shekata, sën'ëna nan thlërättädi.

⁹ Sën'ënenngnëm nëhduhiwä. Mbu'ichi chandë Fara kish ngë mbëdengnëm nëhduhiwä.

¹⁰ Ma bëd le nëhhëdkëhi, le nëhduchikhi nan thlërättädi.

¹¹ Thlahmbädi nati kë hweya, la shuwunkë nda hweya, la yarki nda hweya, la mbuki ichi kamkësi nda hweya. Kë sëkti nifa, malayi hwanchita.

¹² Nakënya la nakën nda a hur shishing'ama, shummë shumma, faräkën nakma nat hwanitë të hwanita. Sën'ënenngna nakënya nëhduhiwä, a faräkën na sädengna nëhhatëhi nda i sëntëfichinji ndiichin.

¹³ Nakënya, ichi mëkkanya shokndë kichu, fërkät, dëf hanndëkiketësi, të mbënfata. Le nak mwanchina hurnanda mbënfata.

14

*Fər Hanshuwunchə Somsomən
tə Mbu'ichi Naka Yara Fara*

¹ Kwe'yamhi kə kuni mbənfata, kə kuni fərta Shemed Chidchid, nda i yah mbu ichi naka yara Fara.

² Kəthləm le la shuwunkə tə hanshundə somən, nga tə nofchə natna shundəwa tə Fara, nifəsə la sənəkə i natna mbutəwa, la mbukən icha buḅweeta mbəda alchita Shemedə.

³ Le la mbukə ichi na yara Fara, na shunandə nofcha kə tinaən kanda, kə chekaən alchita kanda, kə saən səssi kanda.

⁴ Le naka shundə tə hanshundə somən naka tinadə fat'en, pad le naka mbu'ichi na yara Fara tinadə fatəmbanda.

⁵ Yahkisi natuni kə shununi tə hanshuwunchə somsomən, buredi yahtə kə mbu'uni ichi na yara Fara. Le la mbukə ichi na yara Fara, sherada le la shuwunkə tə hanshuwunchə somsomən, ma mbwi yunə hanngalə i mbutən, kana tinandə fatəmbanda.

⁶ Nakənya hwanmancha, ma bēdi mbəskuni nja shundə tə hanshuwuncha, mə natna chekanda kuni ma mbwa'awi hangngalə shuwunkəna kuniwa, ndu sənda, ndu ichi na yara Fara, ndu sakandadi?

⁷ Nakən kichu tə ichi nguchit shishingtəsa fechengnanda, nda kəla'a tə ənat pecha, ma chu bərechegnanda kish diichinwa, wun na sən i nat ficha futa tə i nat ficha peta?

⁸ Ma pyawu fichə kutmetə keeke tə i nat ficha səndəwa, wun na səhatəfə kə mbata?

⁹ Nakən kichu mbədegnuni, ma shununi tə hanshuni mbəsauchit ficha, nakficha sən i mbutuniwa kəni? Shuwunkuniyu mere pədakna hur rənnə'a.

¹⁰ Michisi somsoməna hur kisshita, chika yen miya tə sakətkənsi.

¹¹ Ma sənwi sakət mikəwa, naki nat kə roma mbəda lə shuwunkən, lə shuwunkən pad nakən kə roma mbədegnə.

¹² Nakən kichu mbədegnuni, nakuni tə bwechit hura a dər mbəs fər Shemedchi somsomən, fəram alchidegnuni kə suni tor tə fər Shemedə na tinandə fatəmbanda.

¹³ Kəthləm ndəkən, chikawun na shundə tə hanshundə somsomən kə hwanən kə fərang fichə mba sən i mbutən.

¹⁴ Kəthləm ma hweni tə hanshundə somən, shemedəgnə hwanka, pad yarengnə cheku tə ənwa.

¹⁵ Mənati sətə? Ni hwandə tə shemedəgnə, ni hwandə tə yarengnə pad. Ni ən'imshi tə shemedəgnə, ni i'ndə tə yarengnə pad.

¹⁶ Manga kichuwa, masa sət usoko tə shemedəku, tə kəni le naka kuthləmata mbəsauchik hanshuniniyu ndatwa: "Kə sokən kichu wa kənə." Kə dər usoko tə natu sətə, ma sənuta i natu mbutəwa?

¹⁷ Chika sokkənwa shidi usoko kaən, ənsə chekandəna le nak nduk təsə le sənuchikwa.

¹⁸ Sadi Fərə usoko sheradi kuni tə shundə tə hanshuwunchə somsomən.

¹⁹ Chika kichu, a hur kəten hwanda kweshikən kə mbu'ichi dərman tə han-ndəkiketengna kəthləm kə sakayi funəhar mənəi mbu ichi aru kumchitkum (10,000) tə hanshundə somsomən.

²⁰ Hwanmancha, malamən yarə'ichə nda hwecha. Kənuni hwecha a hur bəbichitfata, kənuni pəktechə hur yarengnuni.

²¹ A hur kus yara fichəhiwa:

"Tə mbəda nofcha fa hanshuwunchə

somsomən pad tə miya

romcha nati shundə tə nofchiya,

chika təkichu ngunda kithləmatwa,

ndat Ləmwanda."

²² Awi shundə tə hanshuwuncha nakndə kə sakətkən nga kə mbəda fa fərkitwa kə mbəda fa bəhfərkit. Mbu yara Fara i fafərkit nga i fa bəhfərkitwa.

²³ Kəthləm ndəkən ma hwim fatəmbandəhi, kana chikawunna nata shundə tə hanshuwunchi somsomən, nakən funəsə mbəsaundə i nat ficha sətwa, ndu funə fa bəhfərkit yimkəsi, ngunda ndatwa nga nakuni hur'inchəwa?

²⁴ Ma chikawuna mbu yari Fərə na sətta, kana lə bəhfərkit ndu yunə roma yimtəsi le sənuchik i nat ficha sətta, bək shunda chikawuna təkə harfa a kakən tərətəhi.

²⁵ Naficha chadə buḅwee ichi kissha hanfəkiketə'enyu, tə kichu həmkənhi mwanaən Fara ndakənwa: "Kittəkən Fara hurnuni."

Kə Mwanang Fichə Fara Mbayi Kamkəsi

²⁶ Mə natma mbuta hwanmancha? Ma hwimunihi yuna imshə'ensi i mwanandə Fara, yunə sakandadi, yunə mbuti'icha, yunə shundə tə hanshundə somsomən, yuna fər hanngalə shunda. Sam ichənət kəthləm tinandə fəfərkət.

²⁷ Mana yuna shundə tə hanshundə somsomən, mə sheradə nifə chap ndu məkkanwa, kə səndə dēderra pad yunə kə fərən hanngalə shuwunkən.

²⁸ Manga yunəsə na fər hanngalə shuwunkənwa, chikawun kə ngasən ba'a hur fatəmbakən, kə shunən fat'en tə Fara.

²⁹ Tapənechə chap ndu məkkan kə shuwunnda, tahchikən kə kikedangndə həbakkə i mbutənda.

³⁰ Ma yunəsə mbənniyu dās bat sən'ichikəna mbət'en, le naka shunda tərəkənyu kə ngasən ba.

³¹ Natuni nuni mbəla mbuti ichi na yara Fara ərtə ərtə, kəthləm kə sak chikawuni pad kə mbəs chikawun alchita,

³² Tapənecha la mbəllakəndə hərəm inchenɡnandə har.

³³ Fara nga Farə la shekdəndə i'ndəwa, i yuyurchita.

Nakən kichu mbəda fatəmbadə chidchid,

³⁴ kə ngas nishchə ba a hur kəten hwacha. Kəthləm fərau fichə mbanda kandə kə shuwunndəwa, kə kuwurndə ndak nda i mbutə kus.

³⁵ Ma ənsə yahtənda sahta, kə sahhangndə hishchəngnanda huri. Kəthləm ənət harəfata kə shuwun nuhnifa a hur kəten hwanda.

³⁶ Tərkaakə shunda Fara bat tə mbədgəngnuniwa, ndu kunang ndak sa'andən?

³⁷ Mala yarkə yunəwa tapənəa nakən, ndu le mbəskə fəta shemədə, kə sənənwa ichi nati yaranda kunisəya mbuta Ləmwanda.

³⁸ Ma cher yunə mbənnifiyu, mələn ma kə cherunindəfa.

³⁹ Kəthləm ndəkən hwanmancha, namtə bweechit hur mbuti ichi na yara Fara pad mə maladuni shundə tə hanshunchə somsomənwa.

⁴⁰ Kə suni chikama a mbayi kamkəsi, pad a hur tahhasəkən.

15

Thlata Kərəsti Hur Məmatcha

¹ Nakənya, hwanmancha, ni kuḍkanda kuni kwescha shuni bəssandi kuniyu, le thlətuni thlartuni dərəkən.

² Tə mbəda kwescha shuwunkən hərəktuni, ma kisshuni shunihar mbwa'andə kuni kwaakwaa. Manga kichuuwa fərkit engnuni mere.

³ I kamkəsi sənədi kunisi, ndəkən naka i thləta, ndatwa: "Kərəsti məkənədi kəthləm bəbichitfechəngnəm, nda i natna hur yarət laulawata Farə le mbutən,

⁴ ndatwa thloha ficha, farə mun məkkatəkən thla'aficha, nda i natna hur yarət laulawatkən,

⁵ chedəda fat'ena Kefas kana fichile kumngərənsə chapyu.

⁶ Kana cheda fat'ena hwanmancha fichile sheranga aru ḍurman (500) a farə ərtə, mwēefunəsi tə shishshingtafa, chikama sokkən funa mirnda.

⁷ Kana cheda fat'ena Yakubu, tə tahhət fathlənchəkən nat.

⁸ A mweshitkən nat, chedikən fata, nda le ngəttə ficha a fari kamuchiksə.

⁹ Kəthləm njang naka mweshitmiya fathləncha, kamuchiksə kə afichəwa ləthlənda, kəthləm fəradī bahta fa tərmbanda Fara.

¹⁰ Tə mbəda kafata Fara nati kə i natiya, kafat'en kə mbədgəngna nga merewa. Shidī tor sheradī chikawuna hurnanda, chikama sokkən nga njangwa, kafadī Farə nak tə njiyu.

¹¹ Ndu njang ndu kadang, bəsskani kichuyu, tə kichuyu pad fərtuni kit.

Thlata Məmatcha

¹² Ma ficha bəssə thlata Kərəsti a hur məmatcha, məsək la ndat funəngnuniwa thlata məmatchəsəwa?

¹³ Ma nga thlata məmatchəsəwa, sokkən chika Kərəsti thla'awu fichəwa.

¹⁴ Ma thlaawu fichə Kərəstiwa, bəssəngnani pofən, fərkitchidəngnuni pofən.

¹⁵ Ma tana nakən kichu, shidani fa lekta Fara, kəthləm shidani sheta kə ḍar Farəwa thla'adə Kərəsti hur məmatcha, le thla'awuchitən, ma tə kitwa thla'awu fichə məmatchəwa.

¹⁶ Kəthləm ma thla'awu fichə məmatchəwa, sokkən Kərəsti ma thla'awu fichəwa.

¹⁷ Ma sokkən thla'awu fichə Kərəstiwa, fərkitchidəngnuni pofən pad paaya mwakuni hur bəbichitfechəngnuni.

¹⁸ Sokkən fichile fərəkakitta hur Kərəsti, kannda mətədi thlərətkəndədi.

¹⁹ Ma dəfəm handəkitəngnəm kə Kərəsti kəthləm nadīhiya dəng, sheradīma chikawun kə ənət hadəndə nifəfa.

²⁰ Kitchitkən thla'afichə Kərəsti a hur məmatcha, məlan naka tərka thlata fichile məkədi.

²¹ Nakən bək murtə tə mbəda nifa ərta, tə mbəda nifə ərta pad bat thlata məmatcha.

²² Nda i nat fīcha məmattə kəthləm Adamu, kichu pad kəthləm Kərəsti nat fīcha thla'andə nofchə nat.

²³ Nak thlakəna nata ndera chikawun tə witə ikən, Kərəsti na nata tərəkəkən, kana fichile naka ikən a fari natna ngərəndə'in.

²⁴ Kana mweshitmikəna bəta, fari natna fəra kuturəchita Fara Shinda, difitə wuwwe-landə fa kuturəchitadi, nat tə kuturcha tə alchita.

²⁵ Waat nan sok kuturəchita, kana dəf atikrechikən kə ka sarəchi'en.

²⁶ Hanmurtə naka mweshitmi atikretəkən ti natna bəllanda.

²⁷ "Kəthləm shidətə ichinat kə ka sarəchi'en" Ma dēdfichəwa: "Shidətə ichinat kə ka sarəchi'en", chedakissə dwaachitkənwa nga nat tə Farə tə ində'enwa, le dəfkə chikamənat kə ka Kərəsti.

²⁸ Kə ngərəndə Farə ichiniyu kə ka sarəchi'en, hwankən pad sokkəna ka Fara, kana Fara nata chikamə tə tēmə nat.

²⁹ Manga thlata məmatchəsəwa, mənənat nofchiya sətə, fichile sandə fīchə baptisma kanda kəthləm məmatcha? Ma thla'awu fīchə məmatchəwa kəpware, kəthləmmə la sandə fīchə baptisma nofchə kəthləm kandang?

³⁰ Kəthləmmə la natna dəf inchengnəma hur mboro chikayen hanthləkta?

³¹ Wembəta nja miya hanmurtə! Yarkiyaa hwanmancha, kittəkən la thla'ayi'ində kəthləm kunang hur Yəso Kərəsti Ləmwadengnəm.

³² Ma mbēdi tə pəktat hanthlucha a Afisa, kəthləm yarengnə kə dər nifa, mə naka mbəstengnəhar? Mangu fīcha thla'andə məmatchəwa, "Nga kwesh kə sēməm kə sēmwa nakən ishki nəma mərta?"

³³ Ma ləmi fīchə kuniwa: "Soktə tə bəbīnofcha la səbəən ka hur'indadi."

³⁴ Bəmadī kə hur'inchengnuni ndiichin, kə malanguni sət bəbichitfata. Kəthləm funeng-nuni sənəndə Farəwa. Mbuki iniyu kəthləm kə harangfat kuni.

Thlata Fata

³⁵ Pad funə nanda sahtə ndatwa: "La thla'ang fīchə məmatchəwa kəni? Tə witə fatmə natnda bəta?"

³⁶ Boma! I həftu ngu tiftəwa se ma mirwa.

³⁷ Ma hifna, nga cheta i həftu tə fatkən na tiftəwa, hanwitəkən ndak. Ndu i alkama ndu hanwitə ən somən.

³⁸ Farə la fərang fata hanwitəkən nda i yahtən, pad chika witə hanwitəmi la fəraən fatkən'en.

³⁹ Nga nat thlu ərətəwa, nofchə tə witə thləwengnanda ərta, dəhərəmchə tə witə innanda, dīshchə tə witə innanda, tīnchə pad tə witə innanda.

⁴⁰ Tīndəsi i afshi nēdsə pad i kisshita, mwanda i afshi somən, mwanda i kisshitə pad somən.

⁴¹ Mwanda hwatfarə somən, i ndəraa somən, i hanndərechə somən; kəthləm yunə hanndəraa somən mwandə'en tə le.

⁴² Nakən kichu tə pathlə thlata məmatcha. I həftə fīcha nan yiratadi, i thla'andə fīcha yirat'ensadəwa.

⁴³ La həfkə fīcha tə bəh fər mwanda, thla'ang fīcha hur mwanda. La həfkə fīcha hur bəh alchita, thla'ang fīcha hur alchita.

⁴⁴ Həfkə fīcha hur cheta fata, thla'ang fīcha hur fata shemedə. Nakən fətsə i cheta fata, fətsə pad i shemedə.

⁴⁵ Nakən kichu hur yaratkən, "Adamu tərka nifa sokka nifə tə shishshingtafa, ndukwalat Adamu shemedə lela fərkə shishshingta.

⁴⁶ Nga le naka i shemed naka tərəkəkənwa, i punifəchita, kana i shemedə.

⁴⁷ Tərka nifa chəkna hur furta a hur kisshita, chapatə nifa bəkna hur afshi

⁴⁸ Nda ini chet nifa hur furtuyu, nakən kichuyu tə fichile naka i furta. Nda i'ni nat leni hur afshiyu, kichu pad natna nata kə fichile naka i hur afshi.

⁴⁹ Nda i'ni tərətəm mirshingta leni cheka hur furtuyu, kichu pad natna tər mirshingta le naka hur afshi.

⁵⁰ I nati mbwa'anda kuni, hwanmancha, ngusəttə fadengnəm nda thlu tə fwara kə yimnda kuturəchita Farəwa. Kichu pad lə yirata ngu mbəs əna a ratə le nguchika yiratwa.

⁵¹ Kamthləmathi, ni mbwa'a əna kuni buḃweeta. Ngəma mərte natəmwa, natəm naficha buḃwedəndəkəmhi,

⁵² Nda nakənya a təbərta hwanitəhi, a mweshitmi kutmeta. Naficha pyandə kutmeta, thla'ang fīchə məmatcha tə fadi nguchika yirata, kana fīcha buḃwedəndə kəmhi.

⁵³ Kəthləm fadi na yirata waat kə buɓwədəŋ fichəhi təle nguchika yirata, lela məkə pad kə buɓwədəŋ fichə təle nguchika mərta.

⁵⁴ Le na yirata ma buɓwədə fichəhi təle nguchika yirata, le na mərta kə buɓwədəŋ fichə təle nguchika mərta, a mbənniyu nat i yarandə fichəhi hur shunda Farə nan nəhhətəhi ndatwa:

"Məhdəfichə hanmurta, shera ficha al'en."

⁵⁵ "Ai hanmurta, mbəs'ənekuhara ayi? Ai hanmurta, alchideku ayi?"

⁵⁶ Alchita hanmurta bəbichitfata, kus naka alchita bəbichitfata.

⁵⁷ Usoko Fara le fərang mbəs'əna kəmhər tə mbəda Ləmwədəŋnəm Yəso Kərəsti.

⁵⁸ Kəthləm ndəkən hwanmanchinə ti yahti, thlarəmhi kit, mə fohha ənkunidiwa. Kənding kə fərunə fechengnuni nat kə tora Ləmwanda, kəthləm shinuniwa bahtengnunihi hur Ləmwanda ngu nat pofənwa.

16

Kəsanda Fichilesə Nak Chidchid

¹ Nakənya pathlə kəsanda fichilesə nak chidchid, sam nda i ndadi mbət ngəlhwanichi a Galatiyayu.

² A farə ladi, tərka chika yen mundə mud, chikawuni kəla dəfən hanndəbələtəhi kəlar hur i la mbəlaatən mbəsta kə kəsənhər, kəthləm ma bədi məni hum'icha natsəwa.

³ Ma she'i ni thlən fichile hartunihar, ngəmtuni təkanda, tə yarət dəlwer kə dəndə tə fərpofən engnuni kə Urshelima.

⁴ Ma sokkənwa keekesi njang pad kə di, natnda dəfkədənji.

Tahasəfa i Wita

⁵ Ni bəta mbədengnuni ma dīdi tə Makidoniya, kəthləm yakhisi kə di tə Makidoniya.

⁶ Mbah kə si tolla mbədengnuni, mbahya ma kə mbarayi fektəhi mbənniyu, kəthləm kə kəsikunisi nat mbədi nati dəta.

⁷ Nga yahtengna kənikuni nakənya kə mbərihi ndakwa, dəfi hanndəkiketəsi kə muni tolla mbədengnuni, ma ngəma Ləmwandə.

⁸ Pad ni thlarəhi a Afisa kə farə Pentekos,

⁹ Kəthləm i'ni fichə mikəndəsə hauyang i tor nat tə mbəs'ənsi chika sokkən atikrechisə kaən.

¹⁰ Ma bəd Timoti, kə ngəməngnguni kə kalən fathi hurnuni, kəthləm məlan ma na sət tora Ləmwandə nda i nati sətta.

¹¹ Mə cherinduni thlətndəwa, kə kəsangngunisa hur witə'en yuyur, kəthləm kə ngərəən i'na mbədengna, nja kəlata mba bat'en tə hwanmancha.

¹² Nakənya pathlə hwanmanəm Afolos pad, hwanadi tə alchitafa kə dəka mbədengnuni tə tahhət hwanmancha, nakən nga yahtə'en kə dən nakənyawa. Nan dəta ma mbish tə mbanda.

Mweshit Mi Shunda

¹³ Sokam tə tahhasəfa, kə thlaruni kit tə alchita a hur fərkitengnuni, kənuni nda hishcha, kənuni tə alchitafa.

¹⁴ I natuni sətnat kə suni hur mbənfata.

¹⁵ Hwanmancha, shinuni nofchi hura'a Istifanus kanda tərka kə tərətəhi a hur hachahai Akaya, pad firndə fechengnanda kə sangndə tora fichile nak chidchid.

¹⁶ Nja hwanandə kuni kə fəranguni mwanda witə nofchiniyu, tə fichile naka shikechə torchengnani tə bahtengnani.

¹⁷ Shiki mbəndəfə tə bəta Istifanus, tə Fartunatus, tə Akaiqus, le sokkə nda kunang baka.

¹⁸ Tərəndə hurengnəhi nat tə innuni. Witə nofchiniyu kəla fəranguni mwanda kanda.

Mweshitmi Ndat'icha

¹⁹ Fa tərmbayi Asiyayu kanda nda'icha kuni. Akila tə Biriskila tə fa tərmbayi la humkəhi hure'engnandəyu, kanda nda'icha kuni kaən hur thləm Ləmwanda.

²⁰ Hwanmanchi natta mbənniyu kanda nda'əna kuni. Kə ndangnguni icha ndani tə chidchid tə kəsandanihar.

²¹ Njang Bulus yarak ndat'ənadiya tə harengna.

²² Ma yunəsə nguchit mbənfat'ənsi kə mbəda Ləmwanda, kənaka səbkən. Lə Ləmwada a bu.

²³ Kafata Ləmwandə Yəso kənan tə kuni.

²⁴ Malan mbənfadəngna kənan tə kuni natuni hur Yəso Kərəsti. Kəsokən kichu.